



5.9.30-4

X 11.

HAMEL 7.

7 11



PHILOSOPHIA
VETUS ET NOVA
AD USUM SCHOLÆ

Accommodata ,
IN REGIA BURGUNDIA
Olim Pertractata
A JOH. BAPT. DU HAMEL.
TOMVS SEXTVS.

Qui tertiam physicæ partem continet ,

*Editio Vltima multò emendatior & auctior , cum
Figuris æneis & ligneis .*



AMSTÆLODAMI,
Apud Huguetanos.

M. DCCIV.



THE OFFICE OF THE

ATTORNEY GENERAL

AND THE DEPARTMENT OF JUSTICE

WASHINGTON, D. C.

IN RE: [illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]

[illegible]



PHYSICÆ PARS TERTIA.

*De corpore animato, seu de rebus vitæ
& sensu præditis.*

PHILOSOPHIA naturalis in tres à nobis est divisa partes, primam quæ corporis naturalis principia, naturam, & affectiones contemplatur; secundam quoque de rebus vitæ & sensus expertibus, de mundo scilicet, ac Cœlo, de Meteoris & Fossilibus, de Plantis denique, in quibus vita quædam est exigua, sed motu & sensu progressivo destituta, Deo juvante, ad exitum perduximus. Reliquum est ut partem Physicæ utilissimam & pulcherrimam de rebus animatis aggrediamur; eaque sic tractanda à nobis est, ut quæ nostra ætate inventa sunt, & observata, si modò sint cognitione digna, & aliquid habeant utilitatis, non prætergrediamur.

Itaque hoc loco de anima sentiente & corpore animato dicendum est: nam quæ ad animæ rationalis naturam, vires, & functiones pertinent fusiùs ea in Metaphy-

sicæ tractatu tertio seu in Theologia naturali sunt explicata.

Ac duæ sunt præcipuæ sentientis animæ vires, animalis scilicet, & vitalis: in cerebro vis animalis potissimum regnat; eaque duplex est, sentiens & motrix.

Vitalis facultas cordi & sanguini potissimum insidet, ut animalis in cerebro, & nervis viget: hinc vitalis in circuitu sanguinis, & blando calore videtur constituta. Huic subjecta est vis altrix seu nutritiva, quæ in præparando & expurgando sanguine tota versatur.

Inter eas vires magna est consensio: non enim animalis facultas sine vitali, neque hæc citra altricem aut naturalem esse potest. Nam ex alimento chylus, ex eo sanguis efficitur; cujus motu & calore corpus perfunditur. Hinc sanguine in cerebrum sublato spiritus functionum animalium opifices exstillantur, iique per nervos in universum corpus diffusi sensum & motum procreant. Horum impulsu cor movetur, & partes quæque sua munera obeunt. Hinc nulli fere corporis parti quæ sensu prædita sit, desunt nervi; omnibus quæ vivunt, arteriæ adsunt, quæ jugi sanguinis appulsu vitam & calorem tuentur: venæ ubique sunt arteriarum comites, quæ refluxum sanguinem ad cor revehunt.

De singulis facultatibus nobis agendum est, ac primò de animali, tum de vitali & altrice facultate.

Tres itaque in Tractatus hanc quoque Physices partem tribuemus, primus erit de facultate animali, & illius organis; secundus
de

PARS TERTIA. 5

de vitali facultate; tertius de altrice, aut naturali.

TRACTATUS PRIMUS.

De facultate animali & illius organis.

VIs animalis sensu & motu continetur : sensus duplex, spontaneus, & naturalis, de singulis sigillatim agendum. Cum autem idem sit organum sensus interioris, & motus, cerebrum videlicet cum spinali medulla, primum nobis de sensu interiore & illius organo, tum de motu animalium, tandem de sensu exteriori agendum videtur. Cum enim sensuum exteriorum organa & functiones explicari non possint, nisi cerebro ante perspecto, ab iis quæ sunt perfectiora initium capere cogimur. Quadruplex itaque hujus Tractatus Dissertatio futura est; prima erit de sensu interiore, & ejus organo; secunda de motu animalium; tertia de sensibus externis; quarta de objectis sensuum exteriorum.

DISSERTATIO PRIMA.

De sensu interiore & illius organo.

Priusquam de sensu interiore agere ingrediamur, de brutorum anima dicendum est ante breviter, tum de sensu in universum: his enim explicatis facilius erit interiorum sensuum tractatio.

C A P U T P R I M U M.

De natura animæ sentientis.

A Nimam sentientem ut in brutis inest & formæ habet rationem, hoc loco potissimum contemplari volumus: non quod ea nobis perspecta sit, & cognita; nihil enim obscurius in rerum natura esse putem, cum eam nobis nec sensu, nec experientia, sed conjecturis tantum, & ex analogia quadam assequi liceat: sed quia cum sola est, nec cum intellectu conjuncta, quæ sunt illius vires, facilius colligimus. Primum igitur quæ sit illius natura, quæ origo, videamus, tum illius vires, & actiones summam attingemus.

Circa animæ sentientis naturam vulgò quæri solet, an ea sit divisibilis, necne: nam Thomistæ in ea sunt sententiæ, ut putent animam brutorum omnino esse infectilem, & partium expertem: contra quos sit

Prima Conclusio.

Brutorum animæ sunt divisibiles, & extensæ.

Probatur. Bruti anima multas simul, & eodem momento vitæ functiones exerit per diversa organa: ergo principium illud sentiendi divisum est & extensum. Nam si id totum est in unaquaque parte, non video in quo à respiritali & incorporea discrepet: cum sit in loco definitivè, ut Angelus, non circumscriptivè.

Con-

PARS TERTIA. 7

Confirm. Quæ dicuntur insecta, ut vermes, lacerti, viperæ, in partes divisa adhuc vivunt, & moventur: ergo principium illud vitæ, sensus, & motus, quod in partibus separatis viget, est quid divisibile, & extensum.

Opp. 1. Si anima sentiens esset divisibilis, animal perfectum in partes sectum adhuc viveret, ut in insectis cernimus.

Resp. Partes esse quasdam in perfecto animali, ut in cane, quæ ad vitam sunt omnino necessariae; ut cor, cerebellum, & aliæ forsitan: non ita res se habet in insectis, seu in annulosis: nam in iis quilibet annulus est velut quoddam animalculum, ut suo loco dicetur: sed tamen in iis quoque magna est organorum varietas.

Opp. 2. Anima quæ est in cane, dolorem sentit in quacunque sit corporis parte: ergo ea est indivisibilis & tota in qualibet parte.

Resp. Hinc sequi unam, & indivisam esse animam, ad quam ea spectant omnia quæ geruntur in corpore: sed propterea non est indivisibilis, aut inextensa.

Nunc major nos manet quæstio, cujus naturæ sit anima brutorum. Quod fatemur omnino nobis esse incognitum, & tamen quid in re adeo obscura probabilius nobis videatur, timidè, & hæsitanter afferemus: sed paulatim, & velut pedetentim nobis est progrediendum. Quare sit,

Secunda Conclusio.

Probabile videtur animam bruti esse substantiam subtilem, actuosam, ab ignis natu-

ra non multum alienam, homogeneam, spirituum vitalium velut fontem, aut promptuarium.

Probatur conclusio, & ejus partes seorsum explicantur. Ac primo quidem jam in prima Physices parte Dissert. prima id ostendimus formæ nomine substantiam quandam vegetam, & actuosam, quæ in corpore potissimum animato dominatur, nos omnino intelligere. Quod enim crassum est, & iners, id materiæ nomen obtinet. Inter corpora quæ sub sensus veniunt, nullum magis actuosum est quam ignis. Quare non temerè non veteres modo, sed etiam plerique ex recentioribus; ut Gassendus, Fabri, Villisius, & alii, bruti animam aut ignem esse vitalem, aut igni non ab similem multis argumentis suadent. Nam si igni quæ ad intimam ejus naturam non pertinent, cogitatione detraxeris; quæ vero ab eo divelli non possunt, in unum collegeris, quod videlicet ex particulis constet subtilissimis jugi, & perenni motu agitatis, quod partes illius aliis decedentibus continenter renouentur, dum pabulum oleosum depascuntur, & aliud ab aere ambiente velut nitrosum indefinenter accedit, hæc, inquam, si intento animo perspexeris, non ægre forsitan huic accedes sententiæ. Sic enim vita animantis in jugi motu versatur, qui ubi defierit, statim anima sentiens instar flammæ extinguitur. Quandiu huic sulphureum è cibus pabulum, & nitrosum à circumfuso aere suppeditatur alimentum, tandiu vita in animali perseverat: unde nullum penè est animal, quod machine pneumaticæ.

PARS TERTIA.

9

ticæ impositū exhausto aere non moriatur.

Quod autem bruti anima sit homogenea & simplex, id nobis videtur probabilius: sic enim minus à recepta Philosophorum opinione recedimus, & facilius, explicamus quomodo anima ut divinæ sapientiæ instrumentum ipsa conformet organa, aut quomodo in viventium procreatione vis feminina, vel in una & exigua parte tota, & integra conservetur: quod vix intelligitur, si anima ipsa ex dissimilibus & diversis velut organis sit compacta. Sic proprii temperamenti conservatio, & restauratio huic simplici, & uniusmodi naturæ facilius tribui potest, quàm si ea ex innumeris constet partibus. Cur idem quoque sit illius & constans agendi modus, cur unumquodque vivens sui simile procreet, nec ferè unquam aberraret vis prolifica: hujus generis plurima vix concipi possunt, si vis illa plastica, quam animam dicimus, ex innumeris constet partibus, quarum consensus & ordo facilè perturbari potest: imo & partes ipsius animæ cito distraherentur.

Quare anima bruti non tam est spirituum, vitalium, & animalium systasis & textura, quàm commune eorum promptuarium & fons. Atque eadem anima diversis munita instrumentis tam multiplices actiones fundit, non secus ferè atque in organis pneumaticis plures tibie eodem spiritu inflatæ magnam sonorum varietatem reddunt. Unde, ut nonnullis videtur, anima bruti est potius substantia formalis, quàm materialis, eaque inter corpus & spiritum quodammodo ambigit.

Solvuntur objectiones .

Opp. 1. Animæ sentientis originem ea ratione explicari non posse , nisi fortè in Epicuri aut Democriti eamus sententiam : qua bruti animam aut ignem vitalem esse , aut omnino flammæ analogam putant : tamen hanc opinionem ut minus rerum viventium explicationi idoneam passim rejecimus .

Resp. Nos Epicuro in hoc propè accedere , quod bruti animam ut florem corporis , & subtilem atomorum contextum intellectu concipiamus : sed in explicanda illius natura & origine ab eò dissentimus , quod bruti anima vim sui ipsius motricem : organorum conformatricem , functionum animalium opificem ; non ex tumultuario atomorum congressu , sed à summo rerum Principe acceperit , atque hypostasim habeat , seu texturam ad præscriptum formæ archetypæ , cujus est velut instrumentum , concinnatam : Cum enim ex lege ab Authore naturæ constituta , quam ne suspitione quidem attigit Epicurus , materies aliqua ad vitam & sensum est disposita , simul partes magis spirituosæ è crassioribus evolutæ , & eodem veluti caractere signatæ erumpunt : sic anima velut cochlea suam testam molitur : Nam ubi micare incipit , statim sese explicat latius , partes organicas juxta seminarias rationes effingit , & unâ cum corpore paulatim adolescit . Sic crassioribus materiæ partibus in organa conformatis , simul subtiliores ab iis expeditæ in sub.

P A R S T E R T I A. II

substantiam animæ sentientis facessunt ; idque non fortuito atomorum concursu ; non vi animæ congenita , non illius arte quadam ; aut scientia , ut Chymici nonnulli pertendunt , sed arte omnipotentis Artificis perficitur .

Instant. Lex ipsa archetypa, vel idea divina est materiæ ipsi extranea : nos autem quærimus principia rerum intima , non foris accersita , ac semper id manet inconcussum , non aliam esse animæ sentientis naturam , neque alia esse ejus principia intrinseca præter Democriti atomos .

Resp. Naturam propriè & pulchrè definire à Platonis , *artem Dei in materia* : quare ut ideæ divinæ sint rebus extrinsecæ , rationes tamen earum quasi sigilla rebus impressa ad intimam cujusq; rei naturam pertinent: est enim forma rei quædam ideæ divinæ participatio , aut character . Partes quæque animalis suas exerunt actiones , ferè ut horologii rotæ , juxta leges à summo Architecto præscriptas . Nec necesse est ut vis illa plastica , aut motrix , quæ est instar appensi ponderis in horologio , ex partibus heterogeneis confletur : sed sufficit ut variis utatur instrumentis , quo tantam actionum varietatem edat . Hæc vis in ovo fecundo etiam ante gallinæ incubationem delitescit in cicatricula , ubi microscopii ope Malpighius carinam pulli delineatam deprehendit , quæ in subventaneis nulla est . Estque illud animalis vestigium non dissimile gemmæ , quæ in plantis cernitur : Vis illa actiuosa blando calore tantum indiget , ut excitetur , & sese explicet , ferè ut in plantis .

Opp. 2. Si anima bruti est quid homogeneum , quomodo tam variam & multiplicem habet virtutem ?

Resp. Diversitatem actionum tum ex organorum , tum fortè etiam ex spirituum qui animę sentientis prima sunt instrumenta , varietate duci : fieri enim potest ut spiritus animales in variis sensoriis , seu organis sensuum constituti non sint uniusmodi , sed figura , aut partium textura , aut mobilitate sint dispares . Sic puriores erunt , & quasi ætherei in oculis , simpliciores & rudiores in tactus vel gustus organis , mobiliores in auribus .

Opp. 3. Hinc explicari non posse cujus naturæ sit anima sentiens in brutis , quæ illius origo , unde illi vis sentiendi accedat , an sit modus quidam substantialis , ut ~~figura est modus~~ quantitatis . An huius modi accessione res animata ab insensibili sejungatur ? Sed unde tanta vis huic modo accedit , qui ne entitas quidem est à materia distincta , ut impressionem ab objecto excipiat cum aliqua cognitione : Id enim propriè est sentire . An fortè spirituum animalium contextus ea vi donatur ab Authore naturæ ? Sed eadem redit difficultas quæ fieri possit ut materia quantumvis subtilis sentiat , aut cognoscat : nullus enim est sensus citra cognitionem .

An denique cum Platonicis & Chymicis nonnullis ad vim quandam materiæ ipsi coævam percuncta diffusam confugiamus , quæ sit actuosa , energetica , ut aiant , quæque à materia divelli nequeat ;
quam

quam materia ipsa variè modificet , eaque sit à prima causa procreata, in jugi actione posita , & sensus omnis principium . Hinc , inquiunt , rebus omnibus innatus est appetitus , qui citra perceptionem naturalem concipi non potest . Hæc perceptio in animalibus fit sentiens ; cum duplici organo sensus interioris & exterioris instruitur : adeo ut perceptio illa naturalis quodammodo geminetur. Hæc utique fusè admodum explicare conatur Glissonius : sed adeo non rem expediunt , ut eam magis impediant. Nemo enim bona fide in lapidibus aut plantis naturalem illam perceptionem , aut appetitum innatum agnosceret.

Resp. His & aliis non aliud effici , quàm obscuram admodum esse animæ brutorum naturam vel originem : quod in iis omnibus accidit , quorum ideas non habemus ; vel quia sub sensus non veniunt, vel quia eorum non conscii sumus , ut affectionum aut cogitationum nostrarum : vel quia non sunt cum iis quæ à nobis percipiuntur, conjuncta . Sed illud semper tenendum est , nos ab iis quæ certa sunt & explorata recedere non oportere , quod cum aliqua insigni difficultate , quæ evolvi facile non potest , sint conjuncta . Nam prima rerum initia ubique nos fugiunt , eaque conjecturis tantum vel analogia quadam assequimur . Neque ii sumus qui omnia clarè à nobis percipi cum dogmaticis affirmemus . Quæ autem de cognitione brutorum opponuntur , jam copiose in Metaphysica sunt explicata, neque necesse

cesse est ut in iis diutiùs immoremur . Admonendum tamen , equum illum circumforaneum , cuius ibi meminimus , docilitate sua id penè demonstrare & velut oculis subicere non sensu aut cognitione aliqua , imo & solertia se esse destitutum . At quod numerorum summas inire , aut subducere videatur , id fortè ad circulatoris ipsius artem est referendum . Nam ut arbitror , coniecto oculo in dominum , tum demum equus terram pede percutere desinit , cum herus os leniter diducit .

C A P U T I I.

De sensu universim .

Circa sensum universim spectatum multa quæri solent : 1. Quid sit , aut in quo natura illius posita sit . 2. Utrum perceptio sensus fiat per speciem sensibilem . 3. Quomodo sensus perficiatur .

Porro ne homonymia , ut plerumque fit , nos fallat , tria possunt in rei sensibilis perceptione distingui . 1. Impressio quæ fit ab objecto , quæque in sensus organo excipitur , & typum seu characterem rei sensibilis gerit : 2. Illa impressio , vel affectio ; vel species , aut si quod est aliud illius nomen , ad primum sensorium , quodcunque illud sit , permanat . 3. In communi sensorio exceptam impressionem percipimus , seu ad eam attendimus : est enim propriè sensus perceptio illius affectionis aut passionis , quæ ab objecto proficiscitur . Hæc impressio animal excitat ad agendum in seipso :

seipso : atque illa actio est cognitio rei sensibilis , aut certè perceptio actionis quæ à re sensibili profecta in organo excipitur. Neque enim actio illa rei sensibilis sensum efficit , nisi cum cognoscitur ; nec sentire aliud est nisi cognoscere passionem suam, aut actionem quam in se recipit .

Quamobrem sic ferè rem objectam sensu percipimus : texturam animæ sentientis, aut spirituum compages objecti impulsu commovetur ; deinde undulatione quadam motus ille ab objecto profectus in momento ferè ad cerebrum usque, & commune sensorium traducitur . Nam spiritus in sensus exterioris organo velut in statione positi characterem ab objecto impressum excipiunt , eumque ad commune sensorium irradiatione quadam transmittunt , ferè ut radii luminis in tubo optico vitra pervadunt , & certa ratione modificati rerum simulacra in tabella opposita , apte depingunt. Neque objectorum impressiones in cõmuni sensorio confunduntur , uti nec varix undulationes quæ in aqua vel in aere fieri solent; aut plura lumina quæ per angustum foramen ita pertranseunt , ut unumquodq; in tabella opposita sui fõtis exhibeat imaginem. Simili ferè ratione varix in sensuum organis impressiones factæ possunt ad commune sensorium inconfusæ transmitti .

Hinc Stoici animam sentientem instar Polypi cujusdam , quod est piscis genus prælõgis cruribus instructum, exhibebant, cujus caput esset in cerebro , brachia verò per organa sensuum , aut potius per nervos exportata objectorum impressiones exciperent, &

ad

ad commune sensorium, seu ad caput ipsum traducerent. Atq; ut identidem monuimus, ea quidem arte est disposita corporis nostri machina, ut vel mediocris impressio magnos plerumque in corpore motus efficiat. Nam fibræ nervorum ab Authore naturæ ita sunt colligatæ, & sibi mutuò consertæ, ac per longos ductus extensæ, ut levi ictu commotæ sensum vegetum in communi sensorio, quod in ipsa nervorum origine positum esse arbitramur, excitent, quando spiritus in eos velut tubulos cum impetu impelluntur: ac sensus fit, ubi anima sentiens quæ tota in actu & energia quadam consistit, vicissim huic impulsioni obstitit, eamque percipit. Nam sensus nihil est præter actionem animæ circa impressionem ab objecto factam: affectio verò illa, aut impressio est species sensibilis: neque alias hujus generis species fingere necesse est. Quod cum multum sit in scholis agitatum, paulò fusiùs nobis probandum est. Sit itaque

Prima Conclusio.

Nullæ species intentionales ab objectis in sensus nostros profluunt.

Probatur Conclusio. 1. Quæ sit earum specierum natura intelligi non potest: neque enim sunt corporeæ aut divisibiles, cum in minima subjecti, aut interjecti medii parte totæ & integræ reperiantur. Quod si, ut plerique volunt, sint indivisibiles, aut inter corpus & spiritum ambigant, quomodo sensum movent, eumque persæpè lædunt? quomodo res extensas repræsentant, cum sint divisibiles?

2. Neque origo, & causa earum imaginum
satis

fatis idonea afferri potest, cum corpora plerumque inertia, & otiosa tam excellentes formas ex se fundere non possint: an fortè potentia subiecti eruuntur; aut corpora, ut vulgò responderi solet, sunt earum imaginum causæ æquivocæ? Id sanè adhuc mirabilius videtur, è crassis & terrenis corporibus formas adeo spirituales indefinenter procreari, aut educi. Jam quibus vehiculis ad nos usque perveniunt? an solitariae prorumpunt, an propagatione quadam diffunduntur, idque in puncto temporis? Hæc nescio an vera sint; mihi sanè videntur adeo esse obscura, & intellectu ardua, ut cognitioni rerum explicandæ minus sint idonea.

Confirm. Ut demus coloris speciem in oculo depingi, an calor fortè per quiddam aliud percipitur? Quæ figura, aut imago calorem exprimet? sic ubi verberatus aer auris tympanum pulsatur, aut suavis exhalatio olfactus ferit organum, nihil necesse est futiles illas & evanidas, aut soni, aut odoris, adde & saporis species comminisci, quas nemo cogitando, aut disputando assequi potest.

Diluuntur objectiones.

Opp. 1. Objectum percipi non potest nisi sit cum sensu conjunctum: sed illud per se ipsum vim sentientem non afficit, neque eam attingit contactu, ut aiunt, suppositi, sed virtutis tantum: ergo objectum per speciem impressam, tanquam sui vicariam cum sensu conjungatur necesse est. Quæ utique ratio probat species non sensibiles modò, sed etiam intelligibiles existere.

stere. Hinc Aristoteles identidem docet animum his speciebus informatum quodammodo fieri omnia.

Resp. Actionem, seu impressionem ipsius objecti sensu percipi: quæ quidem actio non est species, aut imago objecti, qualis vulgò describitur: perceptio verò ipsa est objecti repræsentatio, ut fusè exposuimus in Metaphysica.

Opp. 2. Cum sensu aliquid percipimus; illius imago à nobis exprimitur, quæ species expressa nominatur, eaque in memoria conservatur: nam omnis actionis est aliquis terminus; neque is in perceptione alius esse potest quàm species rei expressa: sed species rei exprimi non potest, nisi ad similitudinem speciei impressæ, ad cuius similitudinem, aliam cum percipimus imaginem formamus: ergo dantur species rerum impressæ.

Resp. Nos objecti actionem, aut impressionem sensu attingere, neque aliam esse speciem expressam, quàm ipsam sensus actionem, aut perceptionem. Sentire enim, quod sæpè dicendum est, nihil est aliud, quàm agere circa affectionem, seu impressionem factam in organo. Hæc actionem sensus determinat: nam omnis actionis est aliquis terminus, qui vel producitur, ut in actionibus quæ transeuntes dicuntur: (sic calor est terminus calefactionis;) vel certè si actio sit immanens: eam omnino determinat.

Itaque illa affectio, seu impressio utcumque dici potest species sensibilis, seu forma quædam sine materia, de qua tam sæpè

Ari-

PARS TERTIA. 19

Aristoteles . Ac frustra alias inquirimus, de quibus inutiles, & abstrusæ quæstiones excitari solent : utrum sint effectrices aliarum specierum, an sint entitativè divisibiles, repræsentativè autem indivisibiles; an effectivè quasi quædam semina ad perceptionem concurrant : an formaliter tantum ; utrum post cognitionem sint superfluitates, an statim pereant, atque aliæ hujus generis moventur quæstiones, quæ res satis obscuras magis involvunt .

Opp. 3. Visionem explicari non posse citra species intentionales, cur v. gr. objecta à tergo posita in speculis conspiciantur, & tantum ultra speculum, quantum citra sunt, appareant, cur baculus in aqua fractus videatur, & alia hujus generis plurima.

Resp. Idem hic Physicis accidisse, quod alibi passim : cum enim causæ iis præsto non fuerunt, quibus varia naturæ phænomena explicarent, statim ad rationes rebus ipsis, de quibus erat quæstio, obscuriores confugerunt . Hinc occultæ qualitates, & formæ substantiales in rebus vitæ expertibus; ac vulgò aeris mutationes ad lunam, aut siderum influxus referuntur . Non dissimili ratione cum ea quæ ad visum pertinent, Optica destituti explicare non possent, ad species nescio quas partim corporeas, partim spirituales se receperunt . Quæ autem ab iis species vocitantur, nihil esse præter radios luminis reflexos infra demonstrabimus, cum de visu & visione agemus . Interim illud admonemus, non imaginem objecti, sed ipsum objectum in speculo videri .

Sed, inquiunt, sensus omnis per species in-

intentionales perficitur , aut pereffluxus substantiales , quæ est Democriti opinio jam diù explosa . Illud enim fidem omnem superat, tenuissima quædam ramenta , & velut exiles membranulas à corpore visibili in omnes partes diffundi citra ullam corporis imminutionem : adeò ut idem corpus singulis momentis deteratur , & per tot annorum volumina integrum permaneat . Iam quæ vis tot imagines in rectas lineas quoquo versum effundit ; aut quomodo inconfusæ per idem angustissimum foramen pertranscunt ? Quantumvis Epicurei jactent naturæ subtilitatem, ejusmodi effluvia imaginum persuadebunt nunquam .

Resp. Non imagines, aut profluvia corporum, sed motus duntaxat ipsis organis imprimi : adeo ut ex motuum varietate animarum sensibilibus differentias percipiat : neque enim sensus citra motum localem fieri potest, aut concipi . Hinc cæcus baculi motu, aut resistentia lapidem à luto, terram ab aqua discernit . Sonus nihil est aliud quàm verberatus aer ; lumen fortè est substantiæ æthereæ motus, aut impulsio, qua retinæ nervuli feriuntur .

Hinc oculo vel in tenebris percussio, lucis scintillas , aut varios colores conspiciamus . Nec dolor, titillatio, caloris ipsius perceptio sine motu explicari possunt : motuum verò diversitas cum ex objectorum varietate, tum ex diversa organorum conformatione repetitur . Nam fibrillæ ex quibus visus organum compingitur, longè sunt subtiliores , quàm quæ auditus sensorium efficiunt .

Rur-

Rursus Instant. Nequaquam credibile est omnem sensum certo motu contineri: adeo ut nervorum fibræ, velut clavicymbali fides tensæ, & in aliqua sui parte percussæ totæ tremant, & vim sentientem excitent: non enim adeo intenduntur nervi.

Resp. Nos Cartesio hac in re non assenti-ri sed nobis videtur longè probabilius, spi-ritus in nervorum tubulis contentos rerum externarum impressiones excipere, eò quo diximus modo. Non itaque sensibilis obje-cti impressio per fibras nervorum tensas, ad cerebrum usque com meat, ut fit in citharæ fidibus. Nervi enim nec directè tenduntur, nec duri sunt, aut rigidi, sed molles, infle-xi, & laxi. Ique non fixis illigantur termi-nis, sed mollioribus, ut cerebro, medullari spinæ, & carni ipsi. Verùm id paulò fusiùs est explicandum. Sit itaque

Secunda Conclusio.

Objecti sensibilis perceptio in sensuum exteriorum organis inchoatur, sed in cere-bro seu in sensus interioris organo perfi-citur.

Probat ur conclusio ex iis quæ jam sunt explicata: res enim sensibilis in sensuum exteriorum organa vim suam exerit; spi-ritus nervorum fibris contentos percellit; eaque commotio spirituum ad præcipuam animæ sedem transmittitur, ubi vis sen-tiens actionem suam exerit, hoc est, percipit illam ab objecto factam impressionem; at-que eam actionem percipit, non ut in ce-rebro ipso, aut in nervorum origine exi-stentem, sed in ea parte corporis, unde

cœpit

cœpit illa spirituum commotio, ubi nimirum actio objecti imprimitur. Motus qui per nervos ab objectis proficiſcuntur, non sunt progressivi; sed potiùs undulationibus non diſſimiles. Partes quippè posteriores urgendo anteriores, ferè ut inteſtinum aqua turgidum, cujus utraque pars extrema ligata eſt, impulſum acceptum ab objecto communicat. Atque ejus naturæ ſunt nervi, ut ſi unus vellicetur, ſenſus doloris in extremo longè diſſito percipiatur. Sic titillatis naribus irritantur nervi pectoris, diaphragmatis, abdominis, & motus ſternutatorii excitantur.

Itaque inchoata rei perceptio fit in exterioris ſenſus organo, quatenus ibi jam commoventur ſpiritus: verùm ſi uſque ad cerebri intima, & velut animæ penetralia perferri non poſſit, ut accidit in ſomno, tum ſanè perfectà dici non poteſt, neque ad animal ipſum, ſed ad partem illius propriè pertinet. Rem verò ita eſſe multis probari poteſt argumentis.

Primò, ſi fortè mens aliò intenditur, res quæ ſunt in conſpectu, non cernimus: cùmque, ut diximus, cerebrum ſomnus occupat, ſenſus exteriores feriantur. Sic apoplexia, ſeu morbo attonito percūſſi, ne compuncti quidem, aut corpore diſſecti ſentiunt, quod princeps facultas quæ cerebro ineſt, omnino ceſſet.

Præterea videmus eos quibus manus, aut tibia præciſa eſt, de acerrimo quandoque dolore in manu, aut in pede queri ſolitos: quaſi integræ adhuc manerent eæ partes: quod in cerebro, non in partibus affectis
fiat

fiat perceptio. Sic interdum evenit ut diutius cubito innixi stuporem in digito auriculari sentiamus: quod nervus qui in eum digitum definit, nimium compressus eodem modo sensorium commune, seu sensus communis organum afficiat; ac si digito ipso premeretur: nam solemus doloris sensum ad eam partem referre, quæ ab objectis solet commoveri, & in quam tensæ nervorum fibræ desinunt.

Sed, *inquies*, illud negari non potest quin oculis videamus, aut pedibus doleamus: ergo sensus ipse non in cerebro, sed in exterioribus organis perficitur.

Resp. Sensum inchoari in sensuum exteriorum organis, non perfici. Cernimus quidem oculis, quod in iis colorum, & luminis impressiones fiant; quod interiorem facultatem determinent, quod in iis fiat prima spirituum commotio. Sed actio animæ quæ impressio percipitur, in ipsius animæ præcipua sede, quæcunque illa sit, exercetur. Adde illud quoque, eandem esse animam quæ in cerebro, tanquam in tribunali sedet; quæque per spiritus, & nervos in oculos, aures, & alia sensuum organa diffunditur: adeo ut sensus organis & functionibus, non re ipsa, aut natura inter se distinguantur.

Contra urgebis. Non potest una, & eadem aut simplex anima, vel facultas tantam rerum varietatem distinguere.

Resp. Animam quidem sentientem forte esse uniusmodi, & homogeneam. Sed fieri potest ut in ea parte cerebri, quæ est primum & commune sensorium, distincti sint tractus, & diversa spirituum promptuaria:

ne-

neque enim eandem viam insunt spiritus qui ab oculis, cum iis qui ab auribus in cerebrum appellant, uti fortè non sunt ejusdem naturæ ac texturæ. Atque incredibilis est in eorum contextu varietas: vix enim fieri posse putem ut spiritus sui ubique similes tam diversas affectiones, aut objectorum impressiones, tam aptè exprimant. Quamobrem quidam moventur, & fluctuant, dum alii perstant immobiles; nec sese mutuò impediunt: nec temerè & sine discrimine à corporibus extra positis percelluntur; nec demum per eosdem tramites à cerebro dimanant, aut in primum sensorium typos ab objectis impresos transmittunt. Illudq; est vero proximum, juxta rerum quæ distingui ab anima debent, diversitatem, in sensuum organis; tum in ipsa spirituum qui in propriis sensoriis, imò in communi sensorio vigent textura, magnam quoque varietatem reperiri, quo noxia ab utilibus discernantur.

Sunt enim sensus animali ad ejus conservationem concessi à natura. Hinc fit ut propter rerum quæ prodesse, aut obesse possunt varietatem, unumquodq; animal variis sensibus instruatur. Hinc cujusque sensus organum, ita est conformatum, ut certa corporum effluvia, non aliena possit excipere. Sic oculi meatus ita sunt aptati, ut lucis radios, non sonos admittant: unde & spiritus animales in diversis sensoriis seu organis, tanquam in excubiis collocati, non sunt unius, sed diversæ forsitan naturæ. Sunt enim, ut diximus, pene ætherei in oculis, mobiles in auribus, humore viscoso arretiti in lingua

P A R S T E R T I A. 2

lingua & palato . Sed hæc fient clariora cum de interiorum & exteriorum sensuum tum functionibus, tum organis dixerimus .

C A P U T I I I.

De sensuum interiorum functionibus .

JAm ad sensus interiores & eorum organa veniendum , quorum numerum quisque, ut libitum est, auget vel minuit . Illud nobis satis verisimile videtur, unum & eundem esse sensum principem, qui & sensus communis, & vis imaginatrix solet appellari; functionibus tantum, officiiis, & fortè organis differunt hæ facultates . Sensus communis dicitur, ut impressiones objectorum per nervorum fibras, & quendam spirituum resultum excipit : quatenus autem ea motio spirituum quoddam sui vestigium cerebri substantiæ impressum relinquit, memoria solet appellari . Vestigium illud quodcunque sit, phantasma dicitur : unde si qua ex causa cerebri fibris agitata, ea phantasmata excutiantur, sensum primum & communem velut admonent, qui ejusdem rei quam per sensum exteriorem hausit, imaginem cudit : quavis ea plerumque sit magis confusa . Nam quæ per sensus exteriores ad commune sensorium impressiones manant, eæ sunt magis simplices & distinctæ : color v. gr. aut figura tantum hominis per oculos subit : at cum absentis phantasma recurrit, tum id mihi hunc hominem cum variis circumstantiis, quæ ad alios sensus pertinent, exhibet .

Tom. VI.

B

Hinc

PARS TERTIA. 27

rem. Quare in perceptione rei sensibilis non fallimur, sed in iudicio; nec sensus saltem exterior unquam aberrat, ne tum quidem, cum illius organum male est affectum: objecto enim suo semper concinit: objectum vero dicimus rem quæ percipitur, quatenus per tale medium sensum afficit. Sic morbo regio laboranti omnia flavo colore tincta videri debent. Sensus autem interior tum falli dicitur, cum imagines per exteriores sensus acceptas cum aliis jam olim exceptis connectit: tum enim res male cohærentes conjungit.

Illud verò est discriminis inter proprium, commune, & per accidens sensibile, quod proprium velut per speciem suam & formam sensum afficiat; commune modum quemdam & certam determinationem, non speciem novam adjiciat; nam res mota aliter sensum afficit, quam si quiescat; sensibile demum per accidens nullomodo ad sensum pertineat: Sic nivem frigidam videre dicimur, cum tamen frigus omnino non videatur. Sed ne figura quidem, motus, quies, numerus, & aliæ affectiones communes propriè ad sensus exteriores attinent, non enim rem moveri animadvertimus, nisi partes præsentēs quæ solæ sensum movent, cum præteritis & futuris quodammodo comparentur. Nec quies, figura, magnum & parvum, multum & parum citra aliquam comparationem, quæ rationis, aut saltem imaginationis est opus, percipiuntur.

Quæ sint sensus communis, vis imaginæ triciæ & memoriæ organa, quæ functiones,

quæque in eas vires sit connexio, definire nemo potest. Quid autem in re adeo obscura probabilius afferri queat, dicendum nobis est. Sed perpauca de communi eorum sensuum organo, seu de structura cerebri sunt ante præmunienda.

C A P U T IV.

De structura cerebri.

Cerebrum ut princeps animalis regiminis civitas cranio, tanquam lapideo muro undique cingitur. Os frontis priorem illius partem, os occipitis posteriorem occupat; inter utrumque interjecta sunt duo sincipitis, & totidem temporum ossa, quæ variis inter se commissuris aut futuris committuntur. Interior cranii superficies multis velut fulcis aspera cernitur, qui ab arteriis per subjectam membranam, quæ vulgo dura mater, aut meninx appellatur, sparsis & pulsantibus excavantur: cum enim mollior est cranii substantia ut in infantibus has utique arteriarum impressiones facilius excipit.

Hujus membranæ præcipui sunt usus, ut interiores cranii partes succingat; cerebrum à cerebello, quod scilicet occipitis osse concluditur, discriminet; utrumque ex omni parte involvat, quò ab externis tutum sit injuriis, ne loco suo moveri aut concuti facile possit; nervis à cerebro exeuntibus membranam impertit; omnes cranii recessus adit; illius foramina & sinus implet. Quatuor etiam hæc membrana nacta est sinus

nus reducendo sanguini destinatos, qui nihil sunt aliud quàm dura meninx sui duplicatura in vasa, aut canales amplos convoluta. Horum maximus secundum cerebri longitudinem usque ad cerebri & cerebelli confinium porrectus, falcis nomen obtinuit: duo sunt laterales, qui sanguinem à falce in venas jugulares dictas transmissuri excipiunt. Quartus à communi aliorum concursu ad glandulam pinealem recta intra cerebrum delabitur, & sanguinem à cervicalibus arteriis exceptum in venas itidem quæ jugulares dicuntur, extra cranium ipsum revehit.

Nam jugulares venæ sanguinem omnem è cerebro ad cor referunt, nec cerebrum ipsum pervadunt: neque enim tam densam cerebri compagem tuto subirent. Quare ex dura meninge in sese convoluta sinus tanquam oblongiores sacculos & venulas ex iis prodeuntes compendiosiore via, & tutiore affinxit naturæ Opifex. Cum autem periculum esset ne sanguis redux è capite uberius in jugulares venas exundaret, utrinque in externa cranii parte ampla, tortuosa, & ossæa specus dura meninge obducta, velut quoddam sanguinis diverticulum, fuit excavata, ut in hac velut spelunca tanquam in promptuario quodam, aut vase amplo sanguis sisteretur, ferè ut aquæ in castellis, vulgo *regards* solent: ne sanguis confertim irruens cordi diluvium aut suffocationem minaretur. Quin fortè ob eā causam omnes duræ meningis sinus tot distinguunt cellulæ, tot fibræ transversim collocatæ dirimunt, ut sanguinis motū regant, &

velut habentæ quædam moderentur.

Sanguinem à corde in cerebrum advehunt arteriæ carotides & vertebrales, longiore quidem ductu quàm in mutis animantibus. Arteriæ carotides postquam cranii basin subiere, circumaguntur, ut sanguis pleno fluens alveo, non confertim, & torrentis instar, sed placidiore motu in cerebrum illabatur. Sed tamen cavendum erat ne sanguis à recto itinere intra cranium, seu calvariam deflectens, in seipsum contortus, & quasi actus in vorticem vasa dirumperet. Itaque huic à natura discrimini provisum etiam fuit, dum utrique arteriæ ita inflexæ osseum canalem intra cranium aptavit, ac præterea novam illi è dura matre tunicam majoris securitatis causa adjungit. Sed ubi sursum est eluctata, tum ascititiæ tunica, ut inutili deposita, tenui meningi & cerebro surculos distribuit.

Jam arteriæ omnes mutua societate ita inter se conjunguntur, ut si una ex iis casu quodam occlusa fuerit, sanguinis motus nihil inhibeatur. Quod tibi manifestum fiet, si liquorem atramēto infectum syringis ope injeceris. Nam liquor tum alteram carotidem, tum etiam vertebrales arterias inficiet. Minutiores quoque arteriæ in substantiam cerebri penetrant: tametsi adeo sunt exiles, ut visus aciem penè effugiant: nisi tenuis cerebri membrana, quæ pia mater vulgo dicitur, solerter detrahatur. Et quidem ubicumque secetur cerebri substantia, puncta apparent sanguinea, quæ cum latius se diffundant, palam est cum è sectis vasis defluere.

Ve.

PARS TERTIA. 31

Venæ cerebri è duræ matris sinibus in tenuem huic subjectam membranam diffunduntur: hæc vero membrana adeo tenuis est, ut vix à cerebro sano & recenti divelli possit. Et tamen arteriis & venis ita est conspersa, tot vasorum plexibus contexta, ut sanguini universo cerebri corticem, & partes interiores irriganti præbeant commeatum; omnes cerebri anfractus & convolutiones subit, summas & extantes partes connectit; interiores ventriculos cerebri obducit; sanguinem denique velut in vase circulatorio gignendis spiritibus præparat. Postremo cerebri & cerebelli molem arctissimè complectitur, ne mollis & male cohærens substantia facile concuti, aut suo possit loco dimoveri.

Tenui meninge, seu membrana detracta cerebri substantia sese videndam exhibet. Quatuor in lobos tanquam in quatuor propugnacula dividitur: cortex ejus in mille anfractus & gyros qui intestinorum convolutiones imitantur, majore quam in ullo animali varietate distinctus apparet: hos utique recessus tenuis membrana succingit, eosque alluunt vasa innumera, quæ miris modis intexta ubique sparguntur: hæc utique sunt copiosiora in ventriculis cerebri.

Omnes illi cerebri gyri & anfractus non ex cinerea tantum, sed ex candida etiam constant substantia, iique omnes in corpus callosum, ut vocant, & medullare desinunt. Quod quidem ex infinitis fibrillis aut nervorum tubulis compingi non abhorret à verisimili. Ac fortè earum fibrarum origo à


spinali medulla est repetenda, ferè ut brassa capitata, v. *chou pommè*, ubi fibræ in trunco conglobatæ in folia explicantur. Sic enim fibræ in medullari spina collectæ, in cerebelli & cerebri substantiam evolvuntur, & interiores cerebri cavitates, seu ventriculos flexuoso ductu efficiunt.


His addamus quæ à D. *Perrault* circa cerebrum sunt observata, tum in historia animalium, quæ in Academia sunt dissecta, tum in tractatu de Mechanica animalium.

1. Fibræ illæ de quibus mox diximus, in piscium cerebro satis sunt conspicuæ. In iis etiam angustum admodum est cerebrum, uti in omnibus ferè animalibus quæ sunt ferociora. In *Crocodyli* capite sesquipede longo, vix cerebri diameter uno digito longus visus fuit. In avibus nulli sunt anfractus in extrema cerebri parte, & ventriculi admodum exiles. In *Struthione* v. *Austruche* ampli & pene ut in aliis animalibus conformari apparere. Nam cerebrum quod in aliis avibus est anterius, duos velut lobos aut partes dividitur; duplici & ampla cavitate instruitur, quæ in unam conveniunt, ac tertium ventriculum efficiunt, ex quo ductus in spinalem medullam patet calamo scriptorio non dissimilis, omnino ut in terrenis animantibus.

2. Cerebrum in piscibus angustius est quàm in avibus, licet eapite longè majore donentur; in magnis piscibus, ut in avibus majoribus cerebrum suis ventriculis instructum cernitur. Major cerebri pars in organa olfactus consumitur, cum nervi optici sint minimi. Tota cerebri substantia pia matre

in-





PARS TERTIA. 33

involuta, dura matre, tanquam sacco concluditur: spatium quod inter duram meningem & cerebrum interjacet, oleoso humore impletur, cui cerebrum quasi innatat, olfactus organa ut in cæteris animalibus ex innumeris membranis tanquam foliis componuntur, eaque ovi formam referunt. Processus cerebri Mammillares dicti, ex quibus illa velut ova pendent, amplius sunt, & cavi instar duplicis ventriculî: ut in genere quadrupedum cernimus. Sed de his satis: reliqua enim ad Anatomicos pertinent. Nunc qui sint præcipui earum partium usus, quæ sensuum interiorum organa conjecturis persequamur. Sed prius cerebri vasa; tum illius partes ex figuris ab Vvillisio eximio Anatomico delineatis subjiciamus.

Prima figura basim cerebri, quæ medulla oblongata vocatur, cum nervorum conjugationibus quæ hinc inde oriuntur, satis apte exprimit. Nervi suis numeris insigniuntur. Nam 1. & 1. par primum; 2. & 2. par secundum designant, & ita de reliquis.

Sub infundibulo O duo sunt carotidum trunci abscissi. Hi ramos emittunt anteriores, tum limitaneos D, & D, dextrorsum, & sinistrorsum; tum ad priorem cerebri partem, circa punctum E uniuntur, mox à se invicem discessuri.

Posteriores itidem rami carotidum circa punctum F, tum inter se, tum etiam cum arteriis vertebralibus, conjunguntur: vertebrales arteriæ S, & S, quæ scilicet per cervicem ascendunt, in unum quoque truncum coeunt, circa T.

B S

His

His explicatis, quæ melius in cerebro vitulino, aut ovillo quàm in figura intelliguntur, qui sint præcipui partium cerebri usus, videamus.

C A P U T V.

Quæ sint præcipui cujusque partis cerebri usus.

Primum illud innotandum nobis est in qua parte cerebri spiritus animales perficiantur. Sit itaque

Prima Conclusio.

Illud verisimile videtur, spiritus animales præcipua interiorum sensuum instrumenta, in cortice cerebri præparari, & in interiore medulla perfici.

*Probat*ur prior conclusionis pars 1. ex cerebri exterioris fabrica, & vasorum tam numerosa propagine; nihil enim probabilius asserri potest quam spiritus animales omnium functionum opifices è sanguine arterioso in ea parte procreari. Nam tot vasorum plexus mirabiles eo loci conspicui satis innunt non privato, sed publico muneri hanc vasorum intra cerebri sulcos multitudinem famulari, neque unius cerebri alimento, sed universo corpori tot vasa destinari. Non enim pars alia corporis in sui superficie tantam arteriarum sylvam complectitur: præsertim cum materiam huic muneri idoneam natura se legerit, eamque velut leni balnei vaporosi calore per alembici rostra mille modis in se reflexa ad summum puritatis gra-

P A R S T E R T I A . 35

gradum evexerit. Accedit illud etiam, quod spiritus ita exaltati utraque meninge cohibeantur, ne fortè ob ingenitam mobilitatem avolent. Nec multum eos à spiritu vini abhorre hinc suspicari possumus, quod non vini modo spiritus, sed liquores ferè omnes generosi exhaustos spiritus ob nimios labores, vigilias, aut inediam in puncto temporis reficiant. Præterea non sola distillatione, aut percolatione spiritus è sanguine arterioso per cerebri poros in eum puritatis gradum attolluntur, sed etiam fermento quodam salino in cortice cerebri copioso sanguis perfunditur, ac separatio tum spirituum, tum liquoris vegeti, & actuosi vi illius fermenti perficitur. Hinc quidam salis armoniaci odor in ea parte deprehenditur. Cerebri quoque substantia mollior inter glandulosam & medullarem; candida, dulcis ex fistulis intortis composita, gignendis spiritibus maximè est accommodata.

Pars altera conclusionis ex ipsius tum corticis tum partis interioris cerebri structura colligitur. Nam ut pars cerebri extrema & cinerea spirituum procreationi, sic interior & candidior eorumdem motui & distributioni idonea videtur: id enim est rationi consentaneum, ut in ea parte cerebri quæ tot irrigatur vasis, spiritus è sanguine secreti in corporis callosi fibris, seu in candida cerebri substantia, quasi in vasis Chymicorum circulatoriis puriores fiant & subtiliores. Quocirca videmus omnes cerebri anfractus & convolutiones in id corpus firmum & candidum desinere. Hoc utique

est velut animæ sentientis domicilium; in eo spiritus liberè exspatiantur, qui per fibrillas callosi corporis expurgati varia circulatione ad eam puritatem evehuntur, quam functiones animales exigunt.

Confirm. Extimam cerebri portionem non aliud esse præter glandularum congeriem, quæque in cerebro distinctiores apparent, cum exquisitum adhibetur microscopium, docet Malpighius. Vasa sanguinea extimam glandularum partem pervadunt; sed fibræ aut tubuli tanquam vasa secretioni purioris liquoris destinata, ex intimis cujusque glandulæ partibus oriuntur; ex illis fibrillis cerebri medulla componitur. Quocirca cerebri cortex cum granis mali punici, v. *une grenade*, quæ per fibras cum membrana cohærent, satis aptè comparatur, omnes fibræ iis glandulis tenaciter adhærescunt, & in cortice tanquam in solo, unde succum trahunt, radices habent. Nec prorsus videtur incredibile has cerebri fibras instar tubulorum esse excavatas; cum in plantis ipsis cavæ sint eæ fibrillæ quæ succum vehunt.

Neque hoc loco inquirendum puto an tubuli nervorum sint velut vitreæ fistulæ, an potius spongiosa substantia, ut sambuci medulla, impleantur; adeo ut tamen succus nervosus in iis facilè huc illuc ferè ut in arundine Indica moveatur. An fortè inter ipsos tubulos succus ille nerveus, aut spiritus ipsi incredibili celeritate permeent; An potius per illa interstitia succus benignior & ad nutritionem idoneus, per spongiosam tubulorum substantiam spiritus ipsi

perferantur, ut videtur Borello. Ista enim conjecturis tantummodo persequi, non experimentis assequi possumus. Illud longè probabilius videtur, spiritus per eos tubulos circulari. Nam à cerebro exeant, & in id redeunt, ut ex venenis & cardiacis constat. Nec spiritus qui jam copiosi per corpus diffunduntur, & quorum effluxus longè est velocior sanguinis effluxu tam cito reparari possent, nisi circuitu quodam ad cerebrum redirent.

Secunda Conclusio.

Pars cerebri cinerea videtur esse imaginum locus: ut callosa præcipua est imaginationis & appetitus sedes, maximè propè nervorum exordia.

Probatur Conclusio. Quamvis res tota sit in conjecturis posita sed quid nobis probabilius videatur, hoc loco tantum afferimus: Rerum itaque notas, aut vestigia quæ per sensus subiere, in cortice cerebri, & in cinerea illius parte ubicunque sit, conservari multa suadent. 1. Varii & multiplices anfractus tenui meninge ubique obducti locum his vestigiis præbent: ut mollior eo loco cerebri substantia his impressionibus accommodata satis videtur.

2. Cerebri convolutiones in cerebro humano sunt magis multiplices & variae, quàm in ullo genere animalium; plures adeo sunt in cerebri cortice velut distinctæ imaginū cellule: in animalibus, quæ uno ferè & consimili modo agunt, aut nullæ sunt, aut pauciores, ut in cuniculis, avibus, piscibus.

3. Cum

3. Cum reminisci volumus , aut imaginatione aliquid effingere , tum fronti manum admovemus , & partem cerebri anteriorem sollicitamus, tacito quodam naturæ judicio in ea parte vigere memoriam , atque huic proximam esse imaginationis sedem .

4. Non alia ferè sedes his excipiendis aut formandis imaginibus magis idonea assignari potest . Neque enim nobis veterum , & pene communis opinio probatur , qua credere in ventriculis cerebri spiritus animales procreari , & rerum imagines asservari : neque spiritus adeo subtiles , & fugaces in tam amplis spatiis , aut in ordinem digeri , aut diutiùs possunt consistere : intra angustos meatus , & in certas velut orbitas moveantur necesse est . Nec demum in iis formantur cavitatibus quæ excremento seroso excipiendo, quo persæpe scatent, destinantur . Atque illud videtur explicata difficile ex qua materia in iis ventriculis spiritus procreentur , & quo itinere in nervos , ac totum cerebrum ex iis antris deduci queant . Longè itaque probabilius est spiritus ex arterioso sanguine in ipsius cerebri cortice , aut in parte cinerea , quæ fere ubique est in cerebro , percolari ; atque hinc per quasdam orbitas in certum ordinem componi ; hos denique tractus sæpiùs eos relegere ; ut varii memoriæ aut imaginationis actus exigunt . Non enim vis formatrix imaginum quæ phantasia dicitur , longè remota est ab eo loco in quo ipsæ asservantur imagines .

Non ita pridem vir Clariss. D. Dodard in
Aca-

PARS TERTIA. 39

Academia referebat, se diversis temporibus duorum infantium, qui hydrocephali decesserant, capita aperuisse. Uterque iis morbis affectus erat, qui nullo modo ad caput pertinere videbantur, & citra ullam convulsionem ambo interierant: duo anteriores ventriculi cum tertio unam & eandem cavitatem efficiebant, quæ aqua pura & limpida plena erat, cerebri substantia compacta & candida vix digiti indicis latitudine crassa. Ex quo utique id colligere possumus has cavitates nec spiritibus continendis destinari, neque aquam his conclusam apoplexiam ipsam, aut paralysem afferre, nisi alia subsit causa.

Quis verò sit locus sensus communis, aut in qua cerebri parte fiat sensus interioris perceptio, vix divinare possumus. Existimat Cartesius præcipuam animæ sedem, in quadam glandula, quæ vulgò conarion, aut pinealis dicitur, esse constitutam. Hæc enim cum una sit, & in medio cerebri, omnes sensuum impressiones excipit; spiritus ex omni parte cerebri in eam incurrunt; pensilis est, & ad omnem motum expedita, ut ad nutum animæ quoquo versum inflectatur: passionum æstus, phantasmatum incursus illam in omnes partes versant ac determinant. Si quid reminisci volumus, mens illam huc illuc contorquet, donec spiritus per eam subeuntes in eum cerebri locum incurrant, in quo rei vestigium delitescit: huc accedit eam glandulam unicam esse, ut species per geminos sensus acceptæ in ea conjungantur.

Verùm hoc ingeniosum Cartesii commentum

tum multis rationibus refellitur, & ea maximè quod nulla sit in ea glandula mobilitas. Non enim, ut sibi persuasit Cartesius, ea est in medio pensilis, sed arteriis & venis, imo & plexui membranoso, qui choroides dicitur, est affixa, nullis nervis, aut fibris suspensa. Deinde jam ostendimus ventriculos cerebri non esse velut promptuaria quedam spirituum animalium, qui hanc glandulam jugi motu, vel flatu quodam impellant: sed serosus humor per eam cerebri cavitatem, quæ una est, licet in varias partes divisa, defluit per infundibulum quoddam in subjacentem glandulam, quæ in basi cerebri sita est, & pituitaria dici solet.

Quod autem sensus communis fedes sit pars interior cerebri, ubicunque posita sit, hinc conicere possumus, quod pars illa candida nihil sit præter fibras nervorum evolutas; nec dubium est quin præcipuæ animæ sentientis functiones ibi exerceantur, ubi spiritus sunt puriores, & magis elaborati, ubi in certum ordinem digeri possunt, non temerè vagantur, aut fluctuant; ubi denique sunt nervorum origines.

C A P U T VI.

Quæ sint præcipuæ animæ sentientis facultates.

Illud quoque hoc loco intuendum quæ sint præcipuæ animæ sentientis vires ad cognitionem destinatæ, quæque in cerebro ut in proprio insint organo.

Illud satis verisimile nobis videtur, vim imaginatricem à sensu communi, qui impressio-

PARS TERTIA. 41

pressiones per sensus exteriores ab objectis ipsis haustas percipit non esse sejunctam. Atque id omnino absurdum putamus, facultatem uti speciebus, quas ipsa non habet. Unde id vero est proximum, sensum communem, vim imaginatricem, & memoriam eidem organo insidere.

Et quidem Arabum, nescio quàm vera, jam pene invaluit opinio tres in anima sentiente esse vires, imaginatricem videlicet, judicium & memoriam. Vis illa imaginum formatrix non excipit modò, sed etiam parturit, & exprimit rerum species, eaque, si medicos audimus, cerebri temperamentum calidius postulat: ut judicio cum frigida, & sicca temperie melius convenit. Memoria denique cum custos inventis cogitatisque rebus & verbis adhibeatur, humidam & mollem cerebri constitutionem exigit. Quæ quidem diversa temperies efficit, ut vix imaginatio vegeta, & ferax cum firmo & stabili judicio; & utraque facultas rarò cum felici memoria cohæreat.

Omnes ingenii dotes triplici, ut putant, hac facultate continentur. Atque ubi deest imaginatricis vigor, tardum fit & hebes ingenium necesse est, simile frigido, & sterili solo: nihil ex se gignit, nihil parturit. Sed ubi eadem vis plus satis incalescit, tum laborat sæpè judicium; delectus enim cogitationum, & rerum vix agi potest, quando imagines caloris impetu turmatim erumpunt, ac velut ferocientes equi nullis possunt frenis coerceri. Hinc qui plus imaginationes possunt, habent plerumq; illam ex tempore dicendi facultate cum inani loquacita-

citare conjunctam ; inventionis celeritas adest apta rerum collocatione sæpe destituta ; atque in summa ubertate est luxuries quædam, quæ studio, & labore est depascenda, aut certè ad severius judicium revocanda. Illa tamen fœcunditas, quæ imaginationis fervorem consequitur, minimè est in pueris, vel adolescentibus contemnenda : in iis quippè ingenium judicio presumi non debet. Non enim potest in eo esse succus diuturnus, quod nimis celeriter est maturitatem assecutum . Quocirca ea mihi puerorum læta indoles, quæ sese vel nimium profundit, magis probatur, quàm festinata maturitas, quæ citius solet occidere. Nam ut præclare Fabius, maciem, & infirmitatem in posterum mirari solet protinus omnibus membris expressus infans. Nec mustum in lacu statim austerum esse debet, ut annos ferat, & vetustate proficiat.

Non omittam, quod illustris ille medicus ac diligens ingeniorum examinatus Huartus præter cæteros observat, eos qui plus imaginatione valent, ad secretiores scientias minus esse idoneos : cum intellectus, vel judicium in iis non vigeat. Callidior, ut putat, cerebri temperies judicii firmitatem evertit ; specierum quoque agitatio, & quasi effervescentia inconstantiam, & levitatem inducit. Nec demum magna ingenii subtilitas, & perspicacia cum tenaci memoria facile convenit. Illud enim siccam, hæc humidam cerebri complexionem postulat. Nihil autem judicio obstat magis quàm humor exuberans. Hinc pueris, qui nimio humore diffluunt, felix memoria, judi-

judicium nullum. Siquidem densiores vaporum nebulæ mentis claritatem obscurant: ut flante austro non idem est sideribus splendor, ac spirante aquilone: Ille cœlum nubibus obducit, hic siccitate sua serenitatem affert. Unde ventri obeso cum intellectu male convenit; nec sanguinei acutiores esse solent.

Quod si ergo vis imaginatrix dominetur, vix ullus nobis ad reconditiores disciplinas, quæ intellectu, & judicio percipiuntur (cujusmodi est Theologia, quæ via & ratione traditur) aditus futurus est: Sed aliæ tentandæ sunt artes, quæ magis ingenii celeritate constant. Quocirca nos ad eloquentiam, aut poeticam; aut mathematicas scientias, ut varii erunt caloris gradus, conferemus. Ars quippè ipsa dicendi imaginatione, & memoria potissimum continetur: nam invenire orationem artificio quodam, & expositione distinguere; movere, delectare, agere cum dignitate & venustate, atque alia ejus generis infinita, ipsius imaginatricis sunt opera: ac nisi quis ingenium præsens, & quasi in numerato habeat, non poterit ex tempore dicere, altercari, lacescere, neque is unquam Oratoris laudem consequetur. Hæc sanè animi mobilitas calorem, & spiritum postulat: ac necesse est ut rerum imagines, quæ cerebro imprimuntur, caloris vi quodammodo ebulliant, animus quid dicendum sit, statim reperiatur, atque inventa ex ordine disponatur. Quod si imagines illæ continuo impetu non ferantur, ac semper nostram vocem formata & antè provisa cogitatio excipiat, qui fieri poterit, ut
dum

dum proxima dicimus, ulteriora struamus: Hinc non imperiti modò, sed etiam qui sunt tardiores ac frigidiores, cum ira, aut alio affectu concitantur, magnam sæpe habent ex tempore dicendi facultatem. Sed biliosi ubi ira excandescunt, tardior, & præpedita pronunciatio subsequitur: nam vis imaginatrix nimium effervescens, non sibi constat: sed tumultuarium & fortuitum sermonem male contextit.

Sic videmus eos, qui magis judicio valent, quique tot in disciplinas sublimiores incumbunt, tardiores ad dicendum existere. Frigidius enim, ut dictum est, fortiti sunt temperamentum, quod imaginationis impetum, & linguæ ipsius inhibet mobilitatem. Vocis etiam organa calore dilatari, & moderato humore leniri oportet, quò vox ipsa sit liberalis. Unde in senibus vox imbecilla; & rarò summis in Philosophia, aut Theologia viris, qui frigidam, & siccam nacti sunt temperiem, vox suavis contingit. Contra multifici plerumque, & calidiore sunt temperamento, imaginatione pollent, iique vocem facilem, explanatam, flexibilem sunt consecuti.

Ac certè tripartitam illam sensuum interiorum divisionem non omnino rejicio. Aliud est enim imaginatione aliquid effingere: aliud de rebus judicare; aliud denique inventa, & judicata memoriæ commendare: nec dubium est quin plerique imaginatione polleant, qui judicio & memoria fere destituuntur. Neque tamen licet concludere has vires vel inter se, vel ab ipsa anima,

non

non cogitatione tantum, sed natura, & re ipsa distingui. Nam si diversis functionibus distinctas vires tribuimus, ipsa imaginatrix non una quidem facultas, sed varia & multiplex futura est. Sunt enim qui res ab aliis traditas distinctè, & facilè percipiunt, sed sterili sunt ingenio, nec quicquam ex se gignunt. Alii magna ingenii celeritate tum ad inveniendum, tum ad percipiendum donantur: sed nihil ordinatè nihil distinctè moliuntur: confundunt omnia, nec quicquam suo loco reponunt.

Quod si velis artes omnes animo lustrare, tum demum cognosces singulas fere propriam sibi, & accommodatam vim imaginatricem vindicare. Neque enim si quis ad mathematicas sit à natura comparatus, idem ad medendi artem, vel ad eloquentiam, vel ad poesim, vel demum ad politicam erit idoneus. An necesse est vim imaginatricem in tot secare facultates, quod non eadem sit in omnibus, quod tam multas exerat functiones? An verò hanc diversitatem ex variis caloris gradibus repetemus? Jam quis illos gradus tam exactè dimetietur, ut quis cuique functioni, vel arti conveniat, decernere audeat? Nec me fugit complures medicos ingeniorum dotes ad qualitatum stateram exigere; atque is author, quem laudavimus, in eo totus est, ut ingenia temperamentis metiatur, idque omnino necessarium putat, ut ejus quæ exuperat, qualitatis vim, & naturam facultas quæque consequatur: adeo ut calorem imaginatio, judicium siccitatem, & memoria humiditatem postulet; cumque quali-

tas una cæteris dominantur, vis quoque ingenii huic accommodata præ cæteris maxime emineat, & quantum uni adjeceris, tantum aliis detrahas.

Verum ista possunt exemplis, & ratione refelli. Nam bene multos proferre possem, in quibus acerrimum judicium cum celerima imaginatione, & incredibili memoria conjungitur. Quique tam angustis terminis animum circumscribunt, aut ejus facultates ex qualitatibus temperie duci putant, non satis videntur attendere, quæ sit humani ingenii vis, quæ natura. Magna quidem est vis temperamenti: sed perperam ex eo solo ingenii vigor, industria, celeritas colligitur. Quot amabo vel in rebus vita destitutis vires occurrunt, quæ non possunt ad certam elementorum mixturam revocari.

Illud quidem assentior, animam eas qualitates in usum suum adhibere: ut præcipua illius esse organa vereor ut possim concedere. Nihilne cerebri structura, partium conformatio, spirituum animalium splendor, aut subtilitas ad imaginationis, judicii, & memoriæ opera conferunt? Nec me latet multa ex temperamento existere, quæ ingenium acuant, multa quæ obtundant. Sed quid temperamenti nomine intelligant nec dum satis liquet. An partium compositio, aut certa humorum complexio hoc nomine comprehenditur? Negant ii quidem magnam imaginationis vim cum intellectus aut judicii pondere reperiri. Quid ergo, an fortè intellectus definiat, judicabit, colliget, quod imaginatio non antè con-

ceperit? Quod si turbidas, & malè compactas, cudat imagines, nonne & parva judicia, & distortæ argumentationes consequentur? Contra ubi simplex rei perceptio clara & perspicua fuerit, intellectus rite definiat, & bene judicabit.

At enim imaginatricis vigor calore perficitur, qui iudicio obest, ut qui maximè. Calor quidem dominetur necesse est, sed moderatus, non igneus: humiditas quoque non fluxa, & labilis, sed oleosa, quæque cum moderato calore sit conjuncta, ad memoriam requiritur: nec video cur tantam siccitatem ad iudicii facultatem requirant: nisi enim humor adsit, nunquam animus rite sua obit mûnera. Nec tamen sit nimius, ne tarditatem, & stuporem inducat. Verùm, inquiunt, qui plus imaginatione possunt, ii plerumque iudicio laborant, ut videre est in Poetis. Dabo illud quoque, imaginationem in Poetis plurimùm valere, atque, ut placet Platoni, Poetam bonum sine inflammatione quadam animi & sine quodam afflatu furoris esse neminem. Verùm si iudicii absit bonitas, nunquam sibi constabit, nihil concinnè, & aptè distributum, nihil fustum & liquidum, nihil æquabile molietur: sed ut feret impetus, huc illuc eum vagari necesse est: nam ubi iudicium deest, ibi non est electio & modus. Quod de arte poetica dixi, idem prorsus de eloquentia intellectum volo: nec mihi persuadeo viros eloquentes plus imaginatione, & memoria quàm iudicio posse. Nam ut inventio, & extemporanea dicendi facultas ad imaginationem, ita delectus verborum,

&

& rationum, apta rerum collocatio, ejus quod intendimus confirmatio, eorum quæ contra dicuntur confutatio, atque alia prope infinita oratoris munera citra judicium præclarè fieri nequeunt.

Non equidem ignoro diversas esse ingeniorum proprietates, ac certum studiorum delectum esse faciendum, atque in id potissimum, quò tendunt ingenia, ea duci oportere: sed illam varietatem ex diversis caloris, aut siccitatis gradibus oriri non arbitror. Neque ita angustis limitibus mentes nostras definiri putem, ut nemo pluribus studiis inservire, aut una non possit vis sine reliquarum dispendio excellere. Nec demum interdictum est à natura ut singulis hominibus non amplius quàm singulas artes nosse liceat.

Jam non excutio quæ cuique facultati artes, vel disciplinæ maximè convenient. Aliuserit juris scientiæ, alius Theologiæ idoneus; alius ad carmen compositus, alius medicinæ utilis: nihilò tamen secius ubi mens humana cerebri aptam conformationem, & temperiem offenderit, nullis terminis circumscribet jus suum, per omnes artes liberè vagabitur. Cùm enim omnes disciplinæ sint inter se ita consertæ, ut mutuas sibi operas tradant, qui unam in qua velit excellere, selegerit, reliquas, si minus ut proprias possideat, certè ut alienas delibet necesse est. Sed rara est illa ingeniorum felicitas: siue ipsorum animorum sint naturales quædam differentiæ; siue omnis ex corpore oriatur diversitas. Profecto ubi apta cerebri, & totius corporis con-

stitutio deest, tum mentis functiones illam non assequuntur perfectionem quam haberent, si exquisita illa temperies non abessent. Nimio calore imagines nō ebulliunt, ut plerisque videtur, sed spiritus tumultuantes iudicium perturbant, humoris copia stuporem, & tarditatem inducit: atque ut corporis habitus, sic animi indoles nimio calore vel humore offenditur. Quare vehementer auctor fuerim, ut imbecilla potissimum ingenia in id, ad quod vocat natura ducantur. Ita enim quod solum possunt, melius efficient; sed ubi liberalior indoles contigerit, omnibus disciplinis, & artibus libero homine dignis perpeliatur, rerum maximarum scientiam consequetur, neque ab eloquentia abhorrebit: ludet carmine, historiæ ubertate interdum ut jucundioribus epulis reficitur, atque in varios studiorum secessus identidem excurret. Nam ut stomachus ciborum diversitate interdum reficitur, sic animus studiorum mutatione recreatur. De tardis ingeniis non loquor, quæ in una re separatim elaborent velim, ne tot rebus diversis confundantur.

Non ex sola primarum qualitatum temperie, sed ex aliis etiam causis ducuntur ingeniorum discrimina. Nam cerebri conformatio, figura, magnitudo, partium textura, spirituum quoque animalium substantia, & motus magnum ad ingenii vim aut tarditatem momentum afferunt. Itaque si minor quàm par sit, aut major fuerit cerebri moles, ingenium erit aut præceps, aut tardum. Vel quoddam spiritus ipsi spatium non habeant satis liberum & patens; vel

quia æquabilis eorum motus figuræ vitio
 subibetur, aut fortè in ampliori mole vi-
 lior est minutarum partium contextus; aut
 alia quævis causa subest occultior, quæ re-
 rum imagines distortas & malè delineatas
 exhibeat. Multum enim ad ingenii hebe-
 tudinem & celeritatem facit spirituum
 animalium natura, aut motus. Unde ex
 morbis interdum, & cerebri affectibus, aut
 violenta animi perturbatione spiritus aut
 excandescunt, aut inertes fiunt & torpent.
 Hinc nonnunquam accidit, ut qui plus in-
 genio valent, aut solertia, affecta ætate
 fiant tardiores: Seu id vitio sanguinis fiat,
 & liquoris, si quis sit, nervosi; seu obstru-
 ctio cerebri, aut vehemens animi motus
 tantam inducat mutationem. Quin etiam
 potest evenire quod Cl. *VVillis* identidem
 docet, ut sanguis, ex quo prodeunt spiri-
 tus, aut liquor nervosus, qui spirituum est
 vehiculo, post nimium fervorem aut agita-
 tionem, uti vinum post longam fermenta-
 tionem vappescat. Hinc præmatura, ut
 diximus, in pueris ingenia citiùs occidunt.
 Ea quippe est naturæ lex, ut quæ bene sunt
 temperata, & in longius ævum duratura,
 paulatim, & quasi per gradus maturentur.
 Sic fructus æstivi brevi corrumpuntur,
 quod activa quibus constant principia, ci-
 tiùs avolent. Non dissimili quidem ra-
 tione in præcocibus ingeniis partes spiri-
 tuosæ & vegetiores statim sese efferunt,
 hisque ad volatilitatis, ut loquuntur Chy-
 mici, gradum evectis, quod reliquum est,
 vappidum, iners, & aquosum remanet. Ve-
 rùm ut plurimum minus commoda cerebri

PARS TERTIA. 51

conformatio spiritus ipsos pervertit. Nam ubi cerebri substantia aut crassior est, aut opacior, quì possunt spiritus tenues, puri, lucidi permanere, aut liberè expandi, aut in omnes partes radiare? Hinc stupiditatem aut stultitiam videmus in quibusdam familiis per multas ætates transmitti in posteros. In pinguiori solo & crassiori aere plerumque tardiores nascuntur. Nam liber & patens aer acuit ingenia, densus & nebulosus obtundit. Ex prava etiam victus ratione ingenium plerumque hebescit. Unde id solet in ebriosis & libidinosis torpescere. Vel quod cerebrum peregrinis & crudis humoribus opprimitur: vel quod nimium laxatis ejus poris spiritus animales cum aliis corpusculis, quæ è vino aut aliis liquoribus delibantur, malè confocientur. Nec fortè aliud magis ingenio vim, aut torporem affert, quàm meatuum in cerebro conformatio. Nam ubi sunt laxiores, peregrina corpuscula & spiritibus plerumque infesta facile admittunt. Quod si plus æquo arctentur, non liberum iisdem spiritibus spatium præbent. Quando ii malè sunt dispositi, atque in una cerebri parte angustiores, in alia sunt apertiores, tum constans & æquabilis spirituum motus interpellatur. Hinc judicium sæpe perversum & absurdum, levis & desultoria sententia. Neque hoc loco excutiendum puto, quæ unicuique arti aut scientiæ conveniat ingenii vis aut facultas. Res sanè fore non inutilis, si quis eam diligentè explicaret. Quod utique l. i. de Corrua exmato, unde hæc exscripsimus par-

parte perfectum fuit. Hoc autem loco unum ex gratia adjecisse satis fuerit.

Quæritur an ad ingenii vim pertineat illa calliditas, quæ in politicis hominibus cernitur.

An fortè, ut visum est Cl. Viro in quadam animi perspicacia, ea est collocata, qua quidem principia in communi usu posita, sed quæ subtilitate sua & numero mentis aciem facile effugiunt, uno & eodem penè obtutu, ac magna animi celeritate comprehenduntur? Hinc callidi & versuti, quique in rebus gerendis versantur, ad disciplinas quæ in contemplatione positæ sunt, ut geometriam minus sunt idonei. Quæ enim sunt ab usu communi remota, quæque principiis constant jejunis, & nullius penè utilitatis, ac longam habent probationum seriem, horum fastidiis citò adhærescunt nec demum geometræ demonstrationibus assueti, ad resciviles in motibus & communi hominum vita positas ultro adiungunt animum. In callido homine & civili ingenium latè patet: cum multa simul habeat in conspectu principia. Idem acutum est & penetrans: quid ex quo sequatur; quid in re quaque sit adjumenti, quid incommodi, statim perspicit. In quo quidem vis Judicii elucet maxime. Adest quoque magna animi celeritas, qua tot principia simul intuetur, & sentit quodammodo: ex iis summa facilitate conclusiones deducit, ac res maxime intricatas evolvit. Quæ quidem animi dotes in perfectum oratorem optime conveniunt, in eruditis geometris vix aut nunquam occurrunt. Nam ubique principia
in

PARS TERTIA. 53.

inconcussa, & per se clara, & demonstrationes quærent: singula excutiunt diligenter; paulatim progrediuntur, definitiones, postulata & axiomata ubique præmittunt, ex quibus demonstrationes suas conficiunt, in id maxime intenti, ne quid sibi sumere videantur, quod ante non concessum fuerit; aut ponere, quod probatum oportuerit. Cum autem in rebus ad vitam communem spectantibus, & in vulgari prudentia sitis easdem cautiones adhibent, tum se omnibus deridendos præbent. Neque enim principia offendunt tam aperta, tam obvia; ea-que non sigillatim & quasi ostiatim pulsanda, sed simul occurrunt animo: verum exquisita & acri mentis acie opus est, quò ex iis principiis conclusiones apte deducantur. Itaque vis ingenii late fusa, quæque multitudine principiorum & conclusionum non obruatur, ut in geometra, sic in politico & callido homine requiritur; penetrans item & solida, ut ex iis quid boni, quid mali consequatur, prospiciat. Nam in rebus humanis non ea est causarum & affectuum inter se connexio, quæ in mathematicis. Magna ingenii subtilitate & perspicacia opus est, ut cæ velut juncturæ appareant.

C A P U T VII.

*De somno, & vigilia, ac de præcipuis
animalium functionibus.*

Circa somnum & vigiliam quæri merito potest. I. in quo maxime somnus

confilat, & ex quibus causis oriatur, quam cerebri partem potissimum occupet: atque ut certo ordine progrediamur

Dicendum est 1. in somno spiritus animales contrahi, in vigilia sic dilatari, & expandi, ut cerebri fibras, & nervos distendant. Hinc ea somnum, & torporem afferunt, quæ spiritus figunt, aut deprimunt, ut opium, seu papaveris succus, quæque dicuntur narcotica, aut soporifera, ut serofus humor qui cerebri meatus occludit; ac satis verisimile est succo nutritio, aut nervoso liquore qui in cortice cerebri à sanguine per glandulas excernitur, spirituum dispendia reparari, aut nimiam eorum agitationem sedari.

2. Obstructionem illam quæ somnum conciliat, in cortice cerebri potissimum fieri, hinc constat, quod in soporosis affectibus, ut in lethargo seu veterno pars cerebri cinerea uberiore sero plerumque obruatur. Unde veternum oblivio ipsa subsequitur. *Ager* in morbi ipsius declinatione si forte excitetur, rerum omnium oblitus videtur: adeo ut eadem sit somni & memoriæ sedes: unde opii usus immodicus memoriam lædit. Neque ad ventriculos cerebri hi affectus pertinent. Nam in multis ex hydrope cerebri mortuis cavitate cerebri aqua distentæ reperiuntur: cum ab omni affectu soporoso fuerint immunes. Nec tamen negaverim in somno cerebri fibrillas exhaustis spiritibus concidere, ac somnum nervos ipsos occupare; cessant enim inter dormiendum exteriores sensus, oculi gravantur, & ultrò collabuntur. Hinc non
aqua-

PARS TERTIA. 55

aquarum modo murmur, aut musicæ modulatio, sed ingens cataractarum strepitus somnum conciliat, dum intentis auribus cessant reliqua sensuum organa. Cum autem eadem facultas diutius in objectum defigi citra defatigationem non possit, auditus ipse citò succumbit: hinc somnus oritur cum reliqui sensus feriantur.

Quæ autem causæ soporem, aut somnum præternaturalem procreent, hoc loco non possumus accuratè, ut par esset, explicare. Sæpe aquosior sanguis cerebro affusus, aut nutritio humore necdum bene subacto turgidus in cerebrum exundat, & spiritus animales hebetiores facti, quasi sponte sua confidunt, nec cerebri fibras distendere, nec vigiliam, aut motum, aut objectorum impressiones sustinere possunt, ut in hydropicis sæpe contingit. Illud quoque plerumque evenit, ut debilior cerebri constitutio ferrosam colluviem non arceat: ut iis accidit qui largius compotare solent. Nam cerebri meatus laxiores facti sanguinis recrementa facile admittunt. Sic diu suppressa per alias vias serosi humoris evacuatio, aquæ acidulæ largius potæ, & per urinas non redditæ, opiatorum usus aut nimius, aut propterus veterum, aut saltem alios affectus mitiores, aut somnolentiam inferre solent. Ex iis autem efficitur spiritus cerebri incolas in somno cessare, non item eos qui cerebello in præcordia indefinenter fluunt: ex iis quippe vitales & naturales functiones sic pendent, ut diutius feriari vita superstite non possint.

Quæritur 2. in quo ratio vigiliæ posita sit & quæ sint illius causæ.

Resp. Tum somnum excuti, cum spiritus idoneo pabulo refectioni meatus ante occlusos penetrant, soluti à serosi humoris compedibus: hinc libertatem nacti, & in orbem diffusi sensuum implent organa. Itaque sæpe evigilamus, cum sonitu majore, aut punctione, aut acri humore, aut alia ex causa sensus exterior fortius percellitur, tumque motus ille ad sensus communis sedem delatus statim velut dato signo sensus omnes excitat; spiritus qui velut stationari milites ad principis facultatis jussa sunt parati, in nervos omnes & fibras excurrunt. Cum tamen nondum sunt abunde refectioni, hebetiores aliquando fiunt, & minus bene ad solita munia comparati. Hinc crebræ oscitationes, & pandiculationes, cum humorem aquosum, ac nervosis partibus insidentem, nec dum satis difflatum partium contractione, & distentione conamur excutere.

Contra, ubi spiritus vel ex morbo; vel ex aliqua animi perturbatione acriores facti sunt, & nimium inquieti, tum insomnia, & pervigilia oriuntur. Cum enim spiritus nimio cerebri calore agitati, & succo nerveo qui illis est vehiculo, eosque temperat, citius soluti, intra cerebri meditullium huc illuc sine rectore errant, aut tritas velut semitas repetunt, tum cogitationes inconditas, & plerumque absurdas fingunt, quæ insomnia dicuntur.

Interdum accidit ut spiritus commoti in spinalem medullam & nervos inde profectos
cum

cum impetu prorumpant : hinc membrorum jactationes & motus inquieti. Cum autem spiritus non adeo sunt exagitati, & nervorum exordia offendunt apertiora, tùm nervos aliquando subeunt, atque alios spiritus in muscutorum fibris quiescentes ad motum impellunt : adeo ut quidam interdum vestimenta induant, fores aperiant, & noctu divagentur : tametsi altè dormiunt, nec quicquam eorum quæ tum egere, recordantur. Contra iis evenit atque in somniantibus, qui cum sint in lecto compositi, & immobiles, sua sibi agere negotia, huc illuc discurrere videntur. Nam spiritus tantum memoriæ, & imaginationis organa commovent : unde somniorum sæpè reminiscimur. Sed in somnambulis memoria, & imaginatione intactis, omnis spirituum impetus fertur in nervos & motus organa, quæ tanquam automata consuetos motus ex ordine peragunt. Atque iis idem ferè accidit, quod in nobis quotidie experimur, qui aliò intenti, aut testudinis fides numerosè pulsamus, aut cantilenas occinimus, quod spiritus certis motibus assueti, quasi ultro & ex ordine eosdem peragant.

Quæritur 3. unde vertigines, scotomiæ, deliria, & insani affectus oriantur.

Resp. Ex iisdem ferè causis eas cerebri affectiones duci, ex perturbato nimirum spirituum motu. Neque aliunde magis quæ spirituum, aut sanguinis, aut cerebri ipsius constitutio hos affectus procreet, dignoscere possumus; quàm ex evidentibus causis, quæ plerumque iis ortum præbent. Hinc

leves aliquando, & momentaneæ vertigines, & scotomiæ, seu tenebrarum offusiones ex inedia, hæmorrhagia, seu sanguinis fluxu & studiis immodicis nascuntur. Nam ubi sanguis in corde deficit, simul & spiritus animales una deficiunt; quique in cerebro sunt residui, fonte ipso occluso, neque in nervos effundi, neque in certum ordinem cogi possunt. Simili quidem ratione qui per angustiores pontem minus assueti ingrediuntur, aut ex editiore intuentur loco, sæpe in vertiginem incidunt. Imaginationi quippe terror ex periculo incussus spiritus animales à solita nervorum irradiatione intus revocat, & præ nimia sollicitudine confundit. Hinc etiam plerique aut navis, aut currus agitationem citra vertiginem ferre non possunt. Nam spiritus in cerebro, ut aqua in vase fluctuant, & in sese convoluti vertiginem creant: uti iis accidit qui diutius circumseacti, ubi consistunt, omnia in gyrum torqueri existimant. Commoti quippe spiritus & in vorticem acti non statim quiescunt. Hinc nutant vestigia, oculi caligant, & rotari omnia circumposita videntur. Nam spiritus agitati, & instar turbinis contorti non amplius in nervos, ut par est, diriguntur, & quam habent agitationem, rebus ipsis affingunt.

In vertigine & scotomia functiones imaginationis, aut sensus communis illæso iudicio pervertuntur. Verùm sunt alii affectus, qui phantasie & memorie actus ita conturbant, ut mens non sibi constet, sed in transversum agi videatur. Cum morbus le-

vior

vior est, & non admodum diuturnus, delirium appellatur: cum enim spiritus intra suos ductus, aut orbitas in ordinem digesti moventur, tum mens ex certis cerebri vestigiis distinctas quoque rerum imagines effingit. At si fortè ordo ille à natura constitutus perturbetur, ac spiritus huc illuc temerè agantur, tum ex illa spirituum conturbatione absurdas cogitationes, & inconcinnos motus oriri necesse est. Nam, ut sæpe diximus, ea lege animus videtur esse cum corpore conjunctus, ut certas spirituum, aut cerebri impressiones, certæ itidem perceptiones, aut voluntates, ac vicissim quosdam animi nutus, aut judicia spirituum determinati motus consequantur: seu in facultate animali, aut sensuum interiorum sede, seu in parte aliqua cerebri velut in regali solio anima insideat, atque hinc totum corpus regat, & moderetur.

Quare ex ipsa vertigine, aut scotomia manifestè colligitur judicium mentis esse quiddam à sola imaginatione secretum: cum huic omnia circumagi videantur, illæso mentis judicio. Ex delirio, & insanis affectibus arctissimum esse corporis, & animi nexum, & vitiato organo functiones animi vix integras, & sanas existere omnino conficitur.

Illud quoq; non abhorret à vero in phrenitide quæ semper est cum febre conjuncta, spiritus inflammari; in melancholia liquorem illum vitalem & nervosum, qui spiritus continet, ne à se invicem distracti sententis animæ continuitatem abrum pant, aciditatem quandam, qualis est in aceto,

contraxisse; in mania acrem fieri; in morosi quæ hebetes & stolidos efficit, vappescere. Sæpe fermenta quædam venenata & nervosum succum inficiunt, & insaniam præcreant: ut rabidi canis morsus; prava interdum victus ratio, ut in magna annonæ caritate, cum cibis pravis pauperes vesci coguntur; magni aliquando ulceris suppressio, acre, & calidum temperamentum, mores indomiti ad insaniam disponunt.

Contra sanguis effœtus spiritus itidem vappidus & inertes gignit: hinc stoliditas, in cerebro præsertim malè conformato. In hoc verò stulti à fatuis videntur differre, quod illi satis bene & celeriter concipiant, sed malè judicent, & pessimè ratiocinentur: fatui verò neque res percipiunt, neque ideas apte conjungunt. In illis spiritus aliquando satis agiles sunt; sed minus sibi cohærent; nec constanti motu per cerebrum deferuntur: desultorie tantum & perturbate breviores cerebri tractus percurrunt. In fatuis spiritus adeo sunt hebetes, & tardi, ut nullam pene functionem rite exerant. Atque hæc stoliditas solertes quandoque & ingeniosos afficit: quod sanguis ex nimia fermentatione aquosus & vapidus evadat. Hoc ipsum quandoque ebrietas efficit, dum cerebri poros vini corpuscula animali regimini infesta occludunt. Tristitia vehemens, aut violentæ passionis idem malum quandoque afferunt, dum spiritus, aut à se invicem distracti, aut in confusionem acti species male cohærentes exhibent.

P A R S T E R T I A. 61

Solvuntur objectiones .

Opp. I. adversus ea quæ diximus, sensum cum exteriorem, tum interiorum in certa spirituum animalium commotione esse positum, hos spiritus nulla vel ratione, vel experientia demonstrari, sed fingi ad libidinem, ferè ut occultas qualitates, quæque iis tribuuntur, ab ipso sanguine, tenui liquore qui nervos impleat, proficisci posse; nullius eos usus esse, cum non sint magis animati, quàm sanguis ipse, in quo ex Scripturæ sanctæ autoritate brutorum anima posita est. Atque ut sint partes tenuiores & mobiliore, non idcirco eos vi motrice donari, uti nec aerem qui admodum rarus est tenuis. Quare cum ad spiritus animales ubique recurrimus, res plerumque obscuras per obscuriores explicamus.

Resp. Functiones animales his spiritibus sublatis explicari nullomodo posse, ut ex iis quæ in hac disputatione diximus, sit manifestum, & ex iis quæ postea de motu animalium dicemus, planius fiet. Nec video cur intellectu adeo sit difficilis substantia tenuis & actuosa, quæ ex innumeris penè effectibus demonstratur. Et quidem in naturæ & artis operibus maxima quæque non tam ab ingenti corporum mole, quàm à tenui & subtili materia perficiuntur: ut in pyrio pulvere, auro fulminante, vitreis lacrymis, & aliis innumeris cernere est. In iis quippè spiritus conclusus tantum edit aut stragis, aut fragoris, quantum nemo

mo nisi expertus crederet. Quare illud est vero proximum, spiritus animales instar lucis vel ætheris potius nervorum fibras & totum corpus irradiare; iisque tubulis inclusos eam vim habere quam in sclopetis & fulmine cernimus. Nec video quid in musca, papilione & aliis animalculis motum tam pernicem, aut in elephante adeo validum efficiat: si nihil in iis sit præter humorem quendam unctuosum & inertem. Nec multum refert an spiritus sint animati, necne; an anima sentiens sit in sanguine, ut Scriptura testari videtur: cum spiritus sint præcipua illius instrumenta, atque ex ipso sanguine exstillentur: Ac licet fortè quæ sit eorum substantia, explicare non valeamus, eos tamen existere, dubitare non possumus.

Illud etiam cum D. *Perrault* addamus, sanguinem in cerebri substantia densiore extenuari, dum serum inutile tum dilatatione arteriarum, quæ nervosa tunica destitutæ magis dilatantur, tum pressione cerebri, & alternis fortè motibus, tum denique sale quodam urinoso præcipitatur id quod est inutile: quod verò est utile, præparatur, & extenuatur vi spirituum penetrantium, quibus cerebrum abundat. Hæ partes extenuatæ in densa cerebri substantia tutius asservantur, & cum aliis congeneribus facile consociantur; sensus & motus functionibus accommodatæ, dum cujusque sensus organum objectorum impressioni excipiendæ aptum efficiunt.

Opp. 2. Sensus interiores in substantia cerebri perfici non posse; cum ea sit omni
sen-

sensu destituta ; neque ulla pars cerebri assignari possit , in qua præcipuam animæ sedem collocemus . Quare cum sensus omnis organum sit membrana quædam , aut fibrarum & nervorum contextus , multò id propius vero videtur , commune sensorium vel in tenui mēinge , quæ exquisiti est sensus ; vel in plexu choroide ex fibris , arteriis & venis mirabili arte contexto ; vel in ipsis demum ventriculis insidere , ut Veteres credidere , quàm in substantia ipsius cerebri callosa & candida ; vel in medullæ oblongatæ apicibus, vel in striatis corporibus quæ in piscibus & avibus desiderantur , vel in septo quodam lucido quod ventriculos determinat, vel in alia cerebri parte , quæcunque illa sit, constituere.

Resp. Nihil à nobis de præcipua animi sede , ut certum & inconcussum decerni posse : sed illud tanquam verisimile afferri , objectorum impressiones in parte cerebri cinerea & molli asservari ; sensum communem in ea cerebri parte quæ nervorum origini sit proxima , quæcunque illa sit , quæque inter cerebrum , cerebellum , & medulla oblongatam fovet commercia , potissimum insidere . Nec necesse est ut organum animæ præcipuum sit exquisiti sensus : imo id sincero iudicio obesset maximè, atque ut visus organum omnis coloris est expers , & gustus organum nullo sapore imbui debet, sic commune sensorium exquisito sensu destitutum esse oportet .



Nec cerebri ventriculi sunt spirituum officinæ , sed cerebri potius excipiendis excrementis destinantur, aut certè subtili quodam

dam aere distenduntur , qui vi sua elastica spirituum motum adjuvat , aut cum iis admiscetur , aut in alios usus nobis incognitos eo loci colligitur. Hinc animalia in machina pneumatica exhausto aere convulsiones patiuntur , quod interioris fortè aeris spiræ dilatatæ , nervos admodum intendant. Itaque verisimile est purissimum aerem in iis cerebri ventriculis contineri , qualem in aqua , dum congelatur , inesse alio loco diximus , qui scilicet vi sua elastica glaciem confringit. Eo quidem nullum animal carere potest, isque est sanguinis & spirituum vehiculum , cum iis intimè commiscetur , & vi sua elastica motus animalium non mediociter promovet .

Utcunque ea res sit , illud non abhorret à verisimili , sensus interiores in callosa potissimum & medullosa cerebri substantia vigere : hæc enim eò major est , quò sensus interiores sunt acriores , ut in homine , simia , & aliis . In avibus exigua admodum est illa cerebri substantia candida . Sic Gallina capite acu transfixo diu viget , quod illæsa medullari substantia , pauciores quidem spiritus gignantur : sed tamen non intercepto eorum comœatu , vita non extinguatur . Aves porro aut pisces , aut minusculæ animantes copiosos ad motum efficiendum procreant spiritus , qui in functiones sensuum interiorum non absumuntur. Hinc major in iis corticis cerebri , seu partis cinereæ copia .

Jam verò id molestius non inquirimus , cujusmodi sint illæ species quæ cerebro imprimuntur : an spiritus fibrillas cerebri
cer-





PARS TERTIA. 65

certa ratione soleant intexere & fingere ? an quas accipere impressiones, in anfractibus & cellulis cerebri custodiant, & easdem, cum opus est, exhibeant ? An spiritus ipsi non sint uniusmodi: sed alii sint volatiles, & ad motum succincti; alii fixiores, & magis unctuosi, qui in cerebri anfractibus continentur ? An fortè spiritus huc illuc per easdem semitas commeantes altiùs in cerebro rerum notas infigunt, quarum occasione mens novas cudit imagines: ista enim nos omnino fugiunt. Quo autem faciliùs cùm ea quæ diximus, tum quæ mox dicturi sumus, percipiantur, in figuram cerebri appositam ab Vvillifio delineatam diligenter intueamur.

HÆc figura cerebrum ovillum in duas partes sectum & evolutum representat; ut superior figura medullam oblongatam, quæque cerebri velut est basis, exhibet, cujus varia sunt tubercula.

Prima & anteriora sunt B, B, quæ ab Vvillifio striata corpora dicuntur, quod striis, ut ipsi videtur, sint incisa. Verùm, ut publice ostendit D. du Verney, hæc striae sunt scalpelli ipsius effectus: neque insunt in iis corporibus, sed ab ipso Dissectore fiunt: ut & A, A, in cerebro dissecto.

L, L, sunt alia ejusdem medullæ tubercula, quæ thalami nervorum opticerum dici solent.

Sic P, P, sunt protuberantiæ orbiculares, quæ suas habent appendices, seu epiphyfes.

Iam

Jam vero varii sunt tractus candidi, & quasi medullares, CC, EE, II, oo, per quos ea tubercula inter se communicant.

G G glandula est pinealis, in duas partes secta.

R R cerebelli truncus medullaris in arboris instar arboris divisus.

S calamus scriptorius, aut quartus ventriculus.

D I S S E R T A T I O II.

De motu animalium.


PRIUSquam de motu animalium tum spontaneo, tum naturali differamus, per pauca nobis dicenda sunt de nervorum structura & origine.


C A P U T P R I M U M.

De nervorum structura.

PRæcipua motuum animalium organa sunt nervi & muscoli. De utrisque breviter dicendum. Nervorum radices in cerebri & cerebelli cortice esse diffusas, easque in medullam oblongatam velut in truncum colligi, & in nervos ipsos tanquam in ramos spargi, ex iis quæ superiore capite attigimus, facile colligitur. Neque id adeo certum arbitramur, omnes nervorum fibras in cerebrum & cerebellum desinere: cum in piscibus cerebri moles ita sit angusta, ut minime sit verisimile omnium funiculorum, ex quibus nervi con-

te-





PARS TERTIA. 67

texuntur , extrema in cerebro & cerebello terminari. Adde illud quoque in piscibus spinalem medullam , ex qua tot oriuntur nervi , in progressu ferè non minui . Quod si autem spinalis medulla nihil esset aliud quàm cerebri appendix , eam versus caudam animalium hoc magis extenuari oporteret , quò pluribus nervis in descensu præbuit originem .

2. Nervi ex innumeris penè fibris constant , quæ ab origine sua divisæ ad partes corporis vel multum diffitas integræ ducuntur . Quin & singulas nervorum fibrillas pia mater involvit , quò sint solidiores , & magis exquisiti sensus : non secus atque in massa argentea cum deauratur , fila ejus arctius contracta , & longius producta auro itidem obducuntur . Sic spiritus per certas quique fibrillas ad partes quibus eæ inferuntur , impulsæ animæ jussu facilius exeuntur , quam si nervulis aptarentur valvulæ , ut in venis : quæ à Cartesio ingeniosè finguntur , sed finguntur tamen . Nervorum tubuli vel sunt excavati , vel innumeros meatus ferè ut cannæ , seu arundines indicæ admittunt . Hos utique implent non spiritus modo qui instar lucis sese latius explicant : sed etiam liquor nervæus , quî spiritus continet , ad partes omnes corporis vehit , ac fortè viscositate sua impedit ne ii diffentur . Itaque succus ille in cerebri cortice exstillatus , in medullam oblongatam primùm , & in spinalem , ut in arcam organi pneumatici , tum in nervos & eorum fibras , tamquam in tubulos , non præcipiti , sed placido motu defertur .

3. Ut

3. Ut omnes animalium motus non sunt uniusmodi, sic nervi qui horum motuum sunt opifices, non eandem habent originem. Qui motus spontaneos exerunt, iidem magis pendent à cerebro, iique à medulla oblongata & spinali oriuntur. Qui vero vitales & naturales motus efficiunt, nobis insciis & invitis tanquam in automate, iidem à cerebello dimanant: spiritus quippe in cerebelli, ut in cerebri cortice gignuntur. Nam copiose eo loco sparguntur arteriæ, & venæ sanguinem refluum accipiunt; glandulæ serum à sanguine separant. Sed effluxus spirituum è cerebello est perennis, & minime interruptus; non item in cerebrousu venit, quod forte inter dormiendum maiorem gignit spirituum proventum. Unde eadem pene est in omni animalium genere cerebelli forma, & ubique in laminas alte incisas dirimitur. Cum enim in omni animalium genere præcordiorum motus & actiones eodem pene modo peragantur, non mirum est si eorum cerebella eandem ubique formam, eosdem circellos vel lamellas, eosdem processus, eosdem quasi pedunculos habeant, quibus medullæ oblongatæ affiguntur. Cum autem nec sensus, nec motus spontanei, nec imaginatricis, & appetitus actiones sint in omnibus animantibus consimiles, ut sunt respiratio aut cordis motus, magna quoque in iis reperitur cerebri & medullæ oblongatæ varietas. Ubique in cerebello plicæ & anfractus conspiciuntur, qui in cerebris multorum animalium desunt. Accedit etiam quod secto in animali cerebro, cordis motus

PARS TERTIA. 69

tus & respiratio maneant : sed ubi cerebello cultrum adhibueris, statim vitales motus omnino cessabunt. Unde nervi vitalibus additi functionibus, à cerebello suam ducunt originem, vel certe à medulla spinali, quæ huic subjicitur.

4. Nullum est inter cerebrum cum cerebello immediatum commercium : etsi enim parte summa colligari inter se videntur, tamen non nisi superficie tenuis se tangunt : sunt quippe distinctæ omnino hæ duæ animalis regiminis provinciæ ; nec inter eas spirituum commeatus ultro citroque peragitur, nisi medullæ oblongatæ interventu. Quique in cerebro elaborantur spiritus, per medullam oblongatam in nervos qui motus spontanei sunt organa, continenter profluunt : ut spiritus in cerebello præparati ad eas partes tendunt, quæ naturæ instinctu, aut cæco passionum impetu actiones suas exerunt. At sæpe permagni interest ut ambæ partes, ad quas summa rerum pertinet, vires suas consocient, ut naturæ instinctus cerebrum non lateat, ut vicissim idea in cerebro formata, vel appetitus ad præcordia usque per interjectum cerebellum transmittatur. Quare hujus commeatus gratia protuberantiæ quædam medullæ oblongatæ, velut spirituum diverticula, aut castella sunt à natura destinata. Sic forte protuberantiæ cerebri orbiculares passionum ideas in cerebro conceptas in cerebellum per spiritus transmittunt, atque hinc in præcordia deducuntur : ut vicissim naturæ instinctus, aut viscerum affectiones primum ad cerebellum, tum si paulò sint vehement-

mentiores, in ea cerebri tubercula, tandem in communis sensus organum deferuntur. Quod si v.gr. magnus sit æstus in præcordiis, sensus hic molestior per nervum qui vagus dicitur, quique in viscera interiora diffunditur, cerebellum afficit: hinc spiritus per prædicta tubercula, & eorum epiphyfes ad cerebri tribunal perveniunt, ubi aquæ excitatur appetitus; tum motus imperatur, quod ea molestia tolli possit.

C A P U T I I.

Nervorum origines perstringuntur.

Septem nervorum conjugationes quæ e cerebro, & cerebello prodeunt, Veteres recensuere. Sed Thomas *Villis*, Anglus qui anatomiam cerebri diligentius est persequutus, decem numerat; eorumque origines cerebro inverso facile deprehenduntur. Primi sunt olfactorii, qui ex medullæ oblongatæ radicibus ad eas partes cerebri anteriores mammillarum papillis non absimiles delati, in plures abeunt fibrillas, quæ narium cavitates obducunt: quamquam multis incertum est an ii nervi dicendi sint, qui fortè nihil sunt præter utrumque cerebri ventriculū eo usque continuatum, ac nihil videntur habere de nervorum natura. Hi nervi in prima tabella sunt I, I. Id verò observatum fuit à Vernæo aliam esse horum nervorum in brutis, aliam in homine structuram. In istis cavi sunt, cum anterioribus ventriculis continuati; non item in homine, sed
mi.

P A R S T E R T I A. 71

minores in eo sunt, & solidi, à ventriculis cerebri se juncti, atque eorum fibræ per os cribrosum in nares productæ videntur, quæ dura meningē ut cæteri nervi extra cerebrum muniuntur.

2. Olfactorios excipiunt optici, qui ex utroque latere medullæ oblongatæ ex iis nempe tuberculis quæ nervorum opticorum Thalami à Galeno vocitantur, suam ducunt originem: in progressu prope infundibulum junguntur, mox à se invicem discedunt. In ortu ipso nihil sunt nisi filamenta quædam sibi parallela, quæ producta in striata corpora desinunt: in eadem figura duo nervi optici sunt 2, & 2, qui prope infundibulum O, junguntur.

3. Occurrunt nervi oculorum motores è basi oblongatæ medullæ prope infundibulum oriundi, quippe in oculorum musculos sparguntur: adeo ut motus spontaneus ab iis nervis proficisci videatur. Qui autem à cerebello, aut ejus vicinia prodeuntes in oculi musculos sparguntur, hi motus efficiunt patheticos, atque ut sunt affecta præcordia: ita oculos variè inflectunt. Nervii motores oculorum sunt 3, & 3, ut pathetici sunt 4, 4.

4. Hi quippe nervuli qui prope orbiculares processus oriuntur, in ipsius cerebri vestibulo, oculos juxta instinctum, aut passionum impetus variè contorquent. Unde par illud quartum nervos patheticos complectitur, idque recens fuit observatum.

Quintum sequitur, quod vulgò tertium nominatur: quod è citeriore cerebelli parte, ex utroque videlicet latere illius protu-

be-

berantiæ, quæ medullam oblongatam cingit, profectum, in varias fibras jam in ipsa origine dividitur. Ex iis aliæ sunt duriores quæ motui serviunt, aliæ molliores, quæ ad sensum, gustum imprimis, & olfactum pertinent: omnes pene ii rami naturales exerunt functiones, aut quas passionum impetus exigunt. Tametsi satis est probabile quosdam ramulos ex caudice medullari ortos motui spontaneo etiam famulari. Hujus nervi interventu tanta est consensio inter oculos, nares, linguam, faciei musculos, & præcordia, ut in consimiles actiones una conspirent. Hinc præcordiorum affectus statim in facie se produnt: nam hujus nervi ramus unâ cum ramo sexti paris, quod ex ima parte ejusdem protuberantiæ annularis oritur, radices sunt nervi insignis, qui intercostalis dicitur, qui- que in cor & viscera pene omnia diffunditur. Ex quibus palam fit cur inter oculos, nares & gustus organum tanta sit cognatio; cur cibus aut olfactu, aut visu perceptus salivam moveat; cur in summo languore vini libamen- tam cito præcordia recreet; cur inter manducandum tot muscoli nobis insciis, & citra defatigationem moveantur. Actiones enim illas naturæ potissimum instinctus exigit: atque ii spiritus qui à cerebello continenter manant, eas exerunt. Hinc etiam in omni perturbatione animi, ut in risu, fletu, gaudio, mœrore, oculi, facies, os ipsum cordis motibus apte respondent, ut eodem velut plectro agitari videantur. Atque hi nervi suis numeris 5, & 5, designati in marginè annularis processus sunt conspicui.

Sex-

PARS TERTIA. 73

Sextum, ut diximus, par ramum pro radice nervi intercostalis suppeditat, dum alter, & major in quosdam oculi musculos absumitur, ubi non alios motus quàm patheticos, ac metum imprimis, statim efficit. Hinc subito timore percussi, statim oculos ad latera deducimus: par sextum, 6. 6.

Septimum ex imo margine annularis protuberantiæ oritur, atque illius duo sunt utrinque trunci, quorum alter est mollior, & præcipuum auditus organum; alter est durior, qui ad fauces, laryngem, linguæ musculos, labia, & alias oris partes mittit furculos. Hinc vox tam aptè auditui respondet. Hinc etiam nonnulli aures muscas habent, alii non item, ut fortè eorum cerebellum molle est, aut durum, & sonorum ideas facillè, aut ægrè excipit. Nam ut in cerebro manent impressiones ab aliis sensibus factæ, ita fortè in cerebello, aut in processu annulari qui medullam oblongatam cingit, sonorum asservantur vestigia. Tot enim notiones, aut species quæ insunt cerebro, sonorum numeros facillè confunderent. Sed in cerebelli cellulis ritè dispositis tutiùs collocantur, unde spontè quadam, & citra attentionem continuata serie, non perturbata profluunt. Hinc musica perturbationes animi sedat, tristitiam lenit, immodicos sanguinis æstus, aut fluctuationes temperat, dum spiritus à cerebello in præcordia jugi fluxu manantes, quasi ad numeros movet. Verùm ista ut conjecturæ sunt accipienda: quod minus sit verisimile sonorum impressiones in cerebro,

aut in communis sensus organo infigi.

Par octavum, seu vagum inferius oritur, idque magna fibrarum varietate in ipsa origine est conspicuum. Hoc utique cum pari intercostali in præcordia delabitur, sed ultra ventriculum non excurrit: cum nervus intercostalis, cujus primam originem supra diximus ex quinti & sexti paris furculis repeti oportere, in partem infimi ventris longè latèque spargatur. Uterque nervus, vagus scilicet, & intercostalis in plexus quosdam quasi in nodos, aut tumores identidem dilatatur, cum scilicet ramos, aut admittit, aut emittit. In his velut castellis spiritus collecti in suas quique provincias amandantur. Vagus in suo fonte insignem è spinali medulla nervum accipit, cum quo conjungitur, & ambo eodem involucri te-cti, è cranio prodeunt, tum spinalis nervus statim discedit. Nonum, & decimum par, ut vertebrarum nervi in varios musculos abeunt: sunt enim motus spontanei instrumenta, de quo quidem motu dicendum est.

C A P U T III.

De motu animalium spontaneo in universum.

Sensum omnem cum appetitu quodam, & vi motrice conjunctum esse jam in Philosophia Morali diximus. Ac frustra sensus nobis esset à natura concessus, nisi vim motricem sibi haberet adjunctam, qua posset quæ sibi apta sunt, adipisci, & noxia

PARS TERTIA 75

refugere. Motus autem animalium duplex est, spontanens nimirum, & merè naturalis: de utroque dicendum.

Præcipuum, & proximum motus spontanei organum est musculus, qui summa celeritate contractus, partem cui inseritur, adducit, aut flectit, aut torquet. Quo autem id modo fiat, explicatu, si quid aliud, arduum est. Sed priusquam id ingrediamur musculi fabrica antè est explicanda.

Musculum ex tribus partibus esse compositum vulgò docent Anatomici, ex capite nimirum, cauda, & ventre. Caput principium est, & velut centrum motus: nam musculus ad originis suæ locum adducitur; caudam vocant tendinem qui in os, aut in partem movendam inseritur; fibræ autem multiplices à capite musculi prodeuntes in tendinem desinunt: venter mediam, & latiore musculi partem occupat; robur & firmitas musculi à fibris tendinosis potissimum repetitur: sunt tamen flexibiles, non rigidæ.

Verum artificiosa & mœchanica musculorum compositio diligentius ab Illustri Stenone fuit exposita. Ac primum cum alii sint simplices, alii compositi; simplices non uno tantum, sed duplici tendine muniuntur.

Fibræ autem carneæ in medio laxiores, sibi mutuo parallelæ, & cum utroque tendine pares angulos efficiunt; sive eæ spectentur fibræ, quæ juxta se positæ musculi latitudinem efficiunt; seu illas intueamur quæ musculi crassitiem, & profunditatem componunt. Citra sectionem musculi, fibras

quæ illius latitudinem efficiunt, & earum situm intueri licet.

Quod si autem tendinem alterum secueris medium, & totum pene musculus divideris, tum fibras carneas una serie dispositas, & parallelas ab uno tendine in alterum productas conspicias: quæ ut placet Stenoni, utrinque acutos, & pares angulos cum oppositis tendinibus efficiunt.

Quare ubi musculus contrahitur, & intumescit, tum iidem manent tendines, neque ii fiunt contractiones, fibræ autem carneæ à se invicem magis diductæ fiunt apertiores, aut laxiores; aut minus acutos angulos cum utroque tendine efficiunt. Hinc brevior fit musculus: nam fibræ carneæ parallelogrammum, seu quadrangulum exhibent, cujus oppositi anguli non ita sunt acuti, sed rectis angulis sunt propiores. Ac fortè id fieri potest citra novæ materiæ accessionem: adeò ut contrahatur musculus ex sola angulorum mutatione. Is fibrarum parallelismus, & cum utroque tendine connexio intelligi utcumque potest exemplo illius instrumenti jam vulgaris quo solent Geometræ lineas parallelas ducere, aut scalæ portatilis. In iis quippè latera semper eadem manent, licet anguli modò sint apertiores, modò acutiores.

Musculus tamen ex solis fibris carneis non constat: sunt enim aliæ penè innumerabiles, & membranosæ, quæ carneas transversim secant, sibi itidem mutuo parallelæ, quæque pares angulos cum utroque tendine efficiunt.

Sed & fibræ omnes membrana quadam ut communi involucri teguntur. Arteria quoque

PARS TERTIA. 77

quoque, vena, & nervus medio musculi ventri ita inferuntur, ut arteriarum propa- gines per carnium interstitia ubique spa- gantur, nervus autem minutiores tantum furculos circa medium musculi ventrem emittat.

Musculus compositus ad validiores mo- tus à natura comparatus, multiplici ventre instruitur: tendines quoque habet tum ex- ternos, tum intermedios. Sic uterque ten- do similis est funi crassiori qui ponderi at- tollendo illigatus, in plures funes mox di- visus, à multis hominibus trahitur. Tum enim funis cum appenso pondere tendinem cum parte movenda exprimit. Sed carneæ fibræ dum à se invicem recedunt, & angulos mutant, uti homines funem divisum tra- hentes, fiunt breviores, & pondus attollunt: adeò ut fibrarum contractio musculi motum efficiat.

Sed gravis adhuc, & nescio an aliquando dijudicanda manet quæstio, an fibræ car- neæ quæ breviores evadunt, cujusdam sub- stantiæ accessu fiant crassiores: ita ut con- tractus musculus turgat, & plenior sit, quam ubi relaxatur. An potius fibræ car- neæ sola angulorum ampliacione à se invi- cem recedentes crassiorem musculum, & brevior em efficiant. Hac de re nihil aude- mus decernere. Doct. Vvillis priorem tue- tur sententiam, quam variis experimentis confirmat.

1. Id constat ex dissectione vivorum ani- malium, fibras carneas cujusque musculi, aut ab aliis separatas, aut conjunctas, tum contrahi, & duriores effici, cum mus-

cujus ipse contrahitur : Sic in fibris diaphragmatis (quod scilicet corporis truncum bifariam secat) cum ab alijs essent divisæ, & in medio ligatæ, contractio facta est more solito. Sed ubi ligatura uni extremo propior facta est, ultra ligaturam versus medium nulla est facta contractio. Quod motus, aut contractionis principium ab utroque tendine versus medium musculi ducatur, & in ventrem propagari soleat, per spiritus scilicet ab utroque tendine diffusos. Hinc fibris resectis versus alterum tendinem, ex ea parte statim flaccescunt, dum contractio in parte altera, ubi tendini adhæret, diu continuatur. Atque hinc liquet contractionem musculi non fieri, cum finis illius ad caput adducitur, ut vulgaris opinio hactenus obtinuit : sed cum fibræ carneæ circa ventrem intumescunt, tendinibus quoad longitudinem, & crassitiem nihil immutatis. Quod quidem in diaphragmate clariùs patet. Nam eo contracto fibræ carneæ fiunt breviores, & crassiores.

2. Fibræ carneæ cum solæ fiant crassiores, non aliundè possunt intumescere, quàm ex novorum spirituum accessione : spiritus verò qui è cerebro aut cerebello profluunt, videntur esse pauciores quàm ut tot motus, & tam diù procreent. Hinc illud satis est probabile spiritus quosdam infinitos in utroque musculi tendine coacervari, qui ubi expanduntur, & in fibras carneas commeant, eas contrahunt, & duriores efficiunt. Siquidem eos vi elastica donari, ut aerem ipsum, non abhorret à verisimili. Nam vis musculorum non solum ex cerebro,

bro, & nervis ritè dispositis; aut ex mechanica musculorum dispositione (quod fibræ carneæ sint velut totidem vectes tendinibus affixi, qui pondus appensum attollunt, aut adducunt) sed fortè etiam ex vi elastica spirituum oritur: quæ in iis non minor est, quàm in ipso aere: & tamen novimus quantum pondus vesica, dum inflatur in machina pneumatica, attollat. Et quidem nervi tantis motibus obeundis sunt impares, nec citra disruptionis periculum eum impetum iustinere possunt. In ipso igitur musculo tam valida vis quærenda est, quam tot fibræ simul contractæ ut totidem funiculi habere possunt.

Rem verò ita esse ex ipsis ligaturis licet colligere: cum vim omnem motionum à tendinibus ad fibras carneas, seu ad ventrem musculi profluere experiamur. In cordis, diaphragmatis, thoracis, & aliis qui certa lege sunt motibus, juxta instinctum à cerebello per nervos transmissum alternis extenduntur, & relaxantur. Sic cordis mucro resectus, & digito impositus identidem se contrahit; & durior percipitur: quod utique omni musculo commune est. Nam si longioris musculi longiores fibras carneas, ter quaterve transversim secueris, partes sectæ contractionem suam adhuc continuabunt, & duriores fient in ipsa contractione. Instinctus verò ille ad motum naturalem à cerebello per nervos transmittitur. Nam spiritus, ut dictum est, alternis expanduntur, & contrahuntur. In musculis vero qui motus exerunt spontaneos, instinctus ille, & imperium à cerebro dimanat. Quo autem





id modo fiat, explicatu, si quid aliud, est
difficillimum.


Ea tamen ut probabilia statui possunt.

1. Spiritus influos à cerebro per nervum
transmitti, atque hinc spiritus qui in ten-
dinibus, ut in promptuariis insident, velut
ad motum impelli; hi verò fibras tendineas
nec dilatant, nec contrahunt. Sed ubi ad
carneas pervenere, eas statim contrahunt:
ferè ut caloris atomi iatra metalli meatus
conclusæ placidiùs fluunt: sed molliori ex-
cepti corpore, illius partes huc illuc agi-
tant, & exasperant, ut in corio cernere est.

2. Id certum quoque videtur, sanguinem
ad motum animale esse necessarium: cum
spiritus magnis exhausti laboribus aliundè
refarciri non possint: nec qui per nervulos
affluunt, tot motibus sufficiant. Unde
membra sanguine destituta statim aut de-
bilia fiunt, aut paralytica. Idque à Steno-
ne fuit observatum, quod cum aortam de-
scendentem in cane vivo ligasset, adstricto
vinculo statim partes omnes motu privaren-
tur, qui laxato vinculo reddebatur. Quod
non spiritus tantum animales, vel insiti, &
in cellulis tendinum reconditi; vel indui,
& nervorum interveniù transmissi, sed ar-
teriosus quoque sanguis, vel succus ex eo
secretus ad motum conspiret: quocumque
id modo fiat, sive succus sanguineus cum
succo nervoso aut spiritibus nonnihil tu-
multuetur, & fermentescat; sive citra ef-
fervescentiam, aut elisionem hic motus per-
ficiatur: id enim omnino nos fugit.

Illud quidem certum videtur. 1. nervos
qui à cerebro manant, quique in mille
abeunt





P A R S T E R T I A. 81

abeunt fibrillas, instinctum tantummodo vel impetum afferre. 2. Musculos uberiore sanguine perfundi, quod in motus spontaneos plurimi spiritus absumentur, qui è latice sanguineo subinde reparantur. 3. Longè majores, & magis continuas futuras musculorum contractiones, nisi sese mutuo impedirent. Unde cum alter musculus paralyti resolvitur, illius oppositus, seu ut loquuntur, antagonista plerumque jugi contractione aut convulsione afficitur.

Atque ista de musculorum motu ex Stenone, & Villisio magna ex parte desumpta jam dictata & explicata fuerant, cum Doctiss. Vernæus regię Academię Anatomicus musculorum structuram & usum ita ferè exposuit. Ac primo quidem fibras cujusque musculi motrices exhibuit, quarum unaquæque triplici parte necessario constat, duplici nimirum tendinosa, ut in appositæ tabellæ prima figura BB, & media quæ carnosa est, & crassior A, hæcque ex multis constat fibrillis, quas filamenta membranosa connectunt: pars tendinea dura est, firma, compacta, cum carne cohærens: pars autem carnosa est mollior & minus firma.

2. Fibra carnosa est instar elaterii, cujus motus est manifestus; tendinea est velut funiculus quidam omnino immobilis.

3. Eiusdem musculi fibræ carnez sibi mutuo sunt æquales: sunt enim fibræ singulæ quasi totidem elateria, quæ ad certam usque longitudinem extenduntur; idque eò magis, quò sunt longiores: adeo ut si fibra uno digito longa ad unius lineæ, seu

partis duodecimæ longitudinem contrahi possit, fibra tres pollices aut digitos longa usque ad tres lineas contrahatur. Cum itaque æquales sint omnes ejusdem musculi fibræ, ut in figura secunda videre est, ubi contrahuntur & vim suam exerunt, ad eandem omnes quantitatem simul corripuntur; sicque mutuo sese adjuvant, & vim suam majori conatu edunt; quàm si inæquales essent fibræ: tum enim una ad trium, altera ad unius lineæ quantitatem contracta, magna oriretur in musculi motu inæqualitas & confusio; ac debiliores fibræ non modò inutiles forent, sed vegetiores quoque impedirent. Unde si fibra carnea altius in tendinem descendat, minus in alterum tendinem ascendit: adeo ut omnes fibræ sibi mutuo æquantur.

4. Quò magis fibræ in rectas lineas producuntur, hòc vim majorem habent: hinc natura eam rectitudinem quam sæpissimè potest, affectat. At si omnes fibræ ita essent dispositæ, musculus ipse crassior foret, instar arboris trunci: hinc pars tendinea majorem ossis cui inferitur, partem occuparet. Sic in figura secunda si fibræ desinerent in *GF*, musculus in nimiam molem excresceret. Quò igitur & venustati, & utilitati partium consuleret natura, sic musculos aptavit, ut plures quam minimum spatium occuparent, & figuram iis dedit, qualis in figura tertia & quarta cernitur: adeo ut fibras omnes tendineas intra angustum funiculum colligat: neque in rectam lineam protenduntur, sed aliæ aliis leniter incumbunt. Sic in tertia figura musculus est

PARS TERTIA. 83

ess simplex cujus tendines A B & C D, eo quo diximus modo, disponuntur.

5. Sunt quidam muscoli oblongiores, quorum fibræ carneæ sunt breviores, sed numerosæ admodum alii contra sunt muscoli quorum pauciores sunt fibræ, sed oblongæ; atque illi sunt validiores, licet brevem efficiant motum: cum longiores sunt muscoli & paucas habent carnes, imbecilles sunt eorum motus, sed magni. Itaque multæ carnes magnas præbent vires, ut earum longitudo magnos efficit motus: atque hæc duo, longitudo nimirum fibrarum, & motus magnitudo ad naturam musculi maximè pertinent; reliqua ei accidunt ex loci ipsius dispositione, & partium situ. Fig. 4. musculus est compositus.

Quo autem modo muscoli contrahantur, jam supra innuimus: motus omnis instinctus vel initium à cerebro proficiscitur: sed illud incredibile videtur satis uberem spirituum copiam indefinenter à cerebro in musculos profluere. Itaque verisimile videtur tendines esse quasi spirituum promptuaria, quos novi è cerebro advenientes spiritus excitant; iique una cum succo quem arteriæ fibris carnosiss suppeditant, fibras carnosas inflant: ut fides testudinis vel humido aere intumescunt: adeo ut nihil fortè opus sit fermentatione: ut muscoli contrahantur: sed satis fuerit si fibræ utroque liquore imbutæ intumescant. Verùm ista inferius accuratius expendentur.

musculus est compositus
 1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

Solventur objectiones.

I Multa opponi possunt adversus eam motus spontanei explicandi rationem, quæ leviter attingimus. Primò illud videri intellectu arduum, quid fieri possit, ut constans & æquabilis musculorum motus à causa tam violenta, qualis est elisio, aut spirituum fermentatio, dimanet. Id quidem satis probabile videri, motus convulsivos à spirituum elisione, & velut à quadam excandescencia oriri: sed non tantum est spirituum inter se, aut eorum cum sanguine dissidium, ut citra explosionem una conjungi non possint. Illud probari nunquam posse, animam in corpore velut scopleta perpetuo explodere: sed verisimilius videri eam musculo ut ense uti, hunc quocunque voluerit vibrare, adigere, retrahere. Deinde si primus impetus ab anima profluit, quod autem reliquum est, & quasi præcipuum, ignis cujusdam velut incendio permittitur, vix poterit anima quos excitavit tumultus compescere. Postremo, quomodo feriari possunt musculi, aut animæ jussis parere, cum sanguis in eos indefinenter illabatur, nec spiritus desint in nervis?

Resp. Ex his planè confici non violentam, sed lenem omnino & placidam in musculis fieri fermentationem: (si tamen ulla fiat in his moribus fermentatio) quæcunque illius sit causa, aut dilatatio spirituum, aut vis quædam aeris elastica, seu ex mechanicis principiis, uti jam exposuimus; seu per excavatas fibrillas spiritus illapsi vim

PARS TERTIA. 85

musculi impensè augeant : ut si tubulo per foramen folliculi aerem immittas, tum folliculus ingens pondus attollet.

Rem vero ita esse ut exposuimus, & spiritus animales, aut succum nerveum in tendinibus, ut in promptuariis quibusdam recondi, hinc licet conjicere, quod irritat9 tendine statim dolor & quandoque tumor, & contractio in ventre musculi exoriatur. Unde quò majores sunt motus, hòc in musculo plures sunt tendines, & altius intra musculum demersi, ac fibræ carneæ sunt breviores. Sic in ultima figura quæ musculum A. B. compositum exhibet, plures sunt tendines, & unus est intermedius. Arteriae verò sanguinem fibris carneis affundunt, non tendinosi. Nam si ligata vena spiritum vini atramento infectum per arteriam musculi injeceris, statim fibras carneas, imò & membranofas atro calore tinctas conspicias : Sed liquor ille ad tendines usque non perveniet.

Sed, inquiunt, omnis fermentatio cum humoris alicujus secretionè conjuncta est, ut in vino post fermentationem fæces subsidunt. Nulla porro est in musculis ejusmodi secretio, nec verisimile est infinitas propè effervescentias tam subito effici.

Resp. Fermentationem illam, si quæ sit, admodum lenem & placidam existere; neque id verum est in omni fermentatione fæces subsidere : cum enim oleo vitrioli aqua affunditur, calor emergit citra ullam partium secretionem : quæ etiam si aliqua esset, per transpirationem insensibilem aut vasa

vasa lymphatica, de quibus postea, aut venas ipsas fieri posset.

Opp. 2. Non solum mucronem cordis abscissum, sed etiam musculos aut fibras eorum resectas plerumque contrahi: quamvis nec sanguis per arteriam, nec novi spiritus per nervos affluant,

Resp. In musculis particulas motrices & elasticas contineri, quæ perturbata animalis œconomia motus suos continuant, tametsi cum res bene se habet, actiones suas aut motus non exerunt, nisi accepto à cerebro per nervos imperio. Nec deest in fibris carnis, aut sanguis, aut succus ex eo secretus qui hos motus promoveat. Itaque spiritus insiti sublato cum influis commercio per aliquod tempus solitos motus exerunt. Verum id rarius accidit in musculis qui appetitui parent.

Non possumus hoc loco novam huius motus explicandi rationem quam *D. Perrault* in tractatu identidem à nobis citato, & in dissertatione de motu peristaltico disertè & dilucidè explicat, silentio prætermittere. Id statuit, quod ab omnibus ferè conceditur, musculorum actionem fibrarum contractione contineri. Verum has fibras quæ musculum contrahunt, negat esse carnosas, sed eas potius, quæ cum à tendinibus dimanent, musculum involvunt, & interiora illius pervadunt, quæque filamenta sua cum fibris carnosis coniungunt. Ea autem potissimum ratione ductus contractionem musculi tendinosæ fibræ potius quam carnosæ tribuit, quod hæc fibræ in plerisque musculis sint obliquè & trans-

ver-

PARS TERTIA. 87

versim locatæ, non in longum porrectæ: cum fibræ tendinosæ in longum productæ tendini, qui musculum cum osse connectit, arctissimè cohæreant. Quare ubi contrahuntur hæ fibræ, simul ossa tendinibus illigata faciliè abducunt: fibræ verò carneæ contracta musculi membrana fiunt firmiores, neque adeo contractionis effectum impediunt. Nam si laxiores essent, compressionem ipsam eluderent, deinde in parte carnosâ spiritus præparantur ex subtilioris sanguinis mistione cum spiritu à cerebro per nervos influente. Utrique huic muneri fibrarum obliqua, aut transversa dispositio est aptissima, ut ex iis spiritus in membranam quæ musculum involvit, faciliùs commeant.

Fibras tendineas & membranam ipsam quæ musculi est involucrum, non ut vulgò creditur, sed alia & contraria ratione contrahi arbitratur vir doctiss. Vim enim illam sui contractricem in ipso elaterio membranæ & fibrarum positam esse contendit. Quod utique motus principium tam naturale est plerisque corporibus, quàm gravitas. Idque in musculorum membranis & funiculis conspicuum est, cum tensa, & plus æquò dilatata sese in statum naturalem vel in cadaveribus ipsis restituant. Verùm ista, & quæ subjicit per ingeniosè excogitata, cum ab ipsa musculorum structura pendeant, non possumus ut par est expendere, quin ante musculorum fabrica & usus diligentius à nobis sint exposita. Ac nuperrimè prodiit in publicum eximium opus Alphonsi Borelli de motu animalium, ubi
stru.

structuram & actionem musculorum, imo & motus omnes animalium diligentissime persequitur, ad leges mechanicas exigit, & variis figuris exprimit. Non erit alienum ab instituto nostro, si ex iis quæ fusè uno item & altero volumine complexus est, & geometricis demonstrationibus illigavit, quæ nobis non inutilia videbuntur, excerpamus, non hoc tantum in loco, sed etiam ubicunque sese dabit occasio, & nostrum quoque adhibeamus iudicium.

C A P U T IV.

*De structura & actione musculorum ex
Alphonso Borello.*

Primum quidem quod musculorum structuram attinet, nihil necesse est quæ superiori capite sunt explicata retexere. Musculum ex tendine, membrana, carne & vasis omnis generis esse compositum, tendinem à ligamenti natura non abhorrere; carnem musculosam membrana nervea, aut tendinosa contineri; in plures eam diduci fasciculos, qui formam prismatis oblongi, aut hexagonam aut quadratam, aut triangularem aut alterius figuræ præ se ferunt. Singuli fasciculi ex pluribus constant fibris inter se parallelis, quæ tenaci glutine adhærescunt tendinibus, aut membranis, aut ossibus, aut aliis carneis fibris. Hos itidem fasciculos innumeræ fibræ tendinosæ in transversum plerumque colligant, ex quibus membranæ retiformes & nervosæ
uua

una cum vasis capillaribus & sanguineis conflantur. Eas esse nervosas, & firmas hinc liquet; quod adeo sint tenaces & duræ, ut vix acui diffrumpi queant.

2. Fibræ musculosæ apparent quidem sanguineæ: sed rubor ille à sanguinis affluxu proficiscitur. Hoc enim ceu spongiæ implentur: cum aqua sæpius ablutæ fiant candidæ; non dissimiles fibris tendinosiis. Hinc tanta in his fibris tenacitas. Post elixationem fibræ carneæ intumescunt, & microscopio visæ ut cylindruli apparent pleni substantia medullosa: unde humore affuso inflantur instar funis madidi. Eæ porro fibrillæ carneæ adeo tenues sunt, ut capillum muliebrem vix æquent: crassiores tamen sunt vasis & nervulis capillaribus quibus inter se nectuntur.

3. Fibrillæ musculosæ à carne non differunt. Neque enim caro est instar tomenti villosi, quod circa fibras tendinosas ex sanguine concreascit: nam fibræ musculosæ cum fuerint ablutæ, fiunt candidæ. In extenuatis quidem fiunt graciles, quod succus in iis deficiat, ut in foliis arborum exsiccatis, dum succus abest qui spongiosas implebat cavitates. In hoc verò à tendinosiis fibris discrepant, quod sanguine & succo nerveo semper madeant, non item tendinosæ.

4. Variæ sunt musculorum figuræ præter eas quas attulimus. Nam in quibusdam fibræ sunt decussatæ, in aliis sparguntur in orbem, in nonnullis sunt radiosæ, aut in pennæ formam digestæ.

5. Fibra quælibet musculosa similis est cate-

catenæ ex pluribus Rhombis, v. *lozanges*, compositæ. Sic enim contrahi possunt & diduci. Neque omnium partium contractio fieri potest citra eam velut rhomborum seriem continuatam. Quælibet igitur fibra similis est catenæ ex iis machinulis compositæ, quibus dilatatis simul fibræ contrahuntur. Hinc cavitates machinularum minores sunt crassitie unius fibræ; cum intra ipsius fibræ crassitiem contineantur. Fibræ autem 50, unius digiti latitudinem vix æquant. Musculi adeo textura non dissimilis est fasciculo reticulari qui ex innumeris catenis sibi contiguis contextitur. Cum cessant fibræ carneæ, tum molles sunt, laxæ, & longiores, ac facies internæ meatuum, aut pororum sese mutuo tangunt. Cum autem agunt, tum indurantur, & intumescunt: nam imminuta earum altitudine diametri transversæ augentur.

Atque hinc explicari potest actio musculi. Primum enim fibræ carneæ contrahuntur, non tendines, ut ex anatome vivorum animalium liquet. Vis itaque carneæ fibræ cum suspendit pondus, in illa consistit energia, qua contrahitur. Tendines quidem vim aliquam patiuntur, quatenus per motum localem à filis carneis trahuntur, suntque fere ut manubria fibris carneis illigata.

Ex quibus id liquet. Clariss. Stenonis hypothesim minus esse probabilem, musculos sola figuræ mutatione contrahi citra novæ substantiæ affluxum; nec fibras fieri crassiores, cum ex quadrangulo oblongo, ut ex rhombo sit rectangulum. Certum.

tum est enim fibras fieri crassiores , alioqui totum spatium jam latius factum non implerent .

Deinde illud non conceditur , simplices musculos rhombis omnino esse similes , ut in figura superioris tabulæ expressimus : adeo ut in contractione anguli minus obliqui fiant , & ex figura obliquos angulos habente fiat quodammodo rectangulum . Nam si ponamus duas regulas per fila æqualia inter se connexas , palam est eas clavo affixas appenso pondere adeo non diduci , aut rectanguli figuram affectare , ut potius in rectam pene lineam coire videantur .

Quocirca muscoli simplices vel eam figuram habere non possunt , vel illa actio non potest iis convenire : de compositis musculis alia est ratio . Musculi intercostales eam pene figuram oblongam & Rhombo non dissimilem nacti videntur . Sed dum fibræ obliquæ ossi annexæ aliud os vel tendinem ad se trahunt motu transverso & sibi parallelo , tum obtusa fibrarum inclinatio non minuitur , sed augetur magis : verum de his postea .

2. Hinc colligitur musculi actionem esse duplicem : una est fibrarum propria , quæ ab earum naturali structura pendet . Nam intueri licet truncatos animalis recens mortui musculos seipsos contrahere , ut in viventibus . Illa porro contractio non est laboriosa , atque eo fere modo perficitur , quo fides citharæ , quæ leni pulsu adducuntur . Sic flexo articulo aut cruris , aut manus , qui in parte cava inest musculus , is laxior est , tum illius antagonista seu

seu extensor vim suam naturalem exerce-
re posset : & tamen vis illius naturalis tam
debilis est ut ipsius articuli obicem vincere
nequeat.

Altera vi opus est , & quodammodo vo-
luntaria quæque ingentia attollit pondera .
Quæ autem sit causa hujus tam validæ con-
tractionis , vix intelligi , nedum explicari
potest .

Ac primum quidem non contrahitur
musculus vi facultatis incorporeæ , ut vi-
sum est Galeno , cum is durior fiat & ten-
sior . 2. Negat Borellus spiritus instar auræ
tenuis , aut aeris hunc motum efficere . Nam
si spiritus aerei musculos contraherent , vel
instar venti excurrento intra eorum cavitat-
es , vel plenitudine sua , vel ebullitione .
Quæ omnia graves patiuntur difficultates :
cum actio musculi , quæ est longitudinis
contractio , vix concipi queat citra cunei
operationem . Durior enim fit musculus
& tensus , quod annuli fibrarum , aut rhom-
bi velut ab innumeris cuneis dilatentur ,
eo quo exposuimus modo : vix enim mus-
culus durior esse potest , nisi augeatur ejus
latitudo , & crassities . Inde fit cum par-
ticulæ corporis advenientis instar cuneo-
rum insinuantur intra fibrarum poros : un-
de & cuneorum apparatus in musculorum
contractiones requiritur , durities nimi-
rum & vis motrix : quæ vix in aura tenui
reperies . Nam spiritus illi , ut videtur Bo-
rello , sunt lana molliores . Id etiam ro-
gat unde tanta spirituum copia , quod eo-
rum promptuarium ? unde vis illa motrix
quæ novam illam spirituum copiam intra
muscu-

musculi meatus impellit? non enim, inquit, raro corpori & tenui ut aeri tam vehemens impetus projectitius imprimi potest. Verum fortè eadem regeri possent de vi pulveris pyrii, de procellis & turbinibus qui turres & arbores disjiciunt. Imò de omni fere motu qui à subtili & æthereo corpore videtur profluere.

Illud quidem ultro concedimus, musculum sursum non trahi instar funis: nam illius longitudo non minueretur, nec instar arcus tensi vi propria contrahitur: prius quippè eum distrahi, aut diduci oporteret. Deinde arcus, fides testudinis & aliæ hujus generis machinæ tum vim suam exerunt maximè, cum distenduntur; contractæ omnino feriantur. Postremo vis illa qua musculus instar machinæ contraheretur, æqualis esset potentiæ oppositæ, quæ musculo antagonistæ inlidet: ergo utriusque musculi vires erunt velut in æquilibrio, & inertes manebunt.

Fateor id quoque musculi poros à sanguine subeunte non impleri. Quæ enim vis sanguinis cuneolos tam validè impelleret intra fibrarum poros? Hæc quidem sanguinis propria esse nequit. Nam vis illius admodum debilis est, nec potest sanguis seipsum per arterias impellere. Natura cogitur vim motricem cordis, & alia subsidia adhibere. Ac ne propriam quidem gravitatem is valet superare: ut cernere est in brachiis demissis: tum enim venæ præ stagnante sanguine intumescunt, quod sanguis præ suo pondere vix sursum eniti queat. Huc adde cor esse musculum,

ut postea dicemus ; sed cum induratur , & contrahitur , tum est penè exangue : cum autem impletur sanguine , ac totum rubet , tum cessat : ergo ex appulsu sanguinis , musculi non solent contrahi , aut vires suas exercere .

Quod igitur in hanc rem dici probabilius potest , id videtur , fibras musculorum eo ferè modo intumescere , quo fibræ contortæ funis madidi à cuneis aqueis distantur : tum enim unius libræ potentia vel 1000. libras interdum potest attollere . Et sanè pori ligni buxei , aut juglandis sunt arctissimi ac rigidi admodum , adeo ut vix dilatari queant : & tamen quotidie cernimus quantam aquæ guttulæ , quæ hos subeunt meatus , vim habeant : idque non fit sine aliquo motu , aut impetu . Sola enim gravitatio guttularum tam valida esse nequit : seu vis aeris incumbentis aliquid momenti afferat , seu vis alia occultior . Nec tamen illa musculorum intumescencia ab inundatione sanguinis proficiscitur , ut jam ostensum est . Cor enim , uti diximus , & alii musculi , tum pallent , ubi contrahuntur , rubent verò cum laxantur , & cessant . Deinde sanguis in musculos continenter illabitur , semper adeo contracti forent , si ab illapsu sanguinis ea oriretur contractio . Non igitur musculi vim suam à sanguinis inundatione mutuuntur . Illud quoque inter funem madidum & musculum afferri potest discriminis , quod musculus ad nutum voluntatis statim detumescat , aut laxetur : funis relaxari nequit nisi interjecto temporis spatio : non possunt

Sunt enim fluidæ particulæ libero motu per angustias meatuum funis subire, aut effluere : contra actio musculi fit instar fulminis.

Necesse tamen est ut substantia quædam corporea, quæcunque sit illa, per nervorum ductus in ipsos transmittatur musculos. Cum autem nervi ipsi non contrahantur, id omnino concedendum videtur, quiddam esse in ipsis musculis, ex cuius admittance aut fermentatio quædam, aut quid simile exurgat, quod tam subitam, & penè momentaneam efficiat contractionem. Sic omnes penè acidi spiritus fixis salibus admixti subitam effervescentiam procreant.

Quo autem id modo fiat, divinare magis licet, quàm explicare : nec rationes rerum in infinitum quærendæ sunt, ac certi fines curiositati nostræ sunt constituendi. Liceat igitur unicuique, quod sibi verisimile videbitur, afferre. Nervus sit fasciculus ex innumeris fibris compositus, quæ cavæ sint ut arundines, aut cavis interstitiis distinctæ, & spongiosa substantia refertæ instar medullæ sambuci virentis; spiritus animalis per eas fibras discurrat, substantia nimirum fluida, subtilis, pura, actiosa; huiusmodi nervi qui sunt exquisiti sensus, irritati statim per fibras spongiosas spiritum transmittant, atque illa concussio fiat ex voluntatis imperio, idque non cæca necessitate, sed habitu quodam acquisito perficiatur, citra ullam reflexionem, ut in periti citharistæ digitis contingit : nam ab infantia tentando, & errando edocemur.


Hinc

Hinc titubationes infantium tam crebrae, donec incedant soli: Non aliter ac videmus formicas grana hordei per acclives vias importare, quæ ubi occluduntur, aliud iter explorant.

Succus autem ille nerveus, & subtilis undulatione quadam diffunditur, ferè ut accidit intestino aqua pleno; & utrinque clauso: cum enim parte ejus extrema vel leviter concutitur, aut premitur, statim commotio ad aliud extremum transmittitur. Sic fortè levi compressione in ipso fibrarum exortu facta, succi nervei guttulæ in carneam musculi molem effunduntur. Ac licet spongiosæ fibræ oscula pateant in musculis, levi tamen commotione opus est ut effluant: unde & valvularum vices quodammodo obeunt: commotio autem illa ex imperio voluntatis proficiscitur.

Cum succus ille nerveus solus est, is non rarefcit: neque enim nervi intumescunt. Unde necesse est ut in musculo sit sanguis, vel lymphæ, aut quodvis aliud. Et quidem sanguis uberius ab arteriis in carnem musculi effunditur. Hinc spiritus vini, aut fuliginis, aut cornu cervi recenti affusus sanguini subitam procreat effervescentiam. Sic oleum vitrioli cum sale ammoniaco mistum vel frigidam efficit ebullitionem, dum exitum præbet salinis particulis quæ ad motum sunt succinctæ. Succus autem nerveus, aut spiritus animalis, aut quocunque alio donetur nomine, salinæ est naturæ, & impensè volatilis, cum sit motricis facultatis instrumentum. Is fistulas musculorum spongiosas obsidet, aut earum in-
ter-

terstitia, & cum aliis liquoribus subitam ebullitionem efficit. Ista quidem, ut cuique videbitur: nam conjecturæ infinitæ esse possunt. Sed illud nobis certius videtur, vim musculorum à mechanica eorum fabrica magna ex parte duci, ac fibras, ut diximus, esse velut catenulas ex infinitis velut annulis & meatibus contextas, ferè ut funiculi fila. Hinc vis eorum ingens attollendis ponderibus: quod hac ratione demonstrat Autor laudatus: quæ si obscurior videatur, omitti ea potest.



Sit rhombus A C B D, qui exprimat unum ex meatibus fibræ: pondus verò appensum in B, sit Z, alia potentia in A concipiatur huic æqualis, aut quod eodem recidit

clavo affixa X. Palam est duas potentias in X. & B id agere, ut in longum trahant funiculum, At verò sint duæ potentiaë in G, & F, quæ eandem dilatare moliantur. Quò hæc fortiores erunt, hòc magis hunc distrahent funiculum, major adeo erit latitudo C D; quò debiliores, minor erit C D; & pondus Z minus attolletur. Tum verò erunt in æquilíbrio, cum G & F potentiaë eandem habebunt rationem ad potentias in X & Z positas, quæ est rectæ C D ad rectam A B.

At si loco potentiaë in X constitutæ ponamus clavum ibi affixum, qui idem præstat ac potentia æqualis ponderi Z: tum vincendam erit utraque resistentia clavi & ponderis Z, eadem quoque acquireretur inter potentias ratio.

Ergo potentiaë G & F ad dimidium resistentiaë seu ad pondus Z solum eadem habebunt rationem, quæ est totius C D ad rectam A E, quæ est dimidia totius A B.

Atque hinc colligitur posse hos funes à quacunque vel immensa potentia Z trahantur, ut à pondere 10000. librarum, qualibet exigua vi paulum dilatari, etiam si hæc vis distrahens non sit major una libra, quousque nimirum fiant momenta æqualia: adeo ut C D tum sit pars decies millesima ipsius A E.

Quò igitur longiores erunt musculi, eò altius pondus attollent. Tum enim magis multiplicantur Rhombi, & plures sunt machinularum dilatationes, unde & altius pondus attollitur. Cum angusti fiant pori fibrarum, nec pondus attolli queat amplius, quàm sit spatium dimidiaë altitudinis unius

ma-

machinulæ Rhomboidalis, has machinulas longa serie multiplicatas oportuit, ut ex multis licet exiguis exurgat grandis elevatio articulorum, quæ ad motus animalis requiritur.

Major autem est ea vis musculorum, quam vulgò creditur. Quæ enim est in brachio, vim suam exerit contrahendo funes musculorum, qui illigari non potuerunt, nisi propè centrum vectis: adeo ut resistentia sit in extrema brachii longitudine. Vis adeo motrix tantò major est resistentia, quantò resistentia longiùs distat à centro. Cum autem longitudo brachii sit ferè vicecupla distantiae tendinis à centro motus, seu à fulcro vectis, patet vel ex eo capite potentiam motricem esse vicecuplam ponderis quod extrema manu brachio extenso, & horizontali suspenditur.

Potentia enim motrix quæ est in brachio vim suam exerit contrahendo funes musculosos, qui alligari non possunt nisi propè centrum vectis. Hinc tendinis extremum affigi debuit propè ossis mobilis principium. Nam si in altero ossis extremo præfigeretur, non possent muscoli adeo contrahi ut os mobile circumducerent, nisi fortè quibusdam velut fasciis illigarentur, ut munus trochlearum obirent: quod utique inutile foret, & molestum.

In musculis quidem qui manus & pedes inflectunt, quædam velut fasciæ circa internodia digitorum tendines alligant, quod si muscoli tam prolixi, quanta est cubiti longitudo, & adeo crassi non potuerint commodè intra manus & pedis spatia adeo

arcta , cuiusmodi sunt digitorum internodia , collocari . Nam eorum actiones ut commodè exerceri queant , manus ipsæ non crassæ aut tuberosæ , sed planæ & excarnes fieri debuerunt .

Musculi adeo omnes qui flectunt & extendunt crurum & digitorum articulos , per trochleas , vel annulos , aut fascias excurrunt ; iique ut plurimum sunt radiosi .



In his enim tendo aut eadem vagina **B I** includitur , aut trochleæ , aut fasciarum ope **G & O** , in eodem situ retinetur . Hinc pondus aut resistentia per eandem tendinis directionem movetur ; sive omnes fibræ laterales **A , E** , sive aliquæ tantummodo contrahantur ut **C** . Id cernere est in musculis tibiam extendentibus : tametsi enim fibræ ad latera sparguntur obliquè , & omnes , aut aliquæ tantummodo contrahantur , semper una & eadem motio directa perficitur , tibie nimirum extensio . Sic muscu-

PARS TERTIA. 101

sculus temporalis, cujus fibrę in orbem sparguntur, unam duntaxat maxillę inferioris tractionem efficit: nam ejus tendines sub ossę jugali firmiter retinentur.

Radiofis porro musculis utitur sæpę natura, cum musculi ingentem vim exercere debent: nam vis illa multis eget fibris, quę ex iis machinulis, quas descripsimus, conflantur: tum enim singulę fibrę particulas ponderis, aut resistentię sibi oppositas trahunt, & magna fibrarum multitudo magnum pondus potest attollere. Quod si tam numerosę fibrę sibi essent parallelę, & ad perpendicularum basi insisterent, tum basis crassior amplum spatium exigeret, in quo suum exerceret motum: cum tamen in iis plerumque locis plures alii musculi ad alios motus sint necessarii, ut pulchrę à D. du Verney ante aliquot annos fuit observatum. Deinde amplę & crassę musculorum bases amplos quoque tendines, & crassa ossium tubercula exigerent: unde alii ejusdem articuli motus impedirentur. Hinc natura in angustis locis musculos magnam fibrarum copiam habentes collocavit, strictis lateribus, & subtilioribus tendinibus insertas, non in unica basi ampla & crassa, sed in toto circuitu funis tendinosi. Hujusmodi est musculus penniformis H K, cujus tendo intermedius K I.



Ex iis musculis radiosi magna ex parte componuntur. Cum enim fibræ tendinosæ à circumferentia A I ductæ suam habeant latitudinem, in idem centrum coire non possunt. Fibræ verò musculorum ut commodè dilatentur, & spatia inania non intercipient: sese mutuo tangunt, ac sibi sunt parallelæ. Quod fieri vix potest nisi musculus sit penniformis. Nam ex iis pluribus radiosus componitur, si à centro P plures radii tendinosi P F, P K, P O spargantur qui fibras carnosas diffundant, quæ utrinque duobus tendinibus A B, E D & aliis annectantur, & sic tendines F C P O H, & alii suam directionem communem K P servant.

Diluuntur objectiones.

Quæ contra opponi possunt, jam magna ex parte superiori capite sunt soluta. Quæ tamen à Viro Clariss. contra communem & vulgo receptam opinionem allata sunt, solutu difficilia videri possunt. Nempè musculos vi elastica, & membranæ ipsi quæ musculum involvit, ac fibrarum impetu, quæ tendinosæ dici possunt aut nervosæ, contrahi, non spirituum è cerebro affluxu, vel spirituosæ substantia in fibris carneis præparata. Quin potius dum spiritus ille fibras tendineas, & membranam involventem irrigat, atque interjectas partes implet, vim earum elasticam resolvit, ferè ut ignis chalybis temperati elaterium corrumpit: aut cum baculi curvati partes cavæ, quarum fibræ sunt breviores, igni admoventur, tum vel ignis effluvia, vel partes igni fluidiores agitæ fibrarum implent meatus, & baculus ipse dirigitur. Atque ut ea corpora pristinam suam firmitatem recuperant, cum ab igne removentur, sic ubi spirituosæ substantia in musculos non influit, statim fibræ velut spontè sua contrahuntur, ut in cadaveribus cernere est. Nam mortuo animali quandoque musculi adeo contrahuntur, ut eorum vis elastica vix ulla vi superari queat. Quod in cauda testudinis mortuæ in Academia accidit: cum enim cauda esset inflexa, relaxatis fortè musculis antagonistis, vix duo validi homines potuerunt eam extendere. Nec verisimile est illam ten-

sionem à spiritu subtili seu liquido , seu æthereo proficisci : subtilis enim illa materia quàm facillimè diffatur , nec tensionem tam diuturnam in musculis potest efficere. Neque id negari potest plerosque musculorum motus duci ex vehementi illa tensione fibris ipsis naturali , quæ non est dissimilis jugi tensioni quæ inest cytharæ fidibus . Sic muscoli , qui sphincteres dicuntur , fibras habent semper tensas , quod musculos antagonistas & oppositos non habeant , qui obstare solent quominus ipsa tensio conservetur . Sic in luxatione adeo est vehemens musculorum tensio , ut vix restitui possint : quod singuli muscoli vi sua elastica in suas partes membrum trahant . Contra in paralyfi , cum pars aliqua resolvitur , aut ubi in vulnere sectus est tendo , tum muscoli oppositi nobis invitis contrahuntur . Itaque spiritus animales musculorum motus efficiunt , cum laxiores fibras implent . Contractio verò ex naturali musculi constitutione pendet : fibrarum tantummodo relaxatio est spontanea , aut voluntaria .

Resp. Hæc non ingeniosè modo , sed & magna probabilitate dici : quominus tamen iis omnino assentiamur , obstant ea quæ attulimus 1. fibras carneas contrahi , & distendi , non tendinosas . 2. eam contractionem sic fieri , ut fibræ musculi carneæ fiant crassiores ; eas sanguine & succo nerveo intumescere , non item fibras nerveas , aut tendinosas ; contractionem adeo fieri quasi per incuneationem , ut loquuntur , exterioris substantiæ . Hinc durior fit musculus ,

lus, & fibræ arctius uniuntur, ut fila madidi funis, licet exterior superficies non dilatetur. Crescit igitur moles musculi, ut de corde suo loco dicetur, nec contractio fieri potest vi solius machinæ. 3. Fibræ carneæ in longum ferè producuntur, nisi in iis musculis, qui penniformes & radiosi dicuntur, ob eas quæ allatæ sunt rationes. Postremo vis illa machinæ, aut elaterii in musculis debilior est, quam ut tam valide efficiat motus. Hinc flexo digito, ut jam innuimus, musculus in cava illius parte laxior est, & cessat, tumque antagonista vim suam integram exercere posset, & tamen articuli ipsius obicem non vincit, nisi vis alia & major accedat. Cumque in brachio, aut in crure musculus extensus tenditur, flexor cessat. Unde actio tonica, ut vocant, quæque impedit nimiam cubiti flexionem, & articulum dirigit, à sola extensoris tractione pendet, citra antagonistæ actionem ullam: flexionem genu dirigunt musculi extensores; nec actio tonica in genu locum habet ullum. Quare nihil opus est duplici actione in contractione musculorum, una, quæ vires antagonistæ infringat, altera quæ spirituum copia ventrem musculi distendat. Verùm hæc melius intelliguntur, cum præcipui motus animalium fuerint explicati.

Opp. 2. Musculi contracti molem non esse majorem. *Resp.* potest ex duritie id colligi, molem esse majorem, ut in corde manifestum est: nam cavitates illius tum implentur.

Opp. 3. Hanc ebullitionem succi nervei, aut spirituum cum sanguine aut aliis liquo-

ribus nullo sensu percipi. *Resp.* eam ex effectibus colligi posse, nimirum ex musculi intumescencia & duritie, quæ aliunde oriri vix potest quam à violenta intrusione, aut incuneatione alterius corporis.

Sed, *inquiunt*, effervescentiæ chymicæ diutius durant, hæc est momentanea, & toties renovatur, quoties volumus. R. Hanc intumescenciam ideirco esse momentaneam, quia citius dissolvuntur succi, & saltem unus ex iis consumitur, ut fit in pulvere pyrio. Nec mirum si in diversis locis permitti diutius effervescentiam protrahant, cum successivè ros ille nervus instillatur, ut cum repetitis vicibus nitratus pulvis apponitur. Novæ quippe & crebræ affusiones roriferæ spirituum nervos irritant, & quodammodo convellunt, adeo ut arbitrii nutu illæ ebullitiones perseverent.

Unde ergo, *inquires*, cor avulsum à rana, vipera, testudine tandiu pulsatur: tum enim novi spirituum effluxus à cerebro non manant.

Respondet Borellus spiritus à cerebro intra nervos transmissos, & sanguinis reliquias in corde & musculis esse superstites. Neque id mirum si paucæ guttulæ spirituum tandiu durant: cum unum aut alterum moschi granum tantum odoris, & tandiu spargat, quod in minutissimas partes dividatur. Nunc de incessu animalium differamus.

CAPUT VI.

De incessu hominis.

Circa motum progressivum id recte observat Aristoteles, eum non fieri citra flexionem aliquam; In omni autem flexione est punctum quoddam immotum circa quod ut centrum pars quæ flectitur, transit à recto situ in curvum. Sic femur cum trunco in coxendice, & crus cum femore in poplite, cum crure talus, qui cum calce, hæc cum tarso, tarsus digitis ita committuntur, ut singulæ partes inter progrediendum arcus describant. Hinc femur circa coxendicem vertitur, & ita de cæteris. Hinc tot musculorum qui flectunt & extendunt apparatus, tot ossium articulationes, in quibus rotundum unius caput superioris finem plerumque subit. Jam illæ commissuræ ligamentis aut vinculis firmantur. Ossium capita lævi & lubrica obducta cartilagine à mutuo attritu sunt tutiora, & facilius moventur. Ossa vero suis quæque muniuntur tuberculis, quæ iis firmitatem & robur præstant ne frangantur aut luxentur. Quod facile accideret; si ossa in puncto se contingerent. Deinde in ipsa articuli revolutione contactus tendinis cum superficie tuberculi efficit, ut tendo à centro tuberculi æqualiter distet. Sic musculus ille qui deltoides vocitatur, per membranam tendinosam illigatur extremo tuberculi ossis humeri. Unde fit ut brachium attolli queat, & circumduci ultra semicirculum.

eadem manente, distantia directionis ipsius musculi à centro tuberculi humeri. Hinc adeò vis trahens ratione vectis est ejusdem roboris.

2. Hinc liquet gressum hominis ut omnium animalium esse motum compositum ex variis circularum portionibus super diversa centra. Quod si nulla esset in genu articulatio, majore velut circino arcus circuli describeretur, & grillatorio more, vulgò *avec des echasses*, incederemus.

3. Illud quoque manifestum est corporis truncum terræ semper ad perpendicularum insillere: cum stamus, inter duos pedes cadit perpendicularum.

Ea verò non sunt omittenda, quæ à Clar. Borello in eam rem sunt observata. r. Instabilem esse erectam posituram, quod ossum capita in articulis sint lubrica. Unde cum stat homo, identidem vacillat, ac subinde musculorum fanibus indiget, qui errores corrigant, & lapsum prohibeant. Nec verum est id fieri actione tonica extendentium, & flectentium musculorum: cum in omnes partes fieri possit. Tam antrosum cadimus, cum crura versus pedes, & spina versus genua flectitur: nam femur circa genu flecti nequit: soli extensores inclinationem pedis, & cruris impediunt. Contra retrosum cadimus pede nimis extenso, flexo femore circa genu, & spina in eandem partem reclinata.

2. Cum fallente vestigio cadimus, id in principio motu fit tardiore, & vi exigua. Incipit enim motus ille circularis in puncto cui innitimur; cùmque circumferentia perpa-

perparum sit in summa parte declivis, motus ille est admodum tardus : unde capite aut pectore ad partem oppositam inclinationi celerrimè translato, & centro gravitatis immutato ruina impediri facile potest. Sic extentum brachium ad partem oppositam lateri ruenti vectis obit vices, adeò ut modicum brachii pondus majus acquirat momentum, ut in statera fieri suo loco diximus. Sic funambuli prælonga hasta librantur, quam instar vectis modo dextrorsum, modo sinistrorsum promovent. Atque artificiosi hi motus ab infantia ex habitu quodam acquisito circa reflexionem perficiuntur.

3. Stando minus defatigamur, cum alternis pedibus subinde innitimur. Nam potissima lassitudinis causa est assidua, & continuata actio musculorum : hinc stantes magis lassamur, quàm cum leniter deambulamus.

4. Situs articulorum naturalis non est directus aut in cruribus, aut in brachiis, sed nonnihil inflexus. Unde in lecto libentiùs parum inflexis articulis jacemus, quàm in longum porrectis. Extremæ enim articulorum positiones, aut plus satis extendæ, aut nimium contractæ esse non possunt citra violentam distractionem, aut compressionem tendinum, & musculorum. Facti sunt articuli ut cum opus est, flecti possint, & distendi; media constitutio inter directam extensionem, & summam incurvationem est maximè naturalis. Musculi flectentes ejusdem articuli breviores sunt extendentibus. Nam cubiti flexor v.g. non excedit ipsius cubiti longitudinem, quantum

vis distendatur: sed extensor in ipsa inflexione ambit tuberculum ipsius ossis cubiti: utrique ægrè contrahuntur.

5. Corpus hominis flexibile esse debuit, non rigidum. Hinc dorsi carina quæ corporis ipsius firmum, & stabile est fundamentum, in plures partes, quæ vertebræ dicuntur, fuit divisa. Infimæ illius partes sunt crassiores superioribus, ferè instar columnæ vertebræ; ita sunt inter se cartilagineo ligamento colligatæ, ut luxari vix possint. Sunt enim asperæ, planæ, non rotundæ, tenaci cartilagine devinctæ. Ac ne fasciculus medullæ spinalis comprimatur, cautum à natura fuit; nam dorsum flectitur citra angulos sensibilibiter inclinatos: adeò ut medulla inflexionem perparum à recta linea diversam patiatur. Nam binæ vertebræ sibi contiguæ obtusum admodum efficere possunt angulum, sicque series tota vertebrarum leniter incurvatur. Unde non debuerunt duæ vertebræ distinctis, & separatis cartilaginibus inter se connecti. Una quippe sufficit duabus vertebris, quæ sua molitie usum pulvinaris præbet, ossium attritum inhibet, & sua tenacitate impedit laxationem: cumque ea sit aliquantulum laxa, exiguum motum vertebris in omnes partes permittit.

6. Cum sedemus pectore, & cruribus ad horizontem erectis, surgere è sella non possumus: quòd centrum gravitatis pectoris, & coxendicum retrorsum sit positum, longè à plantis pedum: unde attolli non possumus nisi pedes retrocedant, aut caput, & pectus antroorsum inclinentur. Quod utique

PARS TERTIA. III

que ipse Aristoteles observavit. In homine & avibus centrum gravitatis pedibus imminet, non item in quadrupedum genere, quæque adeò stare nequeunt duobus pedibus anterioribus innixæ: non enim sic erigi possunt ut linea directionis inter duos pedes incidat. Nec stare possunt nisi tribus aut quatuor pedibus insistant, quod centrum gravitatis sit in medio ventre, & linea directionis cadat intra quadrangulum à quatuor pedibus interceptum. Vis illa qua stando moles corporis sustinetur, non musculorum potentia, sed firmitati columnarum ossæarum pedum refertur accepta. Unde parum molestus est hic labor. Pedum anteriorum muscoli minus validi sunt, quam posteriorum.


In illis articuli sunt in rectum extensi, cum stant, posteriorum crurum semper inflexi: unde vi musculorum in eo situ retinentur. Iam quomodo homo progrediatur, paulò acrius intuendum.

4. Gressus fit alternis pedibus, ut uno stante alter transferatur, ac neuter totus quiescat. Uterque ab extremo calcaneo ad extremos digitos successivè movetur. Cumque posterior terram summis digitis attingit, & acutum cum ea angulum, ut femur obtusum cum trunco corporis efficit, tum pes anterior calce terram ferit; interim quædam efficitur compulsio, dum pes terram non modo deorsum, sed magis retrorsum urget. Quidquid enim antrorsum, aut gradiendo, aut natando, aut volando promovetur, id corpus cui innititur, retrorsum premit, atque ab eo velut repulsu quodam

dam antrorsum rejicitur . Unde intercurrendum fallente vestigio facile cadimus , quod tanta celeritate fiat illa terræ compulsiō , ut si vel leve impedimentum offendamus pes anterior non possit tam citò terram attingere , quàm requiritur ut pondus corporis excipiat .

5. Continua est , & minimè interrupta translatio ; quique terræ pes innititur , solus sustinet , & desert corpus : qui vero transfertur , potius movetur à corporis trunco quàm vicissim . Hinc trunci ipsius motus undulosus quodammodo est , dextrorsum scilicet & sinistrorsum , dum pes elatus in pedem alterum terræ innitentem eum reclinat .

His addamus quæ à Clariss. Borello sunt observata . Ex iis quæ diximus totum corpus altero pede sustineri palam est : adeo ut vel ex eo capite pars tantum dimidia corporis per vices suspendatur : non aliter atque hasta , cujus pars extrema à terra attollitur : tum enim pars tantummodo ejus ponderis manum premit , pars altera à terra cui innixa est , sustinetur . Sed majus compendium natura quærit in ipso incessu : nam vis musculorum minus quadrante ponderis alternatim suspendit .



Sit centrum gravitatis in humano corpore A, duo pedes B & C, linea directionis aut propensionis à centro gravitatis, ad horizontem perpendiculariter ducta A D. Cum igitur stat homo, fit triangulum isosceles A B C, cujus apex est centrum gravitatis A. Totum adeò pondus corporis suspensum tenetur, primum à duritie ossea columnarum A B, A C, & à vi musculorum, quæ obstat quominus ossa flexibilia circa articulos flectantur, sicque columnas extensas in eo situ retinet.

2. Quocirca in ipso incessu simul & eodem tempore plures inchoantur circulares motus, ex quibus constat motus progressivus. Nam circa centrum B, anterioris pedis revolvitur vectis, seu crus A B, & corpus, seu machina versus K promoveatur. Extenso enim pede posteriori L C, cujus apex C tangit solum, crus L C produci.

ducitur additione pedis LC , sicque fit triangulum primum rectangulum, ubi crus AB insistit ad perpendicularum. Atque in tota hac actione corpus duobus innixum pedibus facile inclinatur antèrius, ut crus AC perpendiculariter insistat. Tumque vectis AB totius machinæ pondus sudes sustinet, & quàm minimo negotio vectis, seu crus AC suspenditur, & à simplici lapsu promovetur. Deinde ab ipsamet pedis extensione, & cruris AC productione solum, seu pavimentum impellitur à pedis apice C , ferè ut navicula recedit à ripa fluminis, quàm nauta conto impellit. Hanc impulsione adjuvat levis tum capitis tum pectoris inclinatio. Hinc centro gravitatis totius corporis, & linea directionis AD paululùm ultra pedem promota casum minante, machina ultrò se promovet, & sublato pede C lapsus inhibetur, ut corpore citiùs translato in K ultra confinium lineæ directionis statio firma renovetur.

3. Itaq; centrum gravitatis totius machine promovetur extenso pede posteriore, tum ipsa machina corporis erigitur, & anteriori pedi tota innititur; pes posterior à terra sublatus suspenditur flexis tribus articulis coxendicis, genu, & extremi pedis. Quod fit, ut dictum est, à propriis musculis, qui minus quarta parte totius corporis suspendunt, & ab impetu concepto ex impulsu pedis postici, tumque post flexum capitis, & pectoris ultra situm pedis firmi, posterior solo figitur, & fit secunda statio. Non possumus progredi nisi alternis pedibus, & successivè innitauris. Ferendo videlicet lineam directionis.

PARS TERTIA. 115

nis AD supra pedum plantas, idque alternis vicibus. Ac plantæ pedum non eandem lineam describunt, sed duas rectas fere parallelas. Quod utique constat experientia, si vestigia pedum in terra lutosa aut arenosa consideres. Sic homines lati, & brevium crurum vacillando incedunt, cum se modò super unum pedem, modò super alterum fere ut anseres erigunt, dum centrum gravitatis alternatim transferunt. Id ipsum alii homines efficiunt, sed obscurius, linea directionis AD sinuoso, & pene serpentino itinere ab una in alteram parallelam translata.

4. In plano horizontali pedum articuli parum incurvantur, neque adeo muscoli flectentes articulos multum laborant: cumque motus artuum sanguinis circuitum & insensibilem transpirationem promoveat, motus ille & jucundus est & salubris.

5. In ascensu per scalam aut gradus molestus est labor: nam in unoquoque gradu quarta pars totius ponderis vi musculorum est attollenda, idque bis, ac totum semel, cum trium articularum flexus extenduntur. Sed ubi in plano incedimus, nunquam integra moles corporis suspenditur vi musculorum, cum osseæ columnæ unius pedis innitatur, aut huc illuc convertatur. Sed in ascensu per gradus corpus attollitur vi musculorum, non duritie & firmitate columnarum: hinc molestus labor. Ascensus per ardua, aut acclivia, itidem & ob easdem causas est molestus: tunc enim plantæ pedum acutos angulos cum tibiis efficiunt; tumque innixus est instabilis, non firmus, ac muscoli extensores plus satis laborant.

Con-

Contra in descensu per declive plantæ pedum solo innixæ angulos cum cruribus admodum obtusos efficiunt: quod etiam molestiam parat.

Eodem fere modo saltum explicat vir doctiss. Cum enim stat humani corporis machina, tum centrum gravitatis distat à terra tota longitudine femoris, & cruris. Sed ubi flectuntur articuli, & minor est distantia, si magna vi contrahantur muscoli, tum tres velut arcus inflexi circa coxas, genu & pedem magno impetu extenduntur, & præ soli resistantia centrum gravitatis sursum impulsam molem corporis attollit. Non aliter id fit atque in arcu qui terræ insistit. Hujus enim cornu superius si vehementer comprimatur, non solum sua vi restituitur, sed etiam sursum exilit. Nam sublata exteriori potentia sese dilatare nititur, cumque pars ea quæ terram tangit, deprimi nequeat, motu reflexo centrum gravitatis antea depressum sursum erigitur cum arcu integro.

Quando surgimus, licet fiant breves saltus, ii percipi nequeunt: unde ut saltus appareat, necesse est ut magna sit articulorum dilatatio, & celeriter perficiatur, ut vim percussionis exerceat. In homine tres velut arcus distenduntur, non præ materiæ duritie, ut in virgis chalybes, sed vi muscutorum extendentium. Hinc triplicato spatio altius impellitur centrum gravitatis; & gradus velocitatis toto tempore quo explicantur articuli, majorem efficiunt impetum. Alterna quoque dispositio trium articulorum juvat ad extinctionem impetus in descen-

scensu : cum enim sensim cedant , impetum casus paulatim frangunt . Quæ longiora habent crura , majores saltus efficiunt ut locustæ & pulices : ut vectes longiores majores circulos describunt .

Cursus quoque saltum promovet : novus enim impetus ex saltu , jam conceptum ex cursu non extinguit , sed ejus tantummodo directionem mutat . Unde inter currendum facilius per loca acclivia conscendimus , quod prior impetus perseveret . Corpus duplici impetu sub finem saltus impellitur , projectio nimirum à musculis impresso , & acquisito in descensu . Hinc adeo fortius solum ferit . Ne autem lædatur , habitu & experientia sumus edocti , quatenus articulos pedum extendere oporteat , ut extremis digitis terram attingant . Nam molli flexu articulorum vim percussione , paulatim cedere infringimus ; tum capite & pectore retrorsum reflexis impetum quo fertur gravitatis centrum , inhibemus , ut motu contrario lapsus arceatur .

C A P U T VII.

De incessu animalium .

NUsquam aliàs naturæ artificium , & exquisitæ mechanicæ ratio est illustrior quam in organorum quæ ad incessum animalium sunt aptata , conformatione . Hanc utique artem naturæ velut machinatricem copiose & eleganter expressit Vir Clariss. D. *Perrault* , in tractatu sæpius à nobis laudato : ex quo utique pleraque scitu digna excerpemus .

In

In quadrupedum genere, quæ ferendis oneribus, aut trahendis in usus hominum Auctor naturæ destinavit, eadem pede solidato & ungula munito instruxit. Cameli, qui gravia portant onera, sed non trahunt lato & solido pede, non ita duro, ut equi aut boves donantur: nam pelle duntaxat firma muniuntur: quod in arenosis locis degant, ubi altius pedem infigunt. Contra in capris agrestibus, vulgo *chamois*, quæ inter rupes & saxa vitam agunt, solido & duro pede instruuntur. Cameli & alia animalia quæ in arenosis Africæ locis occurrunt, molli callo genua & pectus plerumque obducta habent, ut his quasi pulvillis innixa facilius recumbant. Struthio hoc callo, uti & alia avis indica, vulgò *le casuel*, muniuntur in pectore.

Homo talo breviori, & pedum digitis vicino donatur, ut talo simul & digitis inniti possit. Quadrupedes vero talum à reliquo pede remotiorem sortiuntur. Quibus animalibus talus non adeo à reliquo pede removetur, ut leones, canes, feles, simiæ, hæ quodammodo sedent: sed stare soli homini concessum est, ac ne simiæ quidem cætera homini adeo simili. Ille quippe, ut reliqua animalia anteriores femoris musculos adeo breves nactus est, ut femur angulum cum trunco semper efficiat.

In simia digiti pedum sunt admodum oblongi, & pollex in primis, contra in manu pollex brevis est.

Existimat Borellus in equo lentiore motu progrediente nunquam duos pedes diagonaliter oppositos simul moveri, ut vulga-

garis est opinio; sed pedem unicum è terra attolli, tribus reliquis firmis manentibus. Motus incipit ab uno ex posterioribus qui solum impellendo retrorsum promovet cœtrum gravitatis; tum pes anterior ejusdem lateris attollitur, & antrorsum fertur: completo gressu duorum pedum, ex. gr. sinistrorum, incipit motus posterioris pedis dextri, tandem anterioris. Incessus enim animalium non est motus omnium partium æqua velocitate translatarum, & secundum eandem directionem, cujusmodi est volatus avium: sed motus qui resultat ex translatione quarundam partium, quæ aliis quiescentibus innituntur: adeo ut animal stando quodammodo promoveatur. Quo autem statio machinæ firma sit, tribus saltem columnis, inter quas linea directionis à centro gravitatis ducta incidat, eo quo diximus modo, fulciatur necesse est. Columnæ quoque crurum erectæ præ duritie sua, & sensus stupore pondus incumbens facile sustinent. Ac motus demum animalis ea ratione facilius absolvitur, quod non integram molem, sed pedem unicum moveri, & attolli tantummodo oporteat, qui instar conti, quo utuntur nautæ, solum impellendo centrum gravitatis antrorsum promovet, tribus columnis erectis, fere ut currus suis rotis innixus transfertur.

Aves binis quidem pedibus incedunt, sed talo non innituntur. Posteriore quidem digito plerumque muniuntur: verum hic non tam incessui datus videtur, quàm ut arborum ramos stringant. Unde quæ aut nunquam, aut raro in arbores se recipiunt, aut

volare non possunt, ut Struthio, hoc velut digito destituuntur. Iisdem ungues sunt breviores; aliis sunt oblongi, adunci, & acuti, ut arctius ramos complectantur. Struthionis pes duobus tantum digitis instruitur, & uni tantummodo innixus incedit, qui pedem hominis calceatum refert.

Sunt aves quædam ut onocrotalus, vulgo *pelican*, quæ visces in fundo aquæ venantur. In his pes quatuor digitis pelle quadam connexis ita distinctus est, ut contra atque in cæteris animantibus digiti introrsum verstantur. Idque magnæ naturæ solertia provisum est, quo uno tantum pede natare possint, cum altero prædam suam referunt. Oblongiores enim digiti latiore membrana colligati instar majoris remi introrsum versi id præstant, ut natando ad medium corporis tendant, motus adeo in rectum dirigatur. Quod utique secus eveniret si pes extrorsum ut in anseribus & anatibus vergeret: uti scapha uno tantum remo acta rectâ promoveri non potest.

Multa Borellus affert de gressu avium non omittenda. In earum pedibus quatuor sunt ossa, quatuor itidem articulationes. Primum est os femoris minus longum quam os cruris, secus atque in homine; firmo carinæ ossi adhærescit. Illius articulatio est in medio longitudinis, quod venter jacere debeat pronus & horizonti parallelus. Hominis verò erectum corpus fulciri debuit in parte sui infima. 2. Id connectitur cum osse tibiæ in genu, in homine os illud duplex est, in avibus unicum, quod tertio ossi prælongo & in altum erecto conjungitur. In
ho-

PARS TERTIA. 321

Homine calcaneus dicitur, & ex multiplici
 esse componitur: sed in avibus est unicum
 idque prælongum, & cum extrema planta
 pedis ad radices digitorum connectitur. In
 homine hæc quarta articulatio non deest:
 deficere tamen videtur, quia innititur su-
 per totam pedis longitudinem, nec non
 super duos articulos calcanei & connexio-
 nis digitorum. In avibus longiores digiti ve-
 lut à centro expanduntur, & iis tantummo-
 do terram attingunt. In homine muscoli
 qui pedum digitos flectunt, initium capiunt
 aut à calce, aut à tibia. In avibus flecten-
 tes muscoli aut à summa parte tibie crura-
 lis, aut supra genu à femore, aut etiam su-
 pra articulationem femoris in spina coxen-
 dicis oriuntur: ut musculus qui biventer di-
 citur, quique prolixo tendine per fasciam &
 trochleam in extrema pedis planta apposi-
 tam ad extremos usque digitos producitur.
 Verùm is ex apposita figura, imo & naturæ
 artificium melius intelligetur.



Hic itaque musculus carinæ ossis annectitur in H C, ac deinceps valido tendine, & tereti vel conjungitur cum patella in I, vel per canalem in genu incisum intra vaginam tendinosam excurrit, & per trochleam lateralem K fertur ad posteriorem terminum tibiæ, & conjungitur cum flexorum tendinibus, qui à principio tibiæ oriuntur, omnesque excurrunt in E, & in ipso calcaneo per vaginam cartilagineam & levem excurrunt ad infimum terminum pedis F, atque ibi musculi biventris tendo per novam vaginam, aut fasciam tendinosam spargitur in digitos G.

Cum articuli I, & L, ac tria ossa femoris, tibiæ, & calcanei pene lineam rectam efficiunt, tum tendines ipsi non tenduntur: Idem enim accidit atque in fune qui in longum duplicis regulæ plicatilis porrectus, non adeo tenditur, ac si duæ regulæ inclinatæ angulum efficerent. Quocirca ob ten-

dinum laxiorem situm digiti pedum dilatati manent. At si flectantur articuli I, & L, tum pedis digiti arctissime complicantur & stringuntur.

2. Hinc ratio patet cur aves capite sub alarum altera recondito plerumque dormiant ramulis arborum innixæ. Os quippe acuminatum pectoris ramus non sustineret, nisi pedum digiti arcte ramum ipsum, instar forcipum stringerent. Idque non vi motrice musculorum, sed corporis ipsius gravitate efficitur: nam avis inter descendendum complicat pedum articulos. Cur autem avis caput sub ala recondat, ea videtur ratio, quod tunc actio voluntaria, & laboriosa exerceri non debeat, nec pondus colli suspendi, sed alicubi inniti. Deinde retracto capite versus caudam gravitatis centrum retrogreditur, ut cadat perpendiculariter in medium unguium pedum, qui validè stringunt arboris ramum. Sic avis librata facilè quiescit.

3. Aves pene omnes victum in campis prono rostro quæritant: unde propiores terræ esse debent, ac pedes earum sunt valde flexiles, & facilè contrahuntur. Nec possunt tamen volatum inchoare, nisi prolixo saltu antè exilient, ne alæ solo impactæ disrumpantur: saltus fieri nequit, nisi productis admodum cruribus: hinc pedis ossa longiora esse debuerunt. Sed quia diutius quiescunt quàm volent, hinc musculis aptiores sunt ad inflexionem articulorum. Extensores qui per ambitus convexos articulorum circumduci debent, flectentibus sunt longiores. Neque earum pedes ita di-

riguntur, ut articulis omnino explicatis ossæ columnæ rectam lineam efficiant: sed vestes ossei complicati, & ad se invicem inclinati pronam avis machinam ex centro gravitatis sustinent; ac soli extensores totum illud opus sustentationis peragunt, dum flexores otiantur. Tum verò stat avis cum linea directionis ad perpendicularum horizonti insistens, in spatium à pedis planta occupatum vel à duobus pedibus comprehensum cadit.

4. Aves faciliùs stant uno pede innixæ, quàm homo: nam in iis linea directionis minus digreditur à pede ob prælongos digitos. Deinde corpus ipsum in prono situ faciliùs sustinetur ex medio longitudinis puncto: ut hasta ad horizontem extensa à puncto medio longe faciliùs retinetur in æquilibrio, quàm si erigatur. Accedit illud quoque lineam in avibus esse brevissimam, unde & vacillationes faciliùs corriguntur quàm in homine, præsertim cum aves corpore minus gravi donentur. Pedis humani breviores sunt digiti, & inter se paralleli: in avibus sunt prælongi, & instar radiorum in orbem porriguntur: unde vacillationes in omnem partem, tum anteriores, & posteriores, tum etià laterales quàm facillime impediri possunt.

Gammari & cancri peculiari quodam modo gradiuntur. In iis namque, muscoli intra partes duras reconduntur. Partes vero duriores ita inter se committuntur ut flecti per angulos possint. Non enim ut in cæteris animantibus ossium extrema sese per extimas & integras superficies contingunt, sed per exiles tantummodo processus, seu apophy-

physes, & quasi per duos cardines utrinque in parte mobili aptatos conjunguntur. Hi cardines partis immotæ exiguas cavitates subeunt, & circa eas duplici duntaxat contorquentur motu flexionis & extensionis, fere ut brachii ossa, aut digitorum ossicula, quæ phalanges vocant. Cum in aliis ossium articulationibus motus sæpe in omnes partes fiat; ut in brachii cum scapula, femoris cum osse, quod ischium dicunt, primæ digitorum phalangis cum manus osse quod metacarpium vocitatur, connexionem. Et tamen crus integrum gammari, vel cancri ex diversis constat partibus ita aptatis, ut vario flexu motum compositum efficiant, qualem in nonnullis machinis, ut in Cardani lampade cernimus.

Verum ista ex figura ipsa, quam D. *Perault* expressit, multò fient illustriora. Vide figuram 5. tabulæ tertiæ. A B C D manum, aut forcipem gammari exhibet; pars crustæ superior sublata est, ut caro interior oculis subjiciatur. A est pars mobilis, quæ versus B partem immobilem flecti potest, idque ope magni musculi E F, cujus origo est versus E, & insertio prope a. R. est musculus qui crus mobile A, distendit. Et ea quidem pars mobilis A super cardinem e, versus B flectitur; est alter itidem cardo in parte opposita, sed exprimi non potuit: pars M, versus P movetur super cardinem L, & super alium huic oppositum. K L musculus est, qui M inflectit versus P; G H musculus est, qui extendit.

Pleraque insecta consimilem nacta sunt

partium, quæ ad progrediendum sunt concessæ, structuram: crura enim è crustosis partibus, excavatis, non dissimili articulationum compage constant. Intus sunt ligamenta & fibræ quæ contractæ angularem flexionem efficiunt. Major enim his partibus adeò exiguis, ut musculorum actionem ferre non possent, firmitas ex cavitate squamosæ, & duræ partis accedit. Sic in animalibus ossa longiora, ut brachii, & tibiæ, quæque idcirco frangi faciliè possunt, & cava, & solida finxit natura, quò essent à fractionis periculo tutiora: nam quæ solida sunt, eadem sunt fragiliora. Deinde si fibræ, & ligamenta in his animalculis aeri exponerentur, citiùs exarescerent. Quare natura in tubulis durioribus ea condidit, ut tutiora essent ab aeris injuriis, & simul ut spiritu vegeto per eos tubulos commeante partes illæ foverentur, & diutiùs in naturali suo statu permanerent.

Lumbricorum motus contractione corporis, tum illius productione perficitur; parte corporis terræ innixa, altera producit, & secum vehit posteriorem: idque alternis efficitur, sere ut nos pede innixi alterum promovemus, cui vicissim innitimur. Aut fortè ut videtur Cl. Borello, fibra musculoſa, quæ à cauda incipit, & stabili innixa fulcro, ubi contrahitur, cauda ipsa instar ponderis trahitur: interim tamen nec pelles, nec membranæ interiores contrahuntur, sed suam tuentur longitudinem: unde eas corrugari necesse est: ut sit in musculis animalium. Nam ubi interiores musculi fibræ contrahuntur, simul, & membrana quæ

quæ eas involvit, corrugatur. Non dissimili modo limaces & pleraque insecta promoventur.

Nec dissimilis est serpentum reptatus: tametsi ex ossibus articulatis & musculis compinguntur. Corpus quidem in seipsum non adducitur, ut in lumbricis, sed complicatur, & pars illius terræ innititur, ut quodammodo partem alteram ejaculetur & citius priorem reducat. In reptilibus spina hinc inde tortuose inflexa, idem efficit ac pedum articuli in saltu. Unde à musculis plicas extendentibus fiunt saltus.

Erucae ferè ut lumbrici reptant, dum partes corporis contrahuntur, & in seipsas adducuntur, pedibus suis terræ infixis aliquam sui partem, non corpus aliò transferunt. Quædam tamen instar serpentum arcuatæ partem posteriorem versus caput adducunt, tum reducto corpore partem anteriorem promovent. Quidam serpentes idem squamis suis quod erucae pedibus efficiunt: nam his utuntur, ut terræ firmiter adhæreant, & in eam fortius impingentes seipsos promovent.

Polypus piscis est octo velut brachiis liliquæ flexibilibus instructus, hæc brachia duplici serie velut globulorum muniuntur, qui paululum sunt complanati & dentibus asperi obviis corporibus infiguntur, eæque appendices sunt quasi totidem unguiculi. Cumque brachia flectuntur, hæc ad se mutuo accedunt, & obvia quæque fortius stringunt dum modo ea sint aspera ut rupes, non teresa. Itaque brachiis antrorsum productis seipsos promovent: ferè ut navi adverso flumine in-

jectis funibus & anchoris interdū promove-
tur. Eadem est sepiae ratio nisi quod ē mari
in terram ut polypus non exeat :

C A P U T VIII.

De volatu.

Aves percussione aeris, & resultu quo-
dam, ut complanati lapilli, dum
aquam oblique perstringunt, in aere susti-
nentur : atque ut in remigiis cernimus quæ
scapham promovent, dum aquam retro
pellunt, sic alæ avium parte sui anteriore
devexæ, retrorsum aerem repellunt, ut
antrorsum promoveantur.

De volatu quidem & natatu pauca in pri-
ma editione diximus, quod id argumentum
nec dum satis explicatum nobis videretur.
Multa autem hanc in rem eaque speculatio-
ne digna D. Perrault publici juris fecit, quæ
prætermitti à nobis non debent : nusquam
enim naturæ providentia magis elucescit,
quam in organorum, quæ ad volatum fa-
cta sunt, structura. In quibus tria potissi-
mum spectavit, primò ut ea organa fir-
ma essent & levia ; secundò ut vi satis
efficaci ad celeritatem hujus motus dona-
rentur ; tertio ut eorum organorum bene-
ficio aves sursum efferri possent, & in
aere suspendi.

Ac primum quidem alas pennis instruxit,
quæ firmitatem habent cum levitate con-
junctam. Ex materia enim compacta, &
firma constant ; quodque durum est & soli-
dum, in ipsa superficie locatur ; cum tu-
bus

bus aut vacuus sit ; aut spongiosa materia compleatur . Hinc magna illius firmitas : cum cava corpora difficiliter inflectantur , quam solida , quando æqualis est in utrisque materia . Quæ ad latera plumulæ collocantur , & pennæ latitudinem efficiunt , tenues sunt admodum , firmæ tamen : non ex eadem constant materia , & cum caudice acutos angulos efficiunt ; adeo ut sursum aut deorsum inflecti vix queant . Ac ne mole sua , aut pondere obsint , quidquid superfluum esse potest , omnino resectum est . Latæ sunt ea tantum parte qua caudici adhærescunt , & sensim versus extrema miruuntur . Nam partes quæ velut trunco sunt proximæ , robustiores esse oportuit , quo remotiores fulcire possint ; sicque omnes ita cum trunco cohærent ut aeri quidem resistent , ne sursum tollantur , sed faciliè ad se mutuo inflectantur , ut divisæ colligantur , & ad se invicem magis accedant .

Ac ne facile divellantur , atque ut divulsæ statim cohæreant , singulæ plumulæ utrinque filis contortis & seriatim dispositis muniuntur . Ea quidem filamenta , velut hami quidam in altera serie deorsum paululum intorquentur , & cum serie viciniore plumulæ , cuius fila sursum crispantur , ultro coherent . Quod quidem naturæ artificium fusius describit , & figuris exprimit Vir Clariss.

2. Ut alæ magna vi aerem percutiant , penne velut brachiis avium insident : quæ brachia validissimis totius corporis musculis agitur . Hinc in pectore avium plus carnis

inest quam in ceteris animantibus : æque offe amplo donantur, quod in medio instar cristæ assurgit, ut muscoli carnei huic offi affigi possint.

3 Pennæ ita sunt in ala dispositæ, ut cum ea deprimitur, multum in latitudinem pateat, & magnam aeris molem verberet; verum ubi ala erigitur, pennæ non amplius ad libellam, & quasi horizontaliter jaceant, sed pene verticales aerem secare videantur: unde & aer his minus resistit. Sic remi dum reducuntur, quasi cæsim aquam feriunt, neque his adeo aqua obsistit, ac cum tota scalmi superficie repellitur. Accedit illud quoque, majores pennas, quæ in extremis alæ sitæ sunt, tum evolvere & dilatari cum aerem verberant: ut in arctius spatium colliguntur, cum ala attollitur.

In muscis, papilionibus, & aliis insectis alæ constringuntur, ubi sursum se tollunt; ut sese explicant, cum deprimuntur. In vespertione alæ nihil sunt præter membranas quæ digitorum implent intervalla: ac prælongi illi digiti ut à se mutuo discedunt, aut accedunt, alam effingunt aut latiore, aut strictiore.

In muscis & insectis alæ itidem sunt membranae, quæ durioribus fibris muniuntur. In plerisque utrinque alæ sunt duplices, ut sublatae non magis resistentem offendant aerem quam si unice essent, & simplices: nam aliæ aliis incumbunt: sed depressæ & explicatae fortius aerem verberant, & vicissim ab eo validius repelluntur.

Post alteram editionem prodiit opus posthumum Cl. Borelli, ubi multa de volatu
& na-

& natatu animalium scito digna demon-
 strat. Ex iis quæ ad institutum nostrum
 pertinent, nonnulla feligemus. Ac pri-
 mum quidem nihil necesse esse structuram
 alarum & naturæ artificium fusiùs descri-
 bere: cum ea quæ attulimus, Philosopho
 satis esse possint. Illud dumtaxat in me-
 moriam redigendum, alas in tres articulos
 esse distinctas, quæ hominis humero, cubito
 & carpo respondent. In utrilque par quo-
 que est numerus musculorum extenden-
 tium & flectentium. Sed in homine muscu-
 li pectorales parvi sunt, & parum carnosì
 vix æquant sexagesimam partem omnium,
 musculorum. In avibus reliquos omnes si-
 mul sumptos excedunt. Hinc tanta est vis
 motrix quæ alarum vibrationem efficit. In
 homine hi muscoli initium sumunt ab osse
 sterni, à medio claviculæ, & à costis 6. 7. 8.
 quibus illigantur. In avibus os sterni vastum
 est & cristatum. In utraque hujus cristæ fa-
 cie musculorum fibræ radices habent, quæ
 valido tendine conjunguntur cum supræma
 palmula tuberculo humeri proxima. Unde
 in avibus directionis musculorum à cen-
 tro vectis, seu alæ distantia exigua est
 admodum, æqualis nimirum semidiametre
 tuberculi quæ rotatur intra scapulæ
 sinum, & minor est septima parte longitu-
 dinis humeri.

2. Ea vis musculorum pectoris repeten-
 da est ex eorum magnitudine, fibrarum tex-
 tura densa, carnosa, firma, cordis & ven-
 triculorum avium structuræ non dissimili.
 Accedit minor avium gravitas pro mole
 corporum. Ossa sunt subtilia, & excavata;

scapulæ, costæ, & brachia parum carnosæ; pectus & abdomen cavitates habent aere plenas: plumæ sunt leves, fortes, instar arcus resiliens, validam aeri inferunt percussione; substantia earum pene cartilaginea, spongiosa medulla, & minimè gravi implentur; cortice durissimo, subtili, convexo teguntur. Quocirca vis motrix alarum augetur tum ex musculorum magnitudine, tum etiam ob imminutum pondus corporis. Accedit etiam motum descensus & naturalis ponderis retardari ab expansione alarum & caudæ. Hinc vis alarum quæ per saltus repetitos exercetur, hoc major est, quod minor est impetus aut nixus ad descensum. Unde saltus illi qui fiunt in aere per plures horas continuantur. Vix homo per semihoram potest ita exsilire. Impetus enim projecti jus statim extinguitur, & indefinenter est renovandus. Sed in volatu impetus ille ab aere adeo non extinguitur, ut potius resultu aeris adjuvetur.

Nec diversa est ratio insectorum, quorum alæ summo artificio sunt conformatæ, ut præter cæteros explicat D. Hooke in Micrographia. Insectorum enim alæ interdum sunt membranosæ, ut in musca, & scarabeo; atque horum volatus est celerrimus, quod validioribus fiat musculis. In nonnullis membranæ alarum velut setis quibusdam sunt asperæ, ut in muscis; sæpè velut plumulis teguntur, ut alæ papilionum, quæ plumulæ quasi imbricatim aliæ aliis incumbunt. In quibusdam sunt innumeri penè calami in ramos divisi. In scarabæis squamæ excavatæ aerem excipiunt, aut alas tuentur ne in-

ter-

terram fortiùs impingant ; alia viminum implexu alas habent contextas, sic tamen ut interstitia vacua minora sint quàm ut aerem admittant.

Atque hinc qua ratione volatus avium perficiatur, planum fit & apertum. Primum enim cum aves volatum inchoare volunt, cruribus inflexis magno saltu attolluntur, statim alarum explicantur articuli, tum vehementi alarum percussione verberant aera : hujus velut spiræ, aut machinule paululum pressæ vi sua elastica non resistunt modò, sed etiam resiliunt fere ut solum durum : hinc tota aeris machina reperiussa saltum efficit. Alæ verò non in latum, sed celsim sursum movent partem osseam, ubi radices pennarum inseruntur : unde vi exigua attollitur, & penne instar vexilli pone sequuntur. Quam minima vi huc illuc movetur aer, resistit tamen valide flabelli, aut alæ percussioni, & eò magis quò velocior est percussio. Qui enim verberatur aer, inquiescente circum rotari debet : hinc varii attritus aeris percussi & moti cum aere quiescente, ut in aqua vase contenta cernimus. Quæ quidem agitationes, & velut vertigines citra resistantiam fieri nequeunt. Deinde spiræ aeris motu elastico resistunt, & pressæ dilatationem affectant. Atque hæc resistantia hòc magis crescit, quò flabelli motus diutiùs continuatur : cum interim alæ impetus ab ea aeris resistantia continenter minuatur, donec utraque vi ad æquilibrium redacta, avis suspensa in eodem loco permaneat. Nam avis tandiu ascendit, quandiu arcus ab alis de-

ferri

scriptus solum firmum impellendo saltum efficit, ubi ab eodem solo recedit. Sed ubi solum illud minus habet firmitatis, & eadem velocitate cedit retro, qua percutitur, tum avis promoveri non potest: tantum enim sursum fertur alarum flexu & saltu, quantum deorsum relabitur ob descensum aerei soli cui alæ innituntur.

4. Aves inter volandum semper in aere jacent prono ventre, idque citra ullum conatum, quod centrum gravitatis in infima ventris parte sit constitutum. Partes enim crassiores tum carnes, tum ossa infimum situm fortiuntur; spina verò & costæ subtiles parum habent gravitatis. Unde musculos qui alas attollunt, non in superiori scapula, ut deltoidem in homine, sed in medio pectore natura collocavit. Cum itaque aves prono ventre in aere sint pensiles, facilius alarum vibratione retinentur, & lapsus impeditur. Cum stant, non præcisè in statu ad horizontem parallelo, sed corpore paululum inclinato quiescunt. Est enim sæpè collum avis magni ponderis ob plures vertebrae & capitis ipsius pondus. Unde retracto, aut producto collo penes vectis longitudinem momentum illius variatur, ac centrum gravitatis modò versus caput promovetur, modò versus caudam retrahitur. Cum itaque anteres volitent extenso collo, ac centrum gravitatis propius sit capiti, simul & pedum articulos contra atque aliæ aves proferuntur, ut æquilibrium capitis & totius corporis exigit.

5. Non movetur avis in aere ut navis in aqua. Hæc enim remis impulsa antrorsum
fer-

fertur, dum remi aquæ innituntur, quæ sic resistit, ac si quiesceret. Neque aves vibrant alas versus caudam, ut remi aquam versus puppim propellunt, sed eas deorsum inflectunt. Cauda motum avium sursum aut deorsum inflectit, non dextrorsum aut sinistrorsum, nec gubernaculi vices obit, ut vulgò creditum est: non enim ad perpendicularum secat aerem instar temonis: sed horizontalem situm obtinet: cumque avis ad latera se inflectit, caudam in directum expansam retinet: unde & cauda abscissa nihilominus huc illuc volitant aves. Hæ quidem in medio aere, ut navis in aqua, in centro nimirum gravitatis librantur. Atque ut navis remis ad dextram citius agitatis, circa centrum gravitatis revoluta in partem sinistram inflectitur: sic avis dum ala dextra subiectum aerem pene sola impellit versus caudam, pars illius anterior sinistrorsum flectitur: ut cum nantes flexo brachio dextro, & manu expansa aquam versus pedes impellimus, tum sinistrorsum deflectimus. Sic columbæ ubi cursum in sinistram partem inflectunt, alam dextram altiùs attollunt, fortiùs vibrant, ac motu obliquo aerem versus caudam verberant. Hinc latus dextrum super planum horizontale attollitur, & sinistrum latus deprimitur: non enim propter debiliorem vibrationem ejus pondus æquè suspenditur.

6. Volatus avium nunquam fit sursum per lineam perpendicularem, sed obliquo motu per lineam parabolicam ut projecta ferri solent. Motus illi naturalis, & projectus

Atitius aliquando inter se pugnant & sese destruunt, ut in ascensu. Interim sese mutuo adjuvant: ut cum accipiter in perdicem cum impetu se demittit. Præ impetu acquisito possunt aves in sublimi aere citra crebras alarum vibrationes suspensæ teneri, præsertim cum aer superior à ventis pene semper agitetur. Hinc alæ expansæ sursum impelluntur, & figura latior descensum remoratur: ut tenuis lamina tardiùs in aquam delabitur, cum secundùm planam superficiem aquæ incumbit. Unde aves in descensu conceptum extinguunt impetum, dum caudam & alas sic expandunt, ut cavum sit horizonti ad perpendiculum, tum enim instar veli navis descensus retardatur: pedes simul extendunt, & sensim articulos inflectunt, ut ictui cedant, dum musculos leniter relaxant.

C A P U T I X.

De Natatu.

DE natatu in Physica generali diximus. Quæ natant animalia, caput erigunt, quò aer pectus impleat, & sua levitate corporis pondus emendet. Pedes fere deorsum, quasi per acclive scanderent, crebro motu aquam repellunt; cauda in piscibus non gubernaculi solum, sed vectis quodammodo habet rationem, dum aquæ innixa corpus antrorsum pellit.

Hæc fere de natatu observat D. *Perrault*, 2. Piscium natatum quiddam habere volatui non dissimile: nam pinnæ, vulgo
les

les nageoires, sunt alarum loco, uti & cauda: constant membranis quas longiores fibræ devinciunt quæque ut distendi, quod plus aquæ verberent, sic contrahi possunt, & in omnem partem flecti. Nec tamen pisces in aqua suis pinnis ut alis aves in aere suspenduntur: nam piscium corpora sunt aqua leviora. Quo autem ad imum aquæ facilius descendere valeant, ea quidem vi à natura donati sunt, qua corpus contrahere, molem imminuere, pondus adeo pro ratione molis, aut voluminis, ut loquuntur, augere possunt, aut minuere, non aliter fere ac globuli vitrei, aut figuræ in tubo aqua pleno penfiles, ad libitum deprimuntur, aut sursum feruntur. Cum scilicet digito summam aquæ partem premimus, hæc globulum vitreum per angustum, sed patens foramen subit, & pondus globuli auget: qui cum ante esset in æquilibrio cum aqua, jam fit gravior & deorsum tendit: cum autem aqua est à pressione libera, aer globulo vitreo conclusus vi sua elastica dilatat se, & aquam ejicit, hinc levior sursum tollitur, uti in Physica generali ostendimus. Nam corpora aquæ immersa & in æquilibrio posita minimo momento hoc amittunt æquilibrium. Sic homo facilius natat supinus, quam pronus, non ob eam tantummodo rationem quam attulimus: sed ob eam maxime, quod pronus in ventrem caput extra aquam proferat, quod suo pondere obest: nam ab æquali aquæ mole non sustinetur, ut in homine supino. Sic pingues homines facilius natant, quam macilenti, quod adeps & caro volumen seu

molem augeant pro ratione ponderis: plus enim ossa & pellis gravitant quam adeps & caro.

In plerisque piscibus vesiculæ infunt aere plenæ, quæ ut comprimuntur, aut dilatantur, pisces cum aqua librantur. Testudines quæ in aqua & terra degunt, pulmones habent, non solum respirationis causa, sed etiam ut in iis aerem asservent, qui æquilibrium cum aqua tueatur. Unde cum aquam subeunt, plerumque partem aeris expirant, qui ampullarum specie ex aqua attollitur.

Cum itaque pisces in medio aque suspensi dormiunt, probabile est eos ita corpus comprimere ut ejusdem sit cum aqua ponderis: verum ad subitum flexum, & undulationem corporis, caudæ, & pinnarum motum adhibent: cum citato motu ascendant, aut descendunt, non aliter: ferè ac serpentes corporis sui plicis & flexu terræ innixi concitatus moventur. Sic pisces cauda inflexa aquam repellunt, & incurvato corpore, juvantibus pinnis aut fursum feruntur, aut deorsum descendunt.

Sunt quidam pisces qui in aqua degunt, nec natant tamen, ut hippopotamus, & cancer: quemadmodum sunt quædam aves, quæ volare non possunt, ut Struthio, & avis Indica, v. *Casuel*, dicta. Hippopotames ita gravis est corpore & brevis pedibus ut aquæ innatare non possit: sic cancer in imo aquæ manet, cum pedibus minus idoneis ad natandum sit præditus.

Aves quæ in aqua vivunt, plumas habent squamatim dispositas; his subjectæ sunt

mol-

molliores plumulæ. In illis fibræ sunt duriores, ac pennæ hamis suis, aut uncis sese mutuo stringunt; in subjectis plumulis non sunt ejusmodi fila adunca, sed à se mutuo divulsæ manent.

His penè consentanea scribit Clar. Borellus, ac præterea quædam addit observatu digna. I. Hoc discriminis esse inter volatum & natatum, quod suspensio avis in aere fiat ingenti vi muscutorum pectoralium per frequentes saltus; Natantibus nihil opus sit ea vi suspendente: nam minus specie gravitant, quàm aqua ejusdem molis. Hinc demersa ut plurimum emergunt. Homo quidem præ capitis pondere vix emergit, nisi corpus erigatur velut remigio pedum & manuum. Pisces verò faciliùs ab aqua sustentantur, quàm nos à terra. Non enim defatigantur proprio gravati pondere, aut subjectæ partes dorso & scapulis premuntur, aut pedibus indigent: nam partes undique libratæ non gravitant. Hinc majora possunt esse piscium corpora, quàm terrestrium animalium; ut observat Galilæus, quod proprium pondus sustinere non cogantur ob æquilibrium cum aqua.

Hoc utique æquilibrium tuentur vesicæ aere plenæ, ut pondus carniū aeris levitate pensetur. Idque in Academia Medicea observatum fuit, piscem cujus vesica aerea disrupta fuerat in vacuo Torricelli per mensem integrum quo vixit in piscina, non potuisse natando ascendere, sed rependo in aquæ fundo semper progressum. Ostreacei pisces, conchylia, soleæ, quique in fundo maris aut fluminum semper degunt,

gunt, vesica aerea destituuntur. Aer
 iis vesiculis contentus facillè comprimitur
 à validis musculis qui ventrem ambiunt;
 sed quomodo is dilatari queat, paulò ob-
 scurius videtur, nisi fortè ut utres con-
 stricti inclusum aerem densant, qui ra-
 rescit fasciis laxatis, ita vesicæ aeræ
 semper à musculis nimium contractæ
 identidem solvantur, & inclusus aer vi
 elastica dilatetur. Aut potius sursum
 identidem ascendunt, quo novum hau-
 riant aerem. Id ita esse ex eo conjici
 potest, quod in fundo stomachi desinat
 subtilis vesicæ tubulus; atque in vacuò
 è vesica exinanita complures aeris ampul-
 las emittat.

2. Pinnæ superiores in piscibus alarum
 quidem vices non obeunt: cum enim sint
 breves, strictæ, flexiles, eæ videntur
 minus aptæ ad aquam percutiendam. Un-
 de & lateribus immotæ adhærescunt,
 & tantummodo expanduntur, cum di-
 rectus motus inflecti, aut extingui debet,
 ut innixis remorum palis super aquam sta-
 gaantem navis impetus retardatur. Un-
 de resectis his pinnis piscem æquè ve-
 lociter in omnes partes ferri observavit
 Borellus.

3. Sed pinnæ duplicatæ in ventre infi-
 mo collocatæ alium habent usum: His
 enim ut fulcris, ut nos pedibus innitun-
 tur, ut se erigant, eæque corporis vacil-
 lationes corrigunt. Unde his resectis
 vacillabat piscis modò ad dextram, mo-
 dò ad sinistram, pene ut ebrius mox casu-
 rus. In piscibus enim contra atque in
 avi-

PARS TERTIA. 141

avibus pars gravior ossium, & copiosa caro in dorso posita est, vesicæ aereæ in ventre infimo: unde centrum gravitatis supra magnitudinis centrum in dorso collocatur, & artificio quadam pinnarum ope in situ erecto se continent.

4. Piscis cauda vibrata celeri motu excurrit; immota quiescit: adeò ut caudæ vibratio, aut contorsio sit præcipua motus causa: ubi eam cum ventre recta porrigit, alteram corporis medietatem flectit ad latera; dumque aquam fortiùs verberat, simul & corpus promovet: non secus atque accidit in navicula, quam remus antrorsum promovet, dum aquam posticam obliquè impellit. Tortuoso quidem tramite fertur navicula, sed ea declinatio statim corrigitur, aut motu contrario, aut cum remus in situ obliquo retinetur, ut gubernaculi vices tum obeat: unde momentaneæ illæ deviationes vix adverti possunt. Id itaque est in pisce cauda, quod remus in navicula. Ea quoque est ampla, flexibilis, ex virgulis cartilagineis composita, quas subtilis membrana connectit; ferè ut pedes anserum. Cauda igitur aquam hinc inde verberat, dum inflexa, & innixa posteriorem aquam impellit. Tum motu contrario quæ præcessit deviatio, statim emendatur; temonis aut gubernaculi munus præstat flectendo cursum in dextram aut in sinistram partem.

5. Motui deorsum aut sursum fortè inserviunt pinnae, dum obliquè sursum aut deorsum inclinantur. Nam in momento sursum aut deorsum è statu quietis feruntur.

Neque

Neque id efficiunt vi temonis aut gubernaculi: navimenim antea immotam gubernaculum non inflectit. Nec laborant pisces ut in aqua tardissimo ferantur motu: ut navicula in stagnante aqua vel subtilis fili beneficio trahi potest: corpora quippe in aqua librata nullo negotio moventur, sed tardius; Nam ut velox sit motus navis in stagnante aqua, multis opus est remigibus. Magna enim aquæ vis suo loco est expellenda, & attollenda, tum ut locum præbeat navi subeunti, tum ut aqua vertiginoso, aut circuiari motu locum à navi relictum repleat; hinc vis imprimenda vasto illi corpori eò est major, quò motus velocior. Quin & majores essent adhibendæ vires, si navis ipsa esset intra aquam demersa. Accedit id quoque aerem perparum resistere dum remi reducuntur, aquam verò multum obsistere. Unde remiges intra aquam cæsim reducunt remos; ut ranarum & anserum pedes constrictis digitis, antrosum reducuntur, sed expansi retrorsum aquam magno impetu impellunt. Quocirca non laborant pisces ut intra aquam sint pensiles, aut tardo incedant motu, sed immensa vi iis opus est ut citissimè ferantur. Hinc tanta iis adest musculorum copia quibus spinam & caudam contorqueant.

CAPUT ULTIMUM.

De motu animalium naturali.

Motus naturales in ipsis organis terminantur, eosque efficiunt partes membranosa; harum fibræ motrices texturam habent multiplicem, ut diversis serviunt motibus. Neque spiritus in iis tanta vi eliduntur, quanta in musculorum fibris; sed placidius effusi motus efficiunt vermiculares, quales in ipsis intestinis, & vasis majoribus cernimus. Hinc fibræ intestinorum, & ventriculi in spiræ modum sunt contortæ, ut motus successivè fiat, & paulatim, non simul & subito, ut in musculis. Fibræ quippe sensim contractæ intestina cava velut manicam colatoriam quam Hippocratis vocant, intorquendo constringunt; sicque eorum contenta ab una parte in aliam lente promovent. Motus ille naturalis in œsophago, venticulo, & intestinis peristalticus dici solet, quod instar motus lumbricorum partium contractione fiat: adeo ut in se ipsas adductæ, mox dilatentur. De hoc motu elegantem tractatum nuper edidit D. Perrault in primo volumine physicorum tentaminum.

Ac primùm quidem id principii loco constituit, coctionem & distributionem humorum & spirituum in animantibus motu locali perfici, sive manifesto, cum humores & spiritus è loco in locum transferunt: sive obscuro, & minus sensibili, qualis est motus alterationis, quo scilicet partes insensibi-

sibiles moventur. Sic aqua cum incallescere incipit, partes illius obscuro quodam motu cientur, non manifesto, qui in ebullitione cernitur: motus ille obscurior fit in humoribus, cum partes incidi, & inutiles separari incipiunt: tum enim ita permiscuntur, ut in novum mixtum, seu sit chylus, seu sanguis, seu pars ipsa quæ alitur, seu denique spiritus, elaborentur.

Motus ille tum ab iis organis, quæ coctioni serviunt, tum à compressione, & agitatione vicinarum partium proficiscitur. Organa ipsa particulas secantes, & dissolventes suggerunt, quæ dum mixtionis vincula resolvunt, materiam ipsam præparant, & idoneam efficiunt, quæ aliam velut formam induat: sed jugis agitatio, & pressio coctionem humorum, & in omnes partes distributionem multum promovent. Cum enim corporis partes ita sint compactæ, ut vix ullus vacuo locus relinquatur, aliæ alias continenter preinunt; unde & cordis, & diaphragmatis, & musculorum tum pectoris, tum ventriculi agitatio, uti & membrorum varii flexus humores aut tubis, aut aliis cavitatibus contentos indefinenter urgent, & in recessus omnes vel angustiores pellunt.

Hæc pressio, & jugis impulsio naturalis in corde maximè in arteriis conspicua est, ut suo loco dicemus: hæc fortè cerebro ipsi non deest: nam ubi per carotidem, vel cervicalem arteriam insufflatur, statim cerebrum attollitur; ut deprimitur, ubi cessat inflatio: quòd fortè arteriolæ per cerebrum dispersæ, & propria tunica exutæ

— mul-

mulum inflentur, cum per eas aut humor, aut flatus immittitur; ac fors est ut cerebrum continenter attollatur & deprimatur.

Motus itaque ille naturalis & quasi peristalticus, qui propriè intestinis tribuitur, omnibus corporis partibus quæ pressione ipsa vicinarum partium humores alterando præparant, coquunt, & distribuunt, omnino communis est: hic tamen in œsophago, ventriculo, & intestinis magis fuit observatus. Cum enim equus capite depresso aut herbam, aut aquam in ventriculum per œsophagum immittit, tum cibus non alia ratione ascendit, quàm quod circulares fibræ successiva constrictione cibum aut potum antrorsum propellant: Sic alimenta in ventriculo concocta sursum per pylorum, seu dextrum illius orificium in ipsa intestina propelluntur: quod utique fibrarum continuata contractione perficitur. Eadem contractio in intestinis adeo est manifesta ut in dissectione vivorum animalium oculis ipsis subjiciatur, ac motus ille non dissimilis est lumbrici reptationi, qua alternis contrahitur, & producit. Cum itaque contrahuntur fibræ, contentum intestino chylum impellunt. Quæ viciniore sunt intestinorum exordio, priores contrahuntur. Tum quæ proximè consequuntur, eodem motu contractæ conclusum humorem paulatim propellant, uti suo loco fusiùs exponemus.

Neque hìc excutiendum puto, quo fibræ modo contrahantur: id enim superiore capite fuit explicatum: cum eadem ferè sit

ratio motus naturalis qui in corde, arteriis, œsophago, & intestinis perficitur, quæ musculorum: nisi quod in membranis aut in fibris intestinorum deest caro musculosa: cum motus sit placidior, & spiritus per copiosos in iis partibus nervulos, aut à cerebello perferuntur, huic motui sufficiant.

Neque id excutio qua ratione jugis illa contractio & pressio fiat. Seu fibræ intestinorum v. gr. ex innumeris aliis consent fibrillis una contortis ferè ut funiculus canabeus: adeo ut subtilis & spirituosæ substantiæ ingressu hæ fibrillæ à se invicem distractæ, totius fibræ contractionem efficiant: non enim eæ simplices sunt fibræ ut filum ferreum, sed ex aliis contextæ, & contortæ. Seu fibra quælibet quæ sub oculos cadit, ex aliis quidem fibrillis ita sit contexta, ut eæ non contorqueantur, sed spatia tamen inter se vacua relinquant: tum enim spatiolis illis conclusa materia potest rarefcere & ea augere spatia; aut nova subinde potest accedere substantia quæ distentis vacuis spatiolis totam fibram membranofam contrahat. Cum enim innumerales fiunt dilatationiculæ in angustis spatiolis, fibra integra, imo & musculus multum contrahitur. Seu denique in ea quam supra ex D. *Perrault* exposuimus hypothesis permaneamus, fibras nimirum membranarum, ut musculorum idcirco agere, quod naturaliter sint tensæ, penè ut tendinis fides; nec aliud quiddam spiritus efficere, quam quod oppositi musculi fibras relaxent, neque adeo motum nisi ex
occa-

occasione producant : ut cum laxis habenis equus ad cursum incitatur : adeo ut sola vi elastica , aut naturali fibrarum tensione motus ille in œsophago , intestinis & arteriis eo quo diximus modo , perficiatur.

Atque ejusmodi complures motus ea ratione fieri in animantibus videntur . Non enim cartilagines , ut nasi & auricularum adductæ alia vi quàm elastica statim reducuntur . Cum per laryngem in œsophagum traducto cibo epiglottis deprimitur , ea statim vi sua elastica erigitur ; cum leones & feles progrediuntur , ungues attollunt , ne sint impedimento , id utique ligamenti ope perficitur , quod vi sua elastica & musculi extensoris vi ungues inter digitos attollit . Cum diaphragma depressum erigitur , id fortè mediastini beneficio efficitur , quod elaterio suo depressum diaphragma erigit . Verum de his proximo tractatu fufius dicendum est : Atque ubi de motu cordis agemus , hoc argumentum paulò uberius tractabitur .

DISSERTATIO III.

*De sensibus externis, & eorum
organis .*

Sensuum exteriorum organa & functiones primum leviter perstringemus , tum eorum objecta diligentius explicare conabimur , quod organorum accurata contemplatio magis ad Medicos quàm ad Philosophos pertinere videatur : sed nostrum est in

qualitates ipsas quæ sensus feriunt , paulò accuratius quam fieri solet, inquirere.

C A P U T P R I M U M.

De tactu, & illius organo.

QUINQUE vulgo numerantur sensus exteriores omnibus notissimi : neque ulla est ratio quæ nos à receptissima opinione cogat recedere. Horum primus est tactus, qui ad tutelam animalis maximè est necessarius, & per corpus univèrsum diffunditur: quamquam in extima cute is viget maximè , ut corporum quæ circumjecta sunt , impressiones excipiat. Modificationes corporum, ut calorem , frigus , duritiem , fluiditatem, & alias affectiones, de quibus in Physica generali diximus , tactu iudice habemus exploratas ; ac certius ex eo fit iudicium , quam ex aliis sensibus , de quorum fide cum dubitamus , tactum ut fidissimum exploratorem solemus adhibere . Cum autem præcipuum tactus organum sit cutis extima, de illius structura perpauca dicamus, & ea maximè quæ recentiorum industria sunt explorata.

Tactus organum vel in cute ipsa positum est , cum ea sit tota ferè nervosa ; vel in certis corporibus cutem inter & cuticulam interjectis , quas papillas nervosas Malpighius appellat, potissimum collocatur. Verum ut res ipsa sit apertior

1. Illud est observandum , cutem ex nervorum , arteriarum & venarum ramulis magna ex parte esse contextam ; in eam vasa

ex-

excretoria, seu lymphatica ex infinitis penè glandulis oriunda desinere, per quæ sudor & halitus erumpunt. Nam illud vero proximum videtur, sudorem & crassiores halitus, qui continenter è cute exhalant, per arterias in eas cutis glandulas deferri: quæ cum sint granis milii similes, à Stenone miliares dicuntur, atque inde per vasa quædam his glandulis propria expelluntur. Sic in piscibus, ut in Anguilla cavitas quædam in cute propè initium spinalis medullæ cernitur, quæ utrinque in meatus usque ad caudam porrectos variis tubulis & papillis distinctos desinit. Nec dubium est humorem per eos tubulos exprimi, qui piscium motum faciliorem efficit: ut solent naves axungia aut pice obduci, ut reluctantis aquæ vim facilius frangant. Sic in Raie innumerales maculæ subnigræ apparent, quæ vasorum ex quibus humor limpidus & unguosus exprimitur, sunt ostiola. Hæc vasa quæ oleosum humorem fundunt, in plerisque piscibus à duplici glandula in summa cujusque orbitæ parte collocata originem ducunt, eaque in varios abeunt ramulos, qui sese in partes extimas exonerant. A capite usque ad caudam vas porrigitur, quod utrinque ramulos spargit, atque illius vestigium plerumque ipsis oculis subjicitur.

2. Cutis animalium ex multis quoque musculorum & tendinum fibris contextitur, quæ in Raie cute crassiore cernuntur. Sic in *Hystrice* vulgo *Porc epic*, cutaneus musculus cuti continuus est, & unaquæque spinarum theca suas habet fibras motrices. Has utique D. du Vernei nuper in Aca-

demia exhibebat ita cujusque spinæ, vel aculei radici infixas, ut fursum niterentur, ac plures fibræ jacentem aculeum erigerent. Quin & in homine ipso musculorum abdominis tendines in cutim manifestè desinunt, in ea scilicet parte lineæ albæ quæ est super umbilicum. Hinc cutis, ut tendines in substantiam glutinosam coctione ipsa faceffit.

3. Ex cutis involucro instar retis formato, quodq; mucoso humore perfunditur, nerveas fibrillas in fasciculos collectas prodire existimat Malpighius. Sic in vola manus aut digitorum apicibus rugæ extant incertum ordinem digestæ, quæ detracta cuticula nihil esse deprehenduntur præter earum papillarum capita, quæ in cute ipsa altas habent radices & supra corpus quoddam reticulare assurgunt. Atque ut ipsi quidam videtur, hoc est præcipuum tactus organum, ut linguæ papillæ, de quibus postea, sunt præcipua gustus instrumenta. Ac nescio an tenues illæ fibrillæ cuticulam ipsam magna ex parte non efficiant. Ea quippe est crassior, quod papillæ sunt majores & crebriores: ut in vola manus, & in pedibus avium cernere est. Quod etiam reticulare corpus, unde papillarum pedunculi assurgunt, crassius est, hoc papillæ longius proferuntur; ut in rostris & unguibus avium: ubi sunt tenuiores, in cuticulam abeunt, qua sublata cutis subjecta exquisitioris est sensus. Hinc crassior in pedibus animalium est cuticula, ne corporum asperitate lædantur.

Nec dubium est quin eæ papillæ sint nervorum, & tendinum quædam propagines, cum sensus omnis ut & motus à nervis & fibris.

fibris tendinum oriatur , ac nervis contusis aut obstructis sensus omnis in subjectis partibus tollatur . Nec mirum si nervi in fibrillas penè innumerabiles abeant: cum idem ferè in plantis contingat . Nam fibræ è trunco in ramos , & folia , & fructus tam numerosæ sparguntur , ut penè incredibile videatur tantam fibrarum copiam à trunco ipso prodire potuisse . Id etiam ex eo utcunque conjicere possumus, quod cutis vel corii durturnitate temporis consumpti pars extima non modo glutinosa , sed etiam in fibras innumeras dissecta & sæpè reticularis appareat ; ferè ut arborum folia , ubi pars carnosa fuit ab animalculis exesa, ac nihil præter fibras sibi mutuo intextas relinquitur .

4. Sub cute infinitæ , ut diximus , apparent glandulæ miliares, quarum unaquæque sua venula, arteriola , nervulo, & vase excretorio instruitur. Horum vasorum ostiola inter pilos certo ordine digesta cernuntur . Sudorem per eas glandulas , & vasa secretoria excerni jam diximus : imo perspiratio insensibilis per ea foraminula omnino perficitur. Unde si manum calentem vitro crySTALLINO admoveris , statim id nebula quadam inficiet : nec vapores illi qui continenter è corpore expirant, aliunde quàm è glandulis subjectis oriuntur , dum serosus humor quem arteriolæ una cum sanguine advehunt, per vasa excretoria ut inutilis amandatur .

5. Nigredo papillarum quæ in pedibus, labro superiore bovis , aut suis cernitur , fortè oritur ex mucoso humore , quo

retiformis plexus in summa cute imbuitur : hinc enim certis in locis nigrescit , ut in lingua ; in aliis albicat , ut in palato : atque ex eo forsitan humore nigredo Æthiopum ducenda est : nam in iis nec cuticula , nec cutis ipsa atro colore inficitur ; sed à mucoso humore & plexu reticulari nigredo illa videtur repetenda .

Ex iis quæ diximus de tactus organo , facilius intelligentur præcipui tactus ipsius affectus : inter quos dolor & voluptas primas tenent : dolor oritur vel ex pressione fibrillarum quæ ex iis papillis miliaribus hinc inde diffusæ cutis texturam efficiunt : cum eæ premuntur fortius , ex earum divisione fit dolor : qui definiri solet , *sensio molesta à continui solutione profecta* . Non quod in omni dolore necesse sit fibras ipsas divelli , ut in vulneribus fieri solet : nam frigus , calor , flatus ipsi , aut alieni corporis partes quasi cuneatim adactæ dolorem creant fibris illæsis , nisi quod eæ plus satis aut premuntur , aut tenduntur , aut à se invicem distrahuntur .

Acerbi enim dolores fiunt , cum integre manent membranæ , fibræ , tendines . Nec subtiles nervorum fibræ acu , vel sale dividuntur , sed parumper distrahuntur . Undè post totius nervi discissionem cessat dolor . Quod si vel festuca nervum tangas , magnus statim dolor orietur , nec tamen ulla fit fibrarum divisio , aut distractio : idem fit , si membranam oculi tangas . Non igitur sola fibrarum distractio , aut texturæ dissolutio , ut accidit in contusione , est doloris causa : nam acus cum pungit , fibras
non

PARS TERTIA. 153

non dissolvit, aut distrahit. Præcipua itaque doloris causa est nervi vellicatio, quatenus spiritus perturbato motu agitati consimilem concussionem cerebro communicant. Hinc faber, ut ait Borellus, ubi laminam ferream deterit & corrodit, dissonante sibilo auris tympanum ferit, & dolorem creat. Sic vel cathartici recordatio viscera ipsa convellit: atque interiores illas nervorum vellicationes narcotica, aut soporifera plerumque sedant. Sic convulsiva cruris contractio v. *crampes*, subito sanantur illiso in terram pede. Novo enim motu spirituum motus perturbatus immutatur & vellicatio cessat.

Tum verò voluptate quadam tactus perfunditur, cum spiritus placidè & æqualiter diffusi nullo obice retardantur; aut si fortè paulò vehementiùs agitentur ut in titillatione accidit, tamen in statum naturalem mox restituuntur; aut certè cum molestiæ causa tollitur. Nam voluptas maxima molestiæ detractiōe continetur ut in morali, cum de affectibus animi ageremus, uberius explicatum à nobis fuit.

Sunt alii affectus, qui ad tactus organum spectant, quorum tractationem medici sibi vindicant, physici verò qui rerum causas persequuntur, summatim eos delibant. Ii magna ex parte ad glandulas miliares referuntur. Nam cutis pars interior tota penè glandulosa est, ut exterior nervosa & crebris foraminibus pertusa. His ut diximus, continentur ductus sudoriferi, & juxta Clarissimum Malpighium papillæ pyramidales sibi mutuo parallelæ, ex quibus

innumerabiles fibrillæ dimanant. Fateor quidem has papillas à peritissimis anatomicis non esse conspectas, uti nec valvulas in valis sudoriferis, ut laticem ferofum vel liberius effundant, vel retineant: tamen eas negare non ausing. Præsertim cum in cute elephantis perspicuè videantur hæ papillæ, ut eas in dissectione hujus animalis ante biennium in Academia exhibuit D. *des Vernoi*. Unde in elephantis cute quatuor distincta corpora ostendebat, 1. cutaneum, quod in eo animali densum erat admodum, ex innumeris penè fibris mutuò implexis compositum. Ac fibræ illæ magna ex parte tendinosæ apparent, venis, arteriis, & glandulis conspersæ.

2. Corpus papillare, quod in ea cute apertissime cernitur: adeo ut quædam papillæ unius lineæ longitudinem, & hujus femissem in basi nactæ videantur, atque omnes ferè sunt uniusmodi, & sui similes.

3. Reticularis membrana ex thecis quæ papillas involvunt, ita componitur, ut unaquæque theca ex aliis confletur; adeo ut una papilla conduplicatis, & triplicatis thecis, aut involucriis tegatur. Postremò cuticula adest, quæ cum reticulari membrana adeo est conferta, ut cum ea penè confundatur, uti & papillare corpus cum cutaneo. In homine tamen cuticula à reticulari membrana non ægrè divellitur, ac præsertim circa digitorum ungues. Ac licet intueri corpus cutaneum ungui subiectum, cujus papillæ longius productæ intra unguis fibras inferuntur. Unguis ipse ex cuticula, & reticulari corpore iaduratis constat. Idque vel ex
eo

eo liquet, quod iis detractis unguis itidem divellatur.

Sed utcunque ea res sit, id liquet nervo-
sas fibrillas præcipuum esse tactus organum;
singulis poris, præsertim majoribus glandu-
las subesse cum vasis excretoriis, quæ fortè
papillas nerveas madore suo, aut halitu per-
fundunt. In plerisque poris majoribus, per
quos sudor emanat, pilorum radices insunt.
Ii meatus inter rugas cuticulæ quasi paral-
leli disponuntur; atque eorum intervalla
innumeris poris minoribus, quasi punctis
distincta apparent. Cum pori omnes hu-
more quodam oleoso implentur, tum ple-
ni, & tensi cutim lævem, & planam effi-
ciunt: at exhausto eo humore, aut alieno
subeunte, cutis aspera videtur & rugosa; ut
cum lixivio lavantur manus: tum enim ru-
gæ velut sulci fiunt majores. Interim mea-
tibus externo frigore occlusis vapores intus
coerciti cutem attollunt: hinc manus exte-
rior superficies frigori exposita statim sca-
bra fit & aspera.

Plerique autem cutis affectus ex glandu-
lis, aut vasis earum excretoriis prodeunt: ut
rubræ maculæ quas ephelides vocant, quæ-
que tum faciem aut manus inficiunt, cum
soli sunt expositæ. Tum enim partes bilio-
sæ unâ cum sero ab arteriis in glandulas
perlatae, & seroso humore destitutæ in
cute remanent: ut satis probabiliter ex-
plicat Vvillisius: quod ejusmodi maculæ
in iis sint frequentiores, quorum cutis est
mollior, aut rarior, quique flavis sunt
capillis: nam in iis æstus solis humorem
biliosum, eumque rarefactum eo usque

perducit, qui à cuticula densiore sistitur.

Nec dissimili ratione pfora, aut scabies ex lymphâ in glandulis cutis malè affecta oritur. Sive corruptus, & impurius sanguis, & solutior in glandulis cutis excrementa deponat, quæ fermento suo cum succis per eadem loca transeuntibus effervescent, & coagulantur; sive humor glandulis contentus restagnet, & corrumpatur, ut in iis qui vitam agunt desidem, aut qui fœtidis locis concluduntur. Hinc enim perspiratio insensibilis impedita sanguinis massam pervertit. Seu denique fermentum illud virulentum contagio quodam ab aliis infectis prodeat, & meatibus cutis exceptum serosum humorem glandulis contentum, ad fermentescendum proclivem statim pervertat. Non aliter atque in cerevisiæ floribus cernimus, quorum pars vel minima novæ, & nondum fermentatæ infusa, statim eam fermentat, & acriorem efficit.

Rem verò ita esse cum ex cutis fabrica, tum ex ipsa nimium communi experientia constat. Hinc qui carne salsa, aut fumo indurata crebrius vescuntur, huic incommodo sunt obnoxii: quod acrior sanguis recrementa sua in cutem emittat. Quæ autem sanguini, & lymphæ aciditatem nimiam, vel acrimoniam detrahunt, aut benigniorem ei texturam, & oleosam tribuunt, ut sulfur imprimis, & ejus præparata, hæc vi quadam specifica eum pruritum sanant. Præcipiebat olim Cl. Sylvius ut mixtura ex sulfure, nitro, & butyro recenti manuum carpi & poplites illinerentur. Quod à multis non sine suo commodo factum novimus.

Sic

P A R S T E R T I A . 157

Sic præter alia benè multa quæ in hanc rem præscribit Vvillifius, illud est facillimum, ut indusum aquæ fontanæ cum pulvere sulfuris incoctum, & exsiccatum per aliquot dies induatur. Sed de tactus organo hæctenus.

C A P U T II.

De gustatu, & illius organo.

Gustus organum in papillis nerveis quæ summam linguæ superficiem exasperant, esse constitutum, ut verissimum arbitramur. Nam gustus, ut ab Aristotele fuit observatum est quædam tactus species, & utriusque objectum sensorio ad moveri debet: tametsi res sapida altiùs linguam subit, quàm res tactilis manum: illa quippè meatus linguæ penetrat. Hinc subita spirituum refectio à vini libamine, & post longam inedia non prius lingua vini spiritum, aut generosum liquorem attingat, quam novas in nobis vires experiamur. Quod utique fit quia liquor penetrans nerveas papillas subit, hincque ad nervos ipsos penè in momento pervadit. Id verò fiet apertiùs cum pauca de linguæ structura dixerimus.

Ac primum lingua musculus est fibris innumeris instructus quæ summa varietate disponuntur, ut flecti in omnes partes possit. Præter extimam illius membranulam, quæ epidermidis aut cuticulæ loco haberi potest, cuique subjecta est glutinosa quædam substantia variis foraminulis, instar
reti-

reticuli pervia, est alia membrana, aut corpus nervosum & papillare, præcipuum videlicet gustatus organum. Nihil enim sunt eæ papillæ, nisi funiculi ex intima linguæ membrana quæ mucosæ, & reticulari subjicitur, prodeuntes. Hæ quidem mucosam substantiam penetrant, & in linguæ extimam superficiem oblongis capitellis proferuntur.

2. In mucoso, & reticulari involucro radices habent cornua quædam quæ in lingua leonis, ursi & quorundam quadrupedum tanquam dentes aprini assurgunt: atque hi linguæ velut aculei, ut ungues, & cornua animalium ex reticulari corpore jam solidiore facta, & extima cuticula concresecunt. Nam si ungue detraxeris extimam cuticulam, externum simul eorum cornuum involucrum auferes; nec evelli possunt quin portio reticularis corporis circumjecta lacere- tur; eaque avulsa in nervoso, aut mucoso corpore foveas relinquunt: adeo ut eorum origo obscura esse non possit. In eum autem videntur usum formata, ut ex palati glandulis humorem salivalem scalpendo exprimant, præsertim in ruminantibus. Deinde per interjecta illa cornua cautum est mollioribus papillis, ne continuo attritu, & asperioris cibi contactu indurescant, aut lacerentur: non alia penè ratione quàm manus digiti unguibus muniuntur, quò tutior fiat, & fortior apprehensio.

3. Papillæ, observante Malpighio, sunt in triplici differentia constitutæ. Primi generis sunt maximæ circa linguæ basim, & apicis latera: atque in superiore area cre-
bri-

Briores; in medio ubi albescit lingua, rariores. In radice ipsius linguæ nerveis fibrillis appenduntur: quominus de earum origine dubitemus. Papillæ secundi generis sub cuiusque cornu radice interiore cernuntur; atque earum capitella mediocriter assurgunt, & nerveas emittunt propagines: quæ cum radicibus cornuum committuntur. Has utique papillas aliæ minutissimæ, & conicam figuram imitantes circumdare solent.

Quæ utique in figurâ tabellæ secundæ extractatu de Mechanica animalium desumpta multò fient apertiora. Hæc exhibet partem extremam linguæ bovinæ: LL, est membrana extima velut spiculis armata quæ in nonnullis animalibus dura sunt, & penè ossea, ut in leone, & urso: K, est illius membranæ frustulum ab inferiore superficie visum: O, tertiam membranam repræsentat variis velut papillis distinctam, quæ tanquam clavi secundam membranam pertundunt, & aculeorum qui extimam membranam exasperant, radices subeunt, ac triplicem demum illam membranam simul arcto nexu devinciunt. In leone, & aliis nonnullis secunda deesse videtur linguæ tunica.

4. Nervosæ illæ papillæ cum glandulis in radice linguæ aut in palato positæ confundinon debent. Nam hæe glandulæ compressæ mucum aut humorem præbent, & suo quæque donantur vase excretorio, quod scilicet humorem aquosum excernit; in papillis nulli occurrunt meatus, nulla foraminula. In iis, ut diximus, sensorium gustatus,

in sic

insidet : cum soluti alimenti salinæ particule eas penetrant : palati verò glandulæ quasi menstruum solvendis cibis idoneum suppeditant . Unde exerta lingua citò arefcit , quique aperto ore dormiunt, his lingua semper est aridior . Cum etiam nos ad edendum comparamus , apicem linguæ palato identidem admovemus, ut salivam moveat, eamque diluendis cibis necessariam exprimat : atque in hunc usum videntur tot oris glandulæ à natura comparatæ .

5. Salivam arteriæ suppeditant: cum sanguis uberior per arterias defertur, quam per venas refluat , in glandularum præsertim angustis : tum enim serosus humor per vasa lymphatica quæ serosum humorem deferunt , excernitur . Arctatis per nervulos venis major salivæ copia in oris cavitationem effunditur : cum autem sanguis uberior in venas ex arteriis com meat , tum saliva parcius exprimitur . Nervuli porro in iis glandulis sunt copiosi , iique in eum usum videntur comparati ut venulas stringant , aut laxent , Quæ aciditate habent cum aliqua acerbitate conjunctam , eadem salivam movent maximè: cum enim sanguinem figunt , & coagulant , aut nervos stringunt , simul impediunt ne serum cum sanguine misceatur , & per venas refluat , illud adeò per ductus salivales uberius profluit .

6. Varii ante aliquot annos ductus salivales fuerunt deprehensi, qui salivam in oris cavitationem profundunt . Sunt qui è maxillæ glandulis orti ad dentes incisivos in conspicuas papillas desinunt : sic omnis ferè palati caro nihil ferè est nisi conglomerata quæ-

PARS TERTIA. 161

quædam glandula : atque hinc infiniti propè, & admodum exiles ductus oriuntur, qui palati membranam ut cribrum perforant . Verum his quæ ad anatomiam pertinent omisſis, reliqua proſequamur .

CAPUT III.

De olfactu & illius organo .

Tanta eſt inter olfactum , & guſtatum cognatio , ut hujus gratia ille à natura tributus videatur; iſque rerum quæ guſtari debent ſit velut explorator , ne temerè noxia deguſtemus . Hinc olfactu ex diſtillatione malè affecto , ſtatim guſtatus ipſe imminuitur ; ac generoſi liquoris odor , aut medicaminis fatiſcentem ſtomachum , & vires proſtratas nonnihil reficit , aut nauseam interdum excitat . Ratio forſitan hinc petitur, quod paris quinti ramus ad olfactum pertineat : cum par illud guſtatui quoque famuletur .

Quod autem ſit olfactus organum , inter medicos non mediocriter controvertitur . Plerique Avicennam ſecuti proceſſus mammillares qui intra cranium & radices narium utrinque patent , genuinum ſtatuunt olfactus ſenſorium . Ariſtoteles idipſum in tenui membrana quæ interiores anfractus narium ſuccingit , poſitum exiſtimat : cui magis accedimus .

Primum enim ſenſoria non in cerebro , ſed in externis ſunt partibus conſtituta : ea quippè non in cerebro quod eſt ſenſus communis ſedes , ſed in membranis extra
cra-

cranium velut in excubiis natura collocavit. Unde qui compressas à natura vel ab ictu nares habent, hi plerumque aut nullo, aut debili sunt odoratu: quod fibræ olfactoriæ nimium arctentur. Canes sagaciores intimos narium anfractus numerosiores habent, & tenuem membranulam quæ cartilagini anfractuosa obducitur, magis complicatam & multiplicem: nec tamen tubercula mammarum papillis similia habent ampliora.

2. Odores tum maximè nares feriunt, cum aerem ducimus: tum enim validius narium membranam percellunt. Hinc oclusis naribus res odorifera ipso ore conclusa non percipitur: cum tamen nec aeris inspiratio, nec ipsa narium apertio essent ad odorum perceptionem necessariæ, si sensus ipse in cerebro esset collocatus. Nam odores per apertum palati meatum, qui in nares patet æqua facilitate ad eos processus, qui vulgò nervi olfactorii vocitantur, recta contenderent. Idque maximè si os cribri-forme ad radices narium positum, cuique processus illi incumbunt, multis foraminibus, ut vulgò creditur, sit ita pertusum ut aeri & odoribus aditus, & excrementis cerebri pateat exitus. Et tamen rem ipsam acrius inveniuntibus est manifestum, os illud fibris ab utraque meninge oriundis, & nervulis à quinto pari imò à nervis olfactoriis, & utroque processu mammillari prognatis sic occludi, ut nullum vel subtili admodum & penetranti liquori transitum præbeat. Eæ autem fibræ duræ matris tanquam funiculi, uti & nervorum rami in tenuem narium membranam desinunt. Unde hanc tunicā non vul-

vulgaritantum, sed peculiari quodam sensu instructam fuisse, quia aliud ab olfactu esse non potest, hinc colligitur, quod eam tot fibris ex utroque cerebri involucro manantibus, per flexuosa ossis cribriformis foraminula delatis natura consperferit, ac tam sollicitè vel è postica cerebri parte alias nervorum propaggines per tot anfractus devios in eandem tunicam deduxerit.

Hanc porrò membranam narium interiorē esse propriam olfactus organum ex mirabili illius textura publicè nobis ostendit insignis Anatomicus & Philosophus Vernæus, 1. Narium cava lamellis cartilaginosis aut osseis, quæ in plures alias, tanquam in totidem folia diducuntur, distincta apparent, atque eæ lamellæ ad radices narium positæ sunt numerosiores, sed angustiores, & ossi cribroso omnes adhærescunt: adeo ut satis sit verisimile os cribriforme ex earum lamellarum extremis coaluisse, & foraminula quibus pertusum cernitur, nihil esse præter lamellarum intervalla.

2. Interior membrana omnes lamellarum anfractus, & recessus obducit: sicque mirabili naturæ artificio tenuissimè illius telæ, quod genuinum est olfactus organum, superficies intra angustum spatium adeo extenditur: eaque luci exposita infinitis pene velut radiis, nervulis nimirum, venulis & arteriis distincta apparet: ita ut præcipuo cuidam usui destinata videatur. Neque ob aliam causam sic est explicata, & ampla nisi ut halitus odoriferus qui satis est debilis, plures illius membranæ partes afficiat, in his hæreat, & nervorum fibras percutiat.

tiat. Hinc lamellæ cartilaginofæ sunt numeroſiores in animantibus quæ exquiliſito ſunt olfactu : ut in cane venatico ; in homine verò cujus olfactus eſt obtuſior , paucae admodum ſunt . Rem verò ipſam longè accuratiùs paucis adhinc menſibus in Academia exhibuit vir laudatus . Ac primùm nervi olfactorii originem à ſtriatīs cerebri corporibus ex fibra quadam medullari deduxit : hæc fibra circa nervorum opticorum congreſſum inflexa , ſui copiam facit , & in majorem augetur molem : uti videre eſt in tabella undecima tractatus de auditu organo quem nuper emiſit in publicum .

2. Nervī olfactorii in brutis cavi , in homine ſolidi , in proceſſus mammillares deſi-nunt , & fibrās emittunt , quæ os cribri-forme penetrant , eo quo diximus modo .

3. In homine os cribroſum eſt tenuis lamina innumeris tubulis pertuſa . Hæc qua parte cerebrum ſpectat , apophyſim aut lamellam erectam emittit , quæ criſta galli , ob ſimilitudinem dici ſolet . Qua verò parte naſum reſpicit , in aliam quoque apophyſim deſinit , quæ vomer nominatur . Sunt aliæ lamellæ oſſeæ cum oſſe cribroſo continuatæ quæ os efficiunt ſpongioſum .

In naribus demum ſunt duę lamellę oſſeæ , quarum prima & inferior oſſis maxillaris interno lateri connectitur ; eaque latum velut unicum efficit , quo ſinus maxillæ foramini inſigitur . Superior lamella eſt cribroſo oſſe cui continua eſt , ſuſpenſa , à parte poſteriore diviſa duas laminulas creat , inter quas & os illud quod planum vocitant , quodque interiorem & lateralem oculi orbi-

orbitæ partem constituit , plurima sunt ossea foliola , quæ plures condunt cellulas sic effictas ut ex aliis in alias pateat aditus . Hæ lamellæ ab osse cribroso profectæ unâ cum cellulis interiore tunica nasi vestiuntur .

Quorsum autem exquisitus in ea parte sensus , aut membranæ textura tam peculiaris , nisi huic usus quoque sit peculiaris à natura tributus ? Hinc in distillatione aut coryza , cum hæc tunica nimio humore madet , olfactus penitus obtunditur .

Jam verò id dubium minimè videtur , distillationes capitis non tam à cerebro , quàm à glandulis malè affectis proficisci : atque id optimè cautum est à natura , ne coluvies serosa in cerebrum usque penetret . Nam in oculis , & naribus ipsis infinitæ sunt glandulæ , quæ seorsum humorem secernunt . Postquam enim hic aurium cavitates , oculos , nares , fauces irrigavit , ex auribus per aquæ ductum , ex oculis per puncta lacrymalia in nares , hinc partim per ingentem hiatus in fauces , partim per angustum fretum in oris cavitatem , tum per œsophagum in ventriculum & intestina , tum fortè in vasa sanguinea per chyli & lymphæ ductus suum circuitum absolvit . Cum autem quantitate , aut qualitate is humor peccaverit , tum morbi & catharri imprimis oriuntur . Sunt autem glandulæ velut cribra quibus serum à sanguine secernitur . Sed de his sæpè dicendum est .

De auditu & illius organo.

Auditus organum in tres partes distinctum videtur. Prima auriculam ipsam cum antro exteriori, & tympano completur. In secunda est antrum quoddam interius cum duplici aut triplici ostiolo. Tertia denique ex duplici velut cochlea, cum duobus nervi auditorii ramis compingitur.

Auricula ex lato in arctius spatium sensim contracta est, quo plus aeris percussus, & velut undulantis excipiat. Est enim instar cornu, aut conij quem surda stri solent auribus admoveere, ut tremulum aeris motum colligat. Unde quibus aures resectæ fuerunt, ii quidem obtusior sunt auditu, & bruta solent auriculas eò convertere, unde sonus proficiscitur. Auris cartilago in varios flexus contorta definit in eam cavitatem, quæ concha vocitatur, quod limacis cochleam referat. Substantia illius est cartilaginea, ne si mollior esset, sonos frangeret potius quàm admitteret. Per varios flexus & anfractus in specum anteriorem definit: cujus foramen firma membrana, quam tympanum vocant, obducitur. Anfractuosa illæ spiræ tympanum ab externis injuriis tutum præbent; cui rei quoque alia ratione à natura provisum est, dum illas angustias bilioso excremento, quod exsudat ab arteriis, munivit. Hujus enim velut amurcæ glutinosa substantia, si

quæ

quæ fortè, ut interdum evenit, irrepanant animalcula, omni arcet ingressu. Est in hoc meatu auditorio caro quædam glandulosa, quæ inter cutem & cartilaginem delitescit, ex qua flavum illud excrementum secer- nitur. Nam ex oris, imo & oculorum glandulis non dissimilis quandoque succus ceræ proximus concrevit. Hinc etiam aquo- sæ interdum excretiones citra ullam audi- tus læsionem per aures erumpunt: quæ vix aliundè oriuntur quàm ex iis glandulis: cum tympanum illæso auditu penetrare vix possint: nec raro evenit, ut ductu lymphatico, qui ab auribus ad nares contendit; obstructo, humor in auris interiora exun- det.

Pars anterior hujus meatus est carti- laginea, quæ in osseam substantiam desi- nit. Cartilago illa partem inferiorem ductus, aut meatus auditorii efficit, ut pars supe- rior simplici pelle tegitur, quæ flavis glan- dulis cum vasis excretoriis conspersa cerni- tur. Hinc ductus osseus quasi ossis tempo- rum appendix quædam annectitur, in cujus extremo est tympani membrana. Hæc uti- que diligenter ut cæteras auditus organi partes describit Vernæus, qui illud quoque admonet, hunc ductum osseum in adultis, 5. aut 6. lineis longum, in fœtu membranam adhuc esse durior.

Ubi sonus per tot anfractus variè re- flexus, & quasi in tuba auctus est, tympa- num ipsius percellit: idq; nihil est nisi mem- brana osseo circulo annexa; eaque fortè instar pupillæ tenditur aut relaxatur, ut sonus debilior est aut vehementior. Hæc mem-

membrana est tenuis, sicca, perspicua, ac omnino videtur accommodata ut tremulum aeris motum interioribus partibus communicet. In fœtu & recens natis infantibus conspicuus est annulus in ipso tympani aditu, qui ab ipso temporum osse faciliè divellitur. Huic membrana tympani sic illigatur, ut in superiore parte interruptus appareat, ut in adultis; atque in ea parte membrana ductus ossei parti extremæ adhærescit. Extremus hujus annulli limbus incisus est, ubi membrana tympani annulo illigatur. Cum infans ad tertium pervenit annum, annulus ab osse temporum divelli amplius non potest.

In hunc quoque usum tria ossicula mirò artificio sunt ab Authore naturæ fabricata, malleolus nimirum, incus & stapes, quorum structuram non possumus hoc loco, ut par esset, describere. Hæc ita inter se liberis articulationibus sunt connexa, ut tympanum tensius aut laxius, ut ex usu fuerit, efficiant. Quare omnis tympani structura in hoc videtur comparata, ut objectum sensorio præparet: non aliter atque exteriores oculi membranæ & humores radios lucis sic frangunt, ut retinæ, seu visus organo aptentur. In nonnullis experimur surditatis, quod in campanili, aut in magno strepitu interrogati aptè respondeant; nihil verò auditu percipiant, ubi strepitus desierit. Nempè in iis laxior est tympani membranula, quæ validiore aeris motu concussa, & tensa suo munere defungitur.

2. Tympani membranam aliud antrum excipit,

cipit, quod ingenito aere, ut Veteres credidere, plenum est. Hinc duplici ostiolo, aut meatu instruitur. Unus ex iis meatibus in palatum ipsum patet, ut novum ex ea parte aerem, cum opus est, excipiat. Hinc surdos videmus, qui dentibus testudinis summum stringentes, sonum ipsum percipiunt. In iis quippe vitiato auris tympano sonus per hunc meatum subit, aut certe aeris fremitus per ossa continuata ad intimum auditus organum permanat. Unde sunt quidam surdaſtri qui melius audiunt; cum sonus partem capitis summam ferit.

Illud in prima editione circa tympani cavitatem ex Vernæi observationibus, à nobis adnotatum fuerat; tympani specum tenui membrana innumeris vasis conspersa obduci. Hanc cavitatem in homine esse angustiores, in plerisque animalibus ampliores in vulpe, cane, & in plerisque aliis tersam esse, lævem tenui osse comprehensam; in ove & vitulo magis esse spongiosam; ac fere instar pumicis, foraminulis & rimis asperam. Hæc utique & alia diligentius explicata mox adjicientur. In extremo hujus specus pariete aliud est foramen tenui membrana obductum, quod fenestram ovalem vocant: per hanc motus aeris in antro percussi ad sensorium ipsum penetrat, atque ex duplici membrana & antro fit quasi vulgare tympanum.

3. Pars organi præcipua post fenestram posita labyrinthus vulgò nominatur. Is quidem in quodam ossis petrosi recessu miro artificio in spiras contortus, cochleæ aut li-

macis formam exprimit. Ramus paris septimi mollior, quique extra cranium non egreditur, nec dura meninge involvitur, in duos iterum ramos divisus ibi cernitur, quorum alter cochleæ quæ cerebro vicinior est, inseritur; alter juxta utriusque cochleæ commissuram, in tenues fibrillas definit: ex quibus velut membranula quædam textitur. Hoc enim artificio in cujusque sensus organo natura utitur, dum illud quantum potest explicat & evolvit, ut sensatio sit vegetior: quemadmodum in olfactus organo jam fuit observatum. Sic plures fibræ nervosæ & tendines tum in cutem ad tactus organum, tum in exteriorem linguæ superficiem, in papillas mammillares, saporibus dijudicandis desinunt. Sic nervus opticus in retinam, ut vulgò creditur; sic denique nervus auditorius ubi ad basim cochleæ aut limacis pervenit, in fibras innumeras spargitur, & omnes hujus cochleæ recessus penetrat.

Jam verò quid causæ sit cur ad insolitum strepitum palpebras attollamus; cur exceptum sonum statim voce imitemur, ex iis quæ de cerebri & cerebelli structura, necnon de nervorum origine diximus, conjicere utcunque possumus. Nam cerebri & cerebelli sic distincta sunt munera, ut in cerebro sit communis sensus, memoriæ item, & imaginationis sedes: contra cerebellum cum præcordiis & visceribus arctiori necessitudine conjungitur, & ex eo suam ducunt originem nervi quicertos, & à natura destinatos motus exequuntur. Hujus generis, ut nonnullis
vide-

PARS TERTIA. 171

videtur, est nervus ille auditorius, quem duriores esse diximus: qui cum in varios distribuatur ramos, ex iis unus in auris musculorum exteriores, tum interiores spargitur. Hinc fit ut animantes ad insolitum sonum aures erigant, palpebras attollant, & vocem quandoque inconditam emittant. In nobis verò typus soni in cerebello primum, tum in communi sensorio exceptus com meat à nervi auditorii ramo in quintiparis ramum qui in vocis organa diffunditur. Hinc spiritus qui à cerebro in hos nervos manant, musculos qui voci serviunt, ita disponunt, ut vocis in cerebro formatæ impressioni respondeant, & vocem reddant consimilem. Atque ob eandem pene rationem secundum par vertebrale, cujus ramus ad exteriorē aurem excurrit, id efficit, ut ad minimum strepitum statim caput & corpus eò convertamur, unde sonus proficiscitur.

Ex quo hæc primū edidimus, prodierunt in lucem tentamina Clariss. & Doct. Viri D. *Perrault*, qui in secundi voluminis parte tertia organum auditus præter cæteros qui hoc argumentum pertractarunt, accurate & dilucidè explicat, & iconibus exprimit.

Ac primū quidem ut summatim partes omnes hujus organi retractemus, ejus duæ sunt partes præcipuæ, auris nimirum exterior, & interior. Illius in plerisque animantibus duæ quoque sunt partes, una quæ foris extra caput eminent, & ea quæ intus recondita ductum, vel foramen auri-

culæ efficit, quæque totam auris structuram in avibus, reptilibus & piscibus plurimis, in talpa quoque & nonnullis terrenis animantibus efficit.

Foramen auriculæ interius in osse temporum perforato reconditur; pelle obducitur plerumque sudore madida, quique in viscosum & crassum recrementum degenerat. Illud, ut diximus, glandulæ pellis miliæ, seu granis milii non dissimiles, quæque in totius corporis pelle sunt conspicuæ, effundunt. Hoc foramen in avibus, paucis exceptis, plumulæ tegunt; in testudine pelle obducitur. In homine ductus auriculæ cartilagineus in foramen ossi temporum incisum desinit. Quod utique foramen circulo osseo tanquam prominulo margine cingitur: nec tamen integer circulus absolvitur; sed ex parte posteriore hiat. Annulus ille in adultis ab osse temporum divelli nequit: cum in foetu os distinctum efficeret.

Auris interior quæque cranio continetur, in omni fere animali iisdem pene partibus constat, duplici nimirum cavitate, quæ membranis utrimque concluditur, tribus ossiculis, nervo duplici, molli nimirum, & duro, aquæ ductu qui in palatum desinit, & musculo. Verum hæ partes paulò diligentius sunt excutiendæ.

Ac prior quidem tympani membrana, ut dictum est, tenuis, firma, & diaphana, ovalis pene figure & pars illius membranæ media à malleolo intus adducta nonnihil protuberat. In talpis est amplior quàm in aliis animantibus; in testudine pars illius membranæ media est cartilaginea.

Huic

Huic membranæ aliæ duæ minores, & quasi fenestræ opponuntur, quarum una rotundæ, altera ovalis est figuræ, eæque in osse temporum duo foramina occludunt. In homine utraque membranula in summa cavitationis parte est collocata; ovalis paulò est sublimior, & major, contra atque in bestiis. Hæc duo foramina in omnibus animantibus regularem nacta sunt figuram. Non eadem est ratio aquæductus, qui ex ea cavitate in palatum patet: hujus enim in variis animalium generibus diversa est conformatio. In homine tubus est ex membrana cartilaginosa compositus: qui in palatum definit prope uvulam, vulgò *la llotte*, non procul ab iis meatibus per quos spiritus à pulmonibus per nares exprimitur. Aquæductus nomen accepit, non quod ullum humorem ab ea cavitate in os effundat, quanquam id interdum accidere non negaverim: sed quia ut diximus, instar canalis excavatur: nulla (ut falso creditum est,) valvula instructus. Hic aquæductus ex parte osseus est, ut observat D. du Verney, qua exit è tympano, tum cartilagineus est & membranofus: in fœtu totus est membranofus, qui multò latior est quàm osseus; ubi definit in crescentis lunæ modum, sic est dispositus ut aer per nares ductus faciliè subire possit, non item is quem expirando reddimus.

Cavitas verò ipsa, quæ aut tympani concameratio, aut concha vocitatur, non eandem in omnibus animantibus formam sortita est. In homine, simia, bove hæc specus auris interioris ex aliis velut speluncis coalescit, quæ admodum irregulares, &

cavernosæ ex infinitis cavernulis instar spongiæ conflantur. In aliis ut in lupo, & equo hæc spelunca pene rotunda est, sed ob varias officulorum appendices, aut acutas, aut planas asperior videtur. In leone, cane, fele, ove hæc cavitas concham magis refert: unde & hoc nomen in omnibus animalibus accepit: est enim cochleæ, aut limacis conchæ non dissimilis, æquabilis, terfa, tenuis, & ampla.

In eadem cavitate, aut specu tria sunt officula adeo pervagata, malleus, 1, 2, *Vid. fig. 1. tab. 4.* incus, stapes: horum maximum est malleus, cujus caput rotundum & amplum cum incude 3, 4. sic connectitur, ut liberè moveri possit. Incudis crus alterum cum stapede 5, 6 stapes basi sua foramen ovale seu aditum ad labyrinthum, quæ est intima auris cavitas ocludit: atque in viviparis, quæ scilicet foetus vivos pariunt, hæc ossa inveniuntur. Nam in oviparis & maximè in avibus unum ut plurimum quod ad malleum referri potest, occurrit.

Hæc officula sibi mutuo articulata ossi temporum per crus alterum incudis, & stapedem cohærent, mallei interjectu membranae tympani conglutinantur: pes stapedis foraminis ovalis peripheriæ inhærescit.

Ea quoque officula muscoli ope moventur. Hic in brutis carnosior est & rotundior, oblongior in homine; à parte summa cavitatis originem capit, & brevi tendine apophysi mallei non procul ab illius capite inseritur: contractus mallei caput, & tympani membranam intus adducit, & distendit; eo cessante membrana relaxatur; tum-
que

Fig. 1.^a



Fig. 2



Fig. 3.




Fig. 3.



PARS TERTIA. 175

que ossicula simul articulata, & ligaminis ope mutuo devincta unâ cum tympani membrana, vi quadam elastica musculi antagonistæ vices obeunt. Sed duos esse mallei musculos mox dicetur.

Illud non omittendum, malleum & incudem esse ossa solidissima, non item stapedem: ossiculum enim est magis spongiosum, Addit illud quoque D. *du Verney* hæc ossicula, ea membranula quæ ossa quæque solet involvere, omnino destitui, nec cartilaginis interpositu, sed ligamentorum ope inter se connecti, & articulari. Idque fortè sic à natura provisum fuit ut agitatio aeris per illa ossicula duriora faciliùs perferatur ad partem intimam organi. Hinc mallei velut manubrium membranæ tympani secundum illius longitudinem illigatur: adeo ut ea concuti nequeat citra ossiculorum commotionem. Hinc duplici musculo pars illa malleoli vel adducitur, cum membrana intus propellitur, vel laxatur cum membrana fit planior. Qua ratione interior musculus distendat tympani membranam, exterior laxiorem efficiat, ingeniosè explicat. Ramulus denique quinti paris membranæ tympani partem posteriorem percurrit, qui non est musculi tendo, ut vulgò creditur, sed nervulus ille solus est, qui in musculos ossiculorum, & in specum interiorem tympani diffundatur.

Illud explicatu difficilior quæ ratione duo malleoli musculi membranam tympani aut laxent, aut remittant penes varias fororum differentias: ut pupilla oculi ampliatur, aut arctatur, ut lux fortior est, aut

debilior. Id utique satis aptè videtur explicare Vernæus. *Vide figuram secundam.* A est caput malleoli, crus ejus aut brachium B, tympani membranæ affixum. C est ejus exterior musculus qui prope D inseritur. Cum itaque is vim suam exerit aut contrahitur, crus malleoli B extrorsum trahitur; caput enim malleoli A cavitatis parti G innititur. Sed ubi ille musculus cum interiore F E, qui prope F inflectitur, ut is sub exteriorē inferatur, tum extremum malleoli B introrsum trahitur; externus verò musculus caput malleoli A aut junctim trahit, aut in eodem situ retinet: tum enim caput non adeo tenaciter versus H adhærescit, quàm prope G. Sed quocunque id modo fiat, id verisimillimum videtur alterum ex iis musculis malleolum intus adducere, & membranam tendere, ut alter relaxat, & complanatam efficit.

Atque hæ sunt prioris velut speluncæ partes præcipuæ, quæ in variis quidem animantibus sunt diversæ. Id verò omnibus pene commune est ut ea cavitas membrana tenui & diaphana vestiatur: hæc in iis cavitatibus, quæ cochleæ formam referunt, magis est conspicua, & videtur esse quædam ipsius tympani productio. Omnibus id quoque commune est, ut quatuor velut exitus habeat; primus & maximus tympani membrana clauditur. Sunt itidem duæ fenestræ, quibus ad tertiam & intimam speluncam patet aditus. Est denique via quædam ad palatum quæ aquæductus nominatur; isque in plerisque animantibus non aliud est quàm rima quædam, aut hiatus

tus qui inter duo, quibus hæc cavitas compingitur, ossa intercedit.

Spelunca denique auris intima, quam labyrinthi aut cochleæ nomine insigniunt, variis quoque & cavitatibus & ductibus constat. Eaque in varias partes à viro Clariss. dividitur, in primam, quæ rotundæ quodammodo est figuræ, & in quam reliquæ desinunt, eam vestibulum vocat: ex quatuor reliquis ductibus tres fere in semicirculos inflectuntur. Itaque A est portio vestibuli inferior, B canalis superior, C inferior, D medius. 1. est auditus aut orificium superioris, 2. prior aditus canalis aut semicirculi qui medium locum obtinet. 3. aditus canalis inferioris. 4. alterum orificiū medii canalis, 5. aditus aut orificiū primi & ultimi canalis, 6. & 7. sunt foramina, quibus rami nervi auditorii & mollioris eos canales aut semicirculos subeunt: quod in tabula expressit Vernæus, ut in fig. 3. cernere est. Quinq; adeo sunt exitus horū ductuum, qui cum duabus fenestris juncti septē efficiunt, quibus vestibulum cum ductibus labyrinthi, & prioris auris cavitati communicat.

Cochlea est pars intima hujus specus; cuius ductus in sui exordio latior sensim contrahitur, & in spiræ modum contorquetur. In medio quidam velut climacis scapus, *le noyau d'un escalier*, est excavatus, qui nervum auditorium excipit; hinc membrana ossea & tenuis admodum, ac flexibilis exoritur, quæ ut ductus ipse in cochleæ modum contorquetur. Hæc fibrilis à nervo oriundis intertexta est forsitan auditus ipsius organum.

Quæ quidem ex figura quam D. *Perrault* delineavit, fient apertiora. A A est tubus aut ductus spiralis ipsius cochleæ, aut limacis, D E est labyrinthi vestibulum cum ostiolis, aut ductuum semicircularium initis: B B est membrana spiralis; auditus forte organum. Hæc utiq; labyrinthi pars in cochleæ modum contorta in avibus & plerisque animalibus non occurrit. Una est in avibus specus aut cavitas vestibulo labyrinthi non dissimilis, ubi præter tres ductus semicirculares, quartus est in recessu velut rectus & sacculus omni exitu destitutus. Id verò est satis verisimile, membranam quæ hunc sacculum aut cæcum ductum succingit, proximum esse auditus organum: nam aeris commotionem perfectiori modo excipit, quam membranæ quæ canales instar semicirculorum inflexos obducit: quod si ductus ex utraque parte aperti liberum aeris exitum præberant, nec membrana quæ illorum interiores partes tegit, aeris impressionem tam commode possit excipere, ut facile commoveatur.

In piscibus nec tympanum, nec ossicula, nec cochleæ aut limacis ductus deprehendi adhuc potuerunt: in plerisque ne externum quidem foramen apparet, per quod aeris commotio subeat: tres ductus labyrinthi semicirculares, ut in avibus interdum cernuntur, in nonnullis duo sunt tantummodo.

In intima auris cavitate, quæ labyrinthus vocitatur, est aer ille insitus: nam hunc immotum esse oportet, nec cum exter-

terno aere communicare. Qui verò priore specu continetur, in jugi fluxu positus est, & per aquæ ductum cum eo quem inspiramus, communicat: sed de auditus organo tantum. Illud itaque non abhorret à verisimili, præcipuum auditus organum in labyrintho, & vestibulo esse collocatum. Spiralis enim lamella quæ hujus specus est pars præcipua, dura est, fragilis, tenuis, sicca: unde & tremulum motum facile excipit. Deinde ramus acoustici nervi cum ad basim limacis aut cochleæ pervenit, in varios abit ramulos, & in omnes hujus laminæ anfractus spargitur. Neque eâ osleo canali in spiram contorto immergitur, sed scapo climacis ex una parte infixæ, ex altera tenui membranulæ agglutinata quodammodo pensilis & tensa quam facile concussi aeris fremitum excipit: nec fere alia est ratio vestibuli & trium canalium ratio. Nam hi ductus in avibus & piscibus insunt, non item lamina spiralis.

Duæ quoque auditorii nervi propaggines vestibuli cavum subeunt, in tenuia velut stamina & membranulas explicatæ ductuum interiora obducunt. Ac demum hi semicirculi per substantiam raram & spongiosam ossi petroso adhærent, ut facile ii commoveri queant.

C A P U T V.

De visu & illius organo.

Multa circa visus organum speculatione digna occurrunt. Ac primò oculus palpebris tanquam velis obducitur, quarum superior sæpe nictitat, ut humore suo globum oculi identidem perfundat, eaque sola est mobilis: duplici musculo instruitur: horum unus palpebram attollit, alter deprimit. In hos musculos tum quinti, tum septimi paris nervuli sparguntur. Illi juxta varios animi motus palpebras movent: hi verò palpebrarum & aurium consensum tuentur.

2. Variis glandulis, & vasis excretoriis muniuntur palpebræ, quæ Steno non ita pridem detexit. Una ex iis glandulis ab exterioris anguli parte superiore orta palpebras cingit, & in varios velut lobulos descripta vasis lymphaticis, seu excretoriis viam præbet, quæ tunicam interiorem palpebræ variis foraminulis non longè à ciliis pertundunt. Altera est glandula in majore, seu interiori oculi angulo conspicua, quæ lacrymalis dicitur. Nec dubium est quin humor ex his glandulis & vasis irrigando oculo continenter profluat. Cum parcius est, non is faciliè deprehenditur: sed ubi cum impetu prorumpit, tum lacrymæ dicuntur: cū venæ quæ sanguinem revehant, nimium patent, tum minor serosi humoris copia in glandulis secernitur. Quos autem sanguinis in venas refluxus magis impeditur

eo copiosius serum intra glandulas exprimitur. Illud quoque observatum à Vernæo, in radicibus utriusque tarsi, aut ciliorum innumeras esse glandulas subflavo colore conspicuas, quæ in coronæ modum disponuntur. Quælibet glandula in sui medio tubulum profert, qui extrorsum aperitur inter radices pilorum ex quibus cilia componuntur. Atque hæ glandulæ oculorum cerumen suppeditant, ut de glandulis aurium diximus.

3. Occurrunt sex oculi muscoli, quorum primus in oculi ipsius vertice constitutus eum attollit. Secundus huic oppositus eum deprimit: unde ille superbi, hic humilis nomen adeptus est. Tertius qui est bibitorius, oculum ad interiorem adducit angulum: huic oppositus, qui est indignatorius, in contrariam partem eum abducit. Duo reliqui obliquè eum, ut vulgò creditur, circumducunt; unde & amatorii vocitantur. Cum sublato inter hos musculos æquilibrio unus ex iis fortior evadit, tum male contorquetur oculus, uti accidit in strabismo. Quod tamen ne faciliè accideret, cautum à natura fuit, dum trochleam ad nasi radices velut ansulam quandam apposuit, quæ circumducentis musculi motum susteret. Id etiam satis verisimile videtur, oculum nonnihil complanari, cum quatuor recti musculi simul contrahuntur; ut sit oblongior & ex parte sua anteriore globosior, ubi obliqui musculi contracti simul oculi globum premunt. In multis animantibus septimus adest musculus, qui pendulum oculum suspendit Musculo-

rum

rum oculi structuram & fabricam paulò aliter explicat *D. du Verney*. Ac primum quidem in ea est sententia ut putet oculum à quatuor rectis musculis in orbem torqueri posse: cum eorum motus & actiones certa ratione conjunguntur: ut in motu brachiorum & crurum experimur. Nam humerum & brachia antrorsum, retrorsum; ad dextram & lævam per quatuor musculos his motibus destinatos inflectimus, aut extendimus: At cum plures musculos certa ratione conjungimus, tum fiunt motus compositi, quibus artus nostros circumducimus.

Quem ergo, inquires, duo musculi obliqui motum efficiunt? duo, inquit, musculi obliqui simul & junctis viribus agentes, dum circumducuntur, oculi globum paulū attollunt, & suspendunt, ut in æquilibrio constitutus quàm facillimè ab uno ex rectis musculis moveatur, ferè ut acus in pyxide nauticæ: secus enim oculi motus sisteretur ob affrictum cum parte orbitæ infimæ, & pondus globi eum augetet affrictum. Ex duobus obliquis musculis major à fundo oculi ortus per orbitæ interiorem & lateralem partem ad summum & extremum orbitæ marginem progreditur, ubi trochlea est affixa: hinc versus exteriorem angulum reflexus in medio globi inferitur.

Obliquus minor ab inferiori parte interioris anguli ortus partem globi inferiorem complexus sursum ascendit, nec procul à majore & obliquo angulo inferitur.

Nunc ad ipsius oculi fabricam veniendum
is

PARS TERTIA. 183

is tribus constat membranis & totidem humoribus. Membrana omnium durissima, quæque est duræ matris propago, densa est admodum firma, parte posteriore sclerotica, seu dura nominatur, ut pars illius anterior cornea vocitatur. Ex musculorum tendinibus contexta oculum suæ orbitæ alligat.

Secunda oculi membrana ex nervi optici pia matre, seu tenui tunica producta suam ducit originem; parte sui posteriore choroides, anteriore uvea nominatur, eaque cum sit perforata, foramen illud pupillæ nomen accepit. Quæ nigrior in homine ex atro choroidis colore apparet, non item in fele, & aliis animantibus in quibus choroidis superficies concava fulvo aut alio colore nitet.

Tertia oculi tunica cæteris minor è medullari nervi substantia prodit: hæc mucosa in oculi interioris conclavi instar chartæ candidæ lumen, aut species per pupillam trajectas excipit; eamque esse proprium visus organum jam vulgò creditur. Hæc circa humoris crystallini limbum desinit, eaque cum interioris iridis ora connectitur. Irim vocant fibrarum contextum in orbem aptè dispositum, qui exterius circa pupillæ foramen variis distinctus apparet coloribus. Quæ verò crystallinum cingit, & cum retina cohæret, nigris velut ciliis compingitur: unde & processum ciliatam vocant. Circa Irim oculi illud à Vernæo observatum, eam membranam ex duplici parte esse compositam, exteriori videlicet, & interiore. Illa est instar tenuissimæ telæ

con-

contexta, & variis nitet coloribus: Interior tota fibrosa est. Atque eæ fibræ ex eodem ferè nascuntur loco, unde fibræ processus, aut ligamenti ciliaris oriuntur. Iridis fibræ uveæ foramen cingunt, idque aut dilatant aut contrahunt.

Motus earum fibrarum duplici quidem ratione explicari potest. Eæ quippe aut spectari possunt ut totidem muscoli, qui contrahi & relaxari possunt, juxta varias luminis & objectorum impressiones; aut certè ut minutissimos tubulos spongiosa quadam materia repletos licet mente concipere. Quæ quidem materia spirituum accessu intumescens fibras contrahit. Ac processus ciliares fibris iridis non dissimiles eodem quoque modo laxant, aut stringunt crystallinum.

Tres itidem sunt oculi humores. Primus est aqueus, qui tunica cornea & uvea inclusus, globosam oculi figuram efficit; secta cornea hic diffluit; eumque admodum esse spirituosum, hinc licet colligere quod acerrimo frigori expositus, vix congeletur.

Humorem aqueum excipit crystallinus in lentis formam, ut tubi optici, aut microscopii vitrum, ab omnipotenti artifice sic elaboratus, ut radii per pupillam, velut conclavis obscuri foramen, cui vitrum convexum aptari solet, subeuntes, eo modo infringantur, qui ad distinctam objecti imaginem in fundo oculi tanquam in opposito pariete delineandam requiritur. Substantia hujus humoris clara & pellucida, mollis est, ut comprimi aut dilatari facile possit;

PARS TERTIA. 185

possit; ac ne diffluet, tenui membranula, quam araneam vocant, involvitur. In piscibus & avibus est globosior. In homine & quadrupedum genere pars illius anterior est magis complanata, sed cornea magis protuberat. In illis radii per crystallinum globosum trajecti citius coeunt: unde & vitreus humor in iis est parcius. Contra in homine cum inflexi radii per crystallini anteriorem superficiem minus convexam trajecti tardius concurrant, magna humoris pellucidi & vitro fuso similis copia inter crystallinum, & fundum oculi interjacet.

Qui humor ne diffluet, tenui quoque membrana obducitur. Quanquam eadem fortè membranula, quæ vitreum humorem involvit, crystallini quoque partem superiorem tegit. Quod in charcaria pisce primus observavit Steno: adeo ut crystallinus humor non propria tunica, sed communium vitreo muniatur: nec diversa sit ab ea, quæ idcirco hyaloides, seu vitrea dicitur. Hinc crystallinus in vitrei humoris excavato sinu, tanquam gemma in annulo continetur.

Hæc utique facilius percipientur ex figura oculi quam à D. *Perrault* mutuabimur, qui & pulchrè comparat oculi fabricam cum tubo optico, idque nova quadam ratione. *Vid. fig. 6. tabellæ 3.* Nam humores in oculo idem præstant quod vitra in telescopio, aut microscopio. C. igitur est cornea; H, humor aqueus; D, Iris oculi in medio perforata, quæque idem præstat quod in tubis opticis circuli chartacei,

cei, in medio sic pertusi, ut obliquiores radios arceant, qui imaginem in fundo oculi depictam confunderent; E est processus ciliaris qui crystallino annectitur, eumque firmat, ferè ut circulus ferreus, vulgo *une virole*, qui vitrum in tubo retinet: F est choroides nigra tum ex parte anteriore, ubi nomen uveæ accipit, tum ex parte posteriore, eaque idem efficit, quod in tubo ater color quo pars interior tubi solet infici, ut peregrinum lumen, & crebras reflexiones à lateribus factas inhibeat: G est retina:

Hoc loco quærendum esset, quod sit præcipuum visus organum, an retina, ut vulgo creditur; an potius ut multis argumentis pene demonstrat D. Mariotte, tunica choroides, quæ retinæ substernitur, sit proprium visus organum. Quod ea tunica sit piæ matris quædã productio, ex infinitis pene fibrillis composita: cum in retina nullæ sint ejusmodi fibrillæ, imò ne membrana quidem illa dici potest, sed humor potius ex intima nervi optici substantia concretus: neque opaca est, ut choroides, sed nonnihil tralucet. Hinc facies accensæ lumen à choroide ita reflectitur, ut canis oculus de nocte lucidus quodammodo appareat: hæc enim cum sit candida, lumen fortius regerit. In feliū oculis lux quoque vegeta, sed cæruleo colore tincta cernitur, quod in iis choroides sit eo colore infecta. In homine cujus choroides est nigra, is fulgor non apparet: neque enim lux ex nigris corporibus tanta vi reflectitur:

Hoc etiam luculento exemplo confirmatur.

PARS TERTIA. 187

tur. Charta in orbem secta & parieti ad oculi altitudinem affixa, è certa distantia sub obtutum non cadit, cum partes vicinæ hinc inde videantur: cum scilicet locus imaginis in ea parte choroidis, quæ deficit, seu in basi nervi optici existit: lumen enim basim illius nervi non afficit: unde objectum coram positum non cernitur.

Verum his omissis quæ longiorem disquisitionem postulant, quædam potius quæ à Doct. Medico Vernæo circa oculum sunt observata, summatim perstringamus I. Motus illius membranæ quæ in avibus maximè tertiæ palpebræ munere fungitur, & oculi partem anteriorem tegit, incredibili celeritate, & duplici musculo perficitur. Qui membranam attollit & oculi partem anteriorem tegit, quique pyriformis dicitur & infra globulum oculi positus est, huic motui planè sufficeret: sed illius tendendo distendi non potest nisi nervum opticum circa quem inflectitur, comprimat. Quare ne quid incommodi patiatur nervus opticus, alter musculus priori oppositus à natura sic aptatus & perforatus fuit, ut tubulum tendineum efficiat, & tendinosum funem prioris musculi admittat, eumque ad latus deflectat, ne quid noceat nervo optico. Naturæ artificium in hujus membranæ structura pulchrè descripsit, & figuris expressit D. *Perrault* Existimat eundem esse usum interioris palpebræ, qui externis tribuitur, nempe ut globum oculi tueatur, humore suo quem glandulæ huic suppeditant, identidem perfundat

ne citius arefcat aeri expositus; denique id præstat, quod homines manu efficiunt, ut si quid pulveris oculi globo adhæferit, illius membranæ ope detergatur. In simia qui quasi manibus instructus est, interior palpebra non invenitur, uti nec in piscibus qui ea non indigent. Illud advertit Vernæus circa palpebram internam quadrupedum, eam non moveri. Neque enim id opus fuit, nec facilis erat motus; cum ea sit tota cartilaginea, & usque ad corneæ altitudinem erecta. Itaque satis id fuit si globus oculi identidem affrictus membranæ glandulis, aut humore ex iis identidem manante perfunderetur.

Mirum est naturæ artificium in hujus membranæ, quæ avibus propria est, structura: quod positum est maximè in funiculo qui per trochleam, vulgo *une poulie* ductus membranam instar veli fenestris appensi aut extendit, aut adducit. Ea membrana est triangularis figuræ, cujus latus unum interiori seu majori oculi angulo adhærescit; reliqua duo latera à dextra in sinistram liberè deducuntur. Id vero fit beneficio musculi, cujus tendo instar funiculi angulo membranæ mobili affigitur: hic tendo, aut funiculus summam oculi partem pertransiens, & in posteriorem delapsus propè nervum opticum trochleam offendit, quæ est tendo alterius musculi ex minore oculi angulo oriundi. Verum ut hæc facilius intelligantur unam item, & alteram ex figuris quas D. *Perrault* delineavit, adhibeamus, *vide tab. 5. H I K L.*, nobis exhibeat globum oculi à posteriore parte visum, cum

P A R S T E R T I A. 189

cum membrana quæ anteriorem illius partem tegit. Punctum H designat extremum tendinis, qui membranæ adhærescit, & eam distendit. L est origo musculi, cujus tendo per K, fertur in H: I K est alter musculus, cujus tendo in K perforatur, & trochleæ munus obit, dum prioris musculi tendinem excipit. Cum uterque musculus I, & L, contrahitur, tum membrana instar veli diducitur, & H, versus M, excurrit, B A D eandem membranam, seu palpebram, anteriorem exprimit, cum in oculi majorem angulum se recipit: B est extremitas tendinis musculi quæ in priori figura littera H designat: pars membranæ immota est A D: membrana extenditur, cum tendo B versus C, promovetur.

2. In avibus postquam nervus opticus globum oculi subiit, circa se effundit rotundum velut calicem, ex cujus margine fila plurima exeunt ciliari processui congenera, eaque desinunt pone vitreum humorem, cui aderescunt; ac fortè hæc membrana sua dilatatione & contractione vitreum humorem crystallino admovet, aut ab eo removet, ut distincta visio postulat.

3. Cum tunica oculi versicolor quæ iris vocitur. dilatetur & contrahatur, licet nullæ in ea fibræ carnosæ appareant: id quoque non abhorret à vero processum ciliarem qui ejusdem est pene naturæ cum iridis tunica, non omni motu destitui, quo crystallinus fit aut globosior, aut planior: sed de Iridis structura diximus.

Atque hæc de oculi fabrica, in qua opificis nostri providentiam mirari satis non pos-

possumus: vel quod in exigua mole tanta partium varietas, ordo, usus denique tam multiplices conspiciantur; vel quod tam puri humores cum suis membranulis & involucris mira arte contextis ex turbido sanguine, & crasso elaborati appareant. Verum ista longè fient illustriora, ubi quæ ad visionem pertinent, fuerint explicata. Sed oculi figuram ante subijciamus.

Primum occurrit cornea tunica *E I E*, nonnihil protuberans. Quamquam tantum promineat, quantum hac figura exprimit.


Hæc tunica radios ab objecti punctis *A B C* prodeuntes infringit ad perpendicularum, & nimium divergentes colligit, ut per foramen uveæ seu pupillam *o o*, quam paulo ampliorem fecimus, subeant.

E o, E o, tunica est uvea. Spatium inter cornea & uveam comprehensum aqueo humore completur, qui ad crystallinum usque diffunditur.

Crystallinus *F P F*, radios in cornea fractos, in aqueo humore paulo rariore jam divergentes sic frangit, ut qui ab eodem puncto *B*, exeunt, in fundo oculi *b*, colligantur. Sic fiunt quidam velut penicilli: dum *B o*, *B o*, radii jam à se invicem distracti coguntur in *o b*, *o b*, & punctum *B*, objecti imprimatur in fundo oculi *b* per plures radios coeuntes. Idem dicendum de punctis *A* & *C*. radius *B I b*, qui irrefractus oculum penetrat, cum ad perpendicularum incidit est axis visionis.

Spatium *L L*, est vitreus humor, d. G. d. ner.





nervus opticus, ad latus versus interiorem oculi angulum deflectit. *d E*, *d E* scleroticam tunicam exhibet: huic proxima est choroides; intima quæ fibrillis solet distingui, tamen nulla apparent, *F c b a F*, retina dicitur, *E F*, *E F*, processus ciliares designant.

CAPUT VI.

De visione.

Nunc itaque quo visio fiat modo, & qua ratione objecti visibilis distincta species in fundo oculi delineetur, paulò uberius quam solent Philosophi, explicare conabimur, simul & partem Optices præcipuam trademus, idque quam maximo poterimus compendio. Ac primum quidem cum vulgaris sit opinio species rerum intentionales ab objectis in oculum manare, eaque superius depulsa fuerit, id nobis exponendum est, qua ratione rerum imagines in oculo depingantur. Sit itaque

Unica Conclusio.

Distinctæ rerum imagines tum pinguntur in oculo, cum plures radii ab eodem objecti puncto prodeuntes ita in tunicis, & humoribus oculi inflectuntur, aut franguntur, ut ad fundum oculi pervenere, in idem punctum confluant.

Probatur Conclusio. I. enim oculi globus est instar tubi optici, qui obscuri cubiculi foramini sic aptatus est, ut rerum extra cubicu-

biculum positarum figura: in chartam, aut parietem oppositum trajiciat. Apertum tubi orificium corneam tunicam exprimit; circellus chartaceus in medio pertusus, qui vitrum tegit, uveam in sui medio perforatam; lens convexa tubi optici humorem crystallinum; obscuritas cubiculi, conca-merationem oculi, qua lux omnis excluditur, præter eam quæ per uvæ foramen admittitur, satis aptè exhibet.

2. Id quoque explicatur & probatur ex oculo artificiali. Vitrum est amplum, & convexum orbe chartaceo inclusum, idque corneam tunicam repræsentat. ChrySTALLINI loco est lens itidem convexa, seu vitrum pellucidum in medio densius, quam in extremis; charta retro posita organum ipsius visus, sive sit retina, sive sit choroides, nobis exhibet; eaque adducitur, aut retrahitur uti libuerit, dum distincta objecti imago in ea depingatur. Quare ea machina sic in fenestra collocatur ut radii ex objectis illustratis in vitrum antè illapsi, tum lentem crystallinam subeuntes, distinctam in charta, quæ fundum oculi repræsentat, rei picturam delineent.

3. Id ipsum ex structura oculi fit manifestum. Sit enim objectum ABC , tum illius pictura erit distincta, cum puncta A , B , C , in fundo oculi a , b , c , sic pingentur, ut plures radii ab unoquoque puncto, ut A profectis, in unum itidem punctum a , coeant. Nam tunica cornea E, I, E , radio, ab eodem objecti puncto A prodeuntes infringit, & nimium divergentes colligit, ut per foramen uvæ seu pupillam,

$O, O,$

O, O, subire possint. *Vide superiorem figuram.*

4. CrySTALLINUS F P F, radios qui ab eodem puncto A, produnt, sic infrangit, ut in eodem puncto a, colligantur, & fiat velut quidam penicillus, ut loquuntur, o a o: sicque punctum A, distinctè pingatur in fundo oculi a. Confusa autem visio futura est, si radii ab eodem objecti puncto prodeuntes diversas in oculi fundo partes occupent: ut cum solis radii per fenestram rimam obscuri cubiculi excipiuntur: si rima paulò est apertior, splendidior quidem, sed magis perturbata solis, vel objecti imago futura est. Nam singula objecta radiosas pyramides vibrant; atque ejusdem plures radii in diversis tabellæ oppositæ punctis imprimuntur. Quò autem foramen per quod lumen admittitur, est angustius, hoc pauciores radii subeunt, & facilius coguntur in ordinem; tumque distincta est objecti imago, sed languidior: unus quippè aut alter duntaxat radius ex uno objecti puncto per rimulam subit.

Est itaque, ut diximus, pupilla instar foraminis, quod aptatum est in obscuri cubiculi fenestra, aut pariete. Cum remotius est objectum, aut nimis exigua luce perfusum, pupillæ foramen subinde dilatatur: contra ubi vicinius est objectum, aut admodum illustre pupilla contrahitur, ne confusa imago appareat cum scilicet plures quam par sit, admittuntur radii, qui cogi in ordinem, aut in eadem tabella ordinari nequeunt.

Solvuntur objectiones .

Opp. 1. Foramen uveæ in nobis est apertius, quam oculi concameratio exigit; atque huic propior est retina, seu tabella opposita, quam ut in ea radii possint apte disponi, aut penicillo delineari. Nec demum ut in occluso cubiculo tabella, sic membrana in fundo oculi affixa potest propius accedere ad crystallinum, uti cernimus in oculo artificiali. Nam quò longius objectum distat, hòc charta propius lenti, seu interiori vitro est adhibenda, contractior imago futura est. Ergo visio non eo modo quo diximus, perficitur, sola nimirum radiorum refractione in fundo oculi. Neque exempla quæ attulimus huic explicandæ satis sunt idonea, atque omnino ad species intentionales confugiendum videtur.

Resp. Species illas, quæcunque sint, ipsa visione esse obscuriores, omnino supervacaneas, ut suo loco ostendimus. Quod verò negant radios posse in fundo oculi concurrere, id forte verum esset, nisi crystallinus globosior radios frangeret & inflecteret. Deinde uveæ foramen, cum objectum est vicinius, varie constringitur. Quinetiam crystallinus humor processuum ciliarium ope forte fit planior, aut globosior. Imò satis illud videtur probabile id ipsum obliquos oculi musculos præstare: adeo ut crystallinum proprius aliquando foramini uveæ admoveant, ut rei visibilis situs, aut distantia exegerit. Atque ut in oculo artificiali, ubi charta rite collocatur, ut objectum

Quum procul diffitum exhibeat, nihil necesse est eam à lente magis remove, quo alterius objecti aliquanto magis diffiti reddat imaginem: sic ubi objectum longius removetur, nulla fere in oculo fit mutatio, cum multum augetur illius distantia.

Opp 2. Ea membrana quæ rerum imagines in fundo oculi excipit, non plana est, ut charta in oculo artificiali, vel in obscuro cubiculo apte collocata, sed concava, in qua distortas, ut in speculo concavo rerum imagines reddi necesse est.

Resp. Rerum species & majores, & distinctiores in cavo imprimi, quam in plano: dummodo charta quæ excipit, fere sit homocentrica cum lente ipsa. Quod ab Archiduce Maximiliano olim observatum fuit, dum ingentem globum extruxit, in quem, ait Scheinerus, introgressi admittebamur rerum externarum per lentem convexam in parietem concavum species, quæ ob id ipsum longe ordinatius, & ampliores videbantur, & distinctius compositæ, quam si in superficiem aliquam planam allapsæ essent.

Opp. 3. Rerum simulacra per radiorum penicillos in fundo oculi, ut in cubiculo clauso depingi possunt, sed ea non exprimunt res ipsas quæ videntur; 1. enim inversa pinguntur: deinde non ejusdem sunt figuræ cum rebus ipsis quas exhibent. Nam corpus solidum per superficiem in oculo delineat tam, circulus per ellipsim, quadratum per figuram qblongiore exhibetur. Ergo perceptio rei visibilis ductu illius imaginis quæ in fundo oculi imprimitur, non continetur: sed species admitti debet, quæ sit

res ipsa in repræsentando, ut loquuntur, unde & intentionalis vocitatur.

Resp. Aliam esse rei impressionem in visus organo, aliam perceptionem: illa iudicium nostrum non determinat, ut oculum afficit, vel ad cerebri interiora perducitur, sed quatenus ad objectum ipsum dirigitur: quasi oculus radios vibraret, non exciperet. Secus reseverlæ, ut in retina depinguntur, non in propriis locis apparebunt. In eum quippe usum sensus à natura sunt concessi, ut res in propriis locis perceptas aut fugiamus, si noxiæ, aut prosequamur, si utiles judicentur. Hinc cæcus qui baculis decussatis objecta tangit, dextro baculo quæ ad sinistram sunt posita, percipit: quod vis, & quasi intentio animæ ad res ipsas quas percipit, progrediatur, radio- rum velut impulsus sequens. Res igitur quæque in eo situ cernitur, ad quem pupil- læ acies convertitur. Hinc in speculo deor- sum jacente, ut in aqua, objecta quæque depressa apparent.

Instabis. Unde ergo muscæ & alia animal- cula tot oculis prædita, non multiplex, sed unum tantum objectum percipiunt.

Resp. Idem de homine & reliquis animan- tibus quæri posse, cur ab iis simplex non ge- minata res videatur. Neque id accidit, quod species in nervorum opticorum con- cursu intra cerebrum uniantur, ut vulgus Medicorum putat. Cum enim alterum o- culum digito paululum attollimus, tum res ex adverso posita duplex conspicitur: nec tamen nervi optici tum divelluntur: sed quia imago objecti in eadem regione, seu
in ea

PARS TERTIA. 197

ineadem retinæ parte , in utroque oculo non depingitur .

Itaque illud est probabilius , rem unam , & in eodem situ ab utroque oculo conspici , cum uterque , quique irrefractus oculum penetrat axis visualis , quo res distinctè cernitur , in idem objecti punctum dirigitur . Quomodo autem oculi muscæ sunt dispositi , non satis liquet ; nuper tamen insignis . Geometra & Philosophus D. *de la Hire* in Regia Academia tres muscæ oculos in formam trianguli aptatos , & velut in capitis vertice collocatos ostendit , adeo ut hinc liqueat reticulum illud utrimque positum multiplicis oculi vices non obire .

Opp. 4. Gassendus , utriusque oculi pupillam in contrarias partes dirigi , & quantum una ad interiorem angulum accedit , tantum alteram in exteriorem , seu in sylvestrem deflecti : adeo ut axes utriusque oculi semper sibi mutuo sint paralleli , neque in unum punctum coeant .

Resp. 1. Rem eandem à visu percipi , cum uterque oculus radiis velut conjugatis , & in eandem perceptionem destinatis attingit . Sic ubi globulum duobus digitis decussatis contrectamus , quasi duplicem tangere videmur . Nam facultas quæ cerebro inest , ex diversa nervorum impressione , non unum , sed duplicem percipit globulum . Non dissimili ratione cum oculorum alterum digito attollimus , & radiis velut disparatis rem aspicimus , tum eam geminam percipimus : superiores quippè unius oculi radii cum alterius itidem superioribus , medii cum mediis , inferiores cum infe-

rioribus simul agere, aut conspirare ad unius rei perceptionem solent, quo rem unam & eandem renuntient. At si forte ita detorqueantur oculi, ut dextri unius radii cum sinistris, aut disparatis alterius concurrant, tum res plane diversæ judicantur. Unde hujusmodi hominem se vidisse Gassendus commemorat, cujus alter oculus gravi concussus plaga, & in diversum à naturali situm deflectens efficiebat, ut res omnes geminatae ei apparerent.

Resp. 2. Utriusque oculi pupillas videri parallelas, cum objectum eminus spectatur: tum enim utriusque intervallum pene insensibile est cum distantia comparatum. Sed res aliter se habet ubi res cominus cernitur, ut cum legimus: tum enim ita ambæ pupillæ diriguntur, ut earum axes in idem punctum objecti convertantur. His explicatis non erit alienum varia visus phænomena explicare.

C A P U T. VII.

Quadam visus phænomena, aut problemata explicantur.

QUæritur 1. quomodo rerum distantiae percipiuntur.

Resp. Distantias rerum non tam à visu ipso, quam à vi imaginatrice definiri. Primo ex corporum quæ visu percurrimus interjectu: tum enim res sibi proximæ judicantur, cum inter eas nullum corpus visibile interjacet. Hinc sol exoriens horizonti contiguus, ac nubes in eadem cum stellis superficie videntur.

2. Ex

PARS TERTIA. 199

2. Ex magnitudinis præjudicio rei distantiam auguramur: ut vicissim ex cognita rei distantia magnitudinem illius dimetimur. Siquidem vel duce natura, vel ipsa assuetudine eruditi objecta quæque hoc majora censemus, quò sunt remotiora. Sic languidus, aut obscurus calor rem à nobis distitam exhibet. Neque id pictores fugit, qui corpora alioqui magna obscuris & confusis coloribus, ac mole imminuta, quasi eminus spectarentur, depingunt. Notum quippè est objectum illustrius, ac distinctius videri, quo propius. Hinc appetente nocte, aut aere nebuloso involuti, quæ proxima sunt, quasi procul posita judicamus.

3. Aliam quoque figuram oculus induit, cum remota, aliam cum proxima intuetur: in remotiorum aspectu uveæ foramē ampliatur; idque fit certa naturæ lege, licet non advertamus. Oculus etiam planior fit, aut oblongior, ut objectum longius à nobis fuerit, aut propius.

4. Res oculis subjectæ quò longius distant, hoc sublimiores apparent, quod res propiores radios emittant, qui superiores oculi, aut retinæ partes feriunt. Remote radios mittunt qui ad inferiorem oculi plagam perveniunt: quare illæ depressiores, hæc sublimiores cernuntur. Contra evenit dum oculorum aciem in res sublimes convertimus: tum enim quæ longius distitæ sunt, humiliores apparent: adeo ut extremus cæli limbus horizonti coherere videatur.

Queritur 2. quomodo rei magnitudinem percipiamus.

Resp. Nos rei cujusque molem ex imaginis, quæ retinæ imprimitur, magnitudine æstimare : idque tacita quadam ratiocinatione ex magnitudine imaginis in fundo oculi depictæ cum distantia comparata nos colligere. Nam licet objecti oculo proximi imago forsitan centies major, quam sit idem objectum tres circiter passus recederet, in fundo oculi delineetur, non continuo res ipsa centies major visus judicio æstimatur : quod totum visus negotium intra oculum non perficiatur : verum id quoque necesse est ut vis imaginatrici judicium intercedat.

Sed, *inquies*, sol in horizonte major videtur, cum tamen sit remotior. Neque id circumfusis vaporibus tribuendum est, cum imago solis tubo optico in obscuro conclavi excepta, æqualis semper, & sui similis totius diei decursu videatur ; nisi quod diameter altitudinis, quæ scilicet horizonti ad perpendicularum insistit, præ refractione non nihil imminuta appareat ; & sol non omni ex parte rotundus, sed ellipticus ferè conspiciatur : unde & umbræ quas projicit, sunt latiores, quàm ubi est sublimior ; neque adeo vapores illius augent imaginem, sed aliquantulum imminuunt, quia plures ejus radios intercipiunt.

Resp. Solem in ortu vel in occasu majorem nobis apparere, primò quod illius magnitudo ex distantia, hæc verò ex longa corporum interjectorum serie æstimetur.

2. Ita sumus à natura comparati, ut dum pupillæ foramen contrahimus, simul & crystallinum globosorem efficiamus. Hinc dum objecta oculis proxima sistuntur, statim uvea
rugas

11
 rugas aut plicas suas deponit , pupillæ foramen fit angustius, & crystallini facies anterior fit globosior. Cum res tenui & languida luce perfusas contuemur , pupillam diducimus, tumque crystallini figura planior efficitur, quò lux uberius accedat , ac radiorum concursus , seu penicilli non intra vitreum humorem , sed in fundo oculi perficiantur .

Quæritur 3. quid in causa sit cur stellæ , & accensa quæque lumina eminus spectata speciem sui longè ampliorem noctu quàm interdiu spargant.

Res. Id utique evenire vel quod apertiore pupilla radii luminis excepti majorem in fundo oculi imaginem creent , aut retinæ nervulos fortius percellant ; vel quod crystallinus humor tum fit magis complanatus ; vel quod radii intra vitreum humorem coeuntes post concursum in ampliorem & magis confusam spargantur imaginem .

Sed , *inquies* , sol tam procul dissitus, & libero aspectu visus, nihilo major apparet .

Resp. Id fortè fieri quod per angustissimum foramen lux illius admissa partes duntaxat retinæ medias , & axi proximas efficiat . Noctu verò cum pupilla dilatatur , tum radii stellarum lucidi laterales quoque retinæ aut choroidis nervulos feriunt . Est etiam foramen pupillæ ferè instar infundibuli nonnihil depressum cumque illud ampliatur, tum uvea versus pupillam crispatur, & tenuibus velut plicis asperatur. Hinc non solum radii per apertum foramen recta subeunt , sed plures etiam ex rugoso uveæ margine reflexi ad interiora oculi perveniunt : cumque ex omni parte reflexio fiat ,

corona quædam luminis corpori lucido affingitur : sol vero nullam ejusmodi comam spargit, quod diducta uvea, ac nullis plieis corrugata, sed contracta admodum pupilla cernatur. Tubus opticus hanc stellis lucem adventitiam detrahit : plures enim radios antrosum regerit ; cumque pars tantum media vitri detecta maneat, qui subeunt radii, sunt debiliores, quam ut reflexione sua retinam possint afficere. Hinc stellæ longe minores tubo mediocri, quam libero aspectu cernuntur : falsa enim luce per tubum exuuntur : ac stellæ viciniore lunc non mediocriter minuuntur : retinam quippe fortiori luce occupatam lux ista stellis ex reflexione afflicta movere non potest. Sic alba & illustria quæque corpora eminus visa majora apparent : vel quia plures radii citius intra oculum concurrunt, neque ad fundum oculi nisi confusi, & latius dispersi appellant ; vel quia fortius afficiunt retinam, & vicinas partes in consensum trahunt.

Queritur 4. quomodo figura cujusque objecti percipiatur.

Resp. De rei visibilis figura ex illius imagine in oculi fundo delineata nos judicare eo quo dictum est modo de rebus quæ foris sunt positæ : quarum imagines per obscuri conclavis exiguum foramen vitro convexo admisse in opposita tabella exprimuntur. Unde & figura variatur penes situs aut distantie diversitatem. Hinc quæ spectantur eminus, licet forte quadrata sint & angulosa, ut rotunda tamen videntur, quod angulorum excursions vel asperitates distantia elidat. Sic convexa, aut cava ut

com-

complanata percipimus : quod omnis partium inæqualitas ex tanto intervallo penitus evanescat . Hinc sol & reliqua sidera , non convexa , sed plana judicantur .

Quæritur 5. quomodo motus percipiatur .

Resp. Motum percipi vel ex ipsius oculi motu , dum rem visam ex loco in locum translata subsequitur ; vel motione imaginis in retina ; vel denique ex comparatione quadam objecti mobilis ad alia circumposita . Quandiu enim idem situs visi corporis cum vicinis , atque idem ordo percipitur , tandiu id immotum judicamus : tametsi persæpe loco movetur . Sic una cum navi abrepti arbores & reliqua corpora cieri , nos interim stare arbitramur . Cum autem in aliquod corpus longe à nobis dissitum aciem intendimus , ut in lunam , tum id corpus stare nobis videtur : quod motus oculis percipi non possit , nec præ nimia distantia partes peragratę animadverti . Interim tamen nubes agitari videntur , quod suam mutant à luna distantiam .

Quæritur 6. cur nonnulli objecta nisi propius oculis admota distinctè intueri non possint : cum alii , ut senes procul ab ea oculis remove cogantur : illi myopes , hi presbytes dicuntur .

Resp. Id utique non aliunde quàm à crystallini figura oriri . Nam myopes crystallinum habent globosiores , & oculum sæpe prominulum : unde objecta non vident longius dissita , quod radii nimium refracti citius coeant , neque ordinatam picturam in fundo oculi , sed citra , in vitreo nimirum humore exhibeant . His adeo conspiciuntur

cava usui sunt : nam radios distrahunt, quò tardiùs concurrant . Senes è diverso quibus crySTALLINI superficies magis complanata est & flaccida , non contuentur objecta, nisi eadem sint aliquanto remotiora : conspiciliis adeo convexis indigent, quibus radii nimium diffusi in angustius spatium cogantur, & citius coeant . Sic in obscuro cubiculo , quò lens convexa globosior est , seu minoris globi portio, hòc propiùs chartæ est admovenda : citiùs quippe radii refracti coeunt . Sed de his paulò uberius agendum.

C A P U T VIII.

*Quædam circa perspicillorum & microscopii
usum explicantur .*

QUò vitrum convexum est minoris sphæræ portio, hòc radii cadunt obliquius, magis adeo infringuntur, & citiùs coeunt . Hinc rerum imagines fiunt angustiores ; concursus enim radiorum id vitrum magis accelerat . Hinc quibus oculi crySTALLINUS est globosior, ii remotiora objecta distinctè non contuentur , quò eversæ pyramides sint breviores , nec ad fundum usque oculi perveniant .

Si radiis per vitrum convexum , ut per corneam factis , & jam annuentibus , priusquam concurrant , aliud vitrum itidem convexum adhibeas , ut crySTALLINUM humorem : hoc utique vitrum concursus radiorum, seu picturam accelerabit, nec situm radiorum commutabit . Hinc senes , qui res vicinas ægrè discernunt, perspicilia ad-

adhibent convexa, quæ radios ultra retinam coituros in interiora revocant . Quo autem vitrum est rotundius aut minoris sphaeræ portio , hoc vicinius objecto sistitur : tum enim radii minus obliquè effusi non tam cito refracti concurrunt . Specilla autem convexa raro objectis quæ eminus posita sunt , contuendis adhibentur : quod eorum imagines aut luminosi radii sat cito colligantur, neque ultra retinam excurrant, nec demum ii sint antrorsum retrahendi .

Specilli convexi ope rerum simulacra augentur , & fiunt illustriora non ob eam tantummodo rationem , quod plures radii , qui pupillæ angustias eluderent , in oculum deducti majorem rei imaginem exhibeant , dum plures objecti partes distinguimus ; seu quod major sit angulus visorius , a n c , in fig. 1 . tabellæ 5 : qui scilicet ab extremis radiis in fundo oculi impressis , & sese mutuo interfecantibus in puncto N comprehenditur . Nam penè ejus anguli magnitudinem de objecti magnitudine judicamus .

Hinc plerique artifices , ut qui gemmas incidunt , aut sigilla , specillis utuntur convexis , quod res minutiores contueantur . Contra quæ cava sunt , magnam radiorum partem , qui pupillam subirent , in iridem oculi, vel aliò disjiciunt : hinc pauciores objecti partes depingunt , minor quoque fit angulus visorius . Sic radii luminis per ampullam vitream transmissi in arcum colliguntur : ut per lentem cavam trajecti in majus spatium dilatantur : & tamen per ampullam vitream intuenti objectum
multo

multo majus apparet . Idem contingere in convexis & cavis speculis supra diximus . Nam illa rei speciem imminuunt , dum radios dissipant : hæc augment , dum luminis radios versus speculi diametrum reflectunt .

5. Hinc etiam liquet cur in tubo optico lens objecto obversa sit convexa , ut radios nimirum dissipatos colligat . Sed antequam concurrant , lens interdum cava adhibetur , quæ radios nimium convergentes & citius coituros paululum distrahit . Hinc pictura non modò sit amplior ex radiorum per vitrum cavum dispersione , sed etiam magis distincta efficitur . Nam qui in tempestivis intersectionibus radii turbassent picturæ nitorem , occursum lentis cavæ ad suam revocantur stationem , seu ad basim ordinatam .

Quod si lentem convexam cavæ iterum adhibeas , pyramides radiosæ citius coibunt . Cum autem crystallinus humor convexæ lentis vices obeat ; (nam rerum minutarum species auget , & literæ per eum visæ majores apparent) ubi globosior est , qualem habent myopes , tubus est corripendus , quò lens cava longiùs à basi ordinata , seu picturæ loco remota , radios magis dispergat . Illud etiam palam est , radios citius concurrere , quò objectum magis distat . Unde & tubus opticus corripitur , ubi res eminè positæ conspiciuntur .

6. Quamobrem ubi unam duntaxat lentem convexam adhibemus , ut FPF in oculi figura , hæc radios ab objecto ABC exeuntes omnino perturbatos excipit : sed ita eos inflectit , ut qui ab uno puncto A prodire , in
unum

anum itidem punctum tabelle a, concurrant. Hinc distincta fit in tabella rei imago; sed tamen everso situ apparet. At si lens altera itidem convexa in eodem loco, seu in basi ordinata collocetur: hæc utique sinceram rei speciem & distinctam excipiet, sed postea radiorum explicatione ita eam confundet, ut ex unoquoque puncto a, nova radiorum pyramis exurgat; nec quicquam aliud præter meram lucem in tabellam oppositam spargat.

Quod si in hoc confusionis loco rursus tertiam lentem constituas, quæ perturbatos radios excipiat, eos utique sic inflectet, ut eosdem cogat in ordinem. Itaque si duas lentes convexas sic tubo aptes, ut imago per lentem priorem transmissa, & refractione ordinata in posteriorem incurrat, hæc radios iterum perturbatos in crystallinum humorem effundet. Verum is humor lentis convexæ fungens munere, rursum eos colliget, atque in retinam velut totidem penicillos ordinatim dispositos transmittet. Sic lens prima confusos radios excipit, qui in tabella ordinantur; eaque invertit rei imaginem, quam lens secunda erigit, ob radiorum intersectionem. Tertia lense evertit, crystallinus vero lenti ultimæ propior concursum radiorum accelerat. Atque hinc totius penè Dioptrices fundamenta depromuntur.


Ne illud quoque prætereundum à Scheinero & aliis observatum, quod oculis incertum objectum ut in turris fastigium intentis, digitus interpositus duplex appareat, quod confusa digiti simulacra in diversis

verſis utriuſque retinæ partibus depingantur . Sic nobis in obſcuro loco conſtitutis , & præter foramen faces aliquot intuentibus , globulus in medio foraminis ſuſpenſus & negligenter conſpectus juxta luminum numerum multiplicatus apparet : quod lucida corpora totidem pyramides in diſtinctas retinæ partes vibrent , atque interceptus globulus in quem acies non intenditur , quandam velut umbram ſingulis apponat : hinc totuplex videtur , quot lucida radiant corpora . Sic accenſa in loco obſcuro candela per vitrum convexum membranula variis foraminulis pertuſa obduſtum , plures quoque imagines in chartam oppoſitam trajicit . Nam pyramides radios per ſingula emittit foramina ; atque illæ pyramides in meatuum anguſtiis cruciatim decuſſatæ totidem facis imagines inverſas in diſverſas partes projiciunt . Nec diſſimile quiddam oculo per plura foramina intuenti accidit . Nam cryſtallinus humor inſtar vitri convexi radios infrangit : cumque baſes illarum pyramidum diſverſas retinæ partes occupant , tum multiplex objectum appareat neceſſe eſt . Sed finis non erit ſi omnia quæ ad luminis & viſus phænomena pertinent , explicare velimus .

Quæ velut in tranſitu de microſcopio diximus , Philoſopho , qui ſubtilitates geometricas , ex quibus tamen magna naturæ arcana eruuntur , non adeo exquisitè perſequitur , utcunque ſufficere poterant . Cum tamen ea res , ſi quæ alia , ſit cognitione digna , gratum id plerique nos fa-
cturos putamus , ſi quæ de microſcopio vul-
gari

gari vir clariss. D. *Mariotte* nobiscum communicavit, quæque intentum quidem animum postulant, sed geometricis demonstrationibus non involvuntur, hoc quoque loco subiciamus.

Ac primò quidem ut microscopii duplici vitro instructi effectus explicari possint, id fundamenti loco statuendum est, in omni vitro convexo duo esse focos reciprocos, qui inæquali distantia à vitro ipso removentur, ut si *A B* sit objectum quod



in arctiori spatio *a b* depingitur, ubi radii per vitrum convexum *C D*, transferint, axis erit *E e*, verus focus erit in *a e b*. Quod si reciprocè corpus luminosum, aut illuminatum ponatur in *a b*, idque sit angustius, radii vitrum penetrantes, imaginem objecti amplam in *A E B* delineant, hoc est, ut plures radii à puncto *A*, in totam lentem *C D*, prodeunt, ante colligebantur in puncto *a*, sic reciprocè, cum ponitur objectum in *a b*, radii à puncto *a*, profecti ita refringuntur in lente *C D*, ut omnes penè colligantur in puncto *A*. Eadem est ratio de reliquis objecti punctis.

Ejusmodi lentes adeo parvæ conficiuntur ut focus ab iis quarta parte unius lineæ
non

non distet : adeo ut earum ope objectum oculo proximum sistatur . Cumque unius ferè pedis longitudine objectum distans appareat , imago illius ampla in fundo oculi ac distantiae iudicium objecti magnitudinem multum exagerat. Unde radii penè paralleli



oculum subeunt , & partes objecti multo distinctiores apparent .

Atque ea est ratio novi microscopii quod clariss. Hugenius perfecit, & cujus ope tot naturæ miracula, tot animalcula inplerisq; liquoribus, & fibræ minutissimæ in plantis deteguntur. Quæ sanè naturalem scientiam plurimū augere, & locupletare possunt : sed de microscopio quod multiplici vitro instructum est, nunc agamus.

2. Sit itaque microscopium AQR, ex tubo & duobus vitris convexis compositum, quorum minus C objectivum, ut majus QR oculare dici solet : sitque minutum corpus e conspicendum, quod in foco lentis collocatur. Qui à puncto e radii prodeunt, ubi lentem.


PARS TERTIA. 211

tem trajecere, uniuntur in puncto g , ut radii à puncto s profecti colliguntur in h , & longius producti ibi se interfecabunt, tum in oculare vitrum incurrentes post duplicem refractionem, versus axem convergent. Qui à puncto g manant, vitrum circa puncta l & l' subeunt, & circa dd , è vitro egrediuntur: utrique paululum à se mutuo distant, & divergunt, quod ad distinctam visionem multum conspirat, nempe ut radii ex eodem loco profecti ad axem convergant, & nonnihil tamen sint inter se divergentes. Eadem est ratio de radiis qui à puncto h , in puncta m & n vitri incidunt, & per puncta e & e' exeunt. Quamobrem radii à puncto e objecti, seu à puncto g ipsius foci dimanantes, concurrent in fundo oculi, scilicet in puncto p : ut qui ab s , seu ab h , mittuntur post duplicem refractionem coibunt in puncto o , & duo extrema objecti l & l' , intra lineas visuales conclusa à punctis o & p ductas, quæ angulum $o B p$, ferè æqualem $d B e$, comprehendunt; quæque lineæ productæ propè puncta Q & R transibunt: in puncto R radii $e o$, & $e' o'$ coibunt, ut in puncto Q , radii $d p$, & $d' p'$, sicque objectum $S e$, quasi esset in $R Q$, & magnitudinis $R Q$, videbitur.

3. Microscopia ex triplici vitro: composita objecti speciem ampliorem non efficiunt sed majorem illius partem, atque ut aiunt, majorem campum aperiunt, ut telescopia
4. vitris instructa. Quomodo autem id fiat, intellectu facile est. Sit $d e$, objectum, $C L$, lens, seu vitrum objectivum, $a b$, unum ex ocularibus, idque satis debile, & magnum:

$g f$,

alterum oculare & minus & convexius,
Itaque radii Co , & Cp , quæ in pri-



um oculare ab in-
cidunt, in secun-
dum gf non incur-
rerent sublato ocu-
lari ab ; & totum
objectum de , non
videretur, sed pars
tantum illius per so-
lum oculare gf cer-
neretur: sed vitrum
 ab per duplicem re-
fractionem sic infle-
ctit radios Lo , &
 Cp , ut in m , & n
ocularis gf incidat.
Quo quidem modo
extrema objecti de ,
videntur in t , & u ,
situ quidem everso.
Nam punctum e ,
videtur in t ; & d ,
in u ; radii à puncto e
emissi coguntur in
 x : qui ab altero ex-
tremo d , dimanat,
coeunt in y ; & z est,
quasi centrum visus
 xzt , & yzu , sunt
radii visuales. At-
que ex hac micro-

scopii structura facile colligitur in telescopio duobus aut tribus vitris convexis instructo objecta everso situ apparere: cum quartum vitrum additur, tum fiunt telescopia, &

PARS TERTIA. 213

posterius erigit, quod primum evertit, ut identidem diximus.

4. Optimum erit microscopium si lens ipsa CL. sit 5. linearum cum semisse, hoc est, ferè semidigiti, oculare medium & latius ab focum habeat 4. digitorum, ut focus minoris ocularis sit duorum digitorum: Sic verò erunt collocanda, ut minus oculare à majore distet 5. digitis; cumque objectum d e, distet ferè sex lineis ab ipsa lente CL, hujus focus reciprocus o p, satis erit vicinus majori vitro a b; cumque radii extremi c o, c p, L o, L p, oculare majus pertranseunt, ad axem vitrorum communem multum convergent: unde in extremas partes minoris ocularis g f sic incurrent, ut multum versus axem inflectantur, & convergant, atque à se mutuo perparum discedant. Quod quidem efficit, ut pupillam subire possint, & visionem distinctam efficere: minus oculare g f sic collocatur, ut illius focus tribus digitis à magno oculari distet. Nam si majus oculare a b, esset in foco minoris, aut ei proximum, puncta illius aerea, seu bullulæ & alii ejus defectus quasi puncta nigra in ipso objecto posita apparerent. Quod sit autem minus oculare sex aut septem digitis à majore distaret, id minus augeret objecti speciem, & minorem illius imaginem exhiberet.

DISSERTATIO IV.

De objectis sensuum exteriorum.

EXplicatis sensuum organis & functionibus, proximum est ut qualitates sensibiles,

sibiles, seu objecta sensuum percurramus : cumque de iis quæ ad tactum pertinent, in Physica generali fusè à nobis tractatum fuerit nunc à saporibus & odoribus ducemus initium.

C A P U T P R I M U M.

De saporibus.

CUm gustus sit velut explorator quidam in ea corporis parte collocatus qualiter cibis pater, ut quæ salubria sunt aut pernicio-
sa discernat, facultates aut vires corporum ex saporibus potissimum internoscimus: ne-
que ulla est regula ad rerum vires & tempe-
rationes dijudicandas magis idonea, quàm ea
quæ ex variis saporum differentiis depromi-
tur. Undè autem illæ oriantur, paulò accu-
ratiùs intuendum.

Solent quidem Medici novem saporum
species distinguere, acrem videlicet, acidum
pinguem, salsum, austerum, dulcem, amarum,
acerbum, insipidum; quorum tres primi è
tenui materia prodeunt; medii è mediocri;
postremi è crassa atq; terrena. Sic eos sapores
variè ex elementorum qualitatibus ducunt:
quæ sanè multis rationibus refelli possunt.
Nam ut nihil dicam de aciditate, quæ calidis
juxta & frigidis insidet, sapor amarus in
tenui corpore, ut in crasso reperitur: ut in
spiritu absinthii distillato cernere est.

Ac ne plura differam, cum elementa om-
nis omnino saporis sint expertia, aliæ nobis
causæ saporum, eæque propiores quærendæ
sunt.

Ne

PARS TERTIA. 215

Ne illud quidem probabile videtur, sapor-
res omnes ex salibus proficisci; neque spiri-
tus aut olea sunt omnino insipida; tametsi
negare non possumus quin sales in rebus sa-
pidis maximè dominantur. Sic itaque.

Prima Conclusio.

Sapor non est qualitas quædam à re ipsa di-
stineta, sed actio quæ motu locali contine-
tur, quæque à partium configuratione potis-
simùm pendet.

Probatur conclusio. Res sapida gustu, ut
tactu quodam percipitur: sed impressio tan-
tum, aut actio corporis, non entitas ab
eo distincta sensum movet, ut fusè alibi
probatum est. Sic actione, aut motu cor-
poris sapidi linguae vel astringitur, ut in acer-
bo, & austero sapore; vel leniter laxatur,
ut in dulci. Hinc falsus & acidus corro-
dunt; acer pungit & vellicat: quod amarum est,
linguam abstergit, & quodammodo ever-
rit. Atque ut diversæ corporis partes eo-
dem motu titillationis non similiter agitan-
tur, nec eundem sensum procreant: sic mo-
tus corporis sapidi aliter linguam, aliter re-
liquum corpus afficit, & quasi tactu quodam
ubique percipitur. Nam carnem excoriatam
aliter sal, aliter acetum, aliter spiritus
vini juxta saporum varietatem afficiunt: a-
deo ut sapor omnes ex partium motu &
configuratione ducantur, & gustus ipse tactu
quodam contineatur. Sed fortè causas sapo-
rum adhuc propiores meritò aliquis exqui-
ret. Sit igitur

Secunda Conclusio.

Proximæ & continentes saporum causæ satis commodè ad principia Chymicorum in vario statu considerata referuntur, dummodo in iis quoque Mechanicæ affectiones spectentur.

Pars conclusionis prior variis rationibus & experimentis illustrari potest. Atque ut ab eo sapore qui insipidus vocari solet, ordiamur, is maximè in iis reperitur corporibus, quæ principiis activis spiritu, sulphure & sale pene destituuntur, ut in aqua simplici. Insipida quoque solent dici corpora, in quibus spiritus à terra & aqua penè obruuntur, in statu, ut aiunt, fixationis. Sed ubi spiritus sese aut calore, aut fermentatione explicans, tum vario fundunt sapes. Cum spiritus salini deprimuntur, insipiditas quædam cum adstrictione vel asperitate conjuncta percipitur, quæ postea in aciditatem adolescit. Sæpe evenit ut spiritus non simul ad maturitatem evehantur, sed aliis adhuc crudis reliqui maturescere & dulcescere incipiant. Hinc sapor ex dulcedine & aciditate temperatus exoritur, qui vinosus dici potest.

Hinc duplex est aciditas; una quæ dulcedinem prævertit, altera quæ subsequitur: illa videtur in spiritu salino, atque, ut aiunt, famelico posita: qualis in limonibus & aureis pomis percipitur: cum enim ea spiritibus exhaustis omni aciditate sua exuuntur, tum dulcedinem suam non tuentur: hinc brevi cum tabe & nau-
sea-

seabundo sapore corrumpuntur. Contra in vino aciditas dulcedinem consequitur, eaque non à spiritu, sed à sale fluido dimanat. Hinc acetosus liquor tertio ignis gradu distillatur, ac partes habet asperas & penetrabiles: unde muriæ vices obit, & corpora à putredine diu vindicat: quod illius liquoris aciditas non in spiritu volatili, sed in crassiori sale sit collocata. Hinc succi limonum, & omphacium putredinem non inhibent: aciditatem enim habent dulcedinis præviam à spiritu, non à sale profectam, & quia tenuioris sunt substantiæ, citò evanescent.

Sunt alii sapes qui cruditatem & fixationem tum spirituum, tum salium, aut lenem fusionem comitantur: ut adstringens, acerbus, austerus: spiritus autem sulphurei dum fixi & crudi sunt, obscurum admodum saporem efficiunt. Sic farina tritici, ovorum albumina, quæque sulphureis abundant spiritibus vel parum exaltatis, hæc insipida pene videntur: quæ vero spiritus jam vigentes & ad motum paratos habent, ut lac, & caro, faciliùs eadem dulcescunt. Nam dulcedo è spiritibus ad maturitatem provectis potissimum dimanat.

Dulcedo porro est tripartita, macra videlicet aut salina quæ in fructibus mitescentibus, in vino tenui, & defæcato, atque in iis omnibus quæ præ spiritu salino turgent, percipitur. Pinguis, quæ à spiritibus sulphureis originem ducit, qualis est in carne, medulla & aliis corporibus juxta diversam spiritus oleosi cum aliis elementis temperationem; mixta denique, & palato

suavis, ut in melle, saccharo, passulis, seu uvis exsiccatis, quæque ex utriusque spiritus salini, & oleosi apta mixtione confurgit. Exhaustis spiritibus cum sal dominatur, ut in aceto, tum aciditas emergit.

Cum sulphur nimio calore luxuriat, tum rancidus, atque amarus sapor & plerumque ingratus emergit. Sic oleosa quæque, & dulcia absumptis spiritibus longa coctione amarescunt. Fructus verò acidi cum salis, & sulphuris perparum habeant, exhaustis spiritibus, nec sal dominio potitus acetosum saporem, nec sulphur fusione sua amarum ingenerat, sed omnino inertes & insipidi vappescunt.

Est alia tamen amaritudo, quæ non ex adusto sulphure, sed magis ex spiritu sulphureo suam ducit originem, eaque statim se prodit, nec dulcedinem subsequitur, nec vetustate minuitur, sed potius increfcit: hæc in absinthio, lupulis, v. *du boublon*, & in aliis plantis conspicua est. Quod autem spiritui infideat, non sulphuri fuso aut evecto, hinc conjicimus, quod ejusmodi spiritus exstillati sint valde amari, quod autem in vase, seu cucurbita superest, omni amaritudine careat.

Pars altera conclusionis his rationibus persuaderi potest, quibus ostendimus affectiones, aut qualitates corporum ad principia mechanica potius referri oportere, quam ad chymica, de quorum existentia meritò dubitari potest. Neque enim acetum in vino actu fuit; quæque spiritus aut sales, aut olea dicimus, sola partium figura, contextu, & motu inter se differunt. Sic acidi spi-

ri-

ritus acutis constant partibus: hinc facile sunt mobiles, & fermentationem motu suo promovent. Fructus verò quibus spiritus inest amarus, nunquam dulcescunt ob partium asperitatem, & rigiditatem. Cumque amara pleraque vi purgatrice, & abstersiva donentur, satis verisimile est ea constare partibus solidiusculis, mutuo implexis, & fere scopis similibus.

Confirmari id potest variis exemplis, quæ in nuperrimo opere circa qualitates affert clariss. Boylius, quæque jam magna ex parte attigimus. Primò, cum spiritus acidus nitri adeo penetrans acerrimo itidem nitro jam fixato sensim affunditur, ex utriusque conjugio nitrum ipsum exsurgit, quod nisi salem communem haberet admixtum, vix ullo sapore se proderet: quod nitri anguli sint obtusiores quàm ut linguæ spongiosæ meatus alte penetrent. 2. Saccharum Saturni, seu calx plumbi aceti spiritu exsoluta, & exsiccata, si idoneo vehiculo solvatur, tum spiritus armoniaci additione sensim præcipitetur, mixtura fiet ex calce plumbi impense dulci, & sale armoniaco admodum falso, pene insipida. Sic è minio seu calce plumbi aqua forti, aut spiritus nitri dissoluta, hoc est è re prorsus insipida, & altera multum corrosiva ob mutatam partium configurationem quiddam emergit admodum dulce. Sic varii saporès plurimum diversi prodeunt, ubi varia corpora etiam insipida in eodem menstruo, seu dissolvente exsolvuntur. Argento in aqua forti dissoluto, & in crysallos coagulato nihil est amarius; plumbo nihil fere dulcius, Stanni

sapor plane est diversus, non ingratus tamen; cupri sapor vix ferri potest. Crystallus lunæ affunde muriam ex aqua & sale communi compositam, exsicca, tum in crucibulo funde: hæc mistura, quæ refrigerata indurescit, luna cornea vocatur, eaque omnino est insipida: tametsi ex duplici corpore uno admodum amaro, altero acri constet. Quod si ex lunæ seu argenti crystallis, igne arenæ, sed satis valido, spiritum nitri, aut aquam fortem distilles, argentum manebit insipidum & spirituserit acidissimus; sicque corpus amarum in duo, quorum unum est insipidum, alterum acidum, resolvitur. Zincum quovis acido imò & urinoso spiritu dissolvitur, & varias saporū differentias subit. 3. Spiritus vini spiritui nitri, aut aquæ forti paulatim affusus, non intensum modò calorem procreat, sed vinosum & gratum saporem, postquam ambo distillati fuerint. Hic est spiritus nitri, quem Sylvius & alii Medici dulcem vocant & tot morbis utilem prædicant: eadem ratione ars imitari potest naturam in saporibus procreandis. Sic sinape granum cum pomatio mistum, & fermentatum allii saporem; semen dauci, v. *pastenade*, cum cerevisia fermentescens saporem gratiorem, quasi succi è limoniis extracti conciliat.

C A P U T II.

De odoribus.

IN hoc maxime à saporibus odores discrepant; quod hi sint tenuiores, illi crassiores: sed utrique ex iisdem principiis activis, aut ex simili fere partium configuratione oriuntur. De odoribus itaque perpauca dicemus, cum eadem iis sit origo quæ saporibus.

Ac primum illud certum videtur, odorem cum substantiali effluxu esse conjunctum: nam contrario vento diffatur, vento secundo advehitur. Quæque odora sunt, nisi arctiori custodia servantur, suum odorem magna ex parte amittunt: cum humore frigido perfunduntur, vix odorem suum spargunt. Nec tamen necesse est novum halitum jugi & perenni fluxu ex aromatibus, aut lignis odoriferis continenter diffundi: sed fieri potest ut ex sulphureis, & oleosis corporibus viscosi halitus erumpant, qui tamen à suis fontibus non facile divellantur: cujus generis effluvia è corporibus electricis erumpere ostendimus.

2. Odores, ut sapes spiritus, sulphure, & sale contineri verisimile videtur; illa enim plus odoris fundunt, in quibus aut spiritus, aut sulphur est uberius; tumque gratus est, & sensum demulcet odor, cum pars sulphuris purior cum spiritu exhalatur. Sed crassum sulphur sale aculeatum insigniter foetet.

3. Pleraque corpora cum propius admo-

ventur, minus gratum odorem fundunt quàm ubi sunt remotiora. Nam tenues spiritus olfactus juvant, crassiores offendunt: motus etiam & fermentatio odores plurimum intendunt. Sic uvæ ante omnis odoris expertes, ubi contusæ fuerint, fermentescunt, panis ipse, calx cum aqua diluitur, & alia id genus plurima ex fermentatione odorem suum longe lateque spargunt. Neque id eos fugit qui unguenta temperant: ambra ignavi est odoris: Zibetum, v. *civet*, quò purius est, hoc minus grate olet. Ex utriusque tamen mistura odor gratissimus exoritur: ut si decem grana ambrae cum tribus granis Zibeti mista contuderis, atque unam aut alteram guttam succi limonii, quo augeatur aciditas: aut fermentatio, instilles, suavissimum unguentum obtinebis. Sic Muschus ubi purus est, non olet suaviter, misce cum aliquot guttis spiritus rosacei ardentis, fragrantissime olebit. Aliam D. Boyle compositionem affert. Sume octo partes ambrae, v. *ambre gris*, duas moschi, unam zibeti, misce optime, & cum ea compositione aut flores, storacem, aut quidvis aliud temperare tibi licebit.

4. Multa cum putrescunt, magis fragrant, ut quædam brutorum stercorea; moticus, zibetum, & alia hujus generis: nam ex fermentatione & attritu partium sæpe odor fit gravior. Nihil fere est urinæ diu servata foetidius: qui tamen moschum ex Indiis advehunt, cum odor magna ex parte exhalavit, pelle ejusdem animalis involutum, aut vesicis inclusum in foetidis locis per dies ali-

aliquot solent appendere, & vesicas variis foraminulis pertundere. Quo quidem modo, ut testatur Boylius, pristinam moscho fragrantiam restituant. Plura in hanc rem afferri possunt, quæ idem Auctor fuse explicat, quæque à Doctiss. Viro in linguam Gallicam sunt conversa. 1. Ex mistura duorum corporum, quæ odoris sunt expertia, odor vegetus & ingratus prodit: ut cum calx viva & sal armoniacus simul contunduntur: hinc odor urinosus exhalat, quod salis volatilis particulæ sursum tollantur & nares feriant.

2. Ex duobus corporibus simul permissis, ut ex duabus partibus olei terebinthinæ, & una spiritus vitrioli leni igne distillatis liquor clarus exit, odoris ab utroque diversi; nam sulphur plantæ redolet.

3. Spiritus nitri, aut aqua fortis ex admistione spiritus vini quam superiore capite descripsimus, suavem odorem, ut saporem contrahit. Quod si loco spiritus nitri, spiritum salis communis, qui in salis petrae præparatione est plurimus, eodem modo cum spiritu vini purissimo paraveris, liquorem habebis adversus calculum, ut ego arbitror, utilissimum; sed de usu liquorum hoc loco non agimus.

4. Vini Hispanici duabus libris si paucas uncias spiritus vitrioli & cærulei addideris, ac simul digerantur, gratum odorem ea mistura præbebit. Sed odor longe erit suavissimus, si spiritui vini purissimo spiritus vitrioli æquale pondus per aliquot hebdomadas digerendum adjeceris, & liquorem exstillaveris. Adeo ut hinc liquere pos-

fit quantum sulphur vini, ut loquuntur Chymici, vegetabile, sulphur minerale, quod in spiritu vitrioli inest, aut exaltet, aut perficiat, simul quantum contextus corporum ipsa digestionē mutari possit. Liqueor ille adeo subtilis, & suaviter olens phialæ bene conclusæ, sed in loco calidiore per aliquod tempus relictus, in odorem ingratum, quique allium referebat, degeneravit. Sic sal tartari succo ceparum perfusus & per unum aut alterum diem digestus, alii odorem contraxit.

5. Jam superius ex D. Boyle ostendimus odorum fragrantiam ipsa compositione, aut præparatione intendi posse. Idque hoc exemplo confirmari potest. Moscho optimo spiritum vini purissimum affundit: adeo ut liquor digito emineat; in vase vitreo accuratè clauso per aliquot dies citra calorem digerenda collocat, donec spiritus vini tincturam aliquam, quæ tamen rubra non est, adeptus fuerit; eam tincturam in vas aliud effusam, ut exquisitam servat: Moscho in vase residuo tantumdem spiritus vini iterum affundit, qui tardius quidem & debiliorem tincturam, vel ut loquuntur, essentiam è Moscho elicit, quam alteri phialæ imponit; quod reliquum est Moschi ad alios usus adhiberi potest. Sed quod ad rem nostram magis pertinet, prior tinctura non multum fragrat, & vix eam aliquid Moschi exsolvisse quis crediderit; & tamen si vel illius guttam vini Hispanici, aut alterius vini optimi libræ affuderis, odore Moschi illud statim perfundet,

CAPUT III.

De Sono.

DE sono paulò fufius agendum nobis videtur : ac primum in quo natura illius pofita fit, tum quæ illius fint cauſæ, intuumdum : poſtremo varias illius ſpecies explicare conabimur . Sit itaque .

Unica Concluſio .

Sonus in motu quodam aeris tremulo & reciproco poſitus eſt .

Hæc concluſio eſt Ariſtotelis tum lib. 2. de anima , tum libro de ſenſu & ſenſibili , eaque experientia ipſa facile demonſtratur . Nam motus ille aeris tremulus manifeſte ſe prodit in ſidibus inſtrumenti muſici , in plectro quod pice aut colophonia obductum aſperitate ſua , & quaſi denticulis chordas motu illo reciproco exagitat . Nam ſi id oleo aut ſebo illinias , tum nullum edet ſonum . Itaque crebri illi ſubſultus , & repetitæ vibrationes ſonum efficiunt .

Cum vitrei ſcypſi , cui aqua infuſa eſt , margines digito celerius moto premuntur , tum quidem tremulus aquæ motus , & ſubſultatio , quæ fit aeris agitatio , pulchre ſatis explicat . Si pulſatæ itidem campanæ proximus pileum manu extuleris , hunc tremulum pilei motum manu ſenties . Quare cum poſito motu illo tremulo fiat ſonus , ſublato tollatur , planum fit naturam ſoni in eo motu aut quaſi fremitu aeris eſſe conſtitutam .

Solvuntur objectiones.

Opp. Non ab omni aeris motu etiam tremulo sonum procreari: ergo sonus non est tantum aeris motus.

Resp. Sonum non esse quemlibet aeris motum, sed celerem & reciprocum, & vibrationi funependuli non dissimilem: adeo ut non aliter auris tympanum verberatus aer feriat, quàm ipse à collisione corporum fuit agitato.

Opp. 2. Illa agitatio non aliter diffundi posset, quàm undulatione quadam: ut cum lapidis injectu aqua stagnans varios circulos delineat: sic enim vulgò explicari solet. Verùm hæc aeris undulatio ejusdè soni perceptionem confunderet: cum ejusdem soni infiniti velut ictus auris organum percellerent: ut lapidis injectu varii circuli ad litus appellant. Deinde id in aqua accidit, quod aqua circa lapidem assurgat, tum proprio pondere recidat. Quod utique in aere qui omni ex parte premit corpora, intelligi non potest.

Resp. Propagationem soni per ejusmodi undulationes non fieri, sed quia pressus aer magno impetu resilit: non enim omnis agitatio sonum procreat. Cumque non subita est impulsio, tum aer vim ipsam corporis moti eludit, & retro, aut ad latera corporis impellentis recedit. Sed ubi salis vehemens & subita est impulsio, tum aer anteriorem magna vi propellit, dum pressus vi sua elastica restituitur. Unde soni omnes licet admodum inæquales, æquali tamen

celeritate diffunduntur, nec major sonus à minore differt, nisi quod plures partes aeris eadem celeritate moveantur; partes quidem aeris non eadem vi flectuntur, sed eadem penitus restituuntur: ut in Vitruvio Gallice edito demonstrat *D. Perrault*.

Ista quidem de natura soni in prima hujus operis Editione strictim attigimus: sed cum hoc argumentum idem Vir Clariss. peculiari opere paucis abhinc mensibus in lucem edito adeo luculenter & solide tractaverit, ut vix quicquam optari possit accuratius, id cæteris saltem nationibus non ingratum fore puto, si ex eo opere Gallice conscripto ea excerpam, quæ ad institutum nostrum videbuntur maxime pertinere. Ac primum quidem id principii loco statuendum, sonum ex corporum collisione sic effici, ut peculiaris illa, de qua diximus, aeris agitatio posita sit in spatii ipsius, in quo unaquæque aeris particula commovetur, angustia, simul & in velocitate incredibili, qua motus ille perficitur. Et sane si quis intento animo maximos quosque naturæ effectus perpenderit, is utique facile animadvertet eos partium subtilitate, & motus celeritate contineri. Quantum motus velocitas potentiam in machinis adjuvet, omnibus notum est; idem multò est illustrius in ipsa percussione, cujus vis est pene infinita, si cum gravitate comparetur.

Atque hinc præcipua soni phænomena clara fiunt, & perspecta. Primum enim sonus aures duntaxat, non alia movet corpora; nam pluma campanæ agitatae admota

v) x commovetur: cum tamen ventus & aliæ aeris agitationes tactus, non auditus organum feriant: quod in sono spatium illud aeris in quo fit motio tremula, sit arctius & particulæ commotæ sint angustiores, quàm ut vim suam in alia corpora conferant. Sed quæ est in auditus organo textura, & partium subtilitas, id efficit ut illam aeris agitationem & impressionem facile excipiat. Ea verò motio tanta fit celeritate, ut ejus vim aer commotus eludere non possit: quod propter ejus fluiditatem in aliis motibus fieri solet: quin & eadem corporis agitati motio pene integra longius provehitur.

2. Hinc fit ut aliæ aeris commotiones cum sint multò tardiores, præcipitem illam aeris motionem quæ sonum efficit, aut parum, aut nihil infringant.

3. Repentinæ illius & celerrimæ motionis vis cum sit pene incredibilis (ut in percussione cernere est) vicina quæque corpora impellit: unde ex una infinitæ prodeunt percussiones, & creberrimæ reflexiones, dum una collisio aut vibratio innumerabiles alias procreat, quæ simul junctæ sonum efficiunt, eò majorem, quòd prima collisio est fortior, & circumjecta corpora eam repetitis reflexionibus magis augment.

4. Quòd plures sunt particulæ in prima collisione agitatae, eò sonus est vehementior: sed eadem est cujusque soni velocitas, sive intensior, sive languidior fuerit prima collisio: adeo ut pro ratione interjecti spatii propagatio soni retardetur: ut si 1200 hexapedas sonus 7 sec. minutis percurrat, 14

mi-

minutis secundis duplum spatium nempe 2400 hexapedas decurret: quod utique in Regio Observatorio, & alibi fuit pendulorum ope observatum. Quod si sclopeti aut ignis missilis sonum unius minuti secundi tempore 1100 aut circiter pedum spatium percurrere deprehendas, duobus minutis secundis sonum à lumine anteverti alterius penduli beneficio alius observator duplicis spatii intervallo diffitus comperiet.

Ex quibus omnibus efficitur sonum in crasso aere diffundi: hujus enim partes cum sint flexibiles, vi elastica quam impressionem accipere, eam vicinis partibus communicant, dum pressæ sese restitunt: unde in machina pneumatica sonus exhausto aere vix percipitur, nec nebulosus aer soni ut luminis propagationi obstat. Contra ventus non luminis motum, sed soni impressionem plurimum imminuit. Luminis quidem propagatio pene est momentanea & æquabilis, quod ætheris partes solidæ comprimi non possint: sonus verò non in ipso æthere, sed in aere qui impressioni cedit, diffusus, paulatim languescit: nam aer citissime quidem movetur, neque ad latera potest deflectere: sed cedit tamen, & acceptum impetum tandem extinguit.

Quæ sint præcipuæ sonorum causæ ..

Sonus ex peculiari quadam aeris agitatione proficiscitur, quam efficit corporum collisio. Itaque in corporibusque collisa sonum efficiunt, tria partium genera licet distinguere.

guere. Primum eas quæ sunt sensibiles, complectitur: hæ quidem vim habent elasticam, sed non facile ob suam molem flecti, aut comprimi possunt. Secundum genus est particularum insensibilium, quarum adeo elaterium vel levi impulsioni cedit, sicque vel minima vi aliquot particulæ flectuntur, aut comprimuntur, eæque præ vi sua elastica resiliunt, & pristinum situm recuperant: tumque corpusculæ multò adhuc minora, quod est tertium partium genus secum commovent. Quod particulæ commotæ sunt exiliores, eò spatium in quo is motus perficitur, angustius exigunt, major adeo est motus velocitas: nihil enim in tam arcto spatio motum retardat, nec interjecta corpora huic moram obijciunt.

Quamobrem ex corporum collisione oritur mutus partium sensibilium attritus: hic particulas insensibiles comprimit, & flectit, sed eæ in pristinum redeunt statum cum incredibili celeritate, quod in spatio pene indivisibili moveantur. Hinc aer tam perniciousiter impellitur, ut huic non liceat ad latera se recipere, & vim impressi motus eludere. Quare non tam corporum collisio, quam particularum resultus, & & quasi in integrum restitutio vera est soni causa. Nec multum interest qua vi, quove impetu tendantur, aut flectantur particulæ collisi corporis, dum celerrima sit earum restitutio: ut in bombardili quantumvis lentè elaterium sustuleris, ex celeri recursum vis ejus proficiscitur. Quamobrem non prima corporum collisio, sed

par-

particulæ ex illa collisione commotæ sonum efficiunt. Quod in locis quæ sonum iis impressum tandiu conservant, aut in fornibus manifestè cernitur; neque enim soni continuatio in locis quæ resonantia dicuntur, ex prima collisione, sed ex fremitu insensibilium particularum dimanat. Quam enim partes sensibiles in ipso collisione acceperint impressionem, eandem particulis impertiunt, atque ex iis particulis tremulus ille motus in aerem com meat. Illæ porro particulæ duplici modo agitari possunt. r. Cum partium sensibilium motum subsequuntur, tumque mutua duriorum corporum collisio præcedit. Sed sæpè particulæ ipsæ immediatè commoventur, ab aere imprimis, qui celerrimè motus plures corporum particulas simili motione exagitat. Atque hæc ab aere particularum commotio multò est facilior, quàm quæ à duris corporibus proficiscitur: plures enim aer circumfusus particulas tangit, quàm solida corpora sua collisione possunt commovere. Deinde particulæ omnes corporis solidi ab ipsis partibus ejusdem corporis itidem motis tremulo motu agitari debent sed satis fuerit si aer verberatus superficiem corporis solidi percellat, nec minor hinc oritur sonus, quàm si totum corpus concuteretur.

Præcipuæ sonorum species.

Hinc adeo duplex oritur soni species, unum efficit mutua corporum solidorum collisio, alterum aeris à duro corpore percussus.

cussio, qui & verberationis sonus dici potest, qui in voce animalium, in tibiis, in ventis, & tonitru est conspicuus. Uterque aut est simplex, aut compositus; ille ex una collisione profectus uno itidem ictu aures percellit, qualis est aeris flagello verberati crepitus; compositi soni impressio diutiùs durat. Cum sonus compositus ex unica collisione proficiscitur, tum continuatus dici potest, ut in actu campanæ diutius perseverante experimur, quod primam percussione alia statim excipiat. Cum autem ictus alii aliis succedunt, ut in tubis, tum sonus est successivus.

Sonus simplex dicitur cum aliis comparatus: is quippe ex pluribus & repetitis reflexionibus semper est compositus. Unde & varius est penes aurium & locorum quæ circumjecta sunt, & sonum referunt, dispositionem. Alius est tympani percussi sonus in media planitie, alius prope urbis muros, Vox in aperto & libero aere clara est & distincta; in personatis obscura & cassa: ferri candentis percussio obtusio rem sonum efficit, quod partes illius admistione particularum ignis distractæ male sint colligatæ, neque ad eam vim suam tueantur. Eadem est ratio corporis cujusque spongiosi: nam aeris interjectu partes à se invicem divisæ aut nullo, aut debili elaterio donantur. Contra sonus clarus est, acutus & tinniens, cum percussi corporis partes inter se ita sunt colligatæ, ut plures simul particulæ in arcto spatio commoveantur: ut in incude malleo percussa cernere est. Sic in voce aere pulmonibus utramq; laryngis membranam

ea celeritate ferit, quæ ad vocem claram & distinctam requiritur; illius membranæ particulæ dum celerrime vi sua elastica restituantur, aerem vicissim verberant, & sonum clarum ac distinctum efficiunt: sed de voce suo loco pluribus: de tonitru alibi diximus. Interim illud admonemus hoc sonum esse vehementiorem, aut in tonitru, aut in bombardis, quo plures solidi & duri corporis particulæ commoventur, Hinc subita accensæ materiæ inflammatio tantum fragorem efficit, quem vicina corpora crebris reflexionibus augent & multiplicant.

Motus continuatus ex uno gignitur, qui alios subinde procreat, ut in campanula, quam horologiis aptare solent, quæque vulgo *le timbre* dici solet. Primum ex homogenea, & sui simili materia componitur; accedit figura sono augendo idonea: nam ejus particulæ facile comprimuntur, & præ vi elastica, eadem facilitate resiliunt, ac demum quæ facta est compressio, statim in omnes partes æquabiliter diffunditur.

Triplex itaque in ea campanula ex mallei percussione motus oritur. Primum aliquot particulæ ictu mallei colliduntur. 2. Hanc totius campanulæ particulis impressionem communicant: unde sequitur partium sensibilium fremitus & agitatio, quam materia sui similis, nec multum densa efficit. Figuram pene ovalem campanula malleo percussa induit, & partes loco suo dimotæ pristinae figuræ reddi affectant: quod utique non fit citra aliquem impetum: adeo ut
com-

compressio ab ea parte quæ malleo percussa fuit, incipiat, & in latera diffundatur: quod citra crebras vibrationes, seu plures itus & reditus non efficitur. Hinc motus in partes omnes com meat; hinc crebri fremitus, & undulationes, quales in scypho aqua pleno cernimus, dum marginem digito celerius moto premimus. 3. Ex illa partium undulatione motus particularum insensibilium iterum gignitur, quæ elaterii vi flectuntur & restituuntur, atque ea celeritate aerem feriunt, quæ sonum possit efficere.

Non dissimili ratione si des testudinis dum stringuntur, se ipsas quodammodo percussunt: nam tensæ, tum pristino statui redditæ subitas & repetitas partium vibrationes efficiunt, ex quibus particulæ ipsæ attritæ, & celeriter agitæ eandem impressionem aeri communicant. Eadem pene est ratio plectri quod repetitis ictibus chordam trahit & extendit: cumque plectri denticulis ea sese expedit, suas vibrationes itidem peragit. Nec solæ partium vibrationes quæ intensis fidibus tactu ipso percipiuntur, sonum efficiunt: eæ quippe sunt tardiores: sed particulæ ipsæ celerime commotæ dum aerem feriunt, sonum creant.

Sonus successivus est in voce & in tuba: interdum est asperior, ut qui plectro celerius motu percipitur, cum scilicet ictus ipsi & vehementes sunt & celeriores: Quando percussiones crebræ quidem sunt; sed non adeo vehementes, ut in tibia, tum sonum efficiunt leniorem. Aer quippe

pe

per arctiorem rimam impulsus, in tenuis laminæ aciem impactus, particulas duntaxat illius ferit, quæ celerrimè commoventur: nam vi aeris impulsæ statim fluctuant & resiliunt. Non ita res se habet in sono interciso & fracto, cum particulæ insensibiles motum partium subsequuntur: quæ quidem partes majores sunt quam ut continuum sonum efficiant. In continuo itaque & suavi sono particulæ sæpius immotis partibus ipsis commoventur.

Hoc enim est discriminis inter tibia & alia Musicæ instrumenta, quæ ex spiritus collisione sonum non procreant, quod hæc potissimum ex materia sui simili & ex æquabili partium textura vim suam & perfectionem sortiuntur, eaque sonum augeant, quem efficit solidorum corporum percussio. Sed in tibiis & in pneumaticis instrumentis figura tantum sono reflectendo idonea requiritur, nulla materiæ ipsius habita ratione. Ex quacunque enim materia constet tibia, eundem ferè sonum edit, in aliis quidem instrumentis partes motæ particulas ipsas exagitant: hinc sonus varius est, ut partes variis modis sunt inter se devinctæ. Sed instrumenta pneumatica ex sola particularum commotione in ipsius instrumenti cavo sonum procreant. Hunc sonum aeris collisio efficit, ac solam tibiæ aut tubi cavitatem verberat: non enim alias partes commovere potest: hinc tibiæ omnes ejusdem magnitudinis eundem pene sonum edunt: hinc etiam vel tactu ipso campanulæ aut alterius instru-

men-

menti resonantis sonus sistitur, quod partium undulatio ea ratione cobibetur. In tibiis non item: nam in his particularum motus à partium motu non pendet: quare tibia tenuis sit, an crassa perinde est. In his omnibus organis reflexione ipsa plurimum augetur sonus, ut in tibiis, & tubis experimur. Qui enim primum formatur sonus, pene est insensibilis, sed crebris reflexionibus in cavo instrumenti intenditur. Sic clangor tubæ à compressione labiorum efficitur. In tuba Anglicana ab omnibus vocis organis formatus intenditur: non alio fere modo ac vox ipsa in palati cavitate incrementa sumit, dum succingentis membranae particulæ quam citissime agitantur. Sic in testudine & in aliis organis nervi agitati superioris tabellæ particulas itidem commovent, quæ inclusum aerem consimili motu percellunt: hic interiorem tabellæ superficiem ferit, cujus particulæ resultu suo aerem iterum verberant, qui per foramina apte disposita erumpens auditus organum ferit.

Tubæ omnes ex angusto spatio in latum ampliantur: nam in arcto orificio particulæ facilius concutiuntur; ac multiplicatæ reflexiones eum motum augent, & majorem subinde externi aeris molem percutiunt. Hoc enim intensior est sonus, quo plures particulæ primum percussi corporis, deinde ipsius aeris commoventur. Aer vero percussus vicinorum corporum particulas ferit, & in ejusdem motus societatem trahit. Quare qui in principio
exi-

PARS TERTIA. 237

exilis admodum erat, & debilis sonus, eundo vires acquirit, dum plures particulæ tremulo motu vibrantur.

De sonorum modis.

Ut varias sonorum species & eorum causas, sic eorum tonos, aut modos omnes persequi proposito operi minimè necessarium videtur: de iis summam agere satis fuerit. Sonus gravis est, aut acutus, cum collisi corporis particulæ sunt confertiores, ac vibrationes suas citius conficiunt, & fortius tumque acutiorem sonum edunt cum scilicet plures particulæ in arcto spatio conclusæ celerrime vibrantur; gravior est sonus, cum lentiores sunt vibrationes, aut plures quidem, sed in maiore spatio fiunt undulationes.

Quò major est tensio, hòc sonus est altior; ea vero cum corporis magnitudine comparata aut major est aut minor. Sic tibia graviolem sonum edit, quò longior: eadem est maioris campanæ, & cuiusque corporis sonori ratio. In pneumaticis instrumentis, ut in tibia, tuba & aliis prima spiritus impulsio, & ejus reflexio plurimum ad soni mutationem juvat. In campana quidem ut in aliis instrumentis quæ percussa resonant, materiæ & figuræ æqualitas sonum æquabilem procreat. Sic nervus testudinis ubique sui similis sonum æquabilem reddit. Quod si alia parte crassior sit, alia tenuior, tum subsultat imparibus sonis, & falsus dici solet. Concentum vero. & gratam

tam modulationem efficit certa vibrationum proportio tensioni ipsi accommodata: eaque est suavis, cum vibrationes sese mutuo adjuvant & perficiunt: hinc chorda tremit, cum altera huic consona stringitur: cujus sympathiæ duplex est causa. 1. Magna partium & particularum ad motum facilitas, in corporibus præsertim homogeneis quæque fortius resonant: nam celeritas vibrationum, quæ cum magna vi semper est conjuncta, particulas ipsas facile commovet. Altera hujus sympathiæ ratio est duplicis causæ ad ejusdem effectus procreationem conspiratio. Nam vel levi impressione sæpius repetita campana commovetur, ubi ictus adeo opportune impinguntur, ut ab ipso pondere campanæ adjuventur eadem ferè in nervis testudinis, quæ in funependulo aut in campana ratio obtinet.

Hæc enim cum recurrere incipit, si levissimo ictu propellitur, æquo semper impetu agitata æquabilem edit sonum. Sic vibrata testudinis chorda reliquas quidem leniter commovet, quæ iteratis ictibus cum jam recursus suos occipiunt, instar campanæ magis ac magis agitantur: ita ut crescente impetu tandem sonet chorda, aut saltem tremat, & impositam chartulam simili motu exagitet.

Idem ferè accidit cum duobus scyphis aqua infunditur: tum enim digito in orbem acto aqua in utroque contenta crispatur, ac plus minusve aquæ uni adjicitur, donec ad unisonum ambo reducantur: quod ubi fit, si aciculam inflexam unius scyphi margini aptaveris, cum alterius vitri margines di-

digito celerius moto prefferis, tum intueri licebit aciculam priori vitro impositam velut ad numeros saltitantem. Illud ante paucos annos in Academia advertebat vir Clariss. D. *Blondel*, aquam in scypho, cujus labra digito premuntur sic crispari, ut cum sonus ad octavam pervenit, parvi in aqua circuli conduplicati appareant, quod motus sit duplo velocior.

Hinc etiam illius ante aliquot annos facti experimenti ratio duci potest, in quo quidem scyphus ex rudi & crasso vitro sola voce confringitur. Primum enim ad quem velut tonum partes vitri sint compositz ex levi talitro, aut digiti percussione exploratur; tum vox ipsa huic tono accommodata, & paulatim aucta dum ultra octavam perveniat, ita partes vitri iteratis ictibus ferit & tremulo motu exagitat, ut opportunis plagis, quemadmodum de funependulo, aut campana diximus, percussæ tandem dissiliant. Sed scyphus æquabiliter sit tersus, non lineis aut striis excavatus, aut incisus; ac digito percussus sonum edat non ita acutum, ut eum vox carentis assequi, aut superare vix queat.

Non alia quidem ratione rotundæ campanæ aut tubæ figura æquabiles efficit vibrationes, quæ sese mutuo adjuvant. Hinc sonus vegetior & gratiores: nam vibrationes aut æquales aut sibi invicem consentientes sese mutuo intendunt: sic in pneumaticis organis tubi inæquales, sed consoni in eodem velut ordine disponuntur, quo majorem edant sonum. In tuba, aut in campana quasi tonorum congeries deprehenditur, ex qui-

quibus tamen unus velut & integer tonus prodit: nam suus est cuique circulo tonus, sed qui inter se consonant, facile una conjunguntur: cum discordes se mutuo obscurant & elidant. Qui autem in campana fortius percelluntur circuli, illius tonum omnino determinant: nam in summa parte percussa acutiorem, in ima plenior sonum edit. Addebat illud quoque non ita pridem D. *Mariotte* in tuba bellica extremam & latiorē partem tum tremere cum sonus est gravior: ut media pars tubę fremit, cum tonus acutior est & ad eum tonum qui diapente dicitur pervenit: tremulus vero motus in octava superiores tubę partes cōcutit.

In tuba bellica toni mutatio vel ex labiorum compressionē quę contracta acutiorem laxiora plenior sonum emittunt; vel ex varia spiritus impulsione pendet. Sic in organi pneumatici tubis, ut lingula vulgo *Panche*, brevior est & rigidior, sonum quoque intensiorem reddit, quod vibrationes sint crebriores, cumque lingula est oblongior, plenior efficit sonum: etiamsi tubus sit brevior, aut debilis sit impulsio. In fistula vulgo *le flageolet*, in tibia Germanica aucto spiritu tonus incrementa subit; idem in tubis bellicis usu venit: nam vis ipsa aut nifus fortior intensiores tonos procreat. In iis non particulę modo, ut in tibiis, sed partes etiam vi spiritus cum impetu impulsę quatiuntur: partes potissimum tubę interiores, quas spiritus ferit, agitantur: cum in campana partes omnes tremant. Hinc idem est tubę clangor etiamsi aut funiculo involvatur, aut manu contrectetur; secus in campana

PAR TERTIA. 241

pana, aut in citharæ nervo experimur :

Itaque campanæ aut testudinis fides tum resonant, cum partes omnes agitantur, & in iis idem tonus perseverat, etiamsi inæqualis sit percussio : nam eadem est moles corporis, & eadem manent undulationes, ut in pendulis eadem sunt vibrationes longitudini accommodatæ, quantumvis mutantur appensa pondera. Sed in tuba partes superficiiei proximas aer verberat : unde penes variam spiritus emissi impressionem variæ sunt quoque partium undulationes.

Hoc quidem habent tibæ cum nervis tensis commune, quod longiores & latiores pleniorum tonum & remissiorum efficiant : apertis foraminibus in tibiis sonus est intensior : sic enim tibiæ quasi contrahuntur, ut oclusis producantur. Nam ut sæpè dictum est, intensior & acutior est sonus, cum in angusto spatio plures particulæ vi percussiois agitantur; cumque longius spatium aer decurrit, tam multum de illius impetu decedit. Sed in tibia contracta aut foraminibus pertusa liberius aer meat, & vim suam vix imminutam tuetur, idque maxime in summa parte fistulæ. Unde tubi pneumatici organi in extrema sui parte oclusi sonum duplo remissiorum edunt, quàm reclusi. Idem plane de tibiis oclusis dicendum, quæ eundem sonum edunt, ac si essent altero tanto longiores & reclusæ. Quidquid enim exitum aeris impedit, vim illius, aut motus celeritatem eadem proportionem infringit : nam per longius spatium aer voluntatus particulas corporis languidius ferit.

In tibiis ita sunt disposita foramina ut inter

superiora & orificio proxima unumquodq; intervallum unius toni varietatem inducat: cum minor sit in aliis foraminibus diversitas: atque ut digitis unum aut plura occluduntur foramina, superiore aperto multis modis toni variantur; tibiæ vero cavum sensim imminuitur, ut aliqua exeunti aeri mora ea ratione obijciatur. Cum sonus est mediocris, partes tibiæ non agitantur: sed ubi magno nisu impletur, tum aucta spiritus impressione partes interiores commotæ octavam, seu duplo intensiorem tonum edunt. In tibiis & aliis organis, quæ tenui lingula instruuntur, tubi cavitas est angustior. Ubi mutandus est tonus, longe plura foramina occludi necesse est superiore aperto: nam sonus percussione duorum corporum solidorum; ex quibus lingula coalescit, longe vehementior est eo qui in aliis tibiis ex aere per tenuiorem laminæ partem erumpente proficiscitur. Quare majore cura opus est, ut sonus qui ex se est intensior frangatur, & ex acutiore fiat languidior. Ac de sono quidem ex viri clariss. eleganti tractatu hæc delibare volumus, de voce animalium suus erit dicendi locus.

Unum tamen pene omisimus ut de sono reflexo quem echum vocitant, diceremus: cum scilicet pars soni reflexi aures separatim ferit. Nam ubi circumjecta corpora partes habent pene homogeneas, aut particulas æqualiter mobiles, tum fit sonus intensior, & resonans, præsertim si eadem corpora quæ sonum regerunt, sint proxima. At si longius distent ea corpora, nec
in-

PARS TERTIA. 243

inter locum ubi sonus cœpit, & ea quæ sonum reflectunt, interjecta sint alia corpora reflexioni idonea, ex corporum reflexione compositus sonus percipitur; tum interjecto aliquo tempore iterum auditur ex reflexione corporum quæ longius sunt diffita procreatus.

Ac fortè ut lumen, sic sonus objectu duri corporis reflectitur: cumque corpus reflectens aliquantulum à nobis distat, tum una aut plures syllabæ iterate percipiuntur. Refert Verulamius se in Sacello Carentonii propè Lutetiam vocem ter decies repetitam excepisse. Idem Bruxellis in ludo palmario nunc quoque licet experiri; nec dubium est quin arte sic disponi possint corpora quæ emissas voces sæpius reddant.

CAPUT ULTIMUM.

*De coloribus qui fixi & reales
dici solent.*

DE colorum natura & distinctione dicturi primum quæ certiora nobis videntur, licet nondum ab omnibus recepta, ab iis quæ sunt magis incerta & dubia secernemus. Ac primum una videtur nobis & eadem colorum natura, siue ii sint fixi & permanentes, siue fugaciores, & pene momentanei; cum utriusque visum eodem modo afficiant, ac prorsus inutilis sit vulgata illa colorum distinctio in reales, & apparentes; nam coloris natura in eo posita est ut videatur, aut saltem ut videri possit; neque ullum visus objectum figmentum esse

potest. Huc adde colores iridis, aut trigoni vitrei qui apparentes vocitantur, ab omnibus sine discrimine cerni; eos à speculo ut reales reflecti; ac simul temperatos, aut cum realibus permistos easdem colorum differentias procreare, quas cernimus in coloribus fixis, dum una miscentur.

2. Id nobis certum quoque videtur colores ab ipso lumine, sive id internum sit, sive externum, non differre: cum unius facultatis unum sit, objectum; cumque iridis colores, aut qui per prisma seu trigonum vitreum conspiciuntur, nihil sint præter lucem multiplici refractione debilitatam. Nunc in quo posita sit colorum natura videamus. Sit igitur

Prima Conclusio.

Colorum natura in varia luminis reflectione aut refractione posita est.

Probatur Conclusio. Jam enim ostensum fuit à nobis colores omnes ejusdem esse generis & naturæ cum lumine: ergo nihil aliud esse possunt quàm lumen ipsum variè modificatum aut determinatum; neque enim objectum ipsum quod plerumque est immobile, per seipsum visum afficit: nec video quid aliud efficere possit, quàm certa ratione lumen reflectere, aut modificare: adeo ut color nihil sit præter lumen ipsum certa ratione modificatum.

Hoc ipsum confirmant quædam phænomena, quæ D. Mariotte in Tractatu de coloribus, explicat: pauca ex multis afferemus, r. Si aliquantulum solem conspiciamus, mox

clau-

clausis oculis lucem candidam ex continuata & forti luminis impressione cernere nobis videbimur. Sed oculis in objectum medio-cri lumine perfusum conversis, umbra quædam obscurior nobis apparebit: quod partem retinæ aut choroidis nondum affectam luminis impressione novi objecti imago occupet, neque illa moveat partem organi quam lux vegetior affecerat. 2. Cum minus tutum sit oculos ad solem convertere; possumus nubeculam Soli proximam & lucidam paulò diutiùs contueri; aut librum radiis solaribus expositum perlegere: tum quidem ita perstringuntur oculi, ut clausi viridi colore afficiantur. Idem accidet si aperti in obscurum objectum dirigantur: id enim viridi colore tinctum apparebit. At si in nubes aut in objecta quælibet candida ut in flores albos convertantur, ea rubro colore tincta conspicient. Cum primò spatium obscurius & occlusis oculis viridi, idque rubro colore cinctum apparuit, tum nubes aliqua luce conspersæ & apertis oculis visæ, eæ jam rubræ, sed viridi zona cinctæ conspicientur, adeo ut color ruber ex priori impressione superstes, cum nova candoris specie permixtus in viridem colorem commeat, ut vicissim prior viridis coloris affectio cum nova candoris impressione conjuncta rubrum efficit.

Ex varia itaque lucis temperatione varios subinde colores emergere; nec colorem aliud esse quàm lumen certa ratione determinatum omnino fatendum videtur.

Confirm. Cum lucidi corporis radii im-
perturbati ad oculos perveniunt, tum sui

mem.

L 3 prin-

principii claram depingunt imaginem : radius enim quisque suæ originis locum designat . Idque fit , sive directa acie corpus lucidum spectetur , sive à polito corpore illiuslumen reflectatur : quandiu enim radii manent integri , fulgorem suum non exunt , licèt figuram sui principii interdum non exhibeant : Sed ubi tanta est & tam multiplex radiorum aut reflexio , aut refraction , ut partes etiam ex quibus radii constant , ac velut atomi perturbatæ & distortæ non amplius motu recto , sed vario & composito agantur , tum aliter retinam afficiunt , quàm si recta pervenissent , diversas adeo colorum impressiones creant . Nam radii velut suæ originis obliti non amplius suum fontem , sed corpus ex quo reflectuntur , exhibent : nec radii luminosi , sed species visibiles appellantur . Idque maximè evenit cum lumen reflectitur ab opaco & aspero corpore . Illud enim constat infinitis corpusculis variè dispositis : adeo ut lux omnis parte incurrens singula illustret corpuscula ; atque ex iis magna radiorum confusione resiliat . Aliò quippè reflectitur radius è summa cujusque puncti , seu corpusculi superficie , alio ex convexa reflexus . Quò magis politum est corpus , & pauciores habet superficies , hòc puriorem lucem regerit . Quò verò major est asperitas , hòc magis radii confunduntur , qui quaquaversum resiliunt : adeo ut illud corpus opacum jam velut quidam fons luminis appareat . Unumquodque enim illius punctum in orbem radiat . Ista fient illustriora ex proxima conclusione , in qua ostendemus album

PARS TERTIA. 247

album colorem ex corporis asperitate duci.
Sit igitur

Secunda Conclusio.

Albedo ex forti lumini reflexione, ob solam corporis reflectentis asperitatem proficiscitur.

Probari potest conclusio multis experimentis, & rationibus. Primò enim dubitari non potest quin res candidæ lumen fortius reflectant, ut nigræ radios luminis quasi captivos servant, nec sinunt eos emergere. Hinc duo corpora penitus homogenea, quorum unum sit candidum, alterum nigrum, si æquè diu radiis solaribus exponantur, non simili modo incalescent. Nam atrum citiùs flammam concipiet, & diutiùs calorem retinebit, quàm album, quod radios omnes emittit, paucissimos servat; nigrum verò pauciores radios regerit, plures velut disruptos intra suos meatus abscondit; neque rectos, ut inciderunt, sed variis anfractibus multatos reddit.

2. Albedo ex sola corporis asperitate ducitur, cum radii qui velut paralleli incidunt, in omnes partes reflectuntur: hinc pauciores quidem subeunt oculum, quàm lux viva eum percelleret. Sed tamen quàm minimum ii debilitantur & colorem exhibent luci ipsi proximum. Sic minutissima arena album colorem præsefert, quod instar corporis asperi lumen in omnes partes rege-
rat; sed illius arenæ granula microscopio conspecta, velut totidem adamantes, aut crystalli pellucunt. Sic argentum album

cernitur cum est asperius: cum scilicet aurifices illud igni ante impositum omni sorte purgarunt, tum in aqua fervida sale communi, & tartari scæta aliquandiu retinent, ut aqua illa corrosiva exesum fiat asperius & candidius: cum verò lapide perpolitur, candorem suum exuit.

3. Albedo sæpe oritur ex continuitate corporis diaphani interrupta. Sicut aqua in spumam agitatur, & plerumque alia corpora innumeris constant particulis, quæ cum sint pellucidæ, ob exiguitatem tamen, aut figuram, seu quædam specula lucem regerunt, nec refractione, nec umbrarum permissione dilutam. Lux enim à convexa corporis superficie reflexa magis dilatatur, quàm cum in planam superficiem incidit. Unde oculus in variis locis successivè positus exiguam solis imaginem in variis hujus superficie locis intuetur: atque idem accidit ac si multa & valde exigua specula convexa lumen reflecterent: ut cum plures guttulæ hydrargyri sese mutuo contingunt. Unumquodque enim suum emittit candorem, nec intervalla obscura præ exiguitate sub oculos veniunt, præsertim cum lux illa vegetior nervulos retinæ aut choroïdis sic feriat, ut proximos eodem concutiat motu: unde & globuli majores quàm revera sint, apparent, & candor rei auget imaginem. Accedit illud etiam quod lux pene tota quæ corpus in album incidit, reflectatur, nulla intus subeat. Hinc alba corpora confusam velut locis imaginem & candorem exhibent. Hinc candor visum disgregare dicitur, quod ejus aciem radio.

diorum multitudine defatiget, ac nivis candorem vix oculi ferre possunt.

Hinc lucis ipsius color natus est candor. Imo si radii solares per vitrum satis convexum & coloratum excipiantur, lux prope focum vitri album colorem præ se feret, & charta nigra in eo loco posita, antequam inflammetur, alba conspicietur. Cum lux debilis est, & interrupta, ut in spiritu vini, & in accenso sulfure, tum plerumque cærulea videtur: tunc enim halitu aquoso aut acido flamma interrumpitur; aut certe halitus ipse inflammatus subtilior cæruleum illum præbet colorem, ut crassior rubrum: densiores enim fumi aut flavum, aut rubrum colorem exhibent. Sic fortè stellæ quarum lux est debilior, cæruleo tinguntur colore. Eadem est ratio illius luminis quod in phosphoro artificiali, in carnibus quorundam animalium, dum putrescere incipiunt, in lignis putridis, in agitato mari conspicitur. Id enim tenue cum sit & debile, cæruleum efficit colorem. Contra lux solis aut lunæ in ipso ortu vel occasu cum densos halitus subeat, rubro colore tingitur. Idem enim pene evenit, quod in vitro, atramento aut olei fuligine leviter infecto: sol quippe per illud visus rubro colore tinctus apparet, ut fusè explicat Vir Clariss. in Tractatu de coloribus.

Contra nigra corpora lucis radios pene extinguunt, vim eorum & motum pene integrum recipiunt. Hinc fortius incallescunt, sed pauciores radios regerunt: cum corpus album vix à luce commoveatur:

unde & penè integram eam remittit. In nigris verò corporibus aut partes insensibiles faciliùs concutiuntur, aut intra cæcos meatus diutiùs volvitur tenuis illa substantia quæ calorem procreat. Illud certum est regulam ex una parte nigram, ex altera candidam diutiùs ea parte quæ nigra est calorem tueri, quàm in ea quæ est candida. Jam ad alios colores pergamus. Sic itaque

Tertia Conclusio.

Reliqui colores primitivi ex quibus cæteri prodeunt, sunt flavus, ruber, & cæruleus.

Probatque & explicatur conclusio: æprimùm quidem non vacat diutiùs inquirere an ruber color suam ex flavo ducat originem: adeo ut duo tantum sint colores primigenii flavus & cæruleus, qui cum lumine & umbra, aut cum albo & nigro omnes colores procreent. Unde & ii præcipuè à pictoribus in concha teruntur colores. An potius ruber sit color primitivus, qui ex flavo non prodit. Hinc cinnabaris quæ ex sulfure fit, & Mercurio sublimatis, impene rubet, quantumvis temperetur cerussa, seu calce plumbi alba nunquam flavescit; neque ochra nigro temperata minii colorem rubrum unquam assequitur. Sic pigmentum illud quod cochenilium vocant, ita rubrum est ut in flavum colorem abeat nunquam.

Utcunque ea res se habeat, seu color ruber sit aliud quàm flavus, qui ad cæruleum

leum magis deflectit; seu is primarius sit & simplex, id sanè constat ex his tribus, flavo, rubro & cæruleo infinitos penè colores nasci, idque luculenter cernitur in vitris coloratis. Nam si vitrum flavum cum cæruleo jungas, lux per utrumque transmissa viridem colorem in charta opposita depinget; rubrum cum flavo croceum, vel aurantii colorem dabit; viride cum cæruleo pavonaceum, rubrum cum cæruleo purpuream lucem trajiciet. Cum lux solis duo ejusmodi vitra penetrare nequit, hoc speculo ustorio colligi potest, ut disertè explicat D. Boyle in elegantî de coloribus libro.

Eadem colorum compositio in prismatico, seu in trigono vitreo manifestè cernitur: cum enim prisma radios luminis sic infrangit, ut in oppositum parietem, vel in pavimentum velut irim quandam projiciat, si panno rubro eam partem iridis quæ est cærulea excipias, ex utroque colore & panni & iridis, quorum ille realis, hic apparens in Scholis vocatur, purpureus emerget. Si pannus cæruleus fuerit, circum iridis flavum in viridem convertet. Quin & duo prismata duas irides projicient, quarum colores permixti in compositos colores abeunt. Sic in iride viridis color ex flavi & cærulei vicinia nascitur.

Quarta Conclusio.

Colores qui corporum superficies sic afficiunt, ut ii sint mutabiles, ex luminis refractione oriuntur.

Hujus generis colores cernuntur in vitro quod diutiùs in terra humidiorè conditum fuit ; in cupri lamina quæ aliquantulum igni admoveatur ; in talci lamellis ; in calcis pellicula ; in viscoso limacis liquore ; in terfa chalybis superficie ; in plumbo dum funditur , & in aliis pene innumeris : sed in his omnibus lumen manifestè refringitur. Fiunt enim tenues & pellucidæ pelliculæ quas dum lux penetrat , eadem infringitur. Sic pars illa plumbi fusi quæ tot colores induit , non aliud quiddam est , quàm lithargyrus , seu pars plumbi calcinata , & in vitrum conversa . Verùm in his omnibus idem fere accidit , quod in duobus vitris terfis & admodum pellucidis . Nam ut pulchrè observat D. *Mariotte* , hæc vitra linteo terfa , tum sibi mutuo admota , & paulo diutiùs affricta , ac pressa colores iis simillimos exhibebunt , quos in ampullis ex aqua & sapone formatis intuemur : Seu aer inter vitra affrictu ipso comminutus hos colores præcreet : seu quidam liquores tum aquosi , tum oleosi , quibus aer refertus est , non nihil ad eorum generationem conferant . Cum enim hi colores apparent , si vitra linteo tergas , tum colores non prodibunt , nisi paulò diutiùs unum alteri affricetur ; sed ubi vitra à se mutuo separata non abstergantur , statim eosdem præbent colores . Idem igitur hic quod in ampullis ex aqua sapone imprægnata evenit : partes nimirum oleosæ cum aqua permixtæ fugas , easque convexas efficiunt , in quibus lux refracta virides colores creat . Idque palam fiet si vitra paululum aqua asper-
feris :

feris: ubi enim post longum affricum colores apparebunt, sublato superiore vitro rugæ in eo quod alteri subiectum fuit, apparebunt.

Eadem est ratio colorum, quos in glaciei fissuris, in talco, in concha margaritifera conspiciamus; ii quippe ex rugis inæqualibus, ubi lux tanquam in prisma vitreo refringitur, magna ex parte prodeunt. Nam ut scite animadvertit vir mox laudatus, ubi lamellæ talci sunt parallelæ, nulli cernuntur colores, uti nec in vitrorum etiam tenuissimis laminulis una conjunctis; sed ubi talci lamellæ varie inter se inclinantur, aut aliæ ab aliis per fissuras separantur, ut in glacie, tum colores se videntes præbent.

Sed major hic oritur difficultas de iis coloribus, qui fixi sunt, & sui semper similes. Ac videntur quidem non ex sola reflexione, ut albus & niger, sed etiam ex quadam refractione prodire. Quod utique cum ex multis aliis, tum ex subita colorum mutatione colligi potest. Nam syrupus ex violis paratus, imò succi è floribus cæruleis expressi, purpureum aut cæruleum colorem in rubrum statim mutant, cum spiritus acidi aliquot guttulæ iis affunduntur: sed sales alcali viridi, aut alio colore eos imbuunt. Sic rosæ rubræ & siccatæ, acidi liquoris, ut spiritus vitrioli additione intentius rubent, spiritus urinæ affusione in cæruleum colorem migrant. Nam acidi liquores particulas tingentes, in quibus fortè lux infringitur, minutius concidunt, aut certè magis disjiciunt. Hinc
color

color dilutior apparet, ut accidit in syrupo violarum, aut in succo heliotropii. Nam in his cæruleus, aut purpureus color acidi liquoris affusione in rubrum convertitur. Contra sulfurei sales particulas tingentes, aut præcipitant, aut colligunt. Hinc colorem pleniorum præbent: & quidem sales in purpureum colorem fortius agunt: hic enim ex rubro & cæruleo componitur, & in medio fere loco constitutus facile de suo statu dimovetur. Unde sales acidi dum cæruleum colorem diluunt, rubrum exaltant. Contra sulfurei dum rubrum destruunt, cæruleum uno gradu promoveant.

Id verò permagni est usus dignoscendis salium generibus. Sic ubi aquæ minerales syrupum violarum colore rubro tingunt, indicio est eas acido sale esse præditas; sulfureo, si viridem colorem induxerint. Imò sal volatilis à fixo hac ratione facile discernitur: nam mercurii sublimati solutionem claram & limpidam sal fixus, ut tartari subflavo colore tingit; sal urinæ, aut volatilis colorem lacteum inducit. Cum eam solutionem turbat sal tartari, si aliquot olei vitrioli guttæ affundantur, tum liquor fit perspicuus, quod liquor acidus particulas salium quibus abundat ea solutio, sic concidat ut liberum lumini transitum præbeat: sed si liquorem tartari iterum adjicias, color flavus redibit.

Non dissimile quiddam in atramento observatur: solutiones enim gallæ & vitrioli seorsum sumptæ sunt limpidae; ubi miscentur, atro colore inficiuntur. Quod si huic missioni spiritum vitrioli affuderis, liquor ex atro

exatro fiet perspicuus: quod spiritus acidus partes tingentes & crassas aut separet, aut exagitet. Si salem tartari adjicias, color ater redibit, quod spiritus vitrioli cum sale tartari conjunctus vim suam exuat.

Quare colorum mutationes salinis liquoribus magna ex parte sunt tribuendæ, dum partium texturam & ordinem perturbant, & luminis refractionem mutant. Sic cupri limatura spiritu urinæ soluta, & cæruleo colore tincta olei vitrioli affusione omnem colorem exuit. Contra liquores salini & sulfurei dum partes antè disiectas in unum cogunt, novos colores præbent; quod & præcipitationes omnes & mille experimenta demonstrant.

6. Idipsum manifeste ostendi potest ex ligni nephritici in aqua pura solutione. Nam phiala oculum inter & fenestram constituta, aqua aureo colore tincta apparet; cærulea verò, ubi oculus inter fenestram & phialam extiterit: cum enim radii luminis liquorem subeunt, flavo colore tinguntur; cæruleum verò colorem induunt, cum radii à phiala resiliunt. Quod si liquorem acidum infuderis, tum cæruleus color evanesceat, & liquor aureus ex omni parte videbitur. Jam si oleum tartari, aut volatilis salis solutionem affuderis, statim color cæruleus restituetur, aureo colore penitus extincto. Quod si per obscuri cubiculi foramen radios solares admittas, phialam ligni nephritici infusione plenam, partim intra conum luminosum, partim extra constituas, & modò totam luci immersam, modò obscuriori loco positam aspicias, magnam colo-

colorum varietatem penes varios refracti luminis gradus licebit intueri : Hæc utique fusiùs explicat D. *Boyle* in tractatu de coloribus.

His quidem magna ex parte assentitur D. *Mariotte*, sed negat tamen colores fixos ex luminis refractione oriri. Lux enim per vitra colorata & plana transmissa eos quidem colores induit, sed non aliam subeunt refractionem, quàm si vitra omni essent colore destituta. Non igitur partes illæ quæ colores efficiunt, ceu parva quædam prismata, aut cylindruli radios luminis infringunt, aut disjiciunt. Quod si vitrum convexum aliquo sit colore imbutum, radii in eundem locum, seu focus refracti coibunt, ac si vitrum esset omnis coloris expers.

Ista quidem ut mihi persuadent colores inter album & nigrum interjectos ex refractione propriè dicta non oriri; illud tamen, quod jam sæpe innuimus, non evertunt, colores omnes aut ex varia luminis reflexione oriri, ut albedinem, & nigredinem; aut ex refractione propriè dicta, ut fugaces omnes quique mutari facilè solent, aut certè ex perturbatione radiorum, & varia luminis modificatione dum illius particulæ ex multiplici reflexione, aut permissione albi & nigri situm suum commutant. Idque fit maximè cum radii luminis minutissimum tingentis materiæ velut pulverem pervadunt, & à solidiusculis partibus reflexi, hanc iterum tenuem substantiam penetrant.

Quod si enim propriè loqui volumus, nec albedo inter colores, uti neque nigredo numerari debent: cum hæc sit luminis pri-

privatio, illa fortis reflexio quæ lumen non modificat, sed integrum & illæsum relinquit. Interjecti colores plus luminis reflectunt, quàm ater color, minus quàm albus. Atque ut in trigono vitreo fit transitus ab albo in flavum, rubrum, & nigrum; aut in flavum, & rubrum in parte convexa, cæruleum & purpureum in parte concava. Sic plerique liquores cum densiores sunt, nigri; ubi mediocriter densi, rubri; cum tenuiores, flavi apparent. Succus heliotropii aqua dilutus modò niger videtur, ubi chartæ albæ sic affunditur, ut tribus aut quatuor lineis emineat; modò cæruleus, cum ejus crassities unius lineæ altitudinem, seu duodecimam digiti partem non excedit; purpureus erit color si tenuior sit liquor.

Id verò ut probabile existimat D. *Mariotte*, colores quosdam primigenios & constantes inesse certis corporibus, & iis maxime quæ sunt simpliciora. Sic terræ nonnullæ aut flavæ sunt, aut rubræ, aut alio colore altiùs tinctæ; cæruleus color fortè aeri natus est, ut viridis aquæ: hæc enim ubi profundior est, nec colorem aeris reflectit, ut sub ponte aliquo, aut navi, tum viridis apparet; eo quoque colore aqua maris inficitur.

In mixtis verò corporibus subtilis quædam est & tenuis substantia inter solidiores particulas interjecta, & fortè pellucida quæ lumen transmittit, & modificat; nec tamen solidorum partium configurationem mutat. Unde ex iis corporibus sæpè
 elici-

elicitur illæso partium contextu. Sic corallium ignis calori admotum brevi suum exuit colorem: hunc citri succus intra unum aut alterum diem elicit. Sic lignum Brasiliense in aqua decoctum colorem rubrum cito amittit: nec illius fibræ aut sicut, aut firmitatem suam deperdunt. Hinc colores aut tincturæ facile interdum ex uno in aliud corpus transferuntur. Ex frustulis panni purpurei color in plumas integer transmittitur. Atque ii colores qui facile extrahuntur, aut evanescunt, varias subeunt mutationes, ut eorum principia varie coeunt, aut separantur. Nam vel minima eorum aut cohæsiō, aut divisio permagnam colorum diversitatem affert: ea varietas nusquam major cernitur, quàm in floribus, qui cum eodem succo alantur, summam colorum varietatem plerumque exhibent, ut eorum fibrillæ diversis modis configuratæ colorum materiā crassiorem aut admittunt, aut excludunt. Sic vinum rubrum ubi filtratur, colorem suum plerumque exuit, quod particulæ crassiores tubulos chartæ bibulæ, aut panni subire nequeant.

Ex iis & aliis plurimis, quæ D. *Mariotte* fuse & accuratè persequitur, quasdam velut regulas, aut generales naturæ leges colligit, quæ non mediocrem lucem rei magnæ obscuritate involutæ afferre possunt.

Prima est fixos colores tum apparere, cum lux eam subiit materiā tenuem & pellucidam, quæ colores ipsos procreat, & satis vegeta ad oculos nostros reflectitur. Quod si enim proprie & ad legem veritatis loqui volumus; corpora quæ non lucent per se, colo-

colorum sunt expertia: cum colorum natura in ipsa impressione qua lux certa ratione modificata visus organum percellit, omnino posita videatur. Quod igitur est expertus luminis, id oculum nullo colore afficit; ac nisi satis valida ea sit à reflexo lumine impressio, vix illa percipitur. Sic vitra quæ in sacris ædibus vividis imbuta coloribus apparent, cum intus spectantur, vix foris sub obrutum cadunt: multum enim lucis introrsum vitra subit, quæ foris ad venit: perparum ex ea extrorsum reflectitur.

Sic carbunculi, & aliæ gemmæ colorem vividorem regerunt, quàm vitra iisdem coloribus infecta, quod maior in gemmis sit refractio: unde vitrum simili colore imbutum, & eodem modo incisum plures radios transmittit. Hinc folia argenti rubro colore imbuti rubinis subjiciuntur: hæc regerunt luminis radios, qui ad secundam usque superficiem penetrarunt. Quod si gemma in vase aqua pleno sic appetur, ut posterior illius superficies aquam tangat, tum multum splendoris, amittit, quod magna pars luminis à gemma in aquam pertranseat: nam refractio quæ fit in gemma, non multo maior est ea quæ in aqua efficitur. Ea nempe est ratio quæ 5. aut circiter ad 4. ac multo minor erit vitri ad aquam proportio, scilicet ut 8. ad 9. Unde & color multo erit languidior, si gemmæ vitri factitiæ aqua subjiciatur. Sed vividus est, cum folium argenti simili colore tinctum huic subest. Atque ex eo fonte plurimæ colorum mutationes ducuntur. Per paucas ex gr-

afferamus. Sol per densiorem fumum conspectus videtur ruber; sed fumus cæruleus apparebit, si cominus, & aversi à sole eum intueamur, dummodo ultra summum obscurior sit locus: quod lucis languidior fiat reflexio, ubi partem ejus fumi aliquam pervasit. Sic cerussa quæ nigro colore ex oleo-
sa fuligine parato leviter fuit infecta, cæruleum exhibet colorem. Lux enim tenuem fuliginis superficiem penetrat antequam ex candida reflectatur, cumque reflexa iterum subeat atram illam pelliculam multum debilitata ad oculos usque pervenit: adeo ut cæruleum & nigro vicinum induat colorem. Idem fortè in aere contingit, cum lux altè eum penetravit, & à tenuissimis corpusculis reflectitur.

Non dissimili ratione lapis Astroites, quæ vulgò *gyrasole* vocant, varios exhibet colores ut lumini variè exponitur. Nam objectum lucidum, aut fortiore lumine radians trans illum lapidem rubro aut flavo colore tinctum apparet; si obscurior loco obvertatur, cæruleum colorem dabit, fere ut de ligno nephritico diximus. Nam aqua cui hoc lignum infusum fuit, phiala oblongioris colli conclusa flavum colorem, exhibet ubi vitrum est angustius; rubet aqua cum densior est; ubi ultra phialam obscurior est locus, cæruleus color se videndum præbet: sed adeo hic debilis est, ut si corpus album in medio aquæ collocetur, in eo loco penitus deleat colorem cæruleum. Quod si perparum hujus liquoris vitro plano affuderis, cæruleum colorem dabit, dummodo obscurior umbra ultra
por-

porrigatur. Quod si aliquot guttas spiritus aluminis huic liquori affundas; cæruleus color evanescet, non item ruber aut flavus quod fortè materia quæ cæruleum colorem efficit; faciliùs dissolvatur: sed oleum tartari hunc colorem restituit, ut in atramento experimur, quod sal alcali dissolutam ante materiam præcipitet. In vitro viridem colorem magnesia, v. *manganese*, quod est minerale quoddam, omnino delet. Ubi major illius copia fuso vitro admiscetur, rubro ad purpureum vergente id tingit; si diutiùs in olla cum vitro permaneat, & in mediocri dosi apponatur, pars infirma materiæ fusæ flavo colore inficietur; pars media clara erit & expers coloris, pars denique summa subrubro tingetur colore. Unde satis est verisimile partem subrubram magnesiæ in auras diffuari, & secum viridem sodæ & arenæ colorem efferre, nisi cum viscosa vitri materia retinetur; tumque vitrum sic leviter subrubro colore infectum telescopio aptissimum est, & vitra objectiva ex eo parantur.

2. In colorum mutatione quæque fit ex salium accessione, id fere constans observatur, succos ex floribus cæruleis, aut ex purpureis expressos salium alcali admistione virides, acidorum mistura rubros effici: ut jam identidem monuimus. Sic è floribus iridis purpureis, cum resectæ fuerunt partes flavæ, succus additione calcis vivæ statim viridem & pulchrum induit colorem: atque id pigmentum aluminis accessu, & solaribus radiis exsiccatum diu cõservari solet, ac pictoribus est utile. Alumi-
nis

nis ter aut quater major est dosis, quàm calcis vivæ. Spiritus acidus huic succo colorem rubrum conciliat: adeò ut sales alcali & acidi alternis admisti non sine effervescencia colores commutent. Rosarum folia in aqua communi excocta nullum ei colorem impertiunt: sed rubor statim se prodit, ubi spiritum acidum instillaveris.

Cæruleus color qui ex granis quibusdam elicitur, acidorum quidem accessione in rubrum abit, sed alcali nativum duntaxat colorem restituunt, ut videre est in succo heliotropii. Fors est ut florum succus parvo momento ex viridi fiat purpureus. Sic in iride & violis, filtratione quadam quæ partium insensibilium dispositionem perparum immutat, hi prodeunt colores. Unde hi succi aqua diluti cæruleum colorem per aliquot horas tuentur, qui brevi tempore in viridem abit. Sales autem alcali qui flavum colorem sublimato in aqua dissoluti, imò & aquæ communi conciliant, cæruleum florum colorem in viridem commutant: nam viridis color ex flavo & cæruleo emergit. Succus heliotropii non ex flore, sed ex grano exprimitur. Unde non eadem est illius, quæ succi è floribus extracti ratio.

3. Tincturæ quæ ex lignis rubris eliciuntur, ut ex ligno Indico & Brasiliensi, acidorum additione flavescunt: ut si acetum decoctioni ligni Brasiliensis adjeceris: sed sal tartari aut quodvis alcali purpureum colorem dabit. Hos verò colores alumen sua aciditate diluit, & stipticitate, aut vi adstrin-

gen-

gente prohibet ne diffilentur & evanescant. Id ipsum etiam glutine ex corio animalium parato efficitur. Sic lignum Brasiliense aquam in qua decoctum fuerit, rubro colore tingit, sed is cito evanescit: quod si cum glutine aut colla coactum fuerit, rubro eoque vegeto & satis diu permanente imbuitur. Quare alumen tincturam altius imprimit, eamque diuturniorem & vegetiorem efficit. Sic pigmentum illud quod ex insula S. Dominici affertur, & vulgò *la cochenille* dici solet, aquæ incoctum purpureum colorem huic impertit, sed brevi in atrum degenerat colorem, nisi pulvere aluminis aspergatur. Eadem est ratio cocci baphici, seu fructus arbusi vulgò *Kermes* appellati. Horum colores ope acidorum, ut aquæ fortis cum aqua communi permixtæ extracti longè sunt vegetiores: unde in vasis stanneis, non cupreis incoqui solet, ne aqua stygia cæruleum cupri colorem eliciat. Pigmentum illud v. *pastel* dictum & cæruleum à salibus acidis, aut alcali nihil mutatur: unde cum pigmento nigro misceri solet.

Sericum fumo sulfuris dealbari solet, quod fortè spiritus acidus sulfuris flavum colorem dissolvat. Sic vittæ sericæ colorem viridem spiritus acidus vitrioli in cæruleum convertit, dum flavum luteolæ, v. *la gande* colorem delet: viridis enim, ut sæpe diximus, ex flavo & cæruleo componitur.

Id verò mirum videri potest, quod vitro tingendo metalla adeo opaca, aut mineralia adhiberi soleant: purpureo colore vitrum inficitur mineralis cujusdam cinerei coloris, quod sapharam v. *sapbre* vocitant, quodque

que calcinatum in cœruleum abit colorem & magnesię admistione; hæc itidem calcinata est subnigra. Viride fit vitrum ubi dum ferri rubigine & cupro calcinato, aut cum minii seu calcis plumbi, & cupri calcinati mistura liquatur. Ferri rubigo flavum colorem vitro conciliat; cœruleum colorem cuprum itidem rubrum calcinatum, & parum sapharę huic impertit. Id verò fieri satis est verisimile, quòd particule vitri & metallorum à se invicem non mediocriter disjunctę, & admodum tenues luminis aditum non arceant. Accedit etiam ætheream fortè substantiam in fuso vitro meatus sibi aptare in rectas lineas pene dispositos; neque magna est in his vitris coloratis perspicuitas. Quę in sacrarum ædium fenestris rubro colore nitent vitra, hæc utique tinctura non altius, quàm ad tertiam crassitie partem penetrat; cumque densius est vitrum, tum subnigrum apparet; & color est vividior, cum mediocris est vitri densitas.

4. Quę in aperto & libero aere fiunt vegetationes, ut plurimum sunt virides, ut videre est in lapidibus, aut lignis quę tectorum stillicidiis subjiuntur. Quę autem in locis opacioribus, aut subterraneis perficiuntur, aut flavę sunt, aut albę. Id utique intueri licet in grano tritici germinante, in lignis quę in cellis subterraneis situm contrahunt. Situs enim ille aut mucus subflava plantarum quędam est vegetatio, ut microscopio quisque potest deprehendere. Sic melones sub campana testacea & fictili folia tenuia & subflava vix emittunt: sub campana vitrea, ubi radios solares excipiunt, aut libero æ-

ro aeri expositi ampla & viridia effundunt :

5. Cera flava in tenues velut pelli-
culas concisa, aqua identidem perfusa, tum
soli exposita fit candida : tela eodem pene
modo albescit . Aqua quippe partes cras-
siores quæ flavum inducunt colorem exsol-
vit, & secum abripit, dum tenues particu-
læ ad superficiem evectæ, & cum aqua per-
mixtæ colorem album præbent . Tela aeris
exposita, si identidem aqua aut rore non
madescat, hi globuli qui candorem efficiunt
aquæ diffatione disrumpentur . Sic chartæ
intra librum conditæ pars quæ aeris expo-
nitur cito flavescit . Hinc etiam segetes &
fructus pene omnes cum maturescunt, fla-
vo colore tinguntur, cum succus aquosus
occlusis meatibus non subit . Sic capilli in
senectute fiunt candidi, quod succus ille qui
eorum fibras implebat, & certo colore in-
ficiebat, jam desit, & præ meatuum angu-
stis eas subire non possit .

Terrestria & sulfurea corpora vehemen-
ti calore plerumque rubent, ut terra ex qua
lateres conficiuntur : sulfur ipsum cum
mercurio mistum, & sublimatum in cinna-
barim rubram abit . Sic plumbum calcina-
tum in minium facessit . Eandem ob ratio-
nem flores verni magna ex parte sunt cæ-
rulei, aut purpurei, sed æstivi sæpe rubro
colore nitent . Poma & pyra soli magis ex-
posita sæpius rubent . Sed de coloribus satis
multa .

Solvuntur objectiones .

Contra primam conclusionem tum Chy-
mici, tum Peripatetici multa opponunt ut

Tom. VI.

M

per-

persuadeant colores vel ad primas qualitates, vel ad Chymicorum principia, non ad solam partium texturam, aut variam luminis reflexionem referri oportere: idque liquet 1. in colorum mutationibus, quas fructus subeunt cum maturescunt. 2. in temperato chalybe, qui ut durior est, aut mollior, rubrum, vel cæruleum colorem exhibet, antequam aquæ immergatur. 3. E certis principiis quidam colores nascuntur. Sic sulfurea quæque, & oleosa in rubrum colorem facile abeunt. Quidquid fere longa digestionem præparatur, ac tincturæ pene omnes spiritu vini extractæ, ac omnia quoque olea chymica rubent. Nec aliunde bilis flavæ flammeus color quam ex illius sulfure ducitur. Sic lactescit omnis liquor aut sulfure, aut sale volatili prægnans, cum huic acetosus liquor infunditur. Sic spiritus fuliginis liquori acido affusus lacteum inducit colorem. Quæ omnia persuadent colores non tam ex luminis reflexione aut partium asperitate, quam ex elementis ipsis, quæ suum habent ingenitum colorem, aut ex principiis Chymicorum, aut certe ex rei natura & temperie duci. Hinc Chymici ex colorum mutatione maxima quæque sua opera regunt, & moderantur.

Resp Ex iis non aliud effici quam id ipsum quod ultro concedimus, primas qualitates aut elementa, aut Chymicorum principia non omnino excludi oportere, cum origo & differentiæ colorum inquiruntur: quod elementa aut miscibilia varie inter se permixta certam partium figuram su-

perficerum asperitatem quibusdam coloribus accommodatam procreent. Nam insensibilium partium figura, temperatio, ordo, lævitas, vel asperitas, sunt velut prima colorum rudimenta, atque, ut loquuntur, actus primi. Lumen vero foris adveniens, atque ex iis partibus varie reflexum, aut refractum, est ultima coloris perfectio, & quasi actus secundus.

Sed nimium sibi indulgent Chymici, cum colores omnes sulfuri referunt acceptos, ac nigrum colorem ex adusto sulfure oriri statuunt. Nam licet in animalibus & vegetabilibus quæ adusta sunt, ut carbones & fuligo nigro colore maxima ex parte inficiantur: quod forte in iis crebriores sint pori, quos per microscopium in carbonibus cernimus: adeo ut major pars luminis his foraminulis interclusa non resiliat: nescio tamen an eadem ratio in fossilibus valere possit. Quantumvis enim gypsum, aut alabastrum aduras, hæc candorem suum non amittunt; calcinatum plumbum in cerussam abit & minium; vitriolum calcinatum fit rubrum. Antimonium in calcem albam convertitur, eaque in vitrum rubrum funditur. Cum cultri acies citri, aut limonis quem secuit, nigrescit succo, nullum ibi occurrit sulfur adustum. Sic vitrioli solutio cum plerisque succis adstringentibus permista nigrum colorem inducit, & tamen nullus est sulfuri adusto locus. Nec ipsum quidem sulfur vulgare, aut fusum, in flores sublimatum nigrescit. Cum nigrum & politum cornu in minutiora ramenta conciditur, &

cum vitro contuso permiscetur, quiddam ex utriusque mistura candidum exurgit, quod non ad principia Chymicorum, sed ad partium ordinem, figuram & multiplices superficies referendum arbitror. Quod enim lux uberior ob varias & forsitan politas superficies reflectitur, hoc major & acrius perstringens oculos candor emergit: unde albedo alios colores extinguit. Sic pars una stanni cum duabus partibus cupri fusa album corpus efficit.

Sed, inquires, negare id non possumus quin aer ipse plurimum possit in procreandis coloribus. Sic in spuma album colorem efficit, dum radios luminis regerit: idem dicendum de nive quæ infinitis constat globulis. Uude arena & charta ubi oleo, vel aqua perfunduntur, nonnihil pellucet: quod hi liquores magis radios admittant, quam aer ipse interclusus, qui parte illa arenæ vel chartæ pellucidas dividit. Sic forte marmor candidum ex corpusculis diaphanis constat, quæ innumerabiles velut rimulæ, aut fissuræ separant. Hinc marmoris frustulum igni admotum & oleo terebinthinæ immersum, perspicuitatem quandam adipiscitur, & ab oleo altius penetratur. Hinc lapis ille candidus quem oculum mundi vocitant, aquæ aliquandiu immersus pellucet, quod ex corpusculis pellucidis constet, & aqua subeunte aer poris interceptus expellatur. Imo ligna putrescentia & pisces qui in tenebris radiant, in machina pneumatica extracto aere non lucent, quod forte aer non solum vi sua elastica motum luminis celerem, & vibrationi similem plu-

plurimum adjuvet: sed etiam candore suo hanc velut flammulam intendat. Sic adamantis & gemmarum vegeta reflexio ex aeris subiecta superficie magna ex parte pendet: neque enim radii luminis, qui à prima & extrema superficie resiliunt, tam vivi sunt & fortes, quam qui intus subeunt, & refractione licet debilitati, occurſu ſubjecti aeris regeruntur. Unde ſi gemmæ aquā tetigerint, languidiorem lucem vibrant: quod plures radii ſubjectā aquam trajiciant. Verum ſi hydrargyrum gemmæ ſubjeceris, tum acrius ſcintillabit; quod opaci illius corporis occurſu radii fortius reſilient.

Reſp. 1. Sic lumen ab aere transmittit, ut magna ex parte ab eo regeratur. Unde & aer albedinem plerumque corporibus impertit, dum eorum continuitatem interpellat: ut cum albumen ovi crebra commotione ex perſpicio fit album: aut vitrum pellucidum igni admotum, & aqua reſtinctum tot fiſſuris ſolvitur, ut candidum appareat. Imo aer ipſe dum vel ſubito continuitatem amittit, interdum candorem præ ſe fert. Sic aliquando evenit ut aere è machina pneumatica aliqua ex parte exhausto, quod reliquum eſt, ex ſubita partium interruptione inſtar fulgetri candore ſuo oculorum aciem perſtringat.

Reſp. 2. Aerem ſolidiusculis corpusculis confertum eſſe, ut ex fluitantibus in luce atomis, & ex illuminato de nocte aere colligimus. Sæpe etiam cum ignes in urbe accenduntur, circumfuſus aer, vel extra urbis pomœria, quo ignis flamma non pervenit, accenſus videtur. Ex hac aeris reflexio-

ne oriuntur crepuscula. Imo ne id quidem dubium est quin aer salinis abundet corpusculis, quæ multum, ut diximus, ad colorum mutationem momenti afferunt. Id videre est in plumbo fuso: nam si in aliud vas id transferas, & spumam innatantem statim extrahas, tum superficiem plumbi variis micantem coloribus conspicias, dummodo intensiori igne fusum fuerit: quod aer, ut ignis salinis abundet corpusculis, quæ in plumbi superficiem vim suam exerunt. Ita Cl. Boyleus loco citato.

Et quidem jam ostensum à nobis fuit, colorum mutationes plerumque ex salinis liquoribus oriri: nam sales in se invicem & in alia corpora fortius agunt, & partium texturam magis perturbant. Quare non illud inficiamur quia magna sit vis aeris, ut aliorum elementorum in coloribus procreandis: sed tamen ii ex partium figura & contextu, nec non ex luminis reflexione, ut candor & nigredo; aut refractione, ut reliqui fere colores maxima ex parte pendent. Quod si Mercurius vase conclusus longa digestionem in rubrum abit pulverem, eam coloris mutationem non aliud efficit nisi partium ordo, figura, magnitudo, quæ ignis calore commutantur. Sic ubi solutio æruginis spiritus salis affusione viridem colorem amittit, quem aliquot guttæ salis tartari restituant; aut cupri limatura spiritu urinæ soluta, & cæruleo colore imbuta, olei vitrioli affusione omnem colorem exuit, non aliud hic occurrit quam figuræ & contextus partium mutatio.

Cum hæc typis mandarentur, misit ad nos

nos pro sua humanitate vir nobilissimus D. Boyle experimentorum physico-mechanicorum continuationem secundam, ubi præter cætera, quæ circa respirationem animalium in machina, aerem factitium & compressum peringeniosus & eruditus D. Papin experimenta fecit, unum item & alterum circa colores non prætereundum commemorat. Phialam spiritu salis Armoniaci & limatura cupri semiplenam exhausto recipienti imposuit, intra 15 minuta cæruleum colorem, sed dilutum admodum hic liquor contraxit. Admisso aere trium minorum spatio cæruleus color vividus & densus apparuit. Liquore iterum in vacuo collocato, post longum tempus, mense nimirum exacto color cæruleus evanuit; sed admisso aere statim rediit: imò cum liquor phiala concluditur, cæruleum colorem exuit reclusa phiala rediturum.

Ex quibus liquet multum conferre aerem ad colorum procreationem. Quod etiam de aere factitio, qui scilicet in corporibus in exhausto recipiente positus gignitur, observatum fuit. Nam aer ex massa farinacea genitus huic liquori cæruleum colorem statim reddidit.

Eadem est vis aeris in lumine procreando: nam A sello pisce in varias partes secto, quæ in distinctis excipulis positæ sunt, ea pars quæ libero aeri est exposita, tertio die radiavit; quæ in vacuo sunt positæ, nullum lumen emiserunt.

Opp. 2. Id minime probabile videri, flavum, rubrum, & cæruleum colorem ex-

luminis aliqua refractione duci : cum refractione fieri non possit nisi lumen paulò altius subeat , & corpora qui id frangunt , sint aliqua saltem ex parte perspicua : quod de metallis dici non potest .

Resp. Metalla & lapides non pellucere , si cum vitro conferantur : sed non idcirco ea omni perspicuitate carent . Hinc è metallis cum vitro Veneto fusis fiunt gemmæ factitiæ , & nonnihil perspicuæ . Nigro lapide uti Vitrarios , quem Magnesiæ vocant , jam alibi diximus . Hic vitrum adeo non inficit , ut apta proportionem admixtus vitrum magis perspicuum , & à nativo colore subviridi expurgatum efficiat : unde ex metallis fiunt velut crystalli quædam , aut vitriola , quæ omni perspicuitate non carent . Argentum rite expurgatum vix ullo colore aquam fortem tingit . Nec Mercurius in aqua forti exsolutus , illius perspicuitatem interpellat . Quid opacius calce plumbi , vel minio videtur , cujus granula microscopio visa , quasi laterum fragmenta apparent . Et tamen ex calce plumbi cum vitro fusa gemmæ factitiæ & tralucentes fiunt ; ut ex calce ferri crocæ conficiuntur , & ex antimonio vitrum pellucidum , ut ex metallis pene omnibus paratur : magno quidem indicio suam habere mineralia quæque perspicuitatem . Neque in hoc oculorum tantum testimonio standum est : non enim satis acuti , ut de perspicuitate possint aut opacitate corporum decernere . Sic radii Solis per fenestram subeuntes non solum eboris aut ligni abietini ,
sed

sed & marmoris aut silicis frustula quodammodo efficiunt diaphana; & manus ipsa vegetæ luci opposita nonnihil tralucet: adeo ut lux uberior multorum corporum opacitatem minuat.

Cum autem metalla ignis vi comminuuntur, tum colores induunt: tametsi non omni perspicuitate spoliantur, ut de calce plumbi, seu de minio diximus. Hinc calcinatum plumbum cum arenola fusum, amethystum mentitur, & alios colores præbet, ut variæ sunt mixturæ aut fusionis gradus;

Quod autem minutarum partium textura, varia tum reflexio, tum refractione luminis ex subjecto, aut intercepto aere plurimum ad colorum splendorem conferant, ex iis quæ dicta sunt, satis liquere arbitror. Unde enim nitor ille & colorum velut perennis mutatio in opalis, margaritis, in conchis ipsis, nisi ex tenuissimis & pene diaphanis velut pelliculis ex quibus ea constant corpora? Neque alia forte est ratio colorum qui in caudis pavorum tam splendidi & aptè dispositi cernuntur. Nam ut in Micrographia Anglico sermone conscripta Vir in Mathematicis & Physicis versatissimus *Hooke* pulchrè explicat, & figuris exprimit, complures pennarum calami in cauda pavonis innumeras hinc inde plumulas emittunt, quæ velut quibusdam tenuissimis lamellis pene imbricatim dispositis decorantur. Hæ microscopio visæ variis nitent coloribus, ut lumen uberius; aut parcius excipiunt. Atque istæ laminulæ foliola arborum referunt: pars cujusq; lamellæ inferior radios reflectit; est enim opacior,

Sed pars summa ex tenuissimis membranulis conflata lucem variis tingit coloribus, atque ut varie lumini opponitur, diversos quoque exhibet colores; adeo ut hi colores; ex refractione luminis pene ut in lapide speculari, & ex vivida reflexione dimanare videantur. Unde perfusæ aqua omnem pene exuunt colorem. Aqua quippe sese inter eas lamellas insinuat, & aeris vim reflectentem extinguit, dum majorem perspicuitatē affert his corpusculis: sed aqua brevi exhalata aer ipse lamellarum interstitia subit, & lucem fortius regerit; colores adeo pristini restituntur.

Colorum itaque vis & splendor ex tenuitate & subtilitate partium quæ lucem validius regerunt, magna ex parte proficiscitur. Hinc colores adeo vegeti in avium plumis, & vividiores multo in alis papilionum. Quod enim partes quæ reflectunt & infringunt lumen, sunt subtiliores, hoc colores exhibent splendidiores. Hinc serici stamina coloribus imbuuntur magis splendidis, quàm lini fila, quæ licet fortè non minus subtilia sint, tamen simul contorta sunt planiora, nec cylindricam figuram, quæ fortius lumen regerit, uti serica stamina tuentur. Unde serici fila mutuo implexa perspicuitatem nativam non amittunt & lucem integram, ut loquuntur, modificant: hinc vegetus in iis colorum nitor ut in avium plumulis. Quod enim magis subtilitatem suam cum perspicuitate conjunctam partes minutissimæ servant, hoc vegetiores colores regerunt.

T R A-

TRACTATUS II.

*De vitalis facultatis functionibus
& organis.*

CUm duæ sint animæ sentientis præcipuæ vires, animalis & vitalis; illa in cerebro potissimum vigeat, hæc in corde & pulmonibus; illa tenui succo quo nervi implentur & spiritibus; hæc sanguini infideat; postquam de parte animalis & illius functionibus, sensu nimirum & motu diximus; sequitur ut quæ ad vitalis facultatis organa & functiones pertinent, quam brevissime poterimus, explicemus.

Vita motu sanguinis & respiratione constat: cum autem hæ functiones intelligi non possint, nisi earum organa velut oculis subjiciantur, primum de respirationis organo agemus, tunc de respiratione ipsa & illius usu; tertio de structura cordis & illius motu; postremo de sanguinis circuitu. Quæ omnia sic explicare conabimur, ut per pauca ex iis quæ sunt scitu digniora, aut recens inventa omittamus.

DISSERTATIO PRIMA.

De respirationis organo & usu.

PRæcipua respirationis instrumenta sunt trachæa, seu aspera arteria, pulmones cum suis vasis, diaphragma, quod partes vitalibus functionibus destinatas ab iis quæ nutritioni & naturalibus sunt addictæ, discriminat. De singulis ex ordine agendum.

C A P U T P R I M U M .

*De asperæ arteriæ fabrica & usu , nec
non de vocis organis .*

ASpera arteria per quam aerem ducimus & reddimus, in tres partes dividitur. Pars illius suprema dicitur larynx, eaque multiplici constat cartilagine. Quæ ex iis prima est, & præcipuum vocis organum, ac velut plectrum quoddam, Epiglottis vocitatur. Quod reliquum est hujus asperæ arteriæ, ex multis cartilaginibus compingitur, quæ suos circulos non absolvunt. Nam qua parte œsophagum tangit trachea, ne deglutitionem ciborum impediat, in membranam carneam abit, quæ parte sui intima unctuofo humore madet, ne illam aut acriores halitus, aut aer asperior offendat. Pars secunda ac velut truncus asperæ arteriæ ex multis velut annulis conflatur, quos membranæ aliquot simul devinciunt. Atque has membranas omnis generis vasa, venæ, arteriæ, lymphæ ductus, imò & nervi irrigant. Hinc sensus illius adeo est exquisitus, imò & ejus motus ex nervis proficiscitur; ac fibris tum rectis, quæ contractæ cartilaginem adducunt, tum circularibus, constat, quæ rectis subjiciuntur, & contractæ cavitatem tracheæ angustiorrem efficiunt, & expirationi inserviunt; idque potissimum cum quid incommodi vel expuendo rejicimus.

Huic tunicæ alia adjungitur glandulosa &

& vasis lymphaticis conferta : arteriæ enim sanguinem advehunt : quod autem venæ referre non possunt, per glandulas cribratum in lymphæ ductus com meat : atque ubi serosus ille humor est uberior, ifque in cavitatem asperæ arteriæ exundat, tum catharrioriuntur.

Tertia pars asperæ arteriæ illius velut calamos in pulmonum substantiam diffusos, qui bronchia dici solent, complectitur : iique in plures furculos diducuntur, qui rursus in lobulos pene innumeros abeunt, racemis uvarum non dissimiles. Ac cuiusque calami structura ab ipsius trunci fabrica non multum dissidet, nisi quod annulos habeat sic aptatos, ut annulus inferior superiorem subeat in expiratione : contra dum aerem inspiramus, producantur in longum, fere ut cernimus in cruribus locustæ. Vel certè ex variis partibus ita sunt compositi, ut in ipsa inspiratione per carneas fibras dilatentur, & integros efficiant circulos; in expiratione vero sic contrahantur, ut interdum etiam pituitam pulmonibus inhærentem ejiciant: quod sola thoracis depressione effici non potest. Itaque hæ fistulæ pulmonum non sunt inflexibiles, ut asperæ arteriæ majores annuli, sed vel sunt loricate, ut in gammaris, vulgo *acrevisses*, cernimus, vel ex multis partibus ita sunt coagmentatæ, ut in ipsa inspiratione circulos integros absolvant, quo aere impleantur; in expiratione vero contrahantur, ut pulmonum compressioni & aeris expirationi præbeant locum.

Aspe-

Asperam arteriam non respirationi modo, sed etiam voci servire jam alias diximus.

Hoc quidem loco non erit alienum de vocis organis & mechanica eorum structura ex viro clarissimo D. *Perrault* perpauca subjicere. Vox itaque est in triplici differentia constituta: nam vel simplex est, & citra ullam articulationem, ut in serpentibus, bufonibus, leonibus, ubi nulla est articulatio, ac si quis sit tonus, is minimè variatur, ut nec in plerisque avibus.

2. In quibusdam animalibus vox magis est articulata, ac penes accentus & toni mutationem variatur, ut in cane & fele.

3. In homine vox est articulata maximè cum infinitam pene habeat accentuum varietatem. Quod utique non tam ex organorum apparatu, quam ex vi imaginatrice & ratione ipsa proficisci videtur: cum pleræque animantes iisdem omnino organis sint præditæ, quæ tamen locutione penitus destituuntur. Aves autem quæ verba exprimunt, iis organis instructæ sunt quæ cum nostris nulla similitudine conjunguntur. Vituli lingua tenuis est, mollis, flexibilis, & in omnes partes facile flectitur. Contra Psittaci lingua crassa est, rotunda, dura, apice corneo instructa. Sed quidquid est in vocibus animalium aut pulchrum aut mirabile, id vox humana complectitur. Quidquid aves cantu suo, aut instrumenta musica efficiunt, id homo suo cantu imitatur: nullus est tonus etiam in multas sectus partes, nulla vocis intercisiō adeo præceps & concitata, quam voce non exprimat.

4. Vocis organa ad tria potissimum capita referri possunt, ad summam laryngis partem, quæ glottis vocitatur; ad laryngis musculos, & pulmones ipsos. Glottis ex duplici membrana constat, utraque cartilaginea; has membranas & duras & tensas & sibi proximas aer è pulmonibus subito erumpens eo fere modo verberat, quo lingulas ex inflatis utribus sonoris, vulgo *Musette*, aer pressione elisus ferit. Laryngis musculi eum sonum varie modificant & intercidunt. Pulmonum usus in formanda voce, in avibus est manifestus: nam peculiaris pulmonum structura sonum & vegetiorem & diuturniorem efficit.

5. In anseribus, anatibus & aliis hujus generis animantibus non glottis, sed inferior larynx vocem efficit. Nam larynge & capite resectis, si ventrem comprimamus, eundem sonum audies. Quare veteres gignisimum dixere hunc sonum, asperum videlicet & huic similem quem oclusis naribus formamus. Hunc imitari solent in organis pneumaticis, dum lingulis ob longiorem tubum adjiciuntur, ut in anseribus longus asperæ arteriæ tubus membranis pectore conclusis supponitur; nec dissimilis est tubæ sonus quem labia ipsa, ut glottis quædam aut lingula efficiunt.

Eadem quippe est in ansere, anate, grue & similibus interioris laryngis conformatio: ubi aspera arteria in duos ramos dividitur, quo pulmones subeat, os quoddam ultimo tracheæ annulo adhærescit, quodque parte inferiore latius duos asperæ arteriæ ramos connectit: Ramorum tracheæ

annuli dimidiatos tantum circulos efficiunt utramque partem membrana terfa & firma annulis cartilagineis vacuum obducit, eaque officulo, quod medium latioris offis dividit, illigatur: unde aer per alterum ex ramis arteriæ cum impetu irrumpens membranam quatit, ac tremulus illius motus per tubum tracheæ diffusus sonum illum raucum efficit.

In tabula *II*. duo rami asperæ arteriæ gruis aut anseris sunt *ff*, cum dimidiatis circulis cartilagineis; os latum *e*, cum appendice, seu officulo, membrana utrinque tenfa, ubi defunt annuli cartilaginei *F*, *F*.

Pars summa laryngis, quæ in aliis animalibus est rima ex duplici membrana composita, quæque glottis vocitatur, in avibus ex duplici osse mobili constat. Hæc ossa in grue, & in nonnullis avibus sunt immota, sed in medio est os planum & tenuè aratri vomeri non dissimile, quod quidem ut larynx aut complanatur, aut attollitur, inter duo officula aut foris prominet, aut intus retrahitur, ne cibus in laryngem dimittatur, atque ut liber aëri pateat aditus.

Illud quoque est observatione dignum in grue, anatibus & aliis annulos asperæ arteriæ latos esse & complanatos: adeo ut inferiores in superioribus ferè dimidia sui parte concludantur, quo oblongior ille tubus firmior sit. Ac ne altius quam par sit unus alterum subeat annulum, mutuæ factæ sunt incisiones in lateribus annulorum, ut facile antrorsum & retrorsum, non ad late-

latera , ubi sunt incisuræ , flectantur . In fig. 7. tabellæ 3. habes summam laryngis partem B , qualis est in avibus , eaque secta est & intus conspecta delineata à viro Clariss. b , b , sunt duo ossicula ex quibus avium glottis conflatur , eaque ossiculum quadrilaterum O connectit . Illa ossicula in plerisque avibus sunt mobilia non item in grue & in aliis perpaucis .

De affectibus qui has partes voci destinatas , fauces potissimum , laryngem , & ejus musculos invadunt , nihil est necesse plura scribere . Cum hoc argumentum à recentioribus Medicis sit eruditè & copiosè tractatum . Inter eos vir magno ingenio & doctrina Laurentius Bellinus in opere nuper edito , Anginæ quæ has partes maximè infestat , causas & signa accuratè describit . Est utique tumor in faucibus , qui vel à sanguine inflammato , vel à saliva , quæ in suis quoque vasis hæret , omninò ut alii tumores ab obstructione vasorum proficiscitur : Seu humor sit uberior , seu motus illius sit tardior , seu ex contusione aut vulnere sanguis extra sua vasa effusus stagnet , seu quæ alia subfit causa aut exterior , ut clamor vehemens , aut interior ut nimius calor , aut partis imbecillitas . Arteria aspera plerumque hinc premitur . Hinc respiratio difficilis & sæpè cum sibilo & stertore conjuncta , suffocationis periculum . Linguæ motus impeditur , œsophago pressio vix ulla fit deglutitio ; cum carotides & jugulares venæ præ inflammatione sanguinem ad cerebrum nec vehere possunt , nec revahere , sanguis in facie sistitur ; fixus est
intui-

intuitus : Hinc sensuum hebetudo , & omnia mortem intentant .

Ac de vocis organis tantum . Præter ea quæ exposuimus organa , quæ voci serviunt , non parum momenti in eundem usum afferunt nervi recurrentes , qui à pari jugo prodeuntes , & sursum miro naturæ artificio reflectuntur ; hi asperæ arteriæ annulos aut adducunt , aut diducunt , ut sonus in iis asperitatibus frangatur . Unde animalia rescissis his nervis statim obmutescunt .

Illud verò omitti non debet , ex nervis recurrentibus sinistrum circa aortam , velut circa trachæam sursum reflecti , & in laryngem desinere , ut dexter axillarem arteriam stringit . Vel quod axillaris arteria in sinistro latere sit inferior & declivior , quod nervus circa eam revolutus non satis fixum reflexionis nodum haberet : vel potius hi nervi tanquam fræni vasis injecti sanguinis motum regunt . Hinc truncum aortæ descendantem nervus recurrens stringit , & sanguinem versus caput uberiorem propellit , qui suo pondere ad inferiores partes descenderet . Sic etiam in inspiratione cum pulmones sursum pelluntur , simul arteria axillari succussa & aorta contracta sanguis sursum truditur . Idem accidit in vehementi aliqua passione , ut in ira & in omni vocis contentione ; tum enim aorta fortius convulsa sanguis sursum urgetur . Hinc micant oculi , & facies rubet . Cum autem uterque nervus recurrens à reflexionis nodo plures furculos in cor emittat , hinc tanta est inter motum

cor-

cordis & eos affectus, quorum soni sunt indices, consensio. Verum ista, quæque postea dicemus utcunque intelligi possunt ex figura apposita, quam ex doctiss. Vvillifio mutuamur.

Hæc figura duos principes nervos qui ad præcordia feruntur, exprimit. Unus est interior, qui & vagus dicitur: illius origo est, b; dd est spinalis nervus, qui circa quartam cervicis vertebram ortus in cerebellum ascendit, ut cum vago consocietur, mox ab eo discessurus: cum uterque ex cranio exit, tum in musculos cervicis spargitur.

Hic nervus vagus in ipso progressu in plexus quosdam 1, 3, ut in nodos aut in turones identidem dilatatur: cum scilicet ramos aut emit, aut aliunde excipit. Sic à plexu I surculum mittit IF, in laryngie cartilagine.

Ex plexu 3, plures ad cor, pulmones & eorum vasa fibræ permanent.

Paulo infra hunc plexum prodit nervus recurrens. In sinistro quidem latere versus C, aortam, seu arteriam magnam circumligat; tum sursum reflexus in laryngem versus F ascendit, & voci famulatur. In dextro latere axillarem arteriam stringit, prope R. Sed is expressus non fuit.

Vagus usque ad infimam ventriculi partem porrigitur: sed qui intercostalis dicitur, longius excurrit usque ad infimum ventrem. Illius origo est duplex ex quinti & sexti paris utroque ramo: is est a a, & vagum semper comitatur; amboque mutuis surculis inter se communicant. Varios quoque habet plexus, ut a, 2. Ex primo surculos emittit, tum in primum

num vagi plexum, tum in gula musculum, quem Sphincterem vocant. Ex secundo plexu in asperam arteriam, pulmones & cor varios itidem mittit surculos, tum axillarem stringit arteriam in P. Mox novis copiis seu ramis vertebralibus auctus plexum efficit 4. qui varios ramos mittit in præcordia; tum integer manens à singulis vertebriis ramum insignem accipit usque ad os sacrum: omnibus visceribus nervos suppeditat.

C A P U T I I.

De pulmonum fabrica & usu.

QUæ sit pulmonum substantia jam dubitari non potest, ex quo Marcellus Malpighius in ranis primum, tum in reliquis animalibus pulmones totos esse membranofos, non carneos demonstravit. Itaque si nervos, arterias, venas, lymphæ ductus, & trachææ ramos sustuleris, pulmones nihil sunt præter vesicularum congeriem, quales ferè in ranis, nudis oculis intueri licet. Atque hæ vesiculæ ita sunt connexæ, ut aer ex asperâ arteria in eas commeet; deinde ex aliis in alias pateat aditus, donec in eam quæ pulmones involvit membranam, omnes definant: quin & microscopii ope venarum & arteriarum rete quoddam mirabile cernitur, quod has vesiculas connectit & irrigat.

Itaque asperiæ arteriæ ramulis infiniti propè lobuli adnascuntur, tanquam uvarum racemi, quorum interstitia membranæ
ab

ab iis lobulis exortæ implent, quæ vasis itidem plurimis conspersæ apparent.

Quod si in pulmonem tum exemptum, cum adhuc calet, aquam syphonis ope per arteriam pulmonarem toties injeceris, donec sanguine omni expulso pulmonis substantia albicans appareat, & expressa aqua aer per tracheam insufflatus & conclusus pulmones impleat, vesiculas ipsas intueri licebit, maximè ubi pulmones secueris. Quare pulmonum substantia omni ex parte est fistulosa; neque aliud esse videtur præter contextum tubulorum omnis generis, qui sunt inter se continui, quique aerem per tracheæ surculos, sanguinem per venas & arterias, spiritus animales per nervulos, ex quibus motus omnis initium ducitur, lympham per ductus lymphaticos ibi etiam conspicuos certa ratione deferunt ad usus vitæ necessarios.

Venæ & arteriæ sic tracheæ surculos, seu bronchia comitantur, ut tracheæ fistulæ medium semper locum occupent. His subjiciuntur arteriæ, venæ sunt superiores. Quod si ceram liquefactam & oleo terebinthinæ dilutam per truncos tracheæ, arteriæ & venæ pulmonaris in pulmones syphone injicias, vasorum ramulos & structuram facilius intueberis. Ac de trachea quidem, cujus vesiculæ pulmonum & lobuli sunt propagines, jam diximus.

Arteria pneumonica, ex cujus ramis in omnem partem diffusis pulmonum quoque substantia constat, è dextro cordis sinu sic in duos primum ramos, tum in minores deducitur, ut una cum tracheæ surculis velut æquo

æquo passu incedat, eaque in lobulos & pulmonum cellulas diffundatur. Atque ibi cum ramulis venæ pulmonaris quæ in sinistrum cordis ventriculum desinit, confociata, varie commisceatur: adeo ut præcipuus pulmonum usus ex hac vasorum dispositione colligi possit, quo scilicet aer vitalis aut nitrosus cum sanguine permisceatur, uti postea dicturi sumus. Et quidem hæc arteria tunica musculari, fibris nimirum rectis & circularibus instructa, uti de trachea diximus, prædita est, quod sanguis urgeatur & expellatur. Nam ut pars arteriæ contrahitur, simul anteriorem sanguinem pellit. Eædem fibræ in aorta sunt conspicuæ.

Venæ pneumaticæ, quæ in sinistrum cordis sinum sese exonerat, eædem sunt propagines quæ arteriæ. Laxiores quidem sunt ejus fibræ motrices in tunica illius intima: nam lenius contrahitur. Sanguis enim per hujus ramulos velut per declive in cor refluit, tanquam à rivulis in alveum: cum in arteria à trunco in ramos, ab alveo in rivulos cum impetu propellatur.

Sanguis itaque ab arteriæ ramulis in venæ furculos permeat: sed in spatiis interjectis cum aere inspirato miscetur. Hoc aere sanguis velut animatus in venis pulmonum fit coccineus: cum in arteria pulmonum & dextro cordis sinu esset atro-purpureus: contra atque in reliquo corpore contingit. Nam sanguis in venis est nigrior, in arteriis magis rubet: quem colorem ab aere ducit in pulmonum transitu. Unde sanguinis emissi pars summa rubet, infima atrum præsefert colorem. Verum ater ille sanguis aeri exposi-

positus, dum adhuc calet, in momento pene rubrum aut coccineum induit colorem: magno quidem argumento hunc colorem non aliunde quam ab aere proficisci.

Illud quoque venæ pulmonari proprium est, quod valvulis careat; sive ut in passionum motibus sanguis intra pulmones huc illuc liberius moveatur; sive ut sanguis facilius retrofluere interdum possit, ne cum impetu in cor irruat: adeo ut ne cor obruatur, valvulisquæ in hujus venæ exitu insunt occlusis sanguis aut sisti, aut facilius possit reflueret.

Præter venas & arterias sunt lymphæ ductus plurimi cum suis valvulis. Hique in thoracicum ductum ut reliqua hujus generis vasa desinunt. Atque hæc vasa sui copiam faciunt, si in vivo animali pars summa ductus thoracici digito prematur, adeo ut lymphæ, aut succus nutritius in venam quæ subclavia dicitur, sese exonerare non possit. Tum enim ea vasa lymphatica in superficie potissimum pulmonum subjiciuntur oculis: quod ea non mediocriter intumescant. Hæc utique vasa pulmonibus admodum sunt necessaria, quod sanguis in his magno cum impetu moveatur, nec per insensibilem transpirationem diffolari possit, adeo ut humorem superfluum per lymphæ ductus omnino expelli necesse sit. Quod si hos obstrui, aut dirumpi contigerit, tum aut hydrops pulmonum, aut tussis continua, aut alii affectus phtisici persæpe oriuntur.

Tussim quidem id omne excitat, quod pulmones, vasa, laryngem, pectus, fauces sic irri-

irritat , aut vellicat , ut illud tuſſiendo
 ejici poſſe arbitremur : quod ex aſſuetudi-
 ne, & ex quodam velut habitu nobis per-
 ſuaſum eſt . In Vomica, ſeu in abſceſſu pul-
 monum, cum pus in ipsis pulmonibus con-
 geritur, tuſſis plerumque adeſt, quod ner-
 vi & membranę irritentur ; primumque
 ea eſt ſicca , ubi parum eſt collectę mate-
 rię, aut altius ea eſt immerſa , aut in ea
 cavitatę cum aſpera arteria non com-
 municat . Quę fuſe inter alios explicat do-
 ctis. Bellinus , uti & cęteros pulmonum
 affectus . Cujusmodi eſt ſputum ſanguinis .
 Quod vel ex diſiſione vaſorum , vel à ni-
 mio calore , & quadam per membranas
 tranſudatione ſanguinis, vel ruptione, vel
 ab eroſione quadam venarum aut arteria-
 rum proficiſcitur . Ac ſputum illud ex va-
 riis quoque ducitur cauſis cum exteriori-
 bus, ut ex violenta tuſſi, vehementi cla-
 more, niſu ingenti & motu corporis ; tum
 internis , quas nimis longum eſſet ſigilla-
 tim perſequi . Ulcera pulmonis, aut pecto-
 ris inflammationes, febres interdum ma-
 lignę, plenitudo nimia, & alię ejus gene-
 ris cauſę plurimę hunc moleſtum & fre-
 quentem procreant affectum ; qui cum pul-
 mones in culpa ſunt, cum vehementi tuſſi
 plerumque conjunctus eſt . Quanquam non
 raro ſanguis ille viſcidior hereat faucibus
 neque ex iis niſi tuſſi validiore exprimi poſ-
 ſit . Sed magno indicio eſt ſanguinem e
 pulmone educi, cum ſpumans excutitur ;
 idque maximè, cum tenuis eſt & liquidus :
 nam coagulatus etiam ex imis pulmonibus
 excuſſus vix ſpumofus futurus eſt . Viſcidus
 tamen

tamen ex imo pectore eductus spumescit.

Postremo plures nervorum furculi in pulmones sparguntur, qui tum tracheæ, tum vasorum tunicas stringunt, & spiritus animales suppeditant. Ac demum pulmones communis membrana involvit.

C A P U T III.

De diaphragmate.

PRæcipuum respirationis organum est diaphragma, quod deorsum cum inspiramus, indefinente motu agitur. Dupli constat musculo, inferior à vertebrae lumborum, superior à costis oritur: uterque in tendinem latum desinit, qui instar membranæ pellucidæ & firmæ medium diaphragmatis occupat. Oesophagus, seu gula diaphragma penetrat: adeo ut foramen illius sit in parte carnea, seu in musculo inferiori, ut vena cava partem membranosam penetrat.

In avibus pulmones non liberè moventur, sed variis sacculis conclusi dorso quasi illigantur: adeo ut aer à trachea in pulmones, & inde in sacculos commeet. Itaque in iis membranæ quædam diaphragmatis munere funguntur. Nam fibris carneis instructæ sunt, quæ à costis in eam membranam producuntur; muscoli quoque ventris has membranas movent.

Illud vero proximum videtur, quod à D. *Perrault* fuit observatum, diaphragmatis motum naturalem esse, cum deprimitur

& extenditur : quod utique fit fibrarum contractione : sursum fortè tollitur vi mediastini , cui illigatur , quodque pulmones in duas partes dirimit . Unde in homine longè crassius est quam in animantibus , quod majori vi opus sit ut in erecto homine diaphragma sursum tollatur , quàm in pronis animantibus . Id vero satis est probabile , mediastinum quod à diaphragmate deorsum trahitur , vi sua elastica se se restituere : sed de expiratione postea .

Opp. Nonnulli diaphragma nihil ad respirationem conferre , sed non alium esse hujus septi transversi usum , quam ut cor & pulmones ab ipsius abdominis visceribus separaret : quod avibus id desit ; quod vulnerato diaphragmate non idcirco cesset respiratio ; quod appensum diaphragmati jecur motum ejus sursum inhibeat : ut mediastinum , seu membrana quæ thoracem in duas partes hinc inde determinat , motum ejus deorsum impellit .

Resp. Doctissimus Thruston deesse in avibus partem diaphragmatis carneam , non tendineam aut fibrosam quæ interiores costas , & viscera succingit , & musculis abdominis adjuvantibus diaphragmatis munus obit ; eam esse in avibus texturam costarum , qua faciliè attolli possint , aut deprimi ; pulmones quoque ita esse perforatos , ut aerem in abdominis cavitatem transmittant ; thoracis denique musculos in iis esse longè validiores , quàm in reliquis animantibus . In piscibus vero branchias pulmonum loco esse , quas aqua vice aeris subit . Vulnerato autem diaphragmate respirationem non tolli :

PARS TERTIA. 291

tolli: quod subjecta viscera apertum vulnus impleant. Unde restat aliqua, licet molesta respiratio. Hinc etiam rescissis in cane nervis diaphragmatis, is statim fit anhelosus. Quo quidem morbo laborant equi, cum abdomine à potu distento ad cursum vehementius incitantur. Tum enim à diaphragmate magis pressa viscera illud vicissim fortius repellunt: nam præ validiore motu illius fibræ relaxantur, ac vitiato tono munus suum ritè non obit. Nervus ille diaphragmatis in superiore figura est T, is oritur ex nervis brachiorum propè H, multo altius quam in brutis.

Est vero diaphragma tum jecori, tum mediastino illigatum, ne plus æquo deprimatur, aut ocysusquam par sit, resiliat, ac pulmones & cor ipsum lædat. Unde in spiriis magna est diaphragmatis contractio, eaque vim quandam infert subjectis visceribus. Et quidem in vivi animalis dissectione, aperto abdomine, id manifestè cernitur, quod in qualibet inspiratione diaphragma tendatur, & complanetur ejus superficies, quæ ante erat sinuosa versus thoracis centrum: explanatur vero cum deprimatur, in ipsa videlicet aeris inspiratione.

Ista quidem de usu diaphragmatis, ac de respirationis organis in priori editione, hujus operis magna ex parte collegimus. Verum quæ sint respirationis organa in avibus, imo in piscibus, in amphibiiis & insectis longè accuratiùs exposuit D^r Perriault, quæ à nobis prætermitti non possunt.


Primum itaque id observat , pulmonem in avibus, ut in terrenis animantibus ita esse compositum , ut circuitum sanguinis promoveat : quod utique proximo capite fusiùs explicandum est . Quo huic muneri serviat, in duas partes dirimitur : una carnosà , ut in terrenis animantibus apparet , altera omnino est membranosa , & in plures vesicas amplas diducitur . In hunc usum eæ vesicæ aptantur , ut musculorum abdominis , qui admodum sunt angustî in avibus ; & ut nobis etiam videtur ; ipsius diaphragmatis vices obeant . Cum enim os pectoris in avibus per amplum sit , ut majoribus musculis quæ alas movent , præbeat originem , in abdomine exiliiores sunt quàm ut viscera exagitant , & alimenti coctionem , aut distributionem satis promoveant . Quare pars pulmonis membranosa hunc defectum compensat : quod utique hac ratione perficitur.

Avium arctato pectore in ipsa expiratione non totus aer per asperam arteriam erumpit , sed pars illius non mediocris in imum ventrem irrumpit , & conclusas eo loci vesiculas implet . Sic cum inspirando pectus dilatatur , tum aer partium foris irruit , partim ex abdomine eò confluit : adeo ut arctato pectore abdomen dilatetur , & vicissim . Cum vesicæ abdominis inflantur, contenta viscera comprimuntur , atque idem ferè efficiunt vesicæ quod muscoli abdominis in aliis animalibus .

Id verò totum explicat vir clariss. exemplo follium quibus fabri ferrarii utuntur . Ii quippe sunt duplices , & ita dispositi , ut sublato inferiore aer eum subeat , eoque de-

depresso aer per foramen , quod in media utriusque ala , quæque instar septi aut diaphragmatis ambos folles determinat, in follem superiorem com meat , & alam superiorem attollit; quæ vicissim incumbentis ponderis vi deprimitur , tumque folli inferior attollitur . Idque alternis efficitur . Non dissimili ratione in avium pulmonibus , tanquam in duplici folle aer per superiorem ingressus in vesicas inferiores tum illabitur , cum pulmo contrahitur ; tum ex inferioribus vesiculis in superiores dimanat , ubi pectus dilatatur . Hoc unum est inter fabrorum folles , & avium pulmones discrimen, quod in illis aer primum per inferiorem follem subeat , contra in avium pulmonibus , ubi aer è superiore velut folle in vesicas inferiores primum com meat . Verùm ista ex ipsa figurâ fient illustriora . Vide tab. 7 .

A , est pulmonis avium ea pars quæ videtur carnosa ; BCDEF , est pars membranosa , ubi sunt vesicæ pectoris . F vesica est quæ imo ventre concluditur . Singulæ vesicæ superiores per aperta foramina aerem à pulmone excipiunt . In secunda C, sunt duo foramina ; superius quidem aerem excipit à pulmone , inferius verò transmittit ad vesicam F .



Illud quoque observare nobis licet ex Alphonso Borello, aves carere costis nothis: sed costæ ipsæ angulos efficiunt flexibiles in medio, iique sunt sursum versus inclinati, ut in appositâ figura, H, E, B: fibræ musculorum intercostalium sunt itidem decussatæ ut in aliis animantibus, & contractæ trahunt angulum H, versus E, & angulum E versus B, sicque costas in rectas penè lineas dirigunt, & intervallum inter vertebrae CFI & sternum ADG simul & thoracis capacitatem augment. Appendices quoque costarum ut BA & ED cum sterno efficiunt angulos flexibiles, sicque angulus B sursum trahitur versus K ut E versus B, quando costæ, & earum appendices osseæ fibrarum vi diriguntur.

In piscibus loco pulmonum sunt branchiæ, V. *les ouyes*, quæ tanquam folia sibi mutuo incumbunt: utrinque quadruplex est series.






Fig. 1.^a



Fig. 2.

series foliorum ex oblongis & angustis cartilaginibus composita . Hæ ubique duplices sunt , & ossi tanquam basi annexæ : unicuique velut filo sua est arteriola quæ sanguinem vehit , sua quoque est venula quæ sanguinem revehit .



In corde unus est ventriculus : duo sunt aortæ , seu arteriæ magnæ trunci : primus enim in plures ramos dividitur , qui in unum coeunt secundum velut truncum efficiunt : ex eo plures rami in totum corpus distribuuntur . Prior aortæ truncus qui ex superiori auricula profiscitur , in quatuor utrinque ramos distribuitur , qui quatuor branchiarum seu foliorum bases pertranseunt , & capillares arterias in singula branchiarum fila emittunt , tum in secundum coeunt truncum qui spinam dorfi percurrens in totum corpus ramulos diffundit ; eadem est venarum ratio , quæ ubique arterias comitantur .

Hæc utique in figura quam D. *Perrault* delineavit , fient apertiora . Ea quippè cor & arterias branchiarum Cyprini piscis , *v. une carpe* exhibet . A , cor ipsum exprimit ; B auriculam cordis superiorem , D priorem aortæ truncum : ex eo rami octo , seu quatuor ex utraque parte exeunt , quique bases branchiarum pervadunt : quatuor dextri notis 1 , 2 , 3 , 4 : designantur arteriæ rami 1. integræ ; in aliis ramis sectæ exhibentur , vitandæ confusionis causa . C , est auricula cordis inferior , 5. truncus venæ cavæ itidem resectus , quique ex hac auricula egreditur . 6. duo trunci venæ inferioris , qui auriculam cordis inferiorem subeunt

7. Secundus aortæ truncus, quem octo rami in unum coeuntes efficiunt.

Ex qua quidem branchiarum in piscibus conformatione, liquet in eosdem penè usus, quibus pulmones addicuntur; eas esse comparatas, nempe ut transitum sanguinis & circuitum adjuvent. Nam aqua circa branchias ossis lati & tenuis beneficio comprimitur, quod quidem instar pectoris in aliis animantibus attollitur & deprimatur, & sanguinem per branchiarum fila transeuntem promovet. Idque satis est verisimile in his angustiis non modo eum concidi & attenuari, sed aeris quoque particulis quasi animari: neque enim aqua aere destituitur: unde pisces sub aqua gelu constricta cito moriuntur, quod vitalis aer desit.

In amphibiiis ut in ranis, bufonibus, salamandris aquaticis, testudine, pulmones quidam, ut in aliis animantibus cernuntur, sed penitus membranosi, quibus corpus in aqua facilius libratur; sed per eos sanguis à dextro cordis ventriculo in sinistrum non transit: non quod in his omnibus unicus sit cordis ventriculus, sed sanguis per septum intermedium cordis à dextro ventriculo in sinistrum com meat. In testudine sunt duæ vesiculæ vasis sanguineis conspersæ, & satis oblongæ quæ pulmonum & diaphragmatis munus obeunt, nisi quod aere semper distendantur, neque unquam penitus exinaniantur. Cum renovandus est aer, tum cessant externi muscoli qui pelli adhærent, & sinum intus excavatum constituunt: sed ubi fibræ eorum contrahuntur,
tum





1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

1871

cum ii muscoli cum pelle externa explicantur, & internam pectoris cavitatem augment, tumque aer id spatii complet. Simul vesiculæ & aer in iis contentus instar præli à fibris rotundis per vices exprimitur. Hinc fit ut aer vi sua elastica contundat sanguinem in vasis, & à venis in arterias protrudat. Ita quidem Borellus.

Postremo in insectis non pulmones quidem, sed velut branchiæ aut certè tracheæ numerosæ cernuntur. In singulis annulis utrinque stigmata nigra cernuntur, quæ sunt aperta foraminula, per quæ aer exterior subit tubulum, qui in ramulos albos penè innumeros divisus, ad intima usque viscera descendit. Hic tubulus in majoribus insectis aciculæ crassitiem æquat. Nec dubium est quin respiratione quadam hæc animalcula donentur: cum in nullis vox fortè non desit, & in plerisque motus dilatationis & contractionis percipiatur; ac præter alios usus respiratio alimenti coctioni & distributioni serviat: ut usus nondum satis compertos præteream. Unum exempli loco affert D. Perrault ex iis muscis quæ noctu inter volandum scintillant. Causa hujus scintillationis est humor, qui ut in lampyride, seu in verme noctu lucente per corpus ipsum diaphanum conspicitur. Hic humor in muscis ut corpus dilatatur & contrahitur, alternis lucet; quasi ea sit flammula quæ aeris accessu flammam concipit in ipsa inspiratione, extinguatur in expiratione. Verùm ed redeamus unde sumus egressi, atque institutam de respiratione disputationem resumamus.

C A P U T IV.

Quomodo fiat respiratio.

Nunc quibus velut machinulis fiat respiratio, & qui sint illius usus, paulo diligentius intueamur : simul quæ sint pulmonum, quæ costarum & musculorum, quæ denique diaphragmatis partes & functiones, breviter explicemus, omissis innumeris hac de re controversiis. Cum enim res ipsa velut oculis subijcitur, frustra in quæstionibus movendis tempus conteritur.

Ac primum pulmones quod attinet, ex vivorum animalium dissectione & eorum structura patet eos inflari cum inspiramus; utrum autem spontè sua moveantur, ut putat Averroes; an thoracis dilatationem consequantur, magna olim fuit controversia. Sit itaque

Unica Conclusio.

Respiratio non à pulmonibus, sed à musculis pectoris & à diaphragmate proficiscitur.

Probaturs prima pars conclusionis. . Primò enim cum musculis & fibris motus omnis perficiatur, palam est motus hujus principium potius à thoracis musculis, quàm à pulmonibus duci oportere.

Quod autem magna nervorum copia pulmones donentur, non idcirco aut motus, aut primò ad motum instinctus à pulmonibus.

monibus proficiscuntur : sed nervulorum ope bronchia , seu asperæ arteriæ calami contrahuntur : ut inter exspirandum expulsio aeris promoveatur . Neque enim adeo pectoris cavitas coarctatur , ut pulmones expellendo aeri satis comprimi possint . Deinde magna pars aeris inspirati in cellulis & vesiculis superstes manere potest , quæ per nervulos , cum opus est , ejicitur . Hinc resectis nervis pulmonum motus & respiratio omnis cessat .

Quare pulmonum motus magna ex parte à thorace pendet . Hoc enim vulnerato simul læditur , aut omnino tollitur respiratio . Aer quippe per asperam arteriam illapsus , est quasi in æquilibrio cum externo aere qui pectus comprimit . Hinc musculi intercostales faciliè costas ipsas erigunt , tumque aer uberior ingreditur . Fit enim major pectoris capacitas , ubi costæ quæ cum sterno & vertebriis dorsi ita committuntur , ut parallelogrammum efficiuntur , jam eriguntur , & ad quadratam figuram magis accedunt : cum enim aerem ducimus , tum pectus attollitur , costæ eriguntur , eæque dorso & sterni ad perpendicularum magis insistant . Hinc maior fit pectoris dilatatio . Jam ubi costæ sua spontè , & quasi proprio pondere decidunt , tum pectus fit angustius , & pulmo sic contrahitur , ut aliqua tamen aeris portio in ejus vesiculis remaneat . Cumque conclusus aer minus exterioris pressioni resistat , faciliè externus iterum irrumpit . Cum tamen in magnam molem thorax amplietur , nec multum is comprimatur , illud est verisimillimum ma-

gnum esse in fibris carneis, quæ tracheam & illius furculos stringunt, ad expirationem momentum.

Thorax est instar follis, pulmones instar utris; dilatato thorace, vi muscutorum aer spontè sua, ac præ gravitate, aut vi elastica in pulmones illabitur. Costas verò dilatari & sternum attolli versus jugulum, cum fit inspiratio, tactu ipso & oculis judicamus: Id autem solum diaphragma non efficit: cum enim deprimitur, fibræ contractæ ejus ambitum imminuunt, costæ nothæ aut mendosæ ab eo quoque deorsum trahuntur: unde & thoracis capacitatem potius minuunt, quàm augeant.

Quocirca muscoli intercostales unà cum diaphragmate inspirationem efficiunt, seu lenior sit, seu vehemens. Contractis enim musculis, qui intercostales dicuntur, & depresso diaphragmate thoracis cavitas ampliatur. Nam costæ ceu balistæ arcus magna vi flectuntur & resiliunt. Posteriores earum termini spinæ vertebriis annectuntur, anteriores sterno, seu ossi pectoris, quod minus est stabile: unde vim habent arcus & usum. Hujus duo latera non nihil dilatantur vi muscutorum intercostalium, quorum fibræ decussatæ, sibi parallelæ, in totam cujusque musculi longitudinem sparguntur: atque eo ferè modo costas, quibus inferuntur, attollunt, quo funiculis ad partes oppositas decussatis pondus appensum attollitur ad perpendiculum. Hinc, ut observat Borellus, sit thoracis figura similis ovo dissecto, cujus vertex est in jugulo, basis est planum diaphragmati, quod de-

PAR TERTIA. 307

depressum auget thoracis capacitatem .

Probatur pars altera conclusionis . Lenem quidem & usitatam respirationem pene unum diaphragma moderatur : cum paulò intensior est, non musculi modò intercostales, qui fere non cessant, sed etiam qui è scapulis & vertebriis lumborum oriuntur, operam suam eò conferunt . Unde in vivi animalis dissectione, aperto abdomine perseverat respiratio : sed cessat omnino, aut ægre continuatur secto diaphragmate .

Cessantibus his musculis diaphragma sursum attollitur, sive mediastini ope, ut diximus, retrahatur ; sive à visceribus imi ventris repellatur, tumque costæ depriuntur, & thoracis capacitas imminuitur : adeo ut exspiratio multis videatur non aliud esse præter inspirationis intermissionem . Sed tamen cum expirationis munus sæpe majore fiat nisu quàm inspiratio, ut in tussi, risu, cantu, & in variis affectibus experimur, hæc videtur quiddam esse præter musculorum & diaphragmatis cessationem .

Ex quibus efficitur non minore vi, aut nisu expirationem egere, atque ipsam inspirationem : quo aer bronchiis seu tubulis asperæ arteriæ, & sæpe ex ipsis vesiculis expellatur, ut recenti locum præbeat . Unde in ipsa inspiratione soli musculi & diaphragma videntur occupata cessantibus pulmonibus : sed in expiratione pulmones ipsi laborant . Aer inter inspirandum vi sua elastica pulmones subit, ut exeat & explodatur vi quadam majore opus est : unde & trachææ tubuli fibris motricibus instructæ sunt, quo contrahi
facile

facile possint. Annuli bronchiorum fere ut in gammaris ita sunt loricati, quo inferiores contrahi, & superiorum cavitatem subire possint. Dilatatis enim pulmonibus bronchia producuntur; illis contractis hæc quoque contrahuntur.

Accedit illud quoque, costas sui juris factas magno impetu thoracem comprimere. Imò si credimus Borello, necesse est, ut epiglottidis claudatur rimula, ut aer costarum depressione densatus vesiculas pulmonum impleat, & sanguinem in vasis pulmonum contentum exprimat.

Naturæ igitur indigentia non expletur sola aeris inspiratione, qui cum externo libratu quiesceret, & nullam vim motricem exerceret. Sed præterea opus est impressione valida, quæ fit tum à resultu costarum, tum à densato aere in brevi illo inter inspirationem & expirationem intervallo, cum clauditur epiglottidis rimula, nec exire potest inclusus aer. Ea completa compressione, & aperto tracheæ ostio erumpit aer, diaphragma spontè laxatur.

In violenta expiratione thorax & abdomen valde constringuntur: viscera sursum mota diaphragma propellunt. Sic urgente tussi aer uberior ducitur, ac subito abdominis muscoli, necnon vis costarum resiliens emittunt aerem rapido vento, qui bronchia abstergat, unde tum diutius durat resultus costarum. Nec pulmones in expiratione omnino evacuantur. Nam fortè bronchiorum annuli cartilaginei penitus adstringi nequent, sed semper aperti manent; nec vesiculæ in quas desinunt bronchia

chia adeo constringuntur : fecus enim non implerent thoracis capacitatem. Unde in cadaveribus pulmones expansi hanc complent cavitatem. Sic ubi ignem ore perflavimus, magnam aeris copiam inspirando ducimus, ut dispendium aeris qui è pulmonibus erupit, quodammodo refarciatur.

Cùm autem respiratio partim fit spontanea, partim naturalis (nam & dormientes respiramus, neque hanc spiritus reciprocationem ad libitum abrumpimus) hinc fit ut spiritus tum à cerebro & spinali medulla, tum à cerebello huic muneri præficiatur. Itaque nervi qui ad diaphragma & thoracis mûsculos pertinent, à nervis brachialibus & lumbaribus orti suam cerebro originem acceptam referunt, & spiritus qui per eos nervos influunt, voluntarios motus exequuntur : sed iidem tamen nervi cum intercostali in progressu communicant, ut in octava figura cernere est.

Unde motus ille respirationis reciprocus & ad vitam necessarius magis inter naturales quam inter voluntarios censendus est. Nervi porro diaphragmatis & mûsculorum cum brachialibus magna affinitate junguntur, quòd in violentis corporis exercitiis sanguis majore agitatione incitatus crebriorem respirationem exigit, instinctus verò ad motum, seu primus impetus, cum mere naturalis est, à nervis per pulmonem & tracheæ bronchia dispersis forsitan incipit, tum ad nervos diaphragmatis & mûsculos thoracis permanat.

Cum

Cum motus est spontaneus, aut paulò vehementior, ut in cantu, vociferatione, sibilo, risu, aut in magnis corporis exercitiis primus impetus sæpè ab his vel illis musculis incipit, tum aliis organis ictu oculi citius propter magnum earum partium consensum communicatur.

Cum respiratio tot organis in unum conspirantibus perficiatur, non mirum est si tam facilè lædi aut impediri soleat. Pulmones qui sunt instar telæ ex innumeris fibris & vasis, quæ inter se mille modis complicantur, contexti, duplici muneri serviunt, & ducendo spiritui & trajiciendo sanguini à dextro cordis sinu in sinistrum, in quibus vita potissimum consistit. Tanto etiam organorum apparatu & partibus tantenuibus constant, ut mirari satis non possum, quod ea pene præcipua pars corporis tot injuriis exposita, quæque aliarum male affectarum pœnas luit, tandiu integra & sana possit consistere.

Primum enim si aer quem ducimus aut crassior sit, aut frigidior, aut venenato halitu inquinatus, is per trachææ bronchia ad vesiculas usque permanens sanguinem statim inficit. Idque in morbis epidemicis & pestilentibus, in locis quoque palustribus aut conclusis & non perflatis experimur.

2. Sanguis ipse qui à dextro cordis sinu per arteriam pulmonis continenter expellitur, serosior interdum in ipso per pulmones transitu serosum humorem in ipsis inter vesiculas interstitiis deponit, qui non nisi cum molesta tussi per bronchia, fibrarum
ope,

ope, in expiratione una cum aere exploditur. Aut si crassior sit, varias obstructions creant, quæ anhelosam & impeditam respirationem efficiunt. Unde cum sanguis contagio pestilente inquinatus corrumpi, & in grumos concrefcere incipit, statim pulmonibus affectionem suam pravam impertit, ut in peste, variolis & malignis febribus. Hinc inflammatio pulmonum, & difficilis anhelitus.

3. Cum sanguis est aut aquosior, aut spirituum inops, aut qui terrenis particulis abundet, non sulfureis & spirituosis, per arctos pulmonum ductus non satis expedite trajicitur, sæpe in iis hæret, & instar limi eos occludit. Unde cum post motum corporis concitatiorem sanguis in pulmones rapidius fertur, tum sæpe is in pulmonibus stagnat, & difficilem atque anhelosam respirationem efficit: quod utique in cachecticis, seu pravo corporis habitu affectis, & in iis qui hydropse laborant, experimur.

4. Sæpe evenit ut perspiratione præ subito frigore impedita, serum superfluum per cutis poros diffusi solitum in sanguinis massam redundet, quod in pulmonum angustis deponit: hinc tussis & catharri. Idem plerumque accidit ex vini tenuioris & pomatii usu, maxime cum sanguis jam ad aciditatem vergit, ut ineunte hieme. Idem evenit in magnis aeris mutationibus, idque maxime cum aer ex sicco fit humidior.

5. Cum sanguis ob crassitiem ductus pulmonares non trajicit, plerumque extravasatus hæret in ipsis vasorum interstitiis. Hinc
philo-

phlogosis seu inflammatio, peripneumonia, & respiratio impedita, sputum sanguinis. Ac singuli quidem illi affectus ex innumeris pene causis oriri possunt. Exemplo sit peripneumonia. Quidquid sanguinis motum intra pulmones sistit, id peripneumoniam, seu inflammationem in pulmonibus potest efficere. Sic frigidiora quæ sunt, eadem & vasa & fibras adstringunt, ac sanguinem cogunt. Sic aer gelidior, aut densior vasorum tubulos interdum occludit; præ nimio aut tempestatis, aut ætatis humore fibræ vasorum sæpè laxantur, & concidunt: hinc tardior fit sanguinis motus. Huc accidit pulmonum imbecillitas, catharri, cacochymia; uberior sanguinis copia, hæmorroidum, imo & urinæ supressio; quidquid pectoris motum difficilem efficit: pleuritis imprimis idque maxime cum tumor pleuræ pulmones premit. Asthma, angina, quæque aeris commeatum arcent, ea, inquam omnia, imo & vehementiores affectus, aut motus corporis violenti peripneumoniam procreant. Tum verò æger vix in latus sanum potest decumbere, quod pars affecta & gravior, eam quæ sana est premat: cor magno impetu sanguinem pellit qui acrior est, sed parum sanguinis vibrat, unde pulsus fit debilis; & languidior; atque omnes pulsus differentię se produnt, quod quantitas sanguinis indefinenter minuatur. Cum ad suppurationem perducta est, si pars affecta sit membranæ propior, pus exsudabit in cavitatem pectoris, ac nihil fere per asperam arteriam erumpet, & fiet empyema.

ma. Quod etiam supervenit, ubi nihil puris per asperam arteriam exire potest, quodd illius rami arctius premantur: tum pus cogitur viam sibi aperire per superficiem pulmonum. Quodd etiam fit, cum altius intra pulmones heret, aut plus satis tenax est. Quodd si durior sit inflammatio, adeo ut pus nec exspui, nec pectoris cava subire queat, tum fit abscessus, aut vomica intra pulmones. Mitto tumores, tubercula, concretiones arenosas & lapideas, atquæ alia hujus generis multa, quæ dum sanguinis transitum impediunt, respirationem efficiunt laboriosam & difficilem.

Nihil dicam de seroso humore, qui non à cerebro, ut vulgo creditur, sed à glandulis quæ in membrana asperæ arteriæ & bronchiorum intima sunt plurimæ, aut à sanguine nimis diluto excernitur: ut ta- ceam de lymphæ ductibus, quos in membrana extima pulmonum copiosos esse dimus, ex quibus & tussis molesta, & respiratio anhelosa, & hydrops pulmonum plerumque oriuntur. Quin & ductus pulmonum sæpe disrumpuntur vel ob seri acrimoniam, vel ob sanguinis crassitiem. Hinc cruor vel ejicitur per tracheam, vel in ipsis vesicularum interstitiis congeritur: unde & peripneumonia ut diximus, vel in capacitatem thoracis ejicitur, ex qua fit empyema: sic seri acrioris è sanguine secretio primum tussim, deinde cum præ coctione fit crassius, & trachæ, seu bronchiorum parietibus adherescit, inspirationem inhi-

bet.

Non.

Non dissimili ratione ductus bronchiorum à largiore potatione plerumque arctantur, quod vasis sanguineis nimium distentis comprimantur. Hinc difficilis respiratio fere ut in febrium paroxysmis. Ista, inquam, leviter perstringimus, quod ad Medicos pertinere videantur, eaque cum à multis recentioribus, tum à doctiss. Viliſio & Bellino fuisse & methodice pertractentur. Tantummodo delibare volumus quæ naturam, usum & organa respirationis, in qua potissimum vita consistit, magis illustrent. Quo enim modo fiat respiratio, non tam ex integra & sana, quàm ex læsa discimus. Quod utique in cæteris quoque organorum functionibus usu venit.

C A P U T V.

Præcipui respirationis usus.

Hic primus videtur respirationis usus, ut sanguinis per pulmones circuitum promoveat, adeo ut pulmones sint velut sanguinis torcularia: sive in ipsa inspiratione è vasis sanguineis compressis sanguis velut exprimatur: in expiratione per eadem vasa sanguis è corde impellatur; sive in ipsa inspiratione vasa pulmonum explicentur, quæ alioqui conniverent: unde & vesiculæ pulmonum tumaere implentur, & sanguinem in ventriculum cordis sinistrum tanquam totidem cunei impellunt. Nimia porro aeris mora in pulmonibus idcirco molesta est, quod ingressum sanguinis in vasa pul.

pulmonum arceat. Turgentes enim vesiculæ exilia hæc vasa sanguinis plus satis comprimunt: unde & expiratione opus est. Sic vasis sanguineis identidem pressis & dilatatis, motus sanguinis jugis est & celerior: ut in corporis habitu ex levi musculorum contractione sanguinis circulatio promoveatur. Hinc ubi secatur vena, sanguis liberior fluit, quando brachium extenditur, aut baculus manu contrectatur, & volvitur, quo motus musculorum adjuvetur.

2. Ex levi illa pulmonum dilatatione & pressione sanguis etiam percolatur & comminuitur, ilque fit fluidior, & à coagulatione vindicatur. Necdum enim satis exquisita est sanguinis, chyli & lymphæ in dextro cordis sinu permixtio, ac subinde opus est ut tot liquorum partes minutius concidantur; aquosi & effœti vapores vel in ipsa expiratione protrudantur, vel per lymphæ ductus amendantur: ut in ipso corporis habitu per insensibilem transpirationem sanguis continenter expurgatur.

3. Illud satis videtur probabile puriorem & vitalem auram partim in pulmonum vesiculis retineri, partim in capillaria vasa adigi, partim tenuem & porosam pulmonum tunicam penetrare, & thoracis implere cavitatem. Et quidem in avibus, si asperam inflaveris arteriam, non pulmones modò dilatantur, sed subjæ etiam abdominis membranæ intumescunt. Et si enim ær cum solus est, nec venas, nec membranulas, aut cutem potest penetrare, tamen ubi cum

cum aqua permiscetur, cuncta pervadit : tum quidem in minimas partes concissus cæcos meatus subit. Jam aeris spiræ sanguini, & aliis humoribus permixtæ nunquam quiescunt : nam ceu arcus quidam facile comprimuntur, & resiliunt. Jugis respiratio, musculorum motus, solidarum & fluidarum partium mille modis variata configuratio, viscerum pondus tremulum illum spirarum aeris motum perpetuò renovant, ut scitè explicat Borellus. Hinc sanguinis particule ab eo motu oscillatorio inclusi aeris indefinenter concutiuntur. Nam ut in horologiis, pendulum oscillatorium rotarum motum certa ratione moderatur : sic aeris spiræ sanguinem continenter subeuntes regunt, & temperant præcipitem spirituum motum, ac sanguis per partes corporis diffusus stimulum sui motus, & vitæ quasi fontem secum vehit. Unde foetus ubi semel hausit aerem, eo carere amplius non potest. In matris utero ex respiratione matris aerem ante excipiebat : alebatur enim sanguine in pulmonibus matris præparato, postquam in lucem editus est, jam sanguis in propria officina parari debet.

Hinc aer fluiditatem sanguini & colorem coccineum conciliat. Nam ad fluorem duo requiruntur, I. ut partes illius sint exiguæ, attritæ & divisæ, tum in perpetuo motu versentur : hunc motum in liquoribus subtilis aer efficit. Cum itaque sanguis ex partibus constet heterogeneis, ut qui ex variis alimentis prodierit, ac diversis partibus alendis serviat, non dubium est quin aerem suis poris conclusum habeat : ut cæteri

PARS TERTIA. 311

teri liquores, qui in machina pneumatica ob eam rationem solent ebullire. Hic fluorem sanguinis tuetur, & obstat ne dissimiles adeo partes inter se cohæreant. Hinc vario & jugi motu cientur, ut partes quædam ex crudis & fixis fiant volatiles. Accedit etiam in aere esse quasdam partes nitrofas, solidas & penetrantes, quæ vasa capillaria subeunt, sanguinis motum concitationem efficiunt.

Solvuntur objectiones.

Opp. 1. Aerem per asperam arteriam insufflatum, per vasa sanguinea exitum non habere, neque cordis sinistrum ventriculum subire posse.

Respondens nonnulli aerem per inflatos mortui, aut moribundi animalis pulmones in cordis ventriculos non facile com-
meare, præsertim cum vi quadam intruditur: sed sensim eum interdum subire, cum in pulmones adhuc calentes paulatim immittitur. Partem verò aeris tenuiorem, & magis spirituofam una cum sanguine in pulmonibus confociari, ex rutilo ipsius sanguinis colore, & vesicularum structura jam supra ostendimus: adeo ut sanguis non tam in corde quàm in pulmonibus perficiatur: cor quidem eum circumagit, sed in pulmonibus magis exquisitè cum chylo ipso & lymphâ permiscetur, quàm in cordis ventriculis.

Hinc in foetu cum sanguis sit fluidior, imo & in piscibus ubi est aquosior & ex facili fluit, aut nihil, aut parum aeris sanguinem

nem subit. In testudine, rana & aliis hujusmodi animalibus, quæ unicum cordis ventriculum videntur habere, sanguis è pulmonibus in cor recta non pergit. Nec dissimilis est in fœtu ratio, ubi fluidior est sanguis & dilutior. Unde ultro fluit ex venis in arterias. Nam fœtus in utero velut jugi oppressus somno, nullam pene functionem animalem exerit præ nervorum imbecillitate, sed natus jam spiritum ducit, & sanguis à corde per pulmones impellitur.

Quamquam id quoque cum Borello magna probabilitate dici potest, partes heterogeneas sanguinis non tam in vasis arctissimis pulmonum commisceri, quàm in iis dissolvi. Illa enim accurata mistio fieri non potest in iis tubulis, tanquam in ipsis infundibulis, quæ in exiles fistulas dividuntur; cujusmodi sunt vasa pulmonum: sed in saccis amplis eam mistionem fieri oportet. Cum autem sanguis in ipso circuitu multum debilitatus fuerit, tum spirituum diffatione, tum utilium secretionibus: cumque illius partes aliæ sint fluxiles, aliæ viscosæ, harum texura in pulmonibus dissolvitur, dum glutinosæ in angustioribus vasis conciduntur, & particulas aereas è vesiculis excipit sanguis, quo animatur, & ex torpido, & inerte fit vegetior.

Opp. 2. Sanguinem multo compendiosiori via & minus impedita per usitatos in fœtu ductus transire posse: ergo motus sanguinis non est primarius respirationis usus. Huc adde liquorem per pulmonum arteriam iniectum in sinistram cordis sinum vel in mor-

PARS TERTIA. 313

in mortuo animali penetrare; ergo sanguinis motui etiam per pulmones non est necessaria respiratio. Postremò cur intercluso spiritu mors statim sequatur: inflati enim pulmones satis urgent sanguinem, & premunt venulas: adeò ut sanguinis motus non prohibeatur.

Resp. 1. Sanguinem dum est fluidior, ut in fœtu per ductus breviores quidem, sed magis obliquos transire posse: non item eum sanguis sit crassior & fibrosior. Sic in ranis ligata cordis auricula sanguis adhuc per venas movetur, & vasa distenduntur: quod aer vesiculis pulmonum conclusus sanguinis circuitum conservet, etiam cordis motu intercepto: neque enim sanguis in ranis ut in calidioribus animantibus concrevit.

Resp. 2. Injectum liquorem pulmones pervadere: sed majore vi opus est, quàm ut à corde proficisci possit. Quod verò intercluso spiritu animal statim moriatur, id utique accidit vel ob impeditum sanguinis motum; vel quod vitalis aura, sine qua ne plantæ quidem vivunt, ad spirituum animalium generationem, & fluorem sanguinis requiratur.

Hinc sublata omni respiratione, & motu cordis cessante, immissus aer per tracheam canis vitam & cordis motum interdum per aliquot horæ minuta restituit, ut in Academia Regia ante aliquot annos fuit observatum. Sic strangulato cani mox aperto abdomine & per ductum thoracicū injecto aere vitam reddidit Vir Doctiss. *Needham*. Idem per venam cavam insufflato aere

effecit Malpighins: adco ut non magni referat qua subeat aer per pulmones aut vasa, dum salem suum nitrosum ut flammæ, sic vitæ pabulum sanguini impertiat. Quæ omnia evincunt puriorem aera cum sanguine commisceri, eumque à concretione tueri. Sed præterea motu pulmonum circuitum sanguinis effici jam supra ostendimus.

Hinc præ tristitia, aut acriore cogitatione sanguis interdum restagnat in pulmonibus, respiratione impedita; tumque suspirio vim magnam aeris ducimus. Interim post effusos risus longa trahimus suspiria, quod inter ridendum ipsa respiratio diutiùs interrupta fuerit. Sic in singultu diaphragma vehementiùs contrahitur, unde & abdomen extrorsum fertur: quod orificium ventriculi, qua parte œsophagus diaphragma perforat, & cum eo fibris circularibus committitur, ab affecto diaphragmate in ejusdem mali societatem trahatur: hinc singultus plerumque à sternutatione cessat: tum enim si quid nervis aut membranis noxium adhæserit, vehementi musculorum motu excutitur.

Nec dubium est quin effectus pene omnes qui anhelosam efficiunt respirationem, ex structura organorum, & eorum usu perspecto facile explicari possint. Sic in Asthmate, & orthopnoëa, (cum æger respirare non potest, nisi stet erectus) sæpè dissentis visceribus diaphragmati subjectis, id sursum repellitur: sed stante ægro viscera abdomine conclusa proprio pondere depressa diaphragmatis motui liberiores præbent locum. Interdum muscoli intercostales,

PARS TERTIA. 315

& diaphragmatis convelluntur, tumque inflantur pulmones, & inspirationem ipsam exspiratio, non ut par esset, excipit. Sæpius ex pressione bronchiorum aut eorum obstructione, aut ex æstu sanguinis Asthma oritur. Cum enim sanguis placido motu fluit, licet in vasis pulmonum sint obstructiones quædam, non idcirco respiratio crebra est & anhelosa: sed cum sanguis nimium effervesceat, sive ex transpiratione impedita, sive ex nimio animi aut corporis motu, sive ex vini potu, tum majore impetu pulmones trajicit, & pleniorē respirationem exigit, tumque vasa sanguifera nimium distenta bronchiorum ductus coarctant. Unde Asthmatici nihil violentum aut minus assuetum ferre possunt. In Asthmate multò difficilior est inspiratio, quàm exspiratio: cum enim aer inspiratur, vincenda est non modo naturalis resistentia muscutorum, & costarum: sed ea quoque quæ naturali supervenit. In expiratione nihil ferè vis motrix laborat; jam muscoli sunt contracti, & fibræ ultrò restituuntur. Quidquid verò partes pulmonum premit acrius, aut eorum extensionem prohibet, id omne dyspnœam, seu difficilem respirationem, & Asthma procreat; seu durum sit, aut liquidum. Asperæ arteriæ tubuli obstructi sibilum & stertorem efficiunt. Sanguis crassior, aut viscidior, aut calidior, lapides interdum, aut grumi, aut grandines in folliculis pulmonum geniti hunc affectum pariunt. Hinc pueri ob humorum copiam, juvenes præ sanguinis æstu, senes ob frigidos & viscidos humores huic morbo

sunt obnoxii . Cum hæc difficilis & anhelosa respiratio per temporum intervalla recurrit , signum est ejus causam non in ipso pulmone hædere : sed in consensu alterius partis malè affectæ : tametsi fieri potest ut Asthma essentiale in pulmone gignatur , cujus causa identidem absumitur , & renovatur : unde & humores excrementitii retenti Asthma plerumque generant , qui ubi largius profluunt , Asthmatis paroxysmus desinit . Ut scitè Bellinus observat . Verùm ista viderint Medici .

Opp. 3. Respirationem magis refrigerando sanguini , quàm ei promovendo famulari .

Resp. Hunc quoque usum respirationis esse posse , sed non præcipuum : neque enim credibile est sanguinem è dextro cordis sinu in pulmones trajectum fervidiorem esse eo qui è pulmonibus in sinistrum cordis thalamum delabitur . Quin etiam post exercitationem corporis paulò vehementiorem non ita æstuat sanguis , atque in ardente febre : cum tamen respiratio sit ut plurimum frequentior . Sic ubi per ardua incedimus , & pulsus fit crebrior , & magis anhelosa respiratio , quod motus musculorum celeriores sanguinis ad cor reditus efficiat : hinc exercitatio adeò est salubris , ac vitæ defes tot morbis ferax .

Cum aer plus æquo rarus est , ut in excelsis montium jugis , aut in machina pneumatica , tum vi sua elastica exutus , nec pulmonum vasa satis comprimit , nec sanguinem promovet . Contra ubi est crassior , ut in magna hominum turba , tum capillares aspe-

asperæ arteriæ tubuli pene obstruuntur; nec purior aer cum sanguine permiscetur : ut iis accidit qui in fodinis diutius morantur hinc facilior est respiratio aere sereno quàm turbido .

Qui infirmo & angusto sunt pectore, his ferè omnibus ventus borealis est infestus : hic enim tussim frequenter , peripneumoniam interdum & pleuritim procreat : vel quod perspirationem inhibeat ; vel quod vasa pulmonaria contrahat . Cum enim ii plerumque acriore sanguine præditi sint , uberiores respirationem exigunt . Aer humidus & minimè perflatus nulli est salubris . Quorum sanguis crassior est , & feculentior , ii puro & nitroso aere gaudent . Sed quibus sanguis subtilis est , tenuis , quique facilè dissolvitur , & insuper pulmones habent molles , teneros , & rarioris texturæ , iis crassus , sulfureus & fumosus aer est salubrior , quod sanguinem nimium subtilem incrasset & figat . Unde tabes aut phtisis rarior est in iis locis quæ cespite pro ligno utuntur ; ac sulfurea quæque , ut balsamum sulfuris , suffitus sulfuris , & succini , quæque pectoralia dicuntur , phtisicis utiliter adhibentur , quod sanguinis , lymphæ , & feri aciditatem inhibeant , & inopi ac jejuno sanguini succurrant , ut doctiss. *Voillis* existimat .

Neque id inficior alios esse respirationis usus , ex quibus ille non est contemnendus , quod diaphragmatis motu & chyli , & sanguinis per abdominis viscera motus plurimum adjuvetur . Quin & in dissitis partibus respiratio ipsa sanguinem promovet .

Quod vir pereruditus D. *Suamerdam* illustri experimento confirmat. Vidit enim Lugduni Batavorum in nosocomio puerum qui ex levi in pede vulnere sanguinem ad libitum sinebat effluere retento anhelitu, eumque siflebat pro arbitrio.

DISSERTATIO II.

De motu cordis & sanguinis.

Nunc quæ ad præcipuam corporis nostri rotam, cor videlicet, motus omnis, & vitæ fontem pertinent, summatim perstringamus: neque enim possumus illius structuram, motum & usus pro rei dignitate pertractare. Quæ autem à Philosopho ignorari non debent, non omitemus. Ac primùm quæ sit illius fabrica, & quomodo jugi motu agitetur, explicare conabimur, tum sanguinis ipsius circuitum, quo vita maximè continetur, paulo diligentius persequemur.

CAPUT PRIMUM.

De structura cordis.

AC primùm quidem cordis & vasorum quæ huic sunt affixa, fabricam acriori animo intuenti id facile constabit, cor ipsum nihil esse præter musculum qui propria vi se se contrahit. Nam in corde bovino, detracta primùm illius capsula, quæ pericardium vocitatur, quæque liquore quodam perfunditur, tum prima cordis pelli-

cula,





cula, intueri licebit illius fibras (maximè
 si antè coctum fuerit,) instar heliciis, aut
 cochleæ contortos, quæ à læva in dextram
 partem oblique descendunt; ac plures ex iis
 per mucronem cordis revolutæ, sursum re-
 flectuntur, eæque in basim cordis, ut in-
 tendinem desinunt: sic tamen ut plures fi-
 bræ usque ad cordis mucronem non perve-
 niant. Jam ubi hunc cordis velut corticem
 dextraxeris, aliud velut fibrarum stratum
 occurret, quæ contrario ductu à dextra in
 lævam oblique descendunt, & in basis iti-
 dem tendines desinunt. Utriusque enim
 ventriculi cordis ostia tendinoso margine
 cinguntur: qui duplex est in utroquoque ven-
 triculo, exterior nimirum & interior. Sed
 pleræque etiâ fibræ in columnas carneas desi-
 nunt, & in fibras valvularû quæ tricuspides
 dicuntur, de quibus postea. Verùm accura-
 tior cordis fabrica ex inspectione ipsa, aut
 illius usu, & functionibus meliùs intellige-
 tur, quàm ex longa fibrarum descriptione.

2. Ex hac utique mechanica cordis stru-
 ctura quis sit illius motus, facilè colligi-
 mus. Cum enim fibræ penè omnes instar he-
 licis sint contortæ, id verisimillimum vide-
 tur iis fibris adductis cor per motus opposi-
 tos contrahi, & sanguinem cum impetu è
 ventriculis propelli, non aliter ferè ac lin-
 tea madida solent contorqueri, ut omnis
 humor exprimatur. Contractionem verò
 illam adjuvant columnæ carneæ, & muscu-
 lis similes, quæ in sinistro potissimùm ventri-
 culo variis implexæ fibris cernuntur. San-
 guis enim majore impetu è sinistro sinu
 erumpit in corpus universum.

Negat tamen Borellus cordis systolem fieri à spirali fibrarum contorsione, ferè ut in linteo madido. Nam cordis contracti moles adeò non minuitur, ut potius augeatur, dum fibræ parietum intumescunt. Sed in linteo madido quod exprimitur, fibræ fiunt tenuiores, & sese mutuò tangunt expulsi aquæ guttulis. In corde secus se habet: nam in systole fit crassius; ventriculi carnea substantia replentur manente eadem exteriore cordis figura; siquidem fibræ externæ non fiunt contractiores, sed nimis distractioni ob tenacitatem suam resistunt ferè ut circus dolii. Unde perimeter cordis non ampliatur, cum interim fibræ in parte cava inflentur, & vim cuneorum exercent: cum vehementi compressione sanguinem exprimant ferè ut nuclei pressu digitorum protrudi solent. Verùm utcumque ea res sit, quæ acriori examini esset subijcienda: id videtur verisimilius, cor penè ut alios musculos moveri, ac fibras exteriores itidem ut reliquas aut laxari, aut contrahi; figuram ejus exteriorem in systole imminui, uti in ranæ dissectæ corde manifestè cernitur. Quocunque id fiat modo, seu accessu spirituosæ substantiæ fibræ cordis in spiras convolutæ fiant crassiores, seu tensæ proprius ad se invicem accedant, ut suspicatur Vernæus. Nam fibræ inflexæ intendi vix possunt, quin sibi mutuò propiores interjecta spatiola imminuant: præsertim cum fibræ ex utraque parte summa nimirum & infima adducuntur. Unde necesse est ut earum curvitas minuatur, & interjectum inter eas spatium quasi consumatur.

matur. Sunt enim fibræ cordis instar notæ Arithmeticæ 8, contortæ: cumque accessu spirituosæ materiæ fiunt crassiores, neque extrinsecus possint intumescere, ob membranæ resistantiam, intus fiunt crassiores, & ventriculorum cava pene implent. Fibræ etiam illæ crassiores quæ utrumque ventriculi parietem connectunt, hunc habent usum ut obstant quominus sinister potissimum ventriculus uberiore sanguinis allapsum nimium distendatur. Deinde ex iis fibræ valvularum tricuspidum, quæ venas cordis occludunt, omnino pendent. Unde in cordis diastole ubi cor sanguine impletur, per intervalla fibrarum is subit. Sed in systole, ubi cor evacuatur & contrahitur, tunc hæ fibræ tricuspidum, velut totidem lora laxantur. Hinc sanguis erupens membranas ipsas valvularum sursum pellit, ac sibi reditum in venas occludit. Membranæ quippe valvularum fere ut vela navis vento, sic expressio sanguine implentur. Idque cernere est in corde vivi animalis. Nam si mucrone resecto liquorẽ per venas injeceris, in ipsa systole liquor in arterias ipsas, non in venas prorupet.

Cum autem hi lacertuli aut fibræ crassiores desint in dextro cordis ventriculo, horum vicem supplent carunculæ in opposito ventriculi pariete prominulæ, ex quibus ducuntur fibræ valvularum tricuspidum; eæque tanquam funes navis malo alligati tenduntur in cordis diastole, cum scilicet sanguine impletur, & ejus mucro deprimitur: laxantur verò in systole, tumque sanguis expressus, qui sese inter eas valvulas & septum medium insinuat, ita eas

inflat, & attollit valvulas. ut in venam cavam redire non possit, neque alius ei quàm per arteriam pulmonum pateat exitus. Ista autem ex apposis figuris quas ex peritissimo Anatomico Louvero desumpsimus, faciliùs intelliguntur.

Ad hanc tabellam pertinet fig. 5. tab. II. à D. Perrault delineata. Ea exhibet cor piscis, vulgò *le lieu* dicti, A, est auricula sinistra, B cor ipsum, C auricula dextra, D duo venæ cavæ foramina; E, Aorta.

Figura prima contrarii ordinis fibras in ventriculo cordis ostendit, quæ cum sint longiores ad conum usque perveniunt, & circa ipsum torquentur: sic tamen ut pars media conus sit tenuissima, Sic fibræ tum exteriores C, tum interiores D. in duos tendines A & B ita desinunt, ut quæ exterior fuit in uno latere, fiat interior in altero.

Secunda exhibet fibras exteriores cordis quæ in spiræ modum desinunt in conum, velut in commune centrum.

Tertia ventriculi sinistri apertum sinum ostendit: ubi vena pulmonaria A, auricula B, duæ valvule tricuspidæ D D, quæ venæ pulmonis ostio apponuntur: carnea columnæ, E, E, quæ ex utroque ventriculi latere prorumpunt, fibræ carnea interioris ventriculi FF.

Quarta truncum aortæ B sectum juxta finem cordis ventriculum exhibet; A A A, sunt tres valvule semilunares quæ reflexum sanguinis impediunt: E E sunt duæ mitrales valvule, seu tricuspidæ, reflexæ ut videantur.

Jam distentæ præter naturam arteriæ vi propria per fibras transversas, ut muscoli contrahuntur. Hinc non in arteriis modo, sed etiam in majoribus venis observatur motus quidam peristalticus & vermicularis, qualis in ipsis cernitur intestinis. Nunc ad cordis fabricam redeamus.

Ad structuram cordis pertinent duæ illæ auriculæ, quæ in utriusque venæ cordis, cavæ, nimirum & pulmonariæ ostio sic aptantur, ut in eas primùm venæ se exonerent. Auriculæ autem illæ sunt musculi suis fibris instructi, quique in duplicem tendinem desinunt. Horum utique tendinum unus est cum basi cordis communis; alter qui venam cavam aut venam pulmonarem spectat, in circuli modum vertitur. Quin & vena cava qua parte hiat in auriculam, musculosa quoque existit, tum ut venæ truncus aut distendatur, aut contrahatur, atque ad auriculæ demensum sanguinem suppeditet; tum ut sanguinem cum opus est, in ipsam auriculam validiùs protrudat. Nisi enim vena cava ea parte esset musculosa, ubi auricula contrahitur per fibras, quæ in tendinem inferiorem desinunt, & in ventriculum cordis sese exonerat, sanguis ex vena cava erumpens, instat vorticis in seipsum acti, in ipso exitu æstuaret. Tum igitur vena cava sese continet & coercet, donec auricula fibris illis quæ ab inferiore tendine incipiunt, tanquam digitis quos & figura & usu referunt, sanguinem à vena cava excipiat, cordi ipsi traditura. Idem est auriculæ, quæ venæ pulmonari aptatur naturæ

artificium, nisi quod hæc minor est dextra auricula: ambæ simul clauduntur & recluduntur, quod iisdem fibris inter se neſtantur.

Auriculæ igitur ſunt muſculi rotundi, & cavi ex fibris in ſpiræ modum involutis & ſeſe decuſſatim interſecantibus compoſiti; quæ quidem fibræ deſinunt in columnas & ſcrobiculos, uti & cordis ventriculi. Ac ſi Borello credimus, itidem ut ventriculi inſtar præli ſanguinem exprimunt. Prius eæ conſtringuntur quàm cor ipſum. Itaque conſtricta auricula primum impeditur reſſus ſanguinis in venas, tum ſanguis ab auricula in ſinum cordis exprimitur: ſimul clauditur oriſcium cordis ab auricula conſtricta: tum ampliato cordis ventriculo ob inſeſſum ſanguinis valvularum tricuſpidum expanduntur vela, ac demum ſequitur cordis contractio, per quam ſanguis qui reſſe non poteſt, per arterias patentes erumpit. Valvularum uſus nullus eſt, antequam cor contrahatur, tum enim ſanguis reſſe in venas non poteſt; nec poſtquam cor eſt conſtrictum: jam enim ſanguis ſubiit arterias: ergo tum utiles ſunt, quando cor contrahitur: tum enim claudunt venarum oriſcia ne retrorſum abeat. At ſi eo ipſo tempore auricularum fieret conſtrictio, ſimul in ventriculos cordis ſanguinem emitterent, & valvulas tricuſpides recluderent: ſicque eodem tempore ſanguis in cor illaberetur, & ab eo expelleretur, ac motus contrarii ſeſe mutuo deſtruerent, cum valvulas occluſas eſſe oporteret.

Nec

PARS TERTIA. 327

Nec minor in aortæ conformatione divini opificis elucet sapientia. Cum enim è sinistro cordis sinu sursum erecto suam ducat originem, ne sanguis a corde protrusus in caput totus fere nitatur, aorta è corde egressa inflectitur, quo sanguinis exilientis impetus paulatim infringatur, & facilius in partes inferiores descendat, nec recta, sed flexu quodam in axillares & cervicales arterias incurrat.

Hinc planum fit cur aliqua ex arteriis occlusa vel exarescente, vel compressa, sanguis majore impetu in vicinas feratur. Cum enim eadem sanguinis copia à corde in truncum aortæ propellatur, si cursus sanguinis in nonnullis inhibeatur arteriis, per alias majore impetu feratur necesse est. Unde ligata in cane vivo arteria cervicali, statim major in axillari pulsus percipitur. Sic etiam ubi facto in læva thoracis parte foramine arteriam descendantem digito compresseris, aut filo ligaveris, statim sanguis in caput propellitur, & in cor ipsum exundat: unde mirum in modum se torquet animal. Hinc etiam accidit ut constrictis vel minoribus arteriis sanguis in vicinas partes uberius irruat. Unde qui renes à natura habent calidiores, vix lumbo præcingi patiuntur, aut vestes ea parte artius prementes ferunt. Non dissimili ratione cum venæ plus satis comprimuntur, ut fit in obesis corporibus, sanguis tardius in cor recurrit. Hinc sæpè in corde & vasis stagnat & concrescit, præsertim ubi cor non satis vegetum est, nec sanguinem satis valide impellit. Hinc enim subitæ mortes,

verum ista fortè ad motum sanguinis pertinent.

Duæ autem sunt cordis venæ, cava nimirum & pulmonaris, quæ sanguinem in utrumque ventriculum, aut potius in utramque auriculam advehunt. Pulmonaris vena cum ampla sit, & promineat, exiguam habet auriculam. Sanguis enim celeri motu ob compressionem pulmonum, & gravitatem propriam è superiore loco delabitur; ac sufficit auricula minus ampla ad transmittendum sanguinem citius profluentem; & aliunde ostium cordis à parva auricula & valvulis quæ mitrales aut tricuspides vocitantur, satis exacte occluditur.

In dextra auricula tardior sanguinis illapsus canalis amplitudine pensatur, & major est ejus musculus, ut sanguinem lentiore motu fluentem citius effundat.

Duæ itidem sunt arteriæ, una pulmonum quæ ex dextro cordis sinu; altera quæ è sinistro cordis ventriculo capit exordium, quæq; aorta dicitur, & in universum corpus sanguinem defert. Utrique cordis venæ quædam valvulæ adhibentur quæ sanguinem admittunt: sed ne idem in cordis systole per easdem vias remeare possit, obstant maximè: hæ tricuspides vocitantur. Sic utrique tum magnæ, tum pulmonum arteriæ aliæ sunt aptatæ valvulæ in lunæ crescentis formam compositæ, quæ exitum præbent sanguini, regressum prohibent. Hæ in fig. 4. litteris AA designantur.

Hic autem locus postulat ut pauca de Mechanica valvularum structura ex D. *Perrault*, dicamus. Eas esse triplicis generis observat,

cas-

PARS TERTIA. 327

etque mechanici artifices in machinis hydraulicis potissimum imitari solent. Primi generis valvulae, etque in artis operibus pervulgatae, (sed raro à natura usurpatae, quaeque ut reliquae valvulae, liquori transitum liberum permittunt, regressum prohibent,) sunt laminae planae & quadratae, quae uno ex suis lateribus affixo, fere ut valvae attolli possunt & deprimi, ut foramen cui applicantur, aut occludant, aut referent. Hujusmodi valvulae antliis adhiberi solent, iisque natura utitur in vesica urinaria, & fortè etiam in fellea. Nam in illa ureteres inter utramque vesicae membranam sese insinuantes urinam in vesicae capacitatem effundunt, tum urina ipsa effusa membranam internam, quae valvulae loco est sursum repellit, & ureterum orificia occludit. Eadem structura valvulae in fundo vesicae felleae, qua parte jecori adhærescit, visa est in bove: hæcque foramen occludebat, in quod ramus biliosus, cujus radices per hepar diffusae erant, desinebat.

Secundum valvulae genus in coniformam ita est conformatum, ut aqua sublata à conic mucrone facile pertranseat, dum conic basim deprimat, & sibi viam aperit: at regredi non potest quod basim conic, & tubi, aut foraminis aperturam omnino impleat: nihil enim accuratius foramen rotundum occludit, ac conus ipse, qui idcirco pertuso vini dolio solet adhiberi.

Hujus generis valvulae in venis & lymphæ ductibus ubique occurrunt: nam humorum regressum arcant; cumque valvulas, liquor.

quor superavit vel minima compressione, quam respiratio, aut muscutorum motus efficit, facile antrorsum promovetur. Ejusmodi valvulæ Sigmoides vulgò vocitantur, quod litteram C. seu vetus Græcorum Sigma, referant. Pars hujus valvulæ dimidia interiori venę membranæ affigitur, eaque aut cucullum, aut conum exprimit.

Cum igitur sanguis fursum nititur, eam valvulæ partem quæ libera est, nec venę tunicæ adhærescit, statim deprimit, & sibi viam sternit: sed ubi remeat, valvulam velut saccum implet, & figuram conicam ei tribuit sicque iter sibi ipsi occludit. Sic in vena F E secta duæ valvulæ sanguine distentæ illius descensum cohibent. Vide fig. 2. tab. 8.

Hujus generis valvulæ in corde sunt conspicuæ, nempe in summa parte sinistri ventriculi, eæque aortam seu arteriam magnam, in quam cor contractum se exonerat, ita occludunt, ut sanguis occlusus remeare non possit. Sic in dextro ventriculo tres itidem sunt valvulæ, quæ sanguinis regressum ab arteriis pulmonum prohibent.

Tertium valvularum genus in cathartidis solent usurpari: si tamen valvulæ dici possunt ipsæ biforesh, quas aqua ipsa motu suo occludit, quæque seipsas in eo statu tuentur, & catenis devinciuntur. eæque angulum efficiunt aquę ipsi cum impetu labanti oppositum. Ejusmodi valvulæ in utroque cordis ventriculo sunt conspicuæ, eæque tricuspides vocitantur, quod formam trianguli referant. Neque enim quadr-

dratæ sunt, ut in catharactis, vulgò *eclusæ*: consimilem tamen præstant effectum: nam per duo latera sibi mutuo junguntur, & sanguinem ab utraque vena, cava nimirum & pulmonari in utrumque cordis sinum illapsum, ne refluat impeditur; tertio verò latere cordi ipsi affiguntur. Variis autem velut funiculis, aut ligamentis, ut in catharactis valvæ catenis retinentur, ne sibi propius admotæ membranæ, quæ valvulas efficiunt, ulterius quàm par sit promoveantur; tum enim sanguis inter eas regredi posset. Hæ valvulæ in figura tertia tab. 9. sunt DD, quæ venæ pulmonum apponuntur, ut in quarta figura EE, eadem sunt mitrales, seu tricuspides sursum reflexæ, ut videri possint. Cujusque valvulæ tricuspidis membranæ basis orificii cordis annulo circulari affigitur; reliqua latera per filamenta tendinosa illigantur papillis in opposita ventriculi parte constitutis, fere ut solent lintea in pluribus funiculis extendere, ut exsiccentur. Unde cum ventriculi cordis impleti sunt sanguine, ea velut lintea quæ prius connivebant, expanduntur; sicque & in systole cordis sanguis inter eas valvulas & septum cordis conclusus eas sursum pellit. Plenitudo adeo sanguinis illa velut lintea, aut vexilla expandendo inflectit, quæ fere ut vela vento inflata sinuose incurvantur. Adde illud quoque arteriis cordis aptatas esse valvulas semilunares exigui roboris. Non enim retrorsum urgetur sanguis ab actione aliqujus musculi æque validi, atque est cor ipsum. Cumque sanguis jam arterias subit,

val-

valvulæ semilunares resistunt tantummodo ea vi, quam plenitudo arteriarum aliqua ex parte efficeret.

In testudine & in nonnullis amphibis cor velut triplici ventriculo instructum videtur. In avibus ventriculi minus sunt anfractuosi: venæ cavæ una duntaxat valvula, eaque sigmoides & carnosæ apponitur. Major aeris quantitas avium pulmones subit, unde & sanguinem puriorem efficit, nec necesse est ut in cordis ventriculis longiore mora & majore partium contactu præparetur. Atque hæc fere ad cordis fabricam spectant.

C A P U T II.

Qua sit cordis motus effectrix causa.

Nunc quæ sit hujus motus effectrix causa, excutiendum nobis est. Gravis enim olim fuit inter Harvæum & Cartesium quæ adhuc perstat, de vi motrice controversia. Id visum est Cartesio, sanguinem è vena cava, aut dextra illius auricula in dextrum ventriculum guttatim illabi, tum præ insito igne vitali quem naturæ conditor utrique cordis cavitati infervit, statim intumescere; ex illa effervescentia ventriculos cordis simul, & arterias referatis valvulis dilatari, diastolen cordis fieri, tumque mucrone suo pectus ferire: sed detumescente illa sanguinis gutta arterias deprimi; claudi earum valvulas, cor ipsum relaxari, & mucrone depresso velut quiescere, tumque esse cordis systolen, sicque cordis

dis motum perfici citra vim pulificam: adeo ut ignis vitalis, qui calet, sed non lucet, sit hujus perennis motus causa.

Cōtra Harvæus Angliæ Archiater, qui primus circulationem sanguinis aut deprehendit, aut firmis rationibus munivit, sic motū cordis fieri existimat. Sanguinem ex utraque vena in auriculas, quæ sunt quasi venarum appendices, & partes omnium primæ in animali formatæ, copiosum exundare, tumque auriculas dilatari. Deinde eæ contractæ sese in ventriculos cordis exonerant. Cor verò ut cæteri muscoli, ita prorsus movetur: sic tamen ut auricularum & cordis alternæ sint contractiones, & cor dilatetur, quia impletur sanguine, neque ex subita guttulæ effervescencia intumescat. Itaque arctatis cordis ventriculis cor mucrone suo pectus ferit, valvulas arteriarum aperit, & dilatantur arteriæ, tumque fit cordis systole: contra atque videtur Cartesio, Sit igitur

Unica Conclusio.

Motus cordis non fit aut ebullitione, aut fermentatione, sed impulsu quodam, & eo modo quem ex Harvæo exposuimus.

Probatnr I. Ex ipsa cordis structura: neque enim tam valido opus erat musculo, tot fibris, ac velut lacertis instructo, ut accessu sanguineæ guttæ intumesceret. Quare motus illius ut muscoli validissimi est contractio, ex qua sequitur sanguinis impulsio. Hoc enim cordi cum aliis musculis commune est, ut in contractione vires suas

exc-

exerat. Hinc durius fit & tensius in ipsa systole, in qua minus rubrum apparet, ut in ranis videre est, quod motus cordis in iis sit tardior. Hinc rescisso cordis mucrone in systole ipsa, aut in cordis contractione sanguis cum impetu prorumpit.

2. Idem ex auriculis & valvulis colligi facile potest. Nam prius auriculæ sese contrahunt, & in ventriculos cordis sanguinem effundunt, quàm cor ipsum contrahatur: quod manifeste demonstrat cor dilatari, quia impletur sanguine, non ex subita guttæ alicujus effervescentia. Cur enim utriusque auriculæ motus cordis motui præiret, si utraque cordis cavitas non impleteretur sanguine, cum auriculæ sese contrahunt, & ventriculos cordis sanguinem effundunt? Et sane motus cordis ab auriculæ motu pendet, non vicissim. Hæc in foetu pulsatur, priusquam ullum appareat cordis vestigium, & in moribundo animali pulsatur, adhuc auricula, cum omnis cordis motus cessat. Ex quo liquet motum cordis ab auricula pendere, non ab ignis fervore qui nec tactu percipitur, nec ratione ulla satis firma demonstratur.

3. Si cor & arteriæ simul dilatantur, & contrahuntur, cui usus futuræ sunt valvulæ venis, & arteriis cordis appositæ? Nam valvulæ tricuspidæ utrique auriculæ idcirco aptatæ fuerunt, quod contractis auriculis cor dilatetur. Hinc dum inflantur auriculæ clauduntur valvulæ, ne sanguis in tempesteve in cor dilabatur. Et sane sanguis adest copiosus, cordis cavitates amplæ, quid est cur una tantum gutta sanguinis cor subeat?

4. Un-

4. Unde ignis ille in corde tam fervidus, qui tamen sensu major non percipitur, quam in aliis cavitatibus viscerum? Nec potest ille ignis occultus universo corpori calefaciendo sufficere: imò sanguis jugi affluxu illum obruet. Quare longè probabilius est calorem cordis, ut aliorum viscerum à sanguine proficisci, quàm calorem sanguinis à corde ipso duci. Nec quicquam hic occurrit ebullitioni simile; nec sanguis qui à dextro cordis sinu in pulmones erumpit, ab eo qui è vena cava subit, dissidet. Si quid novi accidit sanguini, id utique ab aere in pulmonibus mutuatur: sed è corde idem ferè egreditur, qui ingressus est.

5. Si tanta fiat in corde ebullitio, cur ligata arteria hæc ebullitio non cernitur? cur tam cito & usque ad disruptionem arteria distenditur? cur ea secta tam ubertim sanguis erumpit, si guttatim tantum è corde in arteriam illabatur? Jam qua ratione cor carneum & fibrosum tanto igni ferendo par esse potest? cur id tandem non elixatur, aut aduritur? Unde tanta hujus fermenti copia, quæ attollendo sanguini universo instar massæ farinacæ par est? Necdum etiam liquet quò tam subito fieri illa fermentatio possit; nec materia huic accensionis idonea per nervos satis copiosa afferatur: nec demum, ut rem uno verbo conficiam, in ipsa diastole, cum illa sit inflammatio, cor movetur: sed potius cum instar alterius musculi contrahitur. Et quidem viperæ, aut anguillæ cor extractum, & omni sanguine vacuum per multas horas pulsatur.

fat. Quod si aquam frigidam per venam jugularem canis vivi injeceris, motus cordis crebrior futurus est; nec tamen sanguis aquæ infusione magis accenditur, aut fortius exploditur.

Itaque sanguis per cor ipsum, velut per machinam hydraulicam expellitur, nec necesse est fermentum quoddam, aut ignem in ventriculis cordis reconditum fingere, huicque motum cordis tribuere. Nam hujus fermenti ratio, aut origo explicari nullo modo potest; ac systole est verus cordis motus, quem illa ebullitio impediret. Nam parietes ventriculorum potius diduceret, quam contraheret. Deinde ejusmodi ebullitio in liquoribus salinis & acerrimis cernitur; cujusmodi non est sanguis qui placide fluit in venis, & benignioris est naturæ, quàm ut tam subito effervescat.

Nec demum instar candentis ferri ipsius cordis fervet substantia. Hujus sane fabrica & fibræ contortæ, quæ in oppositos tendines desinunt; diversa utriusque ventriculi structura, (nam sinister validioribus fibris, & lacertulis eget, quò longiùs emittat sanguinem) hæc, inquam, omnia persuadent cor moveri ut reliquos musculos, contractis videlicet fibris, quæ basim adducere moliantur: sed cum illa sit immobilis, macro verò instabilis, hic sursum nonnihil attollitur. Jam contracto corde in systole, id motu quodam restitutionis sese dilatare nititur: quam dilatationem sanguis in utrumque ventriculum illabens plurimum augeat. Hinc alternis vicibus cordis contractio & dilatio fere instar funependuli sese

ex-

excipiunt: ignis autem in corde nullus est nisi à sanguine profectus;

Diluuntur objectiones.

Opp. 1. Cartesius se expertum esse in cuniculo, abscisso cordis mucrone sanguinem in diastole exire, ac ventriculos fieri ampliores & duriores.

Resp. Non mirum esse si sanguis è mucrone discisso effluat in diastole: sed id non fit cum impetu, ut in systole. Id verò negamus cor fieri durius in diastole. Cum autem cuniculi cor sit angustius, quàm ut in ejus motu diastole & systole discerni satis accuratè possint, nec ventriculi satis sint ampli, ut digitus immitti queat; cumque in moribundo animali jam cor ipsum collabatur; nec pressio digiti sit satis sensibilis, non mirum est si tam incertum experimentum Cartesium fefellerit: cum tamen in rana quæ vivacior est, & exempto corde diu vivit, id experiri potuisse, cor in diastole totum rubere, cum sanguine impletur, & in systole pallefcere, cum omnino evacuatur.

Opp. 2. Sanguinem ex variis liquoribus constare, quos in ventriculis cordis fermentescere necesse est: cum chyli videlicet, aut lymphæ, seu liquoris aquosi nova, & jugis fiat accessio.

Resp. Fermentationem illam, si quæ sit, lenem esse & placidam: nisi fortè cum febris, aut perturbationis alicujus æstu cor agitur. Et quidem si illud in qualibet systole omnem è ventriculis sanguinem expellit, ebullitio illa Cartesii, aut fermentatio

tio ex guttulæ accessione omnino est commentitia: præsertim cum cor exemptum è vipera interdum per 50 horas pulset, vix illud per sanguinis explosionem explicari potest. Imo si cor animalis mortui aqua repleas, & simili motu ei quem fieri diximus in systole, contorqueas, aquam ventriculi contractione cum impetu protrudes.

Atque huc tendit ipsa cordis formatio. Nam ut pulchrè Harvæus observat, in fœtu auricula primùm sufficit pellendo sanguini: sed crescente corpore cor formatur, quod validiùs sanguinem impellit. In calidioribus animantibus, in quibus fortiùs impelli sanguinem necesse est, duo sunt ventriculi cordis cum duabus auriculis & pulmonibus. Ex iis quæ sunt debiliores, ut aviculæ ventriculos læves, & lacertulis destitutos nactæ sunt, nec valvulas habent tricuspidēs, aut eæ sunt negligentius occlusæ: quod spongiosi pulmones sanguinem è dextro cordis sinu placidius exeuntem excipiant. In robustioribus animantibus sinister ventriculus fibris carnosis validioribus instructus est, pariete triplo crassiore & variis scrobiculis usque ad mucronem extenditur: quod sanguinem majore vi comminutum in corpus universum propellat. Quæ omnia persuadent cor ut musculus moveri. Instinctus verò ad motum à nervis paris octavi in cor, & auriculas copiose dispersis manat. Hinc ligato trunco hujus nervi in cervice, statim com meatu spirituum intercepto cordis motus fit tremulus, & palpitans, tumque per unum aut alterum diem canis vitam miseram agit, do-

donec stagnante in ventriculis cordis sanguine expiret . Quod statim non moriatur , id in causa est quod nervi intercostalis furculi aliquot in ipso transitu ad cor perveniant , qui vestigales spiritus illi afferunt .

Ex quo quidem experimento id conjicere possumus tremorem cordis ex causa consimili prodire : quod spiritus animales vel in cerebello , vel in plexibus nervorum , vel in nervis ipsis in corde diffusis male affecti , & quasi inquieti hanc cordis trepidationem efficiant , qua fibræ ejus motrices celerrimè quidem , sed debiliter cor ipsum aut contrahant , aut dilatent : adeo ut systole & diastole celeres quidem sint , sed abruptæ & quasi dimidiatæ ; nec sanguis ubertim , sed stillatim tantummodo in cordis sinus illabatur , aut ex iis effertur . Non dissimiles musculorum subsultus in labris , oculis , genis , & aliis partibus experimur : cum spiritus nimium inquieti crebros & debiles ex tendinibus in carnes , è carnibus in tendines , etiam nobis invitis excursus faciunt , & recursus : ut ingeniosè explicat Vvillisius . Qui addit hujus tremoris in corde causam in obstructum lienem vulgò rejici , quod magna sit inter nervos cardiacos , & nervos viscerum cognatio , & pars una affecta alteram facile in consensum trahat . Illud quoque observat , cordis palpitationem à tremore longè esse diversam , licet utriusque motus sit convulsivus & perturbatus : sed tremor in vibrationum frequentia , palpitatio in vehementia consistit . Hæc

sæpe accidit cum totus sanguis cordis ventriculis conclusus ejici non potest. Unde vasa cordis nimium impleta juxta cordis basim cum impetu exiliunt, & cor totum concutunt: dum interim pulsus in carpo languidus est & debilis; sive pulmones sint male affecti, sive arteriarum fibræ in cordis basi convellantur; seu quid acrius cor ipsum, aut nervos vellicet, & crebriores ejus contractiones efficiat; seu præ adipe iberiore in basi cordis, aut polypo in auriculis, aut lapillis, aut tumore, & obstructione in vasis cordis coronariis, aut dolore in præcordiis motum cordis perturbet, sive alia causa subsit occultior.

C A P U T III

De motu sanguinis, & illius circulatione.

EX iis quæ de structura & motu cordis diximus, facile intelligitur sanguinis motus, in quo maximè vita consistit. Nam sanguis ex vena cava in dextram cordis auriculam, tum in subjectum cordis ventriculum delabitur. Corde contracto in systole per arteriam pulmonum ejicitur, tum per venæ pulmonariæ exiles ramos in illius truncum, tandem in sinistram cordis sinum sese exonerat; unde in magnam arteriam, atque in illius capillares ramos cum impetu erumpit, quasi à centro ad circumferentiam pulsus. Ab his arteriis per interjectos carnis meatus in venulas revertitur, ex quibus in majores ramos, tandem in truncum venæ cavæ,

ac rursus in dextrum cordis sinum effunditur. Qui circuitus sanguinis nostra ætate ab Harvæo Anglo est deprehensus, & tot demonstrationibus munitus, ut non aliud sit in tota Physica & Medicina utilius inventum, & uberius probatum. Præcipuas hujus circulationis, demonstrationes afferemus, non ut paresceret, & res tam præclara postulare, dilatatas, sed contractas admodum, ut qui ad instituti operis finem properemus.

Primum itaque sanguinem ex corde in arterias, ex iis in venas ad cor refluere, ex ipsius cordis fabrica & motu colligitur. Nam singulis pulsibus aliquid sanguinis è corde in arterias erumpit: cumque intra unius horæ spatium ter mille & amplius arteriæ pulsus numerentur; etiam si una aut altera tantum gutta sanguinis unoquoque pulsu è corde proflueret, necesse omnino foret ut sanguinis massa cor intra unum aut alterum diem tota pertransiret: ac si non rediret sanguis, brevi cor sanguine destitueretur. Verùm hoc argumentum multo fiet illustrius, si quæ jam diximus, paulo attentius considerentur. Nam in unaquaque cordis systole ventriculi cordis penè toti exhauriuntur, neque una aut altera sanguinis gutta, sed semi uncix & amplius pondus erumpit; idque multis adhuc liquere potest argumentis.

1. Quod non guttatim sanguis in cor influat, & nisi pateat sanguini exitus brevi animal præ copia sanguinis suffocetur. 2. Compressa vena cava ubi è jecore ascendit, brevi versus cor inanitur, ac depletur;

compressa itidem aorta cor statim usque ad livorem intumescit, & turgēt prae sanguine. 3. Secta aliqua arteria, intra unius horæ quadrantis spatium, & longè citiùs totus sanguis effluit, qui tamen è corde manat: nec facilè sisti potest, donec animi deliquium accesserit: tum enim cessante cordis pulsu, salientis cum impetu sanguinis vis infringitur. Hinc laniones postquam bovem percusserunt, statim unam ex cervicis arteriis secant, ex qua sanguis brevi omnis profluit: imo vel è secta vena cito totus sanguis effluit, & cessante cordis motu prae timore nulla est sanguinis eruptio, discusso timore sanguinis quoque fluxus redit. 4. Huc etiam accedit quod in vivo animali, secto cordis mucrone, ubi digitus immititur, is in systole arctè comprimitur, adeo ut cor totum penè exinaniri necesse sit. 5. Qui aquas minerales bibunt, tantam per urinas feri copiam reddunt, quantum ferè est sanguinis in corpore: & tamen aqua illa tota unà cum sanguine utrumque cordis sinum pertransiit, priusquam per renes à sanguine secreta fuerit.

2. Sanguinis circuitus, & per venas in cor relictus ex ligaturis ipsis non rationi tantum, sed oculis subjicitur. Hinc ligato brachio, ut in venæ sectione fit, venæ infra ligaturam intumescunt. Quod sanguis per arterias quas vulgaris ligatura non stringit, protrusus, & per venas remeans velut objecta mole sistatur. Hinc sectione peracta vena infra ligaturam digito premi solet, ut sanguinis fluxus inhibeatur. 2. Hoc ipsum quivis in manu ere-

PARS TERTIA. 341

sta, dum pateant venæ, experiri poterit. Nam si propè venarum nodos, digito premas majusculam, statim ea versùs brachium detumescet, versùs extremam manum facta tumidior, quod sanguis ab extremis partibus ad cor fluat, non vicissim. 3. Cum una ex venis brachii secatur, statim omnes detumescunt, quod magna sit inter venas communio: sed à venis per arterias sanguis ad cor non refluit: neque id fieri potest ut novus indefinenter sanguis à corde in arterias citra circulationem erumpat: ea sanè ejaculatio non finit sanguinem è venis per arterias tam leni motu refluere.

Idque confirmatur ex vena cava parum infra cor ipsum ligata, aut pressa; tum enim, ut diximus, pars cavæ intra ligaturam, & cor ipsum statim exinanitur, reliqua ultra ligaturam intumescit; cordis motus statim cessat, & auricula dextra unà cum subjecto ventriculo sanguine destituitur. Soluta ligatura sanguis suo itinere penè ut aqua fluminis in pistrini rotam delapsa motum auriculæ, & cordis promovet. Sic pressa pulmonum arteria inter cor & pulmones statim ea intumescit, & cordis ventriculus multum distentus suffocationem minatur. Itaque intercepta vena cava aut pulmonis vena, defectu sanguinis sequitur extinctio; intercepta verò altera ex arteriis, seu pulmonari quæ à dextro cordis sinu oritur; seu aorta, ex sanguine in corde diutius retento fit suffocatio, & summa ventriculorum cordis distentio. Quæ omnia evincunt sanguinis motum è dex-

tro cordis sinu in pulmones niti, ex iis in sinistrum cordis ventriculum, unde in aortam, ex qua in totum corpus impellitur, hinc rursus per venulas in majores ramos, tum in cavæ truncum; sicque animalis vita, calor, & nutritio perenni sanguinis per cor circuitu perficitur: ut ex aquis vapores, ex iis rursus pluviae, fontes, rivuli, flumina continua circulatione generantur.

Idque jam notissimo experimento illustrari potest. Nam injectus liquor per truncum venæ portæ ramulos venæ cavæ in jecore dispersos subit, & suo se colore prodit: hinc per truncum venæ cavæ in dextrum cordis sinum; unde in pulmonum arteriam, ex qua in venam pulmonariam, atque in sinistrum cordis ventriculum, tum in aortam impellitur: deinde per emulgentes arterias in renes deducitur: adeo ut non aliud magis quam in eam viam sanguis, demonstret, quàm hoc ipsum experimentum.

Addam & illud celeberrimum, quo scissa in femore, aut in jugulo arteria, sanguinem ex parte cordis viciniore, non ex parte ulteriore, quæ est à corde remotior, exilire cernimus. Contra in vena secta contingit. Nam portio venæ cordi prior nihil penè sanguinis emittit: cum pars ulterior largè sanguinem effundat. At si arteriam venæ proximam ligaveris, tum sanguis è vena secta non fluit, laxato vinculo statim profluit.

3. Circuitum sanguinis valvulæ in venarum internodiis, & earum divaricationi-

tionibus conspicuæ omnino demonstrant. Eæ quippè ut supra diximus, nihil sunt nisi membranulæ ex interiori venæ tunica crescentis lunæ formam imitantes, & ita dispositæ, ut sanguini ad cor transitum præbeant. Duæ ut plurimum ita conjunguntur, ut cor versus sint concavæ: hinc sanguini ad cor remeanti obsequuntur. At si sanguis proprio pondere, aut alia de causa versus extrema corporis remeare conaretur, obstant eadem valvulæ, quæ sanguinis lapsu distenduntur, nec sinunt eum à trunco ad ramos contendere. Idque ut diximus, vel in manu ipsa experiri quivis potest, si venam propè internodium, ubi semper est aliqua valvula, digito presseris. Tum enim vena versus cor inanita, pars illius altera, & à corde remotior intumescet. Nullæ autem sunt ejusmodi valvulæ in arteriis: nihil enim est periculi ne sanguis magna vi à corde impulsus per arterias regressum tentet.

Cum itaque pars venæ infra valvulas posita comprimitur, vel à fibris circularibus, quæ ut in intestinis, sic in arteriis & venis motu, ut aiunt, peristaltico & vermiculari tunicas vasorum stringunt, vel à circumjectis musculis: tum venæ tubus arctatur, & sanguis ad partes oppositas pellitur: illa pressione exhauriuntur sacculi, seu valvulæ, & sanguis per rimam interjectam se insinuat; qui ubi pertransiit, mole sua iterum implet valvulas, aut sacculos, iique interjectam rimam occludunt. Tum pars venæ supe-

rior constricta sursum impellit sanguinem ; & forsitan non fluxu continuo , sed interpositis morulis ope valvularum sanguis promovetur . Etsi pars venæ inter valvulas intercepta , ubi premitur impetum omnem pressionis versus cor , ubi liber est commeatus , transmittit .

Neque illud verè dici potest , eò tantum appositas esse valvulas , quò descensum sanguinis impedian . Nam ubicunque eæ fuerint , motum sanguinis à trunco ad ramos impediunt . Hinc stylus à ramulis versus majores facillè subire potest , non item à majoribus versus exiles ramos : ac ne injectum quidem liquorem facillè admittunt , nisi ubi nullæ sunt valvulæ , ut in pulmonibus . Infinitas hanc in rem afferri posse rationes non ignoro : hinc enim totius vitæ œconomia pendet ; hinc mörborum causæ innotescunt : verùm ista Medicis relinquimus . Nunc igitur quæ contra opponi solent ab iis qui ratiunculas potius quàm experimenta consectantur , videamus .

Solvuntur objectiones .

Multa opponunt magis inquirendo , & alias ex aliis difficultates nectendo , quàm ratiocinando . I. Non posse concipi quò fieri possit ut sanguis tam cito ex arteriis in venas commeet : quandoquidem inter illa vasa nulla est communio , nullæ sunt anastomoses , seu vasorum inoculationes , nec venarum ostiola cum arteriarum itidem ostioliis conjunguntur .

Addunt illud quoque , vim nullam adesse

sequæ sanguinem propellat in capillares venas . Nam vis cordis impellens sensim debilitatur , nec venularum orificia semper patent ; neque ossis habent firmitatem ; sed sæpius connivent, aut collapsa clauduntur . Nec demum musculorum pressio sanguinem exprimit in venas ; sanguis enim vel cessantibus musculis venulas subit . Imo intra ossium cavitates , & in ipso cerebro venulæ sanguinem excipiunt .

Resp. Ut nullæ essent ejusmodi anastomoses, sanguinem tamen posse per cæcos carnis aut viscerum meatus venas ingredi : ut aqua pluvialis per terræ poros in venas quasdam , hinc in fontes confluit ; aut succus nutritius in plantis per radices , & fibras filtratur . Hunc autem sanguinis per carnes spongiosas transitum plurimum adjuvat continua sanguinis à tergo urgentis pressio , & musculorum motus tensivus . Rem verò ita esse & sanguinem per carnes ex arteriis in venas permeare , hinc colligere possumus , quòd sanguis ubicunque carnem vel acupugneris, effluat : cum tamen vix credibile sit venas aut arterias ita per totum corpus diffundi, ut nulla sit pars adeo minuta, quæ vena , arteria , & nervo non donetur . Quocirca non alia penè ratione effusus sanguis à venis excipitur, quàm spongiæ , tubuli vitrei , filtra, funiculi & porosa quæque corpora aquam sibi contiguam velut exsugunt : nempe ob fluidi gravitatem , & impulsu à vi externa profectum . Nam ut in filtro, ita ferè sanguini retro urgenti impetus accedit . Jam in majoribus venis fibræ circulares & val-

vulæ hunc motum promovent . Adde inspirati aeris pressionem , vim elasticam ambientis aeris , viscerum varios motus . Quæ omnia simul juncta continuum in venis sanguinis motum efficiunt . Idque facilius concipitur , si ut videtur Vernæo , neque abhorret à verisimili , non modo musculi , sed & glandulæ , imo & ossa fortassis , atque omnes penè corporis partes non aliud quiddam sint quàm tubuli variis modis contorti , ut in plantis cernere est . Nam si res ita sit , intellectu non est arduum , qui fieri possit ut sanguis ab arteriis in venulas per continuatos tubulos jugi fluxu dimanet .

Opp. 2. Illud probari nunquam posse , impuri sanguinis excrementa ad cor deferri , aut corruptum , & æstuantem sanguinem in febre putrida cor & pulmones totum pervadere . Deinde si sanguis tam celeriter per cor moveatur , cur una potius quàm altera secatur vena , cui tandem usui est revulsio ? ut cum tumor & dolor unam partem afficit , ex opposita sanguis mittitur . Quomodo in venis varicosis , aut distentis fluere sanguis poterit ?

Resp. Prius sensum , & experientiam consuli oportere , quàm ejusmodi incommoda excutiantur . Primum itaque non omnia excrementa sanguinis , nisi quædam utilia , cujusmodi est lympa & interdum bilis ad cor remeat : non crassior pituita , non urina . Neque id credimus cor adeo esse delicatulum , ut impuri sanguinis transitum ferre non possit . Nec mirum si in febre ardente sanguis æstuaus pulmones infestet , & anhelosam

fam efficiat respirationem . Cum enim lentior est sanguis , aut viscidior & effervesceat , tum per angustias pulmonum , & arctissimos tubulos transire non potest . Unde in iis hæret , extravasatur , inflammatur , & vasa plerumque nimium distenta rumpuntur : hinc peripneumonix . Simili modo cum sanguis lentus & effervesceat in arteriis quæ pleurim seu costarum membranam irrigant , concrevit , pleuritis oritur : ac sæpè unus affectus alterum comitatur , quod eadem sit sanguinis diathesis , aut dispositio . Hinc in utroque affectu sanguis è vena secta emissus aut crassior est , aut pellicula viscida & alterius à sanguine coloris obducitur : quod succus nutritius in sanguinem commutari non possit , & vetus tantum cruor nimium excoctus permaneat . Hinc utrique affectui sales alcali & nitrosi , qui sanguis fluorem conciliant , utiliter adhibentur . Sed de his obiter .

Nec fortè tanta est in revulsione utilitas , quantam Veteres credidere . Quanquam fieri potest ut massa sanguinis non sit sui ubique similis ; aut eadem celeritate ubique moveatur . In quibusdam fortè visceribus magis percolatur , in aliis crassior manet .

Cum sanguis in toto corpore vitatur , aut pulmones soli male sunt affecti , tunc ex quacunque parte , aut vena sanguis educatur ; perinde est , dummodo sanguinis quantitas imminuatur , atque illius textura immutata , qualitas etiam immutetur . Sed ubi pars aliqua , ut pleura , aut remotior alia quæ vis inflammatione laborat ,

tū id pertendit L. Bellinus non ex vena ejus lateris, sed ex ea quæ alio ex trunco oritur, sanguine primum mitti oportere. Cum enim vena inciditur, sanguis qui per arteriam huic venæ continuam à corde manat, majore cum impetu per eandem arteriam protruditur, quod illi pateat exitus. Hinc fit ut secta vena sanguis uberior per eum venæ ramum decurrat: qui quidem ramus si parti inflammatae sanguinem suppeditet, tum sanguis per angustias partis inflammatae interceptus ægrè fluit, & partes illius crassiores manent irretitæ; adeo ut tumorem plerumque & inflammationem augment; idque maximè, si aperiatur vena inter partem affectam & cor. Quare tutius videtur sanguinem mittere primum ex ramo qui ab alio trunco ducitur; tum ex ramo ejusdem trunci, sed qui in partem oppositam abit, postremo ex ramo ejusdem lateris mitti potest. Quod si pars affecta sit ex. gr. inter poplitem & extremum pedem, ubi sanguis à circumjectis partibus minus comprimitur, & tardius fluit, tum vena secari poterit inter partem affectam & extremum pedem, postquam in parte opposita missus fuerit; adeo ut revulsione nomen non penitus inane videatur: eaque sit adhibenda, cum scilicet periculum est ne major sanguinis copia in partem affectam irruat.

Sed, *inquiunt*, vix explicari potest quæ sit hujus circuitus causa effectrix, qui finis.

Resp. De causa effectrice jam à nobis fuisse actum fuisse, ac finem hujus motus esse

esse multiplicem. 1. enim hoc perenni motu fluorem suum & calorem sanguis tuetur. Nam ubi quiescit, statim varii ex quibus constat liquores, in suas quique discedunt partes: fibrosa & potissima sanguinis substantia concrevit; serosa innatat; calor congenitus diffatur.

2. Totius sanguinis motus ex arteriis in venas, ex his rursus per cordis ventriculos in arterias, vitam, partium calorem, & sanguinis lenem fermentationem efficit. Non enim, ut diximus, fluor sanguinis diu permaneret, nisi illius massa continenter instar fluminis moveretur: sed neque hic motus jugis esset, & continuus, si partes sanguinis insensibiles intestina quadam motione non agerentur. Nam partes in motu & figura dissimiles spatiosa corpore aliquo subtili, quodcunque illud sit, plena admittunt innumera. Sic partium dissimilium facilis adhæsiō vitæ inimica non aliter quam earum indefinēti motione arceri potest. Equabilis enim illa partium sanguinis mixtio fieri nequit, nisi eæ tennes sint & divisæ: quod motu ipso & attritu partium omnino perficitur. Huc omnis vasorum & viscerum structura tendit, ut sanguis per arctos meatus subeat, in iis tanquam cribris percoletur, & iteratis distillationibus cum leni fermentatione conjunctis partes illius ex crudis maturæ, ex fixis fiant volatiles.

3. Nisi extremæ corporis partes novi sanguinis allapsu identidem perfunderentur,

ex-

externi aeris frigore, & calore omni, & vita facile destitutæ apparerent. Neque enim necesse est alium calorem vel innatum vel influum, aut vitales spiritus à sanguine discretos comminisci. Sanguis in cordis ventriculis ut in officinis publico usui destinatis in omnes partes propellitur, quod eas vitali calore perfundat: quin & impulsore eger, ut nutriendis partibus adhæreat: ac jam identidem diximus partes sanguinis heterogeneas crebro circuitu una misceri, excoqui, perfici, & per diversa viscerum cribra percolari: excrementa etiam hoc motu sanguinis disjiciuntur; partes subtiliores in liquorem spirituosum exaltantur: adeo ut universa corporis machina hoc potissimum sanguinis motu regatur.

Verum instant acrius, & quærunt cur sanguis tardius per venas refluat, quam per arterias impellatur.

Resp. Sanguinem cum impetu in arterias propelli: sed impetus ille paulatim marcescit: adeo ut in minimis arteriis jam nullus sit. Quare & fibris transversis venarum, & pulsu arteriarum, quæ venarum ubique sunt comites, & pressione musculorum in habitu corporis, & motu diaphragmatis in visceribus, sanguis in venas remeat. Hinc fit ut in strangulatis arteriæ sanguine prorsus vacuæ appareant: cum venæ adhuc cruore repleantur. Cum enim pulmonum motus primum deficiat, vigente adhuc cordis motu, sanguis à sinistro cordis sinu in arterias cum impetu ejicitur, nec interim novus à pulmonibus in eum cordis ventriculum influit. Hinc brevi arteriæ inanes fiunt:

unt : magno tamen argumento sanguinem singulis pulsibus à corde in arterias uber tim manare . Unde ligata propè cor aorta , statim carotides , aut quæ in jugulo sunt arteriæ , inanes videntur , non venæ . Ex quo quidem efficitur sanguinem non è venis in arterias commeare , sed potius ex arteriis in venas profluere .

Verum ista fient illustriora , cum de arteriarum structura & pulsu dixerimus .

C A P U T I V.

De arteriarum structura & pulsu .

QUO sanguinis motus & circuitus melius intelligatur , operæ pretium fuerit iis quæ de arteriarum usu & fabrica strictim attigimus , quædam scitu digna sub-
 jicere . Ac primum quidem ut ab arteriarum fabrica ordiamur , hanc D. Vvillis in priori dissertatione Pharmaceutices rationalis accurate describit . Quo autem omnes aortæ tunicæ in conspectum veniant , pars illius in aqua fervente identidem immergatur , ut fibræ fiant tumidiore , tum scalpelli ope quatuor membranæ aut tunicæ non ægre divellentur . Extima tenuis est , & ex variis nervorum funiculis contexta , ut interior illius superficies densam sylvam vasorum omnis generis recte exhibet : nam fibræ nerveæ cum vasis sanguiferis varie permiste , atque ex iis vasis exiles furculi in subjectas membranas permanant .

2. Hanc retiformem tunicam altera excipit glandulosa , quæ serum superfluum ab arterioliis excipit , priusquam sanguis in
 vena.

venulas remeet. Sic in ventriculo & intestinis tunica interior est glandulosa plexui vasorum retiformi itidem subiecta.

Tertia, eaque præcipua arteriæ membrana pene est musculosa ex fibris annularibus contexta: neque ut in venis circulares illæ fibræ tenues sunt & raræ, sed alię aliis aggeruntur, & densam efficiunt mēbranam; nec dissimiles sunt fibris motricibus ventriculi & intestinorum. Eas quippe in eundem fere usum aptatas esse satis est verisimile.

Existimat enim Author laudatus arterias vi pulsifica esse præditas, quę in motu quodam peristaltico posita est. Nam fibræ illæ circulares quæ arteriæ ductum ubique cingunt, non otiosę sunt, sed perpetuo diaholes & systoles motu, ut cor ipsum & omnia pene præcordia dilatantur & contrahuntur; idque successive efficitur, ut de intestinis diximus; nec solo cordis motu sanguinis circuitum effici verisimile est, sed arteria contracta eum à tergo urget, & per angustiora quæque loca eum prorsum impellit. Quod autem æquabilis ille sanguinis motus penes diversos animi motus sæpe perturbetur; id ea ratione fit, quod instinctus ad motum per fibras nerveas, quę arterias stringunt, deferatur. Unde interdum arteriæ subito constrictæ sanguinem sistunt, interdum vehementius impellunt, ut in tristitia & timore sanguis ægre à cordis sinu in arterias propellitur: hinc stagnat sanguis & cor opprimit.

Huic membranę reliquæ serviunt nam quarta & ultima tenuis est ex fibrillis in re-

ctum

Etum porrectis composita: ac sensu forte aliquo est prædita, ut muscularem tunicam ad motum excitet.

Arteriæ minores quæ intimam primæ tunice partem obducunt, succum nutritium & vitalem, ut in aliis corporis partibus advehunt, quem venæ referunt. Vasa sanguifera à fibris motricibus sejunguntur, ne sanguis eas fibras proluens interdum eas obstruat, & inflammationem creet, Unde huic membranæ retiformi alia glandulosa coheret, ut serositates superflue statim ab iis glandulis excipiantur, nec motrices fibras afficiant.

Sæpe evenit, ut pulsus in corde non cesset, tametsi in carpo feriari & intermitti videatur: quod unaquaque systole non satis sanguinis in aortam propellatur, ut ea distendi possit, idque interdum accidit in malignis febribus, cum pulsus creber est & debilis.

Cum autem motus cordis etiam in sanis & validis suspenditur, tum plerumque aut nervi, aut spiritus animales in vitio sunt: tum enim spirituum copia deficit. Unde qui pulsum satis vegetum habent, & intermittentem, hi sæpe capitis doloribus, & vertiginosis affectibus, imo & apoplexiæ sunt obnoxii: cum scilicet nervi cardiaci primum non satis sunt expediti & aperti, deinde omnino obstruuntur. Sed aliis quoque ex causis pulsus intermittitur.

Hæc utique de pulsu arteriarum magna probabilitate differit Villisius, nisi quod egre assentior motum illum peristalticum arteriarum tam subito, atque
ut lo-

ut loquitur ictu oculi citius per ductus arteriarum perfici. Nam ubi hic motus vermicularis perspicitur, ut in œsophago & intestinis, hic successive fit & paulatim, ac vix concipi potest fibras circulares in arteriis seriatim & successive fieri, & intra arteriæ pulsum omnes contrahi. Iam vero qua ratione pulsent arteriæ ex dictis facile colligitur, idque Bellinus, ut cætera accurate explicat. Cum universa arteriarum compages plena est sanguine, & cor cum impetu sanguinem ventriculo sinistro contentum in aortam impellit, hanc distendi necesse est; nam ejus membranæ sunt ejusmodi ut multum diduci queant; nec liquor qui arteriis continetur, comprimi, aut arctari potest. Unde instar duri & solidi corporis prorsum impellitur usque ad capillares arterias. Sed prius arteriæ simul distentæ pulsant, & digitum carpi admotum feriunt, eodem tempore, quo mucro cordis in systole pectus ferit. Sanguis in arterias trudi nequit, cum plenæ sunt, nisi exitum habeat, quique extremis inest arteriis, aliò impellatur: quo quidem cedente, arteriarum tunicæ subsidunt. Unde impetus ille à corde profectus, quique prope cor ipsum admodum est vehemens, sensim imminuitur adeo ut in capillaribus arteriis nullus sit amplius pulsus. Impetus quidem ille simul & eodem tempore per omnes arterias diffunditur: quasi sanguis instar duri esset corporis; cumque distendantur arteriæ musculos superpositos attollunt nec motus ille percipitur, ubi profundior est arteria & altius demersa: cedunt enim partes circumjectæ.

jectæ, & impetum illum frangunt. At si arteria cuti sit proxima, eaque ossi aliquo fulciatur, tum digito admoto pulsatio facile percipitur, in iis maxime qui minus sunt obesi. Quæ enim parte ossi innititur, pulsare nequit, cum os non cedat. Sed omnem suum impetum in cutem exerit, ac digitum prementem ferit.

Quare longe id verisimillimum videtur quod D. *Perrault* circa arteriarum pulsus & continuum sanguinis motum tradidit ex structura earum depromptum. His quippe duplici fibrarum genere, quarum aliæ dilatentur, aliæ contrahuntur, ut cordi forte & plerisque visceribus non opus fuit, cum ipso sanguinis impulsu, non sine aliqua resistantia dilatentur: obstant enim fibræ, quibus arteriarum tunica densa & firma compingitur: nam vis earum omnis & actio contractione continetur: sed sanguis cum impetu irrumpens vim elasticam fibrarum vincit. Verum eadem vi elastica fibrarum sanguis in cordis diastole ulterius, ad extremas videlicet & minores arterias licet minore impetu propellitur; sicque motus in arteriis continuus est, non solum in earum diastole, sed etiam in systole, cum membranæ tensæ resiliunt, & ad statum suum naturalem redeunt. Unde sanguis jugi impulsu actus per ductus angustiores & remotiores com meat.

Id utique exemplo machinæ quam olim faciendam curavit, quæ in Bibliotheca regia asservatur, pulcre explicat Vir clariss. In hac quippe machina aqua continuo motu exsilit, tametsi interrupto impetu, cujus-

cuiusmodi est cordis motus, erumpat. Verum ea facilius ex figura ipsa, quam ex sola verborum descriptione intelligetur. Hæc itaque constat primum Antlia, A, cuius embolus est B; illius antliæ valvula, vulgo *soupape*, e: cum deprimitur embolus B, ea valvula referatur, & aquam in aliud vas ollæ non dissimile per tubum o, & valvulam f, cum impetu irrumpit, tum per tubum E sursum erectum exprimitur. Cum autem aqua facilius ollam C subeat, quam per tubum E prorumpat, nec regredi possit in antliam, ob valvulam f, quæ reditum prohibet, pars ollæ aqua impletur, & aer in parte illius D. comprimitur, qui sublato embolo B, vi sua elastica aquam C premit, & per tubum E sursum adigit: adeo ut aqua ex olla jugi impulsu sursum pellatur. Unde hujus generis machinæ nonnullis in locis solent extinguendis incendiis utiliter adhiberi: quod aqua continuo & non interrupto fluxu exprimitur. Quare dum embolus alternis vicibus deprimitur & attollitur, idem efficit quod cor ipsum systole sua & diastole: aer vero parte ollæ D conclusus, qui vi sua elastica aquam expellit, idem præstat quod densa & firma arteriæ tunica, quæ suo resultu sanguinem prorsum urget. Nec necesse est ad motum peristalticum adeo præcipitem recurrere: nisi forte eo nomine donemus motum illum dilatationis, & compressionis qui ex respiratione, atque ex diaphragmatis, imo & muscutorum motu proficiscitur: quo utique motu venæ & arteriæ indefinenter pressæ motum sanguinis accelerant. *Vide fig. 3. in tab. 8.*

Id ve-

Id vero, ut copiosè explicat Author laudatus in dissertatione de motu peristaltico, aliter in arteriis, aliter in venis efficitur. Venis in omnibus fere ramorum divaricationibus suæ aptantur valvulae, quæ regressum sanguinis & quasi refluxum inhibent. Quare ubi à circumjectis visceribus aut musculis premuntur, sanguis in ea tantum parte venæ quæ inter duas valvulas intercipitur pressus, à circumferentia ad centrum, seu à minoribus ad majores ramos versus cor promovetur, pars enim quæque venæ aut lymphæ ductus inter duas valvulas comprehensa est instar unius vasis integri. Contra arteriæ cum valvulis, nisi in basi cordis, destituantur, omnes unum quoddam vas simul efficiunt, & una ex arteriis pressa sanguis æquabiliter in omnes partes propellitur. Sed sanguis versus cor pressione arteriarum non refluit, quod majores arteriæ & cordi propiores, cum eadem sint crassiores, externæ pressioni magis resistent; in iis vis elastica qua se contrahunt, fortior est: unde sanguinem refruere non sinunt, sed versus extremas corporis partes eum indefinenter propellunt.

Quod utique non efficerent arteriæ si earum tunicae laxiores essent, & facile dilatibiles: idem enim efficerent quod tubus E in machina superius descripta: nam si is dilaretur, aquæ impetum multum infringeret. Contra si arteriæ membrana dilatari nullo modo posset, sed instar tubi cuprei firma esset, & suæ figuræ tenax, tum sanguis non continuo, sed interrupto impetu fluere. Itaque sanguis non
fine

sine vi quadam in arterias impelli debuit, nec arterias nimium huic motui obsequi oportuit, ut is comprimi, subigi, & velut concidi posset: quod utique non fieret, si arteriarum tubi nimium obsequentes & dociles forent.

Eum quidem nactæ sunt statum arteriæ per cerebri substantiam diffusæ: nam tunicam crassiorem eo loci exuerunt. Unde & in qualibet diastole multum dilatatæ substantiam cerebri mollem forte attollunt. Neque enim id tanquam certum asseverem, cerebrum diastoles & systoles motu continuo agitari, cum alterni hi motus ex arteriis quæ in membrana cerebri conspersæ sunt, oriri possint: cum tamen vel minima per cervicales, aut carotides arterias insufflatio cerebri substantiam attollat, id negare non ausim, motum illum reciprocum dilatationis & contractionis ut visceribus pene omnibus, sic cerebro à natura esse concessum. Ac de motu quidem sanguinis & arteriarum naturali hactenus.

C A P U T V.

*De perturbato cordis & sanguinis motu, ubi
pauca de febribus.*

CUm in hac tertia Physices parte id sit nobis propositum ut viventium vires, functiones, affectus & organa, quantum instituti operis brevitatis finit, explicemus, non possumus hoc loco præcipuum cordis & sanguinis, & imò totius corporis affectum, febrim

febrim scilicet omnino prætermittere : sed neque id à nobis quisquam exegerit , ut hoc argumentum fufius quam Physicum de-
cet , pertractemus : medendi rationem & methodum Medicis relinquemus , in natu-
ram & caufas febrium paulò diligentius in-
quirere contenti .

Cum autem febris ex perturbato cordis & arteriarum motu , & hic expulſu digno-
ſci ut plurimam ſoleat , perpauca de pul-
ſuum differentiis dicenda ſunt ante brevi-
ter .

In ſanguine ut in aliis liquoribus duo ſunt motus , unus ſenſibilis & totius velut fluminis , quo à venis in cor , & pulmones , hinc in arterias indefinenter movetur ; al-
ter eſt partium inſenſibilium , qui fluidita-
tem ipſam , ut ſæpe diximus , efficit ; iſque ut exceſſu peccat , aut defectu , motum quo-
que & circuitum totius ſanguinis aut acce-
lerat , aut retardat . Hinc variæ ut cordis ſic arteriarum dilatationes & contractiones , diverſæ adeo pulſus differentiæ oriuntur ; quas diligentius perſequi hoc loco non poſ-
ſumus .

Omnes tamen pulſuum differentias ſatis commodè ad tria hæc capita præter cæteros Gildo Harvæus reſert , ad robur , ad mo-
tus velocitatem , & æqualitatem . Cum roboris habetur ratio , tum pulſus dicitur fortis , aut debilis ; magnus & parvus ; ple-
nus & vacuus . Cum ſanguis ſale volatili abundat , aut firmæ ſunt cordis & arteria-
rum fibræ , tum pulſus fortis eſt & magnus ; in febris plerumque fortior apparet , quod digitum validius feriat : ſed tum potius violen-

violentus dicendus est quam fortis: unde ut plurimum vacuus est, non plenus: tumque ut Auctori quem mox laudavimus, videtur, sal volatilis corrosivus & acrior hunc pulsum violentum efficit. Contra ubi sanguis est aquosior, & actiosa principia deprimuntur; aut ubi fibris destituitur, aut cor laxum est non firmum, tum pulsus est imbecillis, vacuus, & parvus. Interdum in febre debilis admodum apparet, cum tamen postea brevi reviviscat, quod crassior & crebro circuitu ad justam coctionem perveniat citra magnum salis volatilis, aut spirituum dispendium.

2. Cum motus ipsius habetur ratio, pulsus aut velox, aut tardus, creber, aut rarus dicitur, cum repetitis & frequentibus ictibus arteria digitum ferit, aut cito à diastole ad systolen transit, velox est, & creber; rarus è contra. Ubi sanguis minus est densus, aut cum est uberior, aut sale volatili magis abundat; tum is citius fluit, atque ut vulgo creditur, facilius accenditur.

In febre celerius sanguis ab uno cordis sinu ad alterum ut plurimum trajicitur; in malignis tamen febribus cum vis pulsifica languescit, tardius plerumque movetur sanguis.

3. Æqualis dicitur pulsus, tum motus, tum roboris habita ratione: ubi sanguinis crasis est temperata, ab extraneis & heterogeneis expurgata, tum est æquabilis: cujus varias afferunt species. Pulsus igitur non est aliud quam arteriæ alterna dilatio, & contractio; dilatatio quidem arte-
riæ

PARS TERTIA: 361

riæ quodammodo violenta dici potest, fitque ab impetu sanguinis, qui à corde proficiscitur. Cor enim solum movetur etiam sine sanguine, & aliquandiu pulsatur; sanguis moveri nequit nisi à corde. Cum arteria est angustior, tum pulsus plerumque major est & fortior: sic ubi tunica ejus durior est, minus distenditur, neque adedò digitum tam validè ferit. Cum pulsus satis fortis est, nec durior est arteria, tum facilè percipitur. Sed tum fortior erit quam par sit, quando spatium quod percurrit arteria, majus futurum est, tumque magnus is dici solet. Quod si excedat propter impetum, vehemens dicitur & validus: quando plenæ sunt arteriæ pulsus efficiunt magnum & plenum: nisi fortè cor ipsum minus validè contrahitur, neque sanguinem satis magno impetu propellit: tum enim ratione impetus, parvus & debilis pulsus futurus est. Sic interdum pulsus est tardus cum sanguis est viscidior, & lentius ex arteriis in venas permanat. Unde arteria diutius digitum premit; ubi sanguis fluidior est, tum pulsus fit celer: quod si inter duos arteriæ ictus perparum temporis intercedit, frequens dicitur; rarus è contra; durus aut mollis ut arteria itidem est dura aut mollior. Atque hæ sunt præcipuæ & simplices pulsuum differentiæ. Nam de compositis agere nostri non est instituti, nunc de perturbato sanguinis motu dicendum.

Inter Medicos quæ sit febris natura, quæ causæ, summa dissensione pugnatur. Vulgò ab iis definitur, calor con-

tra naturam in corde accensus, & ex eo per spiritus & sanguinem in arterias, venas & totum corpus diffusus, actionesque naturales ledens. Hunc verò calorem ab humoribus in vasis aut extra vasa putrescentibus excitari veteres definierunt. Alii negant solo calore febris naturam contineri, aut ignem febrilem in solo corde accendi: quando enim sub initium paroxyfmi cum rigore aut horrore totum corpus concutitur, jam febris adest, nec dum calor se prodit: quin etiam sæpè ex vulnere, aut ex visceris alicujus inflammatione febris oritur. Negant sanguinem qui in vasis continenter movetur, tam facile putrescere, aut tam citò ad statum naturalem revocari posse, si putridus esset & corruptus. Addunt sanguinem in primis saltem diebus ab ineunte febre sæpè purum & rubrum apparere. In hydropicis sanguis, pituita, & humore aquoso ad putredinem disposita abundat: & tamen plerumque febris omnis abest: cum è contra in biliosa & sicca temperie & à putredine longius remota febris facile accendatur. Sanguis febricitantium persæpè non discrepat à sanorum sanguine, & maximè in febribus acutis. Idem est sapor, odor, idem omninò albumen; colore sæpè differunt, sed idem quoque discrimen in sanorum sanguine contuemur. Cum ex abscessu aut tumore in extremo digito febris accenditur, non peccat sanguis. Deinde si is putrescit, & acrimonia sua cor vellicat, qua tandem ratione definit periodus febrilis? An fermentum quod.

P A R S T E R T I A. 363

quoddam in abdito corporis loco delitescit? Sed nusquam ferè in recessus sui copiam faciunt. Nec raro ex sola intemperie, ut ex nimio studio, exercitio, vigilia, febris oritur, nec ferè ullus abscessus febrim procreat; ac fermenta continuato motu, non interrupto agunt. Quamobrem juniores qui ad fermentationem uno fere consensu se recipiunt, ut febris naturam explicent, rem ipsam magis involvunt, quàm expediant. Quod enim placet Villisio in febribus oleum aut salem aut spiritus exaltari, & sanguinem præ fermentatione fervere: ut res ita se habeat, sæpe sanguis præ ira, aut æstivo calore non minus fervet citra febrim, nec crassim suam aut temperiem amittit. Nec adest copia olei aut sulfuris in sanguine. Imò non raro febris ex frigore oritur, ut in quartanis evenit. Sanguis febricitantium mitis est, non acer, estque sapore dulci, ac si qui spiritus acres è sanguine extillantur, ii quidem non erant ejusmodi in sanguine, sed ex igne eam contraxerunt acrimoniam.

Quod autem turgere sanguinem ob additionem fermenti, hinc probari contendunt, quod urinæ in febribus turbidæ appareant, id sanè non demonstrat præ copia aut admissione fermenti urinas perturbari. Hoc utique ex aliis fieri potest causis: vel enim in ipso stomacho, aut in glandulis mesenterii id vitii inest; vel in lymphæ, nec necesse est sanguinem in culpa esse. Præsertim cum urinarum corruptio perseveret etiam cum paroxysmi desierunt.

Deinde cum fermentatio omnis ad coctionem tendat, non ad corruptionem, ab ea

longissimè distare febris videtur, quæ ignitio potius dicenda esset, aut sanguinis inflammatio quam vera fermentatio. Et quidem cum vinum fermentescit, si tertiam ejus partem detrahas, statim quiescet, non ita usuvenit cum in ardente febre evacuantur venæ, etiamsi dimidiam sanguinis partem detraxeris, non statim extinguetur incendium. Lenis est & placida omnis fermentatio; calor temperatus spumam acriorem sursum tollit, partes tartareas in feces, seu in mucidum limum præcipitat: febris acri fuligine os & linguam inficit, & calorem adurentem procreat. Negant itaque non infimæ notæ Medici communi & confuso fermentationis nomine alterationem omnem, aut mixtionem, aut ebullitionem involvi oportere: præsertim cum fermentatio sic vinum & alios liquores afficiat, ut ex iis spiritus ardens exstillari possit, iique in acetum faciliè degenerent; neutrum vero, inquiunt, ex his in sanguine observatur. Huc denique accedit, in vino & aliis liquoribus fermentationem simul, & depurationem, ut vocant, fieri: in febribus autem ipsa depuratio febris æstus subsequitur, non comitatur, paroxysmo per sudores soluto. In eâ est sententia Alphonsus Borellus, febres potius ex succo nerveo acriore quàm ex sanguine corrupto, aut fermentescente procreari. Idem enim spiritus, aut succus spirituosus, qui cor placidè movet cû temperatus cor est, vehementius exagitat, ubi intemperiem aut mordacem acrimoniam contraxit. Ex motu concitato oritur sanguinis fervor, cum igneæ sanguinis particule

culæ vinculis solutę celerius moventur : ut cum sanguini extra venas misso spiritus volatilis admiscetur, tumenim fit ebullitio quędam . Febris character est pulsus vehemens , quem sequitur calor toto corpore diffusus : hic enim cordis commotionem sequitur ; non vicissim . Nam posito corporis, aut viscerum calore non semper sequitur vehemens cordis motio , ut in calore estivo , in potu aquarum calidarum cernimus : eadem igitur causa quę cor juxta naturę legem placidę movet , ubi augeatur, id vehementius commovet . Hinc vini spirituofus vapor languidas vires statim reficit, & pulsum reparat . Neque fumus ille per venas & pulmones penetrat , cum nullus pateat ad cor aditus : sed potius per nares & processus mamillares ad cerebrum primum , tum ad cor permanat . Sic malignus vapor statim vires prostermit . Simili ratione animi affectus varie cor exagitant : vel solus rei ingratę aspectus pulsum immittit , ut rei jucundę perceptio pulsum augeat . Quin & celerrima venenorum diffusio per nervos perficitur . Cum pus sit in pustulis , aut ulceribus , febris oritur : non quod pus ad cor perveniat : nihil enim cor à puris transitu in pleuriticis afficitur : sed quia succi noxii labes ad cerebrum per nervos traducitur . In morbo articulari succi salini & tartarei dum membranas & tendines exedunt, nervos irritant , & febrim sepe procreant : tametsi per sepe sanguis est innoxius . Multa in hanc sententiam afferunt non contemnenda .

Cum tamen voces illę fermentationis &

effervescentiæ, aut ebullitionis, (quæ sæpe nulla est,) jam obtinuerint, & usu sint receptæ, his uti possumus, dummodò pro perturbato motu, quo heterogenea quædam in sanguinis massa contenta secernuntur, aut nova illius dispositio acquiritur, fermentationis vocem usurpemus. Nam ut Clariss. Sydenham Doctor Anglus, qui de morbis acutis paucis abhinc annis conscripsit, pulchrè animadvertit, febrilis hæc commotio eò tendit vel ut materiæ heterogeneæ, & ipsi naturæ inimicæ secretio fiat: ut in malignis febribus cernere est, in quibus noxiæ & quasi venenatæ particulæ in sanguinis massa delitescunt in cutem vi illius commotionis, aut ebullitionis excernuntur: vel eò febrilis commotio collimat, ut sanguis novum statum assequatur. Hinc sæpè sani homines, in quibus nulla est ad morbum dispositio, febrim tamen ob errorem in victu, aut vigiliis, aut nimio exercitio corripuntur, quod alium sanguinis statum natura postulet: non quod in sanguine partes vitiosa qualitate affectæ delitescunt se prodant; aut quod ab aere infecto vis venenata & maligna, ut in morbis epidemicis, sanguinis massam subierit. Unde pleræque ejusmodi febres quas Auctor laudatus depuratorias vocat, sanari solent, cum sanguinis commotio intra naturæ modum ira continetur, ut nec plus æquo æstuet, nec nimium torpeat. Nam ex fervore nimio symptomata plerumque gravia & periculosa oriuntur; ex impedita fermentatione, aut commotione materiæ febrilis expulsio arceatur; neque eum sanguis statum quem affectat,

fectat, consequitur. Cum sanguis debilior, est, nec despumationem suam potest perficere, illius massa plerumque corrumpitur: quod partes vitiosas eliminare non possit: ferè ut vinum cujus fermentatio impeditur, vitium sæpe contrahit. Contra in juvenibus maximè, & in iis qui temperamento sunt sanguineo, nimium persæpè sanguis effervescebat: hinc nisi illius æstus deferbuerit, phrenesim, aut pleuritim, aut aliam inflammationem minatur.

Atque hujusmodi febris quæ depuratoria dici potest, & frequentior, & à natura ipsa excitata quodammodo videtur, ob regularem methodum qua natura materiam febrilem promovet, digerit, eliminat; eaque viget maximè cum febres intermittentes regnant. Huic potissimum aptantur quædam Hippocratis & veterum axiomata, quibus sic morbum regendum esse præcipitur, ut materia ad crism per sudores præparetur.

Sed aliæ sunt febres quæ cum epidemicis morbis sunt conjunctæ, & ex peculiari aeris constitutione pendent. Earum quippè natura est penitus diversa, nec eadem methodo solvuntur. Febris illa velut regularis, de qua mox diximus, cum diutius durat, aut nimis evacuationibus æger fuit debilitatus, in febrim intermittentem plerumque degenerat; non item febres, quæ aut pestem comitantur, aut variolas, aut morbillos, vulgò *la rougeole*, aut dysenteriam, aut alios epidemicos morbos consequuntur. Quare id meritò admonet, ut Medicus antequam de febris continuæ natura decernat,

quinam alii morbi, & cujus generis eo loci grassentur, attentius consideret. Etsi enim sunt quædam signa, aut symptomata omnium febrium generi communia ut calor, sitis, & similia: sunt tamen quædam cuique morbo epidemico propria, quæ fusè toto suo opere Auctor ille prosequitur, quæque ad nostrum institutum non pertinent.

Unum duntaxat è multis feligam: illud imprimis intuendum putat, an æger ad sudores sit propensior, an siccus toto morbi tempore permaneat. In eo febrium continuarum genere quod intermittentibus autumnò regnantibus vigeat, ægri externa arescebant, neque ante materiæ febrilis coctionem sudor apparebat, neque is excitari prius solebat sine magno ægrorum discrimine. In febre pestilentiali quæ Londinensis pestis tempore vigeat, & in peste ipsa nulli sudores spontè erumpebant, sed à primis diebus copiosus sudor excitatus ægrum statim levabat. Quod pars subtilior sanguinis in eo morbo infecta citius per sudores diffletur. Sic in febribus quæ varicellæ, & dysenteriam sunt consecutæ, ægri in sudores vel primis diebus difflebant; sed cum iis æger indulgebat, omnia in pejus ruebant: cum ii non à prævia concoctione sed à confuso partium noxiarum motu profluerent. Longior sim & molestior si cujusque febris continuæ naturam, & characteres explicare velim. Quamvis enim Philosophi omnia ut sibi propria vindicent, & Physicas imprimis rerum naturalium causas inquirent, sunt tamen certi cuique disciplinæ fines, quos transilire non licet,

licet, nisi fortè ut majorem lucem iis quæ tractanda sunt afferant, aut excursus ipse sua utilitate non careat. Quæ utique in ea quam tractamus materia potest esse maxima ut qui Phisicam experimentalem, & ipsam medendi artem cum Physica tam arctè conjunctam colunt, naturæ potius historiam & observationes certa ratione, & non temere factas consulant, quam ratiunculas ad libidinem effictas, & ipsius imaginationis ludibria.

C A P U T VI.

De natura febrium intermittentium.

DE intermittentium febrium natura ut Philosophis paulò uberius dicendum nobis esset, si de iis aliquid certi nobis liqueret. Sed cum non minus abstrusæ sint, quam æstus maris reciprocus, citius earum causam sustuleris, quam naturam perspectam habeas & cognitam. Quæ tamen à Doctore Anglo, ut nobis quidem videtur; & docto & experto, & nuperrimè ab eximio Bellino scripta sunt, paucis complectemur. Eæ quidem febres à continuis de quibus dictum est, in hoc differunt, quod natura in febre continua uno & eodem tempore depurationem sanguinis & noxiarum particularum expulsionem aggrediatur; in febre intermittente velut partitis vicibus noxiam & febrilem materiam eliminet. In continua febre alienis & noxiis corpusculis plerumque turgēt massa sanguinis, in febre intermittente singulis paroxysmis

Q 5 quod-

quodcunque ad secretionem paratum est, expungitur : sed interim manent morbi velut semina, quæ fructus suos statis temporibus emittunt.

In morbi initio horrore quodam, aut frigore totum corpus concutitur; sive is horror ex vi quadam naturæ irritatæ oriatur, ut plerumque evenit cum purgantia medicamina sumimus; sive ut satis est verosimile, partes nervosæ & membranosæ acrimonia particularum febrilium irritatæ hunc horrorem incutiant, ut in mulieribus hystericis plerumque contingit. Quæcunque sit hujus horroris aut frigoris causa, id certum est, qui ex febris intermittente moriuntur, eos pene omnes in ipso horrore interire.

Horrorem excipit effervescentia, qua febrilis materiæ partes ante disjunctæ & cum sanguine confusæ paulatim cœunt, & ad secretionem disponuntur : quæ ut plurimum sub paroxysmi finem per sudores efficitur: tum enim sanguis ut alii fere liquores materiam subactam, ut spumam inutilem, aut tartareas feces eliminat.

Neque abhorrent à verisimili Borelli de febrium intermittentium causis conjecturæ, eas potissimum in glandulis quæri oportere. In his enim plures nervuli sparguntur & vasa omnis generis. Fors est ut quidam, succus à nervis in glandulas ad insigne aliquod opus perficiendum traducatur. Ac subinde fieri potest ut occlusis glandularum meatibus, succus ille in nervis diu servatus in naturam animali alienam degeneret; aut pravi succi in glandulis collecti;

aut

aut aliunde adveſti, & noxii in nervos pervadant, & cerebrum afficiant. Cumque illa obſtructio ſenſim fiat, paroxyſmus per gradus intenditur. Serum ſanguinis ſticticam ſæpè hinc naturam acquirit: unde & rigor oritur, & pulſus contractus. Utcumque ea res ſit, obſtructiones vaſorum & ſales noxii, qui plerumque in iis morbis dominantur, expediri ſolent aut temperari cibo & potu tenui & aquoſo. Vix ſales ſeparari poſſunt ab humoribus, niſi dulcia adhibeantur menſtrua, aut ſalibus oppoſitis edomentur: eo fere modo quo acetum diſtillatum plumbo affuſum dulceſcit. Sic pulvis cancerorum, aut cornu cervi acidoſitatem humorum tollit.

In cadaveribus ex febribus tum continuis tum intermittentibus mortuis vix ulla in ſanguine mutatio accidit, inquit Author laudatus, ſed glandulæ pene ſemper duræ ſunt, aut ſchirroſæ, aut flavæ, aut lividæ; idque præſertim in meſenterio. Verum de his paulò poſt.

Febres autem intermittentes, ſeu alternis diebus, ſeu tertio quoque die, aut etiam quotidie recurrant, duplicis potiſſimum ſunt generis. Aliæ ſunt vernaes, aliæ autumnales. Illæ plerumque jam à menſe Februario, & aliquando citius incipiunt: hæ autem Auguſto, & interdum Julio menſe ſolent invadere. Illæ ineunte æſtate ut plurimum deſinunt, & in earum locum continuæ & regulares ſuccedunt.

Cum ſanguis hieme ſpiritibus abundet, hi ineunte vere excitati cum viſcidis humoribus colluctantur. Hinc fermentatio: aut

effervescentia: quæ tamen cito reprimitur, quod spiritus copiosi & vegeti noxias partes cito eliminant. Quod utique opus natura velut præceps aggreditur, seu fermentationes statim compescat, seu ad intermissionem festinet, seu præpropere noxias partes & ad separationem succinctas aliò transferat. Unde ineunte æstate anginæ, seu gutturis inflammationes, pleuritides, & peripneumonix, seu pulmonum inflammationes, raro febres continuæ vigent, nisi fortè epidemicæ, aut rarò sunt diuturnæ, etiamsi sibi metipsis permittantur.

Contra autumnales febres seu tertianæ, seu quartanæ sint, aut longæ sunt, aut periculo non vacant, præsertim cum ætate paulò provectiores invadunt. Sanguis enim æstate, ut vegetabilia quæque, ad vigoris apicem sublatus ineunte autumno jam declinare & de vi sua remittere incipit, idque maximè si causæ quædam evidentes accesserint, ut crudiores cibi, repentinum frigus, jactura sanguinis, aut nimia animi contentio. Tumque sanguis impressioni morborum, qui eo vigent tempore, & aeris constitutioni intermittentibus familiari sit obnoxius; Præsertim cum jam effæctus pene, sit, adustus, & spiritibus ob æstatis ardores exhaustus; neque is adeo despumationem suam perficere nisi ex longioribus intervallis possit.

Itaque hujus generis morbi vix consuetis remediis domantur. Nisi forte corticis peruvian præsidio utamur: hoc enim unum pene est adversus eos morbos specificum, quod non immerito Doctor Sydenham

com-

commendat, tum tractatu de morbis acutis ante multos annos edito, tum maxime in epistola publici juris facta.

In tractatu de morbis acutis id ante omnia præcipit ne hic cortex nimis præmaturre, antequam morbus suo se Marte aliquantisper protiverit, ingeratur, tum ne spem ægri fallat, tum ne sanguinis despumatio, repente cohibeatur. 2. Ne purgatione aut venæ sectione materiæ febrilis pars aliqua subducatur, quod ab utroque labefactetur quodammodo corporis œconomia: citius adeo recrudescant paroxysmi evanescente vi pulveris. 3. Ut sanguis sensim & longius à paroxysmo hoc pulvere, leviter potius inficiatur, quam uno ictu paroxysmum jam instantem tentemus confodere. Hoc enim pacto & plus temporis remedio conceditur, quo suum opus plenius absolvat, & vitatur quidquid est periculi ex subito & intempestivo sufflamine, quo paroxysmum jam invalescentem atque omni se ope exerentem conamur opprimere. 4. Brevis istis temporis intervallis repetendus est pulvis, ut non protinus evanescat prioris dosis virtus, antequam altera exhibeatur. Itaque hanc methodum cæteris antepone: corticis peruviani unam unciam cū conserva rosarum rubrarum duabus uncis miscet: ægro quantitatem nucis moschate majoris mane & sero quotidie exhibet diebus à paroxysmo vacuis, donec confectionem totam absumpserit. Repetatur ad tres alias vices interjectis semper diebus quatuordecim; nec minus utilem putat hunc corticem tertianis febribus, quam quartanis.

In epistola sua paulò accuratius de hoc cortice & illius usu differit. 1. Id constanter asserit hunc corticem omnino esse innoxium, eumque ventriculi & uteri affectibus utilem commendat.

2. Negat eum vi sua adstringente febres fugare, cum nullum ex adstringentibus ea vi donari observarit.

3. Ut jam innuimus, eum corticem paulò ante paroxysmum non exhibet, quod is obstat quominus materia febrilis per intermissionis tempus congesta consueta naturæ methodo expellatur: unde inclusa ægrum in vitæ discrimen adducit. Quamobrem primo die à paroxysmo pulverem, aut vinum, qui infusus est, præbet, quater in die. Idque repetit etiam devicto morbo, post 7 dies, ne morbus recrudescat. Recidiva autem post 14 dies plerumque evenit, quod sanguis non satis exsaturetur virtute hujus febrifugi.

Quod enim lucidis intervallis materiæ congestum est, id plerumque sudores paroxysmum finientes eliminant: sed manet morbi seminium tempore suo maturandum, nisi id perimat cortex peruvianus, dum fugientem paroxysmum à tergo insequitur. Unde ut tuta sit medicatio, longo post devictum morbum tempore idem remedium iterandum putat. Idque maximè si sanguis à prægressis evacuationibus fuerit debilitatus, aut æger incautius se aeri frigido exposuerit. Vetat autem eo tempore cardiacorum usum, & omnem catharsim.

Infantibus duas vel tres drachmas in vini Gallici libra una usque ad quartæ partis

con.

consumptionem excoquit, percolati vini unum vel alterum cocleare bis aut ter unoquoque die exhibet. Cum quartana sæpius recurrit, quod perraro accidit, tum negat huic methodo pertinacius insistendum, sed decoctum amarum tentandum admonet. Quodnum vero illud sit non explicat.

Id tamen ex centaurei minoris, cardui benedicti, camomillæ floribus aut summitatibus & radicē gentianæ esse compositum paucis abhinc diebus ex Viro Clariss. accepimus.

Negat postremo Auctor Anglus arcendum esse ægrum à cibo & potu, fructus horarios & frigidos liquores prohibet: carnis vescendum, quæ sint coctu faciles, vino utendum: vitandæ, inquit, sunt evacuationes, quæ in morbi discrimen adducunt. Qui autem aliud præter idoneum vehiculum cortici adjiciunt, ii, inquit, aut ex ignorantia peccant, aut dolo malo. Hoc argumentum de usu corticis Peruviani, eleganti libro ante aliquot annos pertractavit Vir clarissimus. Cum autem omnium pene eruditorum manibus teratur, frustra ex eo quæ omnibus nota sunt, excerperem. Illud præter cætera factum optimum puto, si is cortex musto cum fermentescit, infundatur: id enim vi corticis maxime imbuitur.

Ex quo hæc edidimus, arcanum illud Medici Angli vulgatum fuit, sed in omnibus non succedit. Corticis Peruviani tenuem pulverem concisi uncia, 5 aut 6 libris vini affusa per duos aut tres dies leni calore digeritur, & identidem lagena agita-

tur.

tur. Vinum percolatur, & ad usum adhibetur, eo quo diximus modo. Potest iterum idem pulvis recenti vino imponi, sed dimidiæ tantummodo vini dosi, ut tribus libris. Id enim tincturam pulveris & saporem decerpit, & cum paroxysmi desierunt, utiliter adhibetur. Licebit etiam pulverem cum vino miscere, & lagenam ritè occlusam aquæ ferventi imponere, ut vinum intra unius horæ spatium ebulliat. Sic enim citius paratur, nec minus tuto. Idque optandum est ut aliud ejusdem virtutis remedium, quod saltem pauperibus utile esse possit, inveniatur. De quo quidem non desperandum puto. Jam diu est quod à viris fide dignis accepimus, alni corticem radicibus proximum idem pene efficere, quod in cortice Peruviano experimur. Verùm id ipsum usu probandum est, & experientiæ ipsi subjiendum. Vidimus etiam plures quartana sanatos via multò cōpendiosiori. Duas nuces conditas & amaras in mortariolo ligneo terunt, æq; cū scypho vini albi permixtæ paulo ante paroxysmum sumuntur, idq; proximo paroxysmo repetitur.

Ne illud quidem omittendum, observatum id fuisse, corticis Peruviani usu sanatos in febrim identidem recidere, nisi i5 seu 20 diebus à morbo profligato corticem ipsum purgativum, aut rhabarbari, aut alterius cathartici ad mixturem reddant. Verùm ista leviter perstringere voluimus, quod is sit Philosophiæ naturalis fructus uberrimus, ut vitæ humanæ, & corpori salutis non nihil afferat utilitatis.

Ex quo hæc edidimus, egregium opus Laurentii Bellini casu quodam in manus

nostras venit, ex quo jam pleraque identi-
dem huic postremæ editioni inferere operæ
pretium duximus. In eo quidem opere fuso
& ingeniose de febrium natura & causis
disserit, quæ apud Authorem legi pos-
sunt: perpauca quæ ad rem nostram perti-
nent afferamus.

Ac primum quidem illud principii loco
constituit febrim omnem cum vitio sangui-
nis, seu liquoris qui in venis, & arteriis
fluit, esse conjunctam: Pulsus enim in om-
ni febris vitatur qui à naturali suo & æqua-
bili motu non discedit, ni vitium quod-
dam insit sanguini, vel in quantitate,
cum uberior est, aut parcior; vel in qua-
litate, cum partes illius male inter se co-
hærent; vel in motu ipso, qui aut vehe-
mentior, aut tardior esse potest. Cum san-
guis uberior est quàm par sit, spiritus quo-
que uberiores in cerebro, & in nervis pro-
creat qui fibras cordis aut vehementius, aut
celerius contrahunt; hinc major pulsus.
Reliqua persequi longum esset; satis no-
bis fuerit, si unam aut alteram sanguinis
qualitatem, ex qua non continuæ modo
febres, sed etiam intermittentes plerum-
que nascuntur, paulò diligentius intuea-
mur. Quod sanguinis motum sæpius per-
vertit, & febres intermittentes gignit, est
illius textura viscidior, & crassior, quæ
sanguinem minus fluxilem efficit, & tar-
diorem. Ex quo fit ut hæreat potissimum
in capillaribus arteriis, partes illius insen-
sibiles calori procreando non satis atteran-
tur, quæque aut noxia sunt, aut superflua, à
reliquo sanguine non secreta illius massam
in-

inficiant, pauciores spiritus è sanguine exprimantur in cerebro, qui inertes sunt, & torpidi. Unde & musculos non implent; hinc vires corporis collabuntur, adeo ut decumbere necesse sit, frigus corpus statim occupat, quod ex partium attritione & motu calor oriatur: motus vero in sanguine viscido est debilior. In minoribus quippe arteriis motus ille tardior est & in iis maxime quæ longius à corde distant: ut in extremis artuum partibus, ubi minor est musculorum & membranarum pressio. Intra cranium vix frigoris sensus percipitur, quod arteriæ eo loco sint plurimæ quæ inter se magis communicant.

Cum igitur sanguis in minimis artuum arteriis sistit, perparum sanguinis in venas ad cor refluit, & tardius; unde arteriæ non satis implentur, pulsus adeo minor; nec partes sanguinis sese atterunt, aut aliæ alias urgent; calor ex illo attritu non sese exeret, minor sanguinis portio ab arteriis in venas manat, pauciores spiritus cerebro advehuntur; arteriæ quoque liquidum humorem in nervis parciorem procreant, neque is ex æquo musculis sibi oppositis & contranitentibus distribuitur; adeo ut aliis cessantibus aliis contrahantur. Hinc frequens musculorum motio & restitutio idque perturbatè & citra ullum certum ordinem, ac musculorum tremor: spiritus autem qui in nervos cordis influunt cum sint pauciores, debilem quoque pulsum efficiunt, sed non raro frequentem, quod sint acriores. Arteria vero sic contrahitur præ sanguinis frigore, ut intus recedere videatur, adeo

ut

ut pulsus altè demersus, & gracilior ac pene nullus interdum appareat.

Sed tandem calor se exeret, cum sanguini hærenti in minimis arteriis novus subinde accedet qui repetitis ictibus eum premet arctius: adeo ut ignis, seu calor ex iis velut compedibus paulatim se expediens, lentorem illum, & nimiam partium cohæsionem tandem vincat. Sed calor ille primum se prodit in iis partibus corporis, ubi motus sanguinis velocior est, & major atque ad extremos artus, quos primos frigus invasit calor postremo pervenit; isque fluidum sanguinem efficit: acrior quoque factus sanguinem ubique exagitat: hinc perspiratio major, qua peracta sensus caloris est remissior.

Quod si lentor sanguinis cum aquosa visciditate sit conjunctus, tum calor citius exsolvit, & abripit quidquid viscidum arteriarum tunicis hærebat: sed ubi visciditas sicca est, tum sensus caloris major est & diuturnior. Soluta & expedito calore major sanguinis copia implet arterias, hinc pulsus major; uberiores spiritus fibras cordis exstimulant.

2. Cum sanguis non adeo est viscidus, adeo ut in circuitu suo calor satis solvatur, tum febris citra horrorem, aut frigus sensibile invadit: nam sanguis ita in minimis hæret arteriis, ut magna ex parte calor hinc se se expediat, & dissolvat aliquam sanguinis partem. Jam accessu sanguinis major subinde & major caloris copia sese exerit, dum fluidior sit sanguis, qui & magis rarefcit, donec perspiratione calor ille nimius

mius & solutus diffusus fuerit. Sub initium hujus febris pulsus est debilis & parvus, quod sanguis qui ex arteriis fluit in venas sit parcius quàm in naturali statu.

Atque ex iis satis commode recursus februm intermittentiùm explicat vir laudatus: postquam enim partes illæ viscidæ quæ hærebant in arteriis capillaribus per repetitas arteriarum contractiones abreptæ & deductæ sunt in venas, una cum sanguine; fluunt quidem per eas venas, sed non eodem impetu: lentiore quippe motu incedunt, atque ut in aquæ ductibus partes illæ heterogeneæ & lentiores ad latera vasorum propelluntur, in iis diutius hærent, quod urgens à tergo sanguis in majoribus venis non magna vi antrorsum eas protrudat; tandem in dextrum cordis sinum, hinc in pulmones illæ sæ deducuntur. In pulmonum enim vasis chylus licet crassior manet integer, nec partes illius dissolvuntur; è pulmonibus in sinistram cordis sinum, inde in arteriam magnam, ac rursus in arteriolas capillares protrusæ hærent, & novum febris paroxysmum creant citius, aut tardius, ut materies illa crassa & viscida aut lentior est, aut minus lenta, uberius, aut parcius: sed tamen suas periodos statis temporibus inchoat, aut perficit: cum enim ejus quantitas augetur, diutius hæret in arteriis, majore vi opus est, ut inde expellatur. Atque ut partes illius magis aut minus à calore dissolviuntur, eæque fiunt plus minusve fluxiles, citius aut tardius circuitus suos & periodos absolvunt. Atque ut particulæ il-
læ

P A R S T E R T I A . 381

læ crassæ & lentæ parietibus venarum tenacius adhærescunt, præterfluenti sanguini magis obfistunt, etiamsi in minori sunt quantitate; tum enim vel instar veli tenuioris parietes venarum obducunt, aut vim præterfluentis sanguinis eludunt.

Quod si tanta sit visciditas sanguinis ut abripi è minoribus arteriis in venas non possit, tum sanguis moveri non poterit, nec spiritus ex eo exstillari: adeo ut mors consequatur; ut plerumque in quartanis febribus accidit. Idem evenit, cum sanguis præ nimia effervescentia spiritibus orbatur.

Quod si calor debilior sit, nec valeat ex arteriis glutinosum illum humorem excutere, sed eum tantummodo dissolvit, qui minus habet visciditatis, tum sæpius recurrunt febres. Quod enim magis est fluxile, id recurrit citius & cum aliis partibus, quæ sicciore sunt, & tenacius hærent in arteriis consociatur.

Cum autem humor ille lentus est & siccus, tum calorem tantum non frigus efficit; adeo ut sanguis præterfluens propter canalium angustias solvatur magis & incendatur; tumque calor sit continuus. Hinc quidquid est in sanguine liquidi absimitur, & generandis spiritibus minus est idoneus. Jam ubi illud, quidquid est, quod hæret in arteriis tenacissimum, ita liquefcit, ut ab arteriis abripi queat, & misceri una cum sanguine, tum frigus plerumque nos corripit, & fit quædam intermissio. Interim spiritus reparari possunt, & magna affulget spes salutis. Quocirca ubi lentor ille hæret in arteriis, & calorem efficit,
tum

tum is est siccissimus, sed ubi fit viscidior & calorem arcet, tum recursus febris cum frigore conjunctus est.

Ex iis multa colligi possunt, ex quibus perpauca attingemus. Primum quidem ex imminuto sanguinis motu lentorem illum qui frigus parit, plerumque oriri: nam calor sanguinem exagitat, & obstat quominus partes illius mutuo sibi adhærescant, motus autem sanguinis calorem gignit: ex imminuto igitur sanguinis motu lentor ille cum frigore conjunctus interdum oritur. Idque fit aliquando cum minor est sanguinis quantitas: tum enim & pauciores spiritus gignuntur. 2. Id ipsum contra evenit quandoque ex nimia sanguinis copia: tum enim arteriæ magis refertæ sunt sanguine, qui ob eam causam non libere fluit. Eadem est ratio cum illius motus plus satis augeatur, nec potest per tubulorum angustias subire, unde & ibi sistitur.

3. Cum exercitationes corporis consuetæ omittuntur, quibus viscidiora quæque atteruntur, & extenuantur, ac quidquid crassius est, perspiratione expelli solet, perspiratione impedita crassum illud & viscosum vasis adhærescit. Idem accidit ubi assuetæ sanguinis purgationes cessant; aut cum bilis à sanguine in vasis jecoris non discernitur, & una cum eo fluit in vasis, cui & lentorem imparritur.

4. Sæpe aliena corpora in sanguinem irrumpunt, quæ hunc lentorem illi conciliant, ut lymphæ & chylus; ex viscere obstructo vel pressio is humor manare potest. Ac subinde accidit, ut humor ille lentus
pau-

paulatim congeratur in minoribus arteriis, quin & illud viscosum, & tenax sæpius una cum sanguine per pulmones trajici potest nihil immutatum. Quod utique non magis est mirabile, quam odorem asparagi, allii, & aliorum tandiu suum odorem in lacte & urinis conservare. Quid, quod venenum canis rabidi sæpe post multos menses vim suam exerit: quo minus miremur si particulae illae ad coagulandum sanguinem aptae sæpius cum toto sanguine pulmonum vasa arctiora subeant integræ & illæsæ, ac paulatim collectæ in capillaribus arteriis febres intermittentes pariant.

Quæ si vera sunt, ut videntur sane verisimilia, non adeo forte erit explicatu difficile cur pulvis corticis peruviani tam utile sit his febribus profligandis præsidium.

Nam illius partes minimæ una cum sanguine permixtæ obstructionem illam quæ capillaribus inest arteriis, expedire possunt, aut sanguinis motum excitare, ne torpescat in iis angustis; aut certe hærentem illum venarum lateribus limum detergere, & paulatim discutere. Unde & amara pleraque his febribus habentur utilia, quod asperitate partium glutinosas sanguinis particulas extergant.

Huc quoque accedit viscosos humores, qui meatus occludunt, nec febres tantum intermittentes, sed etiam & chronicos complures morbos pariunt persæpe, certis & sibi propriis ut loquuntur chymici, menstruis dissolvi posse. Idque multis exemplis demonstrat D. Boyle in tractatu non ita pridem edito de remediis specificis.

Non

Non enim validius menstruum quodlibet corpus dissolvit, sed certum & sibi aptatum. Sic aqua frigida albumen ovi dissolvit, quod purus vini spiritus coagulat; Mercurius aurum exsolvit, quod aqua fortis intactum relinquit; oleum commune sulphur dissolvit, quod aquæ forti resistit. Quidni ergo corticis peruviani, aut alterius specifici corpuscula sanguini admista vires suas in materiam illam viscidam, & morificam exerent?

Possunt & aliis pene innumeris specifica remedia febris morbi effectricem causam destruere, & præcipitatione imprimis, de qua alibi fusius. At sæpius id fit remediis quæ sanguinem crassiores attenuant, vel tenuiorem quàm par sit increassant: cuiusmodi aloes vulgo prædicatur. Illud quoque notum, quanta sit vis quorundam remediorum, quæ non intus sumuntur, sed extrinsecus applicantur. Nam corpus tot poris & meatibus pervium est, ut mirum videri non debeat si vis remediorum eos poros subeat. Quid efficiat Mercurius cingulo cum aliis unguentis conclusus, & exterius applicatus, nemo fere ignorat; cantharides etiam manu gestatæ, aut in pera effluxus adeo acres ad vesicam usque transmittunt. Quin etiam pleraque intus sumpta diversos plane effectus ab iis, quos exterius applicata, producant. Sic spiritus vini intus calefacit, exterius ad motus adustionibus optimum habetur remedium. Nonnulla D. Boyle affert exempla quæ omittimus ut brevitati consulamus. Inter alia commemorat se musco cranii humani ex Hibernia,

P A R S T E R T I A . 385

nia, ubi major est ejus copia, allato, & in nares immisso, Hæmorrhagia sanatum; idque variis experimentis in aliis fuisse confirmatum.

Verum ut eò revertamur unde egressi sumus, illud in memoriam revocandum, quod alibi innuimus, fieri posse ut febris, aut alterius morbi etiam pestilentis materia sit exigua quædam veneni portio, quæ idoneo antidoto profligatur. Quot & quam tetra symptomata in mulieribus hystericis cernimus, quæ tamen plerumque spiritus salis ammoniaci odore sedantur.

Galenus commendat adversus canis rabidi morsus cineres cancerorum; At fieri potest ut sales illi alkali fluorem sanguini restituant. Unde & hujus generis sales interdum adversus febres præscribuntur, uti & cancerorum lapides.

T R A C T A T U S I I I .

De naturali facultate, illius functionibus & organis.

DE motu cordis & sanguinis, quò vita continetur, fusè diximus; sequitur ut alias vires animæ sentientis, altricem scilicet, & plasticam quàm brevissimè poterimus, decurramus. Cum altrix facultas in præparando sanguine ex alimentis maxime consistat, primum dicendum nobis est de chyli præparatione, tum de illius per venas lacteas & ductum thoracicum com-

Tom. VI.

R mea-

meatu , & in sanguinem conversione ,
deinde de sanguinis per hepar , lienem ,
renes , aut alia viscera percolatione , & ex-
purgatione , postremo de ipsa partium con-
formatione agendum est .

DISSERTATIO PRIMA.

De vi altrice .

C A P U T P R I M U M .

De prima alimentorum preparatione .

CUm sanguis inter circulandum partem aliquam sui alendo corpori imper-
tiat , dum pars illius multò maxima , aut
per insensibilem perspirationem diffilatur ,
aut in urinam , sudores , & alia facessit ex-
crementa , aut demum in spiritus exaltatur ,
necesse est ut novo com meatu ex alimentis
subinde reparetur . Quibus autem gradi-
bus aut organis alimenta in sanguinem com-
mutentur , explicare ingrediamur : sed res
ipsa paulò altius est repetenda .

Ac primum quidem explicandum nobis
foret , quibus organis , aut motibus animan-
tes victum suum quærissent , nisi hoc ar-
gumentum accuratissimè à Viro Clariss.
quem sæpè nominamus , in mechanica ani-
malium tractatione explicatum fuisset , &
& figuris expressum . Pauca tamen ex iis se-
ligemus , quo exteras saltem nationes stu-
dio nostro utcumque demereamur . Illud
primo loco observat , animalia , quæ in
terra

PARS TERTIA. 387

terra aut aqua cibum quærunt, eò crura habere longiora, quò magis collum porrigitur, ut in equo, cervo, grue cernere est. Apri, aut suis collum est contractius, in elephante itidem breve est, licet crura sint longiora, quod proboscide utatur, ut ex terra aut ex arboribus alimenta depromat: adeo ut proboscis sit illi instar manus, appendice quasi pollice munitæ; eaque instar vasis aut poculi est, ut potui excipiendo serviat. Chamæleon brevi quidem est collo & prælongis cruribus: lingua enim ut proboscide utitur, quam extra jaculatur, quasi eam expueret, & muscam viscoso humore, quo extremum linguæ imbuitur, irretitam statim retrahit. Pars linguæ interior tubus est membranofus circa stylum cartilagineum involutus, qui in plicas modò corrugatur, & contrahitur, modò evolvitur & producitur.

Musæ & culices proboscide itidem utuntur, quam aut retrahunt, aut proferunt: ejus apices in porum carnis satis alte infigunt, ut sanguinem exsugant: cum scilicet corpus distenditur, & per cavum proboscidis sanguis velut suctione ascendit.

Mirabile est, piscis vulgò *unpibert* artificium in lingua proferenda, ut in rimis & foraminulis arborum prædam & cibum capteret: hæc enim spiculo cartilagineo munitur, quo vermes & alia insecta in cibum capit. Verum hoc artificium pulchre descriptum vide apud Auctorem ipsum, nosque ad id quod instituimus, nempe ad pri-

R 2 mam

mam alimenti præparationem referamus ,
sic tamen ut hoc quoque loco ab eodem
scriptore egregio nonnulla mutuemur.

Cibus in ore primam velut digestionem
subit , cum dentibus conteritur & humore
salivali exsolvitur . Dentes verò triplicis
sunt generis , nimirum incisivi , canini &
molares . Pleraque animalia ruminantia in-
cisivis dentibus in maxilla inferiori donan-
tur : si dentibus ad linguam vel ad par-
tem oris anterioris applicatis teneras herbas
facilius evellunt , easque integras in primum
ventriculum demittunt , ex quo inter ru-
minandum in os rejiciunt dentibus molari-
bus conterendum .

Dentes canini reliquis sunt longiores : in
apris cavi sunt ex ore prominentes ; triplici
superficie donantur fere instar prismatis ,
& in arcum sunt inflexi . In crocodilo
multi sunt dentes incisivi , aut molares ,
sed omnes canini , duri , acuti , candidi ,
striati . In gammaris tres sunt dentes in imo
ventriculi affixi .

In castore , lepore , mure , & plerisque
animantibus , quæ dentibus durissima quæ-
que corrodunt , aut secant , ut castores ar-
borum ramos , dentes incisivi sunt longio-
res , & pene ut forfices secant : adeo ut
unius acies in alterius aciem non incurrat :
cum in aliis animantibus quibus dentes in-
cisivi sunt breviores ; inter secandum sibi
mutuo occurrant , pene ut forcipes . In hi-
strice , vulgò *porc-epic* , dentes incisivi tribus
digitis cum semisse longi visuntur : cum
semidigito tantum extra alveolum promi-
neant : adeo ut longitudinis pars septi-
ma

PARS TERTIA. 389

ma tantum extet ; quod reliquum est ob majorē firmitatem in alveolo delitescit .

In viperis duo sunt dentes canini, oblongi, acuti, mobiles : reliqui sunt immobiles ; caninis non utuntur, nisi ut mordeant : ut leones ungues non distendunt, nisi ut quid arripiant . Dentes molares in animalibus quæ herbis vescuntur, aut granis, sunt instar molarum complanati, ut cibos conterant, ut in bove & equo . In voracibus sunt asperiores, & acutis velut spiculis muniti, ut carnes dilacerent potius quàm conterant . Quæ omni genere ciborum aluntur, ut homo, dentes molares nati sunt non adeo acutis velut spiculis armatos, ut leones ; neque ita complanatos, ut equi sed mediæ cujusdam naturæ .

Voraces animantes magnis & validis musculis maxillas habent instructas : adeo ut his musculis collocandis quærendus locus fuerit, & in summa capitis parte crista hunc in usum promineat, quæ in leone, tigre, urso est spectabilis, minor in lupo, cane, vulpe . Crocodilus maxillas plurimum distendit : nec verum est utramque esse mobilem : superior enim arctissimè cum aliis cranii ossibus cohæret .

Summum naturæ artificium in musculis maxillaribus præter cæteros exponit Borellus . Ac 1. id advertit, machinam, quæ forceps dicitur, in mandibulis animalium satis aptè exprimi, nisi quod illæ vim motricem majorem exigant, contra atque in forcipe . 2. Maxilla inferior quæ dimidiatam ellipsim refert, circa duo capitella cylindrica quæ temporum sinus subeunt, sic

vertitur, ut duæ ejus partes sint velut duo vestes in mento conjuncti. 3. Musculorum qui hanc maxillam movent, par duplex est: prius temporalem, posterius masseterem seu manforium utrinque complectitur. Temporalis à cavitate temporum initium ducit, & in processum maxillarem tendit: noso fune desinit; manforius ab osse jugali & proximo maxillæ superioris osse exorsus inferiori loco maxillæ inseritur. Duo itaque maxillæ capitella sunt velut utriusque vestis fulcra; resistantia & quasi pondus attollendum est in extremis dentibus, vis motrix, ubi desinunt tendines; fibræ musculorum in radios sparguntur. Sic enim vi majore donantur: & sane vis est incredibilis horum musculorum, qui vix unius sunt libræ in homine. Sed quanta erit in leone vel urso, qui dentibus bovem trahunt. Abhinc biennio parvus Crocodilus ex America allatus dissectus à D. *du Verney* fuit, ac dentes maxillæ inferioris subire visi sunt alveolos maxillæ superioris.

Pleræque animantes dentibus utuntur, potius ut cibum corripiant, quam ut eum præparent. Sic aves quæ herbis vescuntur, ut anseres & cygni, rostrum dentatum quodammodo nactæ sunt ut facilius herbas evellant. Quæ adunco sunt rostro, eæ sunt, carnivoræ. extremum rostri est interim mobile ut psittaco: adeo ut pars inferior rostri licet brevior ad extremum rostri hamum promoveri possit. In avibus fere omnibus œsophagus in parte infima multum dilatur: ea pars œsophagi ampla ingluvies, vulgò *jabot* vocitatur. Eo loci primum cibus di-
geri-

plus alimenti occurrit, quàm ventriculus
coquere possit; ac demum id alimenti pul-
lis impertiunt. Sic simiæ in utraque ma-
xillæ parte sacculos habent, quibus cibos
recondunt. In ventriculo cameli plures
sunt sacculi, quibus, ut ferunt, aquam re-
condit in ardentiore siti profuturam: pisces
magna ex parte dentes maxillis infixos ge-
runt, in utrique linguæ lateri interdum
adhærescunt, ut in trutis: verùm hi cibis
conterendis non serviunt, sed prædæ arri-
piendæ. In cane carcharia, seu magno ma-
ris cane, quatuor in utraque maxilla ordi-
nes dentium visuntur. Plerique ex iis pol-
licis longitudine proferuntur, durissimi,
acuti, secantes: vulpis marinæ lingua præ-
duris ossiculis, argenteis, non acutis, sed
quadratis munitur. Vidimus maxillas pi-
scis quas Clariss. Abbas D. Gendron è Cana-
densi provincia attulerat, quæ stratae erant
dentibus complanatis, & duris; hæ mola-
rum instar, cochlearum testas quibus ve-
scitur is piscis, terunt. In raiis quoque
maxillæ tribus aut quatuor ordinibus ossi-
culorum muniuntur, quæ tersa sunt, po-
lita, diaphana & dura; ac satis est verisimi-
le hos velut dentes contundendis alimentis
inservire. In cyprino pisce sunt itidem den-
tes molares ad conterendum idonei. In
pisce, qui vulgò requiem vocitatur, quod
certa mors eos maneat, quos dentibus corri-
puit, dentes sunt latiores, & plani, figure
triangularis, sed in ferræ modum incisi.
In sepia, vulgò *la seche*, nulli sunt den-
tes, est rostrum quoddam psittaci rostro
non dissimile. Verùm naturæ historiam

non scribimus, ea tantum quæ occurrunt, & Physicam illustrare possunt, leviter attingimus.

C A P U T I I.

De secunda alimentorum preparatione.

Cibus itaque alendo corpori necessarius dentibus atteritur, saliva quam glandæ ore contentæ ac potissimum maxillares suppeditant, exsolvitur, per œsophagum, seu gulam demittitur in ventriculum nec tantum suo pondere (nam in plerisque animantibus cibus, aut potus in ipsa deglutitione ascendit:) sed musculis faucium, laryngis, & œsophagi in unum conspirantibus delabitur. Unde aperto ore, aut exerta lingua deglutire non possumus. Sublata igitur linguæ radice, laryngis parte summa occlusa, per illius operculum cartilagineum, seu epiglottidem, velut per subiectum pontem cibus in gulam, seu in œsophagum demittitur. Oesophagus tanquam saccus, ut Harvæi exemplo utar, ad implendum attollitur, & ad excipiendum dilatatur. Cibus saliva perfusus facilius decedit, nec parietum œsophagi asperitate retinetur. Omnes hi motus cum ex ordine, licet à diversis organis perficiantur, unum tamen motum, & unam actionem, quæ deglutitio dicitur, omnino efficiunt. Non aliter fere atque in cordis motu accidit, qui teste eodem Auctore est deglutitio quædam & sanguinis è venis in arterias transfusio. Nam motus cordis & auricularum licet alterpis fiat, unus tamen & idem videtur;

cum-

cumque cor sese erigit, undulatione quadam se contorquet.

Itaque sunt quidam muscoli, quibus cibi à lingua in œsophagum demittuntur: sunt alii qui summam œsophagi partem stringunt, ut cibus eò perductus concludatur œsophago. Alii verò muscoli œsophagum instar sacci attollunt. Quidam paulatim & successivè eum contrahunt, & à tergo premunt: adeo ut actio illa jure peristaltica vocitetur, eaque potissimum in animantibus quæ è terra cibum petunt, est conspicua; potum verò demisso capite sursum trahunt pectore dilatato, eandem ob rationem quæ sæpe diximus aquam sublato aere in antiliam, aut in syringem attolli. Sic equi sugendo bibunt. Accedit etiam actio musculorum peristaltica, de qua mox egimus.

Hæc verò fient illustriora explicata ipsius œsophagi, & ventriculi structura. Ille quidem, ut diligenter præter cæteros nuper exposuit Thomas *Vuillis*, triplici constat tunica, quarum intima tota est nervosa & exquisito sensu instructa, ut quæ grata sunt, ab ingratis secernat. Hæc intima sui superficie villosa apparet, & quasi lanugine quadam obducta. Eadem est & continuata cum ea membrana, quæ palatum, fauces, os ipsum, & labia obducit; imo ad ventriculum usque, & intestina ea porrigitur; sed intra orificium ventriculi crassa admodum est, & ab alia interiore faciliè separatur. Hinc tanta inter illas partes consensio.

Secunda œsophagi membrana omnino carnosæ est, & muscularis, quæ fibris, ut

R 5 ob-

observatum fuit à Stenone , spiralibus sic instructa est , ut duplex ordo fibrarum sese intersecantium appareat , & duas velut cochleas efficiant : adeo ut duplex sit series interiorum quæ descendunt , duplex itidem ordo exteriorum quæ ascendunt .

Tertia & extima tunica œsophago & ventriculo communis , tota est membranosa , & à diaphragmate ortum suum ducere creditur . Prima itaque & intima tunica ad sensum videtur concessa . Hinc villosa est , ut ciborum velut tincturam diutius retineat . Fibræ nerveæ tum ad firmitatem , tum ad faciliorem dilatationem conferunt : Quin etiam in his fibris spiritus animales variè moveri & expandi possunt , ut humores superflui excutiantur , ut in oscitatione contingit .

Secunda œsophagit unica est quasi duplex musculus . Fibræ descendentes deglutitioni serviunt , ascendentes fortè expuitioni & vomitioni . Quanquam illud verisimillimum videtur , fibras illas in spiræ modum contortas œsophagum constringere , ut cibi descensus adjuvetur ; fere ut utriusque manus digitis mutuo insertis rem aliquam comprimimus : ita enim conjicit Vernæus . Ac fibræ illæ eodem fere modo atque in corde disponuntur , quæque exteriores erant , fiunt interiores , & vicissim .

Primæ tunicæ præcipuus videtur usus in eo positus , ut sit firmum œsophagi involucrum .

Non dissimili ratione ventriculus præter extimam membranam à diaphragmate ortam

tam triplici constat tunica, quarum omnium intima & villosa, & crustata est extimæ linguæ membranæ non absimilis, & iidem pene sunt illius usûs, nimirum ut delibati alimenti particulas paulatim detineat; neve tunica nervea quæ huic est proxima, ab earum contactu immediato aut lædatur, aut induretur. Quin & fortè chyli reliquæ in iis velut rugis servatæ fermenti vices obeunt tum ad digestionem, tum ad famem exacuendam; parte sui convexa, quæ nerveam membranam tangit, tota est glandulosa; nec dubium est quin eæ glandulæ succum præbeant digestioni apprimè utilem; & salivæ non dissimilem. Unde cum animal post biduū, aut tridui jejunium disseccatur, in ventriculi fundo plerumque liquor ex iis glandulis expressus subsidit.

2. Media ventriculi tunica tota nervosa est, & fibris ad sensum destinatis instructa. Hæ utique aut inanitæ, aut irritatæ famen & sitim excitant. Innumeris quoque vasis, venis nimirum, & arteriis hæc tunica conspersa est. Nam vasa in nervosam tunicam desinunt, interiorē ejus partem rubore perfundunt, & quasi reticulo sanguineo obducunt. Nec calorem modo ventriculi foveant: sed arteriæ quoq; humorem quemdam afferunt, seu fermentandis, sed dissolvendis alimentis idoneum. Neque illud abhorret à verisimili, venas interdum subtiliorem chyli portionem sorbere, & ad cor deferre. Hinc sæpe citissima fit resectio, antequam chylus per innumeros anfractus primum ad venas lacteas, tum ad cor perferatur.

Tertia tunica, & carnosa fibris carneis constat, quæ ventriculum contrahunt: si-
ve eum comprimant, adeo ut pars illius
infima ad supremam adducatur: quod per
fibras descendentes perficitur; si-ve unum
orificium alteri accedat, quod fit per fibras
transversas & circulares. Duo quippe sunt
ventriculi orificia; unum ad lævam posi-
tum, & cum cœsophago continuatum, per
quod alimenta demittuntur: tunica cœso-
phagi nervosa ad hoc usque orificium pro-
tenditur, & varii nervorum plexus in eam
partem sparguntur. Hinc sensus illius adeo
exquisitus, & magnus cum cerebro & præ-
cordiis consensus.

Alterum ventriculi orificium priori pe-
ne parallelum, ex lato in angustum colli-
gitur, & in duodenum intestinum retor-
quetur; ac pylorus solet vocitari. In utro-
que orificio tunicæ sunt multò crassiores.
Cum incipit contractio in lævo orificio,
tum fit vomitus: cum in pyloro fibræ con-
trahuntur, tum chylus in ipsa intestina ex-
primitur. Atque ut contenta ventriculi
tunicam nerveam variè afficiunt, chylus aut
retinetur, aut expellitur.

Hæc fere à recentioribus circa nutritio-
nis organa sunt observata, quibus nonnulla
addi possunt ex iis quæ solertissimus D. *du*
Verney paucis abhinc annis inter dissecanda
omnis generis animalia in Regia Academia
deprehendit, quæque anno 1677. in Re-
gia Burgundia maxima ex parte publicè de-
monstravit.

Primum, interior cœsophagi tunica cer-
tatur innumeris conspersa glandulis, adeo
exi-

exiguus ut sub oculos non cadant, nisi ea tunica verruosa divulsa luci opponatur: tum enim illa granula subalba conspiciuntur, multò minora bombycum ovis. Unumquodque granulum suo vase excretorio donatur; cumque intus premitur membrana, succum roridum per ea vasa exprimit. Eæ utique glandulæ in cane, in fele zybetica, vulgo *la civette*, magis sunt conspicuæ, sed in omni genere quadrupedum, & avibus etiam reperiuntur.

2. Interior ventriculi tunica innumeris foraminulis pertusa est, præsertim in parte sui inferiore. Atque ubi ea foraminula comprimuntur, humor quidam ex iis paulò viscidior secernitur: adeo ut foraminula nihil videantur esse præter ostiola vasorum, quæ excretoria dicuntur; nec minusea sunt conspicua in ventriculo felis zybeticæ, quàm in glanduloso avium stomacho. Ac nuper convexam hujus membranæ partem in sue glandulis esse conspersam ostendit Vernæus; ac foramina in parte interiore sunt plane conspicua: in fele zybetica glandulæ non conspiciuntur, sed apparent foraminula, adeo ut satis sit verisimile, illam membranam esse quoddam genus glandulæ continuæ, non conglomeratæ, aut ex variis granulis conflatæ. Ac forte fila tenuissima quæ partem superiorem ejusdem membranæ obducunt, cum non sint fibræ carneæ, totidem sunt glandulæ suis vasis excretoriis instructæ. Nam pars dimidia & inferior illius membranæ est corpus glandulosum: neque ulla est ratio quæ partem superiorem alterius esse

se naturæ nobis persuadeat : quanvis tubulorum exiguitas nos forsitan fallat : sed basis cujusque villi qui ad perpendiculum membranæ insistit, est forte glandula.

3. In tenuibus intestinis plexus glandulosi ovalis plerumque figuræ cernuntur : horum bases tunicæ nervosæ adhærescunt, apices in membranam internam & villosam desinunt; atque internam mori superficiem satis aptè exprimunt. Cujusque plexus areola complures glandulas complectitur : viscosus humor ex iis compressis egreditur : crebriores sunt in illo intestino, maximè prope illius extremum : nunquam in ea parte intestini quæ mesenterio adhæret, conspiciuntur, sed in parte illius opposita. In sue hi plexus glandulosi magis sunt conspicii. In crassiorum intestinorum internam membrana lenticulæ similes, & separatè videntur glandulæ, neque ut aliæ, sunt perforatæ, sed in earum medio sinus est angustior, ex quo humor viscidus & crassior magna vi exprimitur.

Multa omitto quæ ad Anatomicos pertinent, ea duntaxat attingo, ex quibus lux major Philosophiæ afferri & altricis facultatis functiones facilius explicari possunt. Itaque illud vero proximum videtur, quod idem vir peringeniosus colligit, eas œsophagi & ventriculi glandulas supeditare succum qui alimentis dissolvendis est idoneus: nec necesse est aliud velut membrum ex arteriarum tunicis per transpirationem exsudare, ac ne alimenti quidem reliquias, quæ vices fermenti obeant, arcescere opus forte fuerit, cum causa hujus
dis-

dissolutionis satis sit manifesta. Neque abhorret à verisimili succum nerveum, aut tenuissimum potius spirituum liquorem, qui per amplos nervos inter ventriculi membranas sparsos uberius affluit, cum liquore viscoso è glandulis manante misceri, & quasi irretiri, ne citius avolet: atque utriusque hujus liquoris beneficio alimenta jam in ore præparata dissolvi: spirituosus enim nervorum liquor alimenta penetrat, subigit, comminuit, & in chylum cinereum, viscosum tamen, & acidulum convertit. Unde ubi spirituum comæatus inhibetur, ipsa digestio non ritè perficitur.

Quare liquor ex iis glandulis profluens iisdem pene viribus quibus saliva, præditus est. Est enim saliva velut menstruum quoddam, aut dissolvens, quod non est uniusmodi, sed varium & multiplex, ut jam superius innuimus. Hinc alia tenuis est, & penetrans, alia densior, & viscidior, eaque ex variis velut fontibus scatet. Quandam nuper glandulam *D. du Vernéy* in inferiore parte orbitæ prope magnum oculi anculum deprehendit ex earum genere, quæ conglomeratæ dicuntur, quod ex innumeris velut granulis consistit: plurimos ea ramulos ex iis, vasis quæ irrigando oculo destinantur, excipit: ac parte sui inferiore vas excretorium mittit exile admodum, quod superiorem maxillam penetrans obliquè in tinnicam oris internam inseritur, & pone dentem ultimum & molarem definit: humorem præbet subalbum & crassum, qui cum aliis oris liquoribus, seu dissolventibus commistus digestionem ipsi, & primæ cibor

borum exsolutioni servit . Utrum ea glandula in homine reperiatur , nondum observare potuit . Id unum volumus magnam esse vim salivæ & liquorum qui ex oris, œsophagi & ventriculi glandulis extillantur , in cibis dissolvendis : adeo ut saliva ipsa pene menstruum, seu dissolvens universale dici possit : hinc farinæ massam fermentant ; hydrargyrum , ut pleraque acida , & austera sistit ; cutis vitia sanat, gingivas sæpe exulcerat , & dentes carie inficit ; vestigium cupri lapidi Lydio inustum delet .

2. Alimenta quidem in ore , œsophago , & ventriculo exsolvuntur , sed in chylum album non abeunt , nisi in tenuioribus intestinis . Nunquam enim in ventriculo chylus, seu lacteus humor occurrit , sed dissoluta duntaxat alimenta ibi offendimus , quæ plerumque cinereum præ se ferunt colorem . Hinc nullæ è ventriculo venę oriuntur . Nec dubium est quin spiritus animales ejus dissolutionis sint præcipui artifices . Hinc à prandio horror quidam , aut sopor plerumque subsequitur ; & abhorrens à studiis animus, quod spiritus digestionis vacent, iique per magnum paris vagi ramum , qui in ventriculum spargitur, è cerebro & cerebello continenter manant . Unde non mirum si pauciores spiritus in cerebro sint superstites . Hinc magna nervorum copia in stomachum diffunditur , qui non exquisiti modo sensus , sed multo maximè digestionis causa eo in loco profeminati videntur . Hinc tot nervorum rami tres ruminantium animalium primos ventriculos intus penetrant, quod crudioribus utantur alimentis .

3. In

3. In tenuibus intestinis chylus perficitur: hunc non bilis solum, & succus pancreaticus præparant: sed etiam succus à glandulis intestinorum expressus. Unde animalia quæ alimentis coctu difficilioribus vescuntur, majore copia earum glandularum donantur.

4. Liquor etiam viscidior, qui ex his glandulis, & maximè ex iis quæ crassioribus insunt intestinis, exprimitur, intestinorum cava obducit, ne quid à salinis & acrioribus excrementorum particulis detrimenti patiantur. Sed de ipsa digestionem paulò fufius agendum.

C A P U T I I I.

Quæ sit causa effectrix digestionis.

HIs explicatis faciliùs intelligemus quomodo fiat digestio, an calore solo, an fermentatione quæ ab acido succo profluat, & utrum hic succus à liene dimanet. Sit itaque

Unica Conclusio.

Digestio non solo calore, sed fermentatione quadam fit, aut dissolutione. Fermentum verò illud non à liene, sed potiùs à glandulis ventriculi, intestinorum, saliva & spiritibus proficiscitur.

Prima pars conclusionis facilè probari potest: neque enim tantus est calor in ventriculo canis v. gr. qui ossa digerat; & si is adesset, quantus in animali maximus esse potest,

potest, vix per aliquot menses hoc operis perficeret.

Confirm. In piscibus ventriculus ipse vel ipso tactu frigidus percipitur: & tamen integros pisces digerunt, ut cernere est in luccio pisce, v. *un brochet*. Ac si illius ventriculum attentè consideres, tum id liquebit partes piscis devorati quæ primum digeruntur, ventriculum majoris piscis tangere, & succo mucoso, qui sudoris instar è tunica ventriculi exsudat, madere. Quin & materia illa mucosa cum partibus digestis per pylorum continenter exprimitur.

Ex quibus pars secunda conclusionis liquet, succum digestionis opificem ex arteriis delapsum, & percolatum, per apertiores interioris tunicæ meatus exstillatum digestionem efficere, quam calor non nihil adjuvat, sed solus non efficit. Et sanè id videtur necessarium, ut humor ille quo cibi subiguntur, non aliunde quam à corpore dimanet, quò sit corpori ipsi familiaris, non alienus. Unde potus, quo cibi duriores diluuntur, huic muneri non sufficit: sed & ipse eget succo illo mucoso quem interior ventriculi tunica suppeditat. Nam & vomitu ejicitur crassior, nisi fortè male affecto ventriculo digestio ipsa sit languidior: tum enim & acidior & liquidior evomitur.

Confirm. ex ipsa ventriculi structura. Quorsum enim tot glandulæ in tunica ventriculi crustosa? profectò nunquam eæ adsunt nisi liquorem aliquem ab arteriis exsugant. Et quidem id verisimillimum videtur, hoc quidquid est, quo cibus subigitur, salinè esse naturæ, seu acidum sit, seu acre, seu ex-
utro-

utroque temperatum. Nam id valde penetrans est, & actuosum, quod ossa duriores cibos tam cito exsolvit. Fibre etiam copiosæ in tertia ventriculi tunica multum conferunt ad fermentationem, & comminutionem alimentorum: uti cum massa farinacea manibus subigitur.

Quare potu, humore acri, & salino in ventriculo imbuti cibi in cineream, & tenacem abeunt substantiâ. Calor itidem moderatus qui ventriculum fovet, liber halitibus exitus fermentationis opus non mediocriter adjuvant. Nam ad fermentationem hæc præcipuè requiruntur, aqua copiosa, calor mediocris, & aeris liber aditus.

Hinc vina acidula longè citiùs fermentescunt: sic Rhenanum, quod multò phlegmate abundat, citiùs fermentescit, quàm vinû Hispanicum. Quique frigido aeri exponuntur liquores, aut calore omni destituuntur, aut vasis oclulis continentur, vix possunt fermentari. Nec ferè fit ulla fermentatio, nisi in amplioribus vasis. Nam partes liquoris intra fluidum non facile moventur, ac necesse est, ut aliis accedentibus aliæ cedant loco; quod utique fit per varios & vertiginosos motus, dum partes aliæ alias impediunt, & repellunt, neque adeò hi motus in tubulis, sed in amplioribus spatiis perficiuntur.

Ex iis etiam liquet cur in plerisque animalibus, quæ herbis pascuntur, tantus sit ventriculorum apparatus. Primus enim & maximus instar cujusdam sacci alimentum excipit, ubi nonnihil præparatur, & in os masticandum per œsophagum postea rejicitur. Hinc melius subactum in primum iterum.

rum demittitur, tum in secundum, tertium & quartum ventriculum. Primi ventriculi tunica interior, ut disertè explicat D. *Perrault*, non æquabilis est & lævis, sed particulis firmis & solidis aspera, quibus herbæ adhuc duriores ante masticationem velut in crate ferrea sustinentur, & primæ coctioni præparantur. In equis qui non ruminant quidem, sed herbis vescuntur, quas masticando non satis exquisitè concidunt, callosa est & dura ventriculi tunica, tum ne herbarum aculeis lædatur, tum maximè ut compressionem ipsa fœnum, aut grana ritè comminuantur.

Secundi ventriculi interior tunica in ruminantibus variis lineis distincta cernitur, figuras delineat hexagonas, pentagonas, quadratas, unde & reticulum dicitur. Hæ quidè lineæ tanquam muri eriguntur, & quasi dentibus inciduntur, ut instar rastorum partes herbarum nondum dissolutas colligant.

Tertius & quartus variis foliis distinguuntur, inter quæ alimentum arctius premitur. Illa utique folia miro artificio è tertii ventriculi interiore membrana assurgunt; neque enim æqualis sunt altitudinis. Octo sunt maxima, quæ usque ad centrum porriguntur; totidem sunt parva, sexdecim mediocria. Quod si eadem fuisset omnium longitudo, multò fuissent confertiora versus centrum, quàm in circumferentia: quàm minima igitur intervalla propè circumferentiam posita implent, & ita sunt disposita, ut succo liberum transitum præbeant: quæ utique figura à Clariss. Viro delineata optimè exprimit. Vide fig. 2. tab. 7.

Quarti

PARS TERTIA. 405

Quarti ventriculi folia variis glandulis inter membranas dispersis sunt conspersa: quæ utique glandulæ in aliis ventriculis desunt. Atque ea ratione à natura cautum est ut alimentum per longiores anfractus pertransiens, diutius in his hæreat, melius coquatur, & tandem in quarto ventriculo & intestinis multò longiora sunt quàm in cæteris animantibus, fermentescat. Fermentum enim præsto est in iis quæ unicum habent ventriculum: sed videtur deesse in ruminantibus, & longa tantum mora, ut farinæ massa fermentari; neque fortè herbas & semina cum fermento stomachi tam bene conveniunt, ut caro ipsa quæ facilius digeritur, & succo ventriculi exsolvitur.

Eadem ratione aves carnivoræ ut aquilæ, vultures, & aliæ complures ventriculo simplici, & membranaceo, ac fibris carnosissimis munito donantur. Sed aves quæ seminibus aut granis vescuntur, in quibus cortex non facilè à nucleo aut medulla divellitur, firmo & valido ventriculo sunt instructæ. Hic ventriculus v. *le giser*, ex quatuor musculis, iisque amplis A B C D, constat qui in medio E coeunt, & tendinem ibi efficiunt, cui ex parte averfa alter tendo opponitur. Vide fig. 4. tab. 10. Hi musculi exterius apparent. In medio est membrana dura, callosa, aspera, quæ ita disponitur, ut duplicis molæ fungatur munere. Hanc musculi in diversas partes acti contorquent, ut grana intercepta comminuat. Est autem ea membrana in plicas ita corrugata, dum musculi vim suam exerunt, ut illius latera ad se mutuo
pro.

propius accedant , & intercepta grana fortius comprimant : tum elaterio suo evolvitur , & distenditur ; adeò ut muscoli antagonistæ munus obeat . Quò autem muscoli & membrana fortius agant , instinctu quodam naturæ lapillos & arenas deglutiunt , quibus cum seminibus permistis fortius grana ipsa comminuunt .

Observat illud quoque Borellus , fibras in his musculis , non in spiræ modum , ut in corde contorqueri , sed in radios diffundi , easque magis esse compactas quàm cordis fibras . Nam conterunt & molunt alimenta , cum globulos plumbeos , & pilulas vitreas injecisset in Galli Indici ingluviem , postero die plumbeas massas contusas , & pilulas vitreas in pulverem comminutas reperit .

Consimilem pene ventriculum lapillis refertum nuper in parvo Crocodiloprehendit D. *du Verney* .

Jam ut ad ruminantes animantes redeamus , in iis œsophagus peculiarem in ipso ingressu in ventriculum nactus est fabricam . Nam ex se emittit inter secundi ventriculi membranas canalem excavatum quidem , sed dimidiatum tantummodo : hujus multiplex est usus . 1. Ut herbarum quæ nondum sunt masticatæ , glomeratos globulos sursum in os referat , qui per collum bovis ascendunt , cum ruminat : tubus enim ille utroque margine instar manus cujusdam concessus videtur à natura , qui dum occluditur , eos stringit , & sursum defert : 2. Per eundem canalem herbæ masticatæ in secundum & tertium usque ventriculum deve-

devehuntur, ne in primum subeant. 3. Potus per hunc tubum in ventriculos inferiores demittitur. Cum enim primus ventriculus magnæ sit molis & plerumque herbis refertus, si fortè potu egent hæc animalia, hic statim distribui in partes remotas non posset, neque in ipsa intestina exprimi, si in primum ventriculum adeò altum & herbis plenum aqua descenderet.

Ex quibus omnibus colligitur digestionem in omni animalium genere non calore solo effici, sed tenui & penetrante succo, qui alimenta etiam duriora secat & exsolvit, partium nexus & vincula disrumpit, ut novam induant formam, & aliam partium texturam. Nam partes quas calor naturalis depascitur, aut potius multiplices vitæ actiones indefinenter consumunt, instaurant alimenta. Quod utique aliter fieri nequit, quàm si particulæ alimentorum omnino consimiles fiant iis viventium particulis quæ consumptæ sunt. Quò autem id fiat, alimentum in liquorem converti necesse est: nam liquoris partes faciliùs quamlibet formam induunt, nec arctioribus vinculis inter se neſtuntur. Quare quæ in ore, ventriculo, & in ipsis intestinis fit digestio, in eo maxime posita est, ut liquor pene uniusmodi ex variis ciborum generibus prodeat. In eum usum fermentum quod glandulæ suppeditant, destinatur; spiritus ipsi penetrantes & subtiles huic præſunt muneri; continuata pressio quam respirationis organa efficiunt, instar mallei tenuem illam substantiam altiùs adigit, ut pulchre explicat Vir Clariss.

Qui

Qui rem ab altiori principio deducens unicuique rei vim sui conservatricem à natura tributam esse observat, illi vis ea in mutuo rerum commercio posita videtur. Nam aliæ ab aliis quæ sibi opus sunt, mutuantur. Cum enim per occultos meatus substantia quæque subtilissima diffletur: nisi per eosdem poros perditæ substantiæ consimilis subeat, quæ iacturam refarciat, (dum ex aere tanquam ex promptuario particulæ similis configurationis referatis meatibus aptantur,) brevi res quæque dissipatur & perit. Unde quæ in vasis hermeticis sigillatis asservantur corpora, diutius manent integra, quod minor sit eorum perspiratio, quæque exhalarunt partes, eædem reverti possunt, & vacua spatiola quibus apprimè conveniunt, implere.

Est autem aer commune omnis generis effluviis receptaculum: unde ex eo quæque corpora particulas sibi aptas & convenientes possunt depromere. Hinc quædam corpora etiam mineralia non solum in aere conservantur, sed etiam interdum & pondere augentur, ut suo loco diximus. Sic viperæ adhuc parvæ amplioribus vasis summa parte apertis per plures menses non solum conservatæ, sed etiam ad justam magnitudinem auctæ fuerunt, cum ex solo aere alimentum sumerent. Sic pisces diu in aqua pura & limpida illæsi & integri vivunt: sic denique complures herbæ ut lens palustris, ocymum, v. *basilic*, ex sola aqua aluntur & vivunt.

Cum autem pleraque animalis cibis for-

tio.

tioribus egeant, quod majus in iis fiat propriæ materiæ dispendium; nec subtilior in iis duntaxat, sed etiam solidior substantia continuo motu dissipetur, alia iis organa à natura provisa sunt, ut cibos quærant, fumant, præparent, digerant: quæ utique organa jam explicare ingressi sumus. Sed præcipuum, ut sæpè diximus, digestionis organum est succus ille quem arteriæ & glandulæ ventriculi suggerunt, quem vulgo acidum vocant ob effectum potius, quàm quod eo sapore sit præditus: sed quia liquores acidi dissolvendis corporibus sunt idonei, hinc dissolvens omne hoc nomine donatur.

In ventriculo etiam & intestinis fit quædam alimentorum elixatio, eo perfectior, quo externo aeri minus patet aditus. Nam ex iis quæ nuper edidit D. Boyle experimentis liquet.

1. Carneam in recipiente vacuo citiùs & perfectiùs elixari in balneo maris, cum scilicet recipiens aquæ fervidæ per aliquot horas imponitur. Imo massa farinacea seu fermentata, seu fermenti expers intra trium horarum spatium excoquitur, tumque levis est, multis cavitatibus inspersa, subrubra, sed crustæ expers: fermentata ærem factitium citiùs procreat. Quæ autem fermenti est expers, nimium est insipida.

2. Caro bubula pipere & caryophyllis inspersa, post tres horas optimè elixata, & grati saporis est extracta; non item ea quæ eodem temporis spatio sine aromatis elixata in vacuo fuerat.

Tom. VI.

S 3. Caro

3. Caro elixata in vacuo , tum recipienti cochleæ ope ritè obturato imposita , per tres hebdomadas integra & incorrupta permansit.

4. Edulia recipienti non vacuo , sed benè occluso sic imposita , ut illud impleant; eoque recipiente intra balneum mariæ, ut vocant , sic aptato , ut balneum ipsum accuratè occludatur , intra paucas horas elixantur. Sic caro cum pipere & caryophyllis intra vas prædictum inclusa & pressa , unius horæ spatio cocta fuit : recluso balneo aqua cum impetu erupit: pars illius carnis recipienti ritè per cochleam obturato imposita , post 5. hebdomadas illæsa & optima inventa est : adeo ut tam exquisita elixatio non mediocriter ad rei conservationem conferat : quod nullæ partes avolent , & coctio non sit interrupta.

5. Pes bovis eodem modo elixatus , post quatuor horas non solum coctus apparuit , sed etiam illius ossa ita sunt emollita , ut instar casei secari & comedi possent . Piscis eodem modo citra aquam in recipiente obturato & in balneo itidem per cochleam occluso post duas horas coctus fuit & saporis optimi , caput instar carnis comedi poterat : succus ejus in gelatinam concreverat , uti in pede bubulo . Cum nimia est elixatio , caro ingratum saporem , & empyreuma præsefert . Cornu itidem cervi eodem modo inclusum citra aquam post sex horas fuit emollitum , sed perparum succi ex eo fuit eductum . At cum recipienti una cum aqua, quæ interstitia oppleret, fuit impositum , ac recipiens plenum cochlea fuit ob-

obturatum, & in balneo per 4 horas demersum, cornu instar casei molle inventum est, & succus in firmam gelatinam concrevit. Qua autem arte recipiens cum cochlea ritè aptetur, dilucidè explicat Scriptor laudatus in iconismo tertio. Atque hujus generis machinas artificiosè factas nobis non ita pridem exhibuit industrius, & peritus artifex D. Hubin.

Neque id verum est acidum illud fermentum à liene in ventriculum derivari. Nihil enim per venam illam, quam vas breve appellant, in ventriculum deduci leges circulationis sanguinis omnino persuadent. Nam venæ splenicæ rami omnes in communem venæ portæ truncum revehunt sanguinem. In ipso itinere quidam ramuli ex ventriculo, & liene prodeuntes in majores, ferè ut rivuli in fluvios confluunt: sed nullum esse per vasa inter lienem & ventriculum commercium, circuitus, & oppositæ valvulæ omnino evincunt. Hinc canes qui exsecto liene adhuc vivunt, non minus sunt voraces quàm si lienem haberent integrum. Præterea nullus succus acidus, aut melancholicus in liene reperitur; atque is succus omnino est commentitius.

Sed, *inquies*, nullus ejusmodi succus in ventriculo reperitur, aut acidus, aut salsus, ac si quis sit, per arterias aut venas is afferatur, & maximè è liene, qui vulgò creditur melancholiæ sedes.

Resp. Peritissimos Chymicos non ignorare quædam esse dissolventia penè insipida: quin etiam saliva, quæ dissolvens est quasi universale, non expers est omnis aciditatis,

cum hydrargyrum sistat, & massam farina-
ceam fermentet: tamen vix ullum saporem
acidum præsefert.

C A P U T I V.

De chyli in vasis lacteis motu.

Chylus in ventriculo formam pultis vi-
scoſæ & tenacis præ se fert, ilque
sensim continuata fibrarum contractione
per pylorum in tenue protruditur intesti-
num. Hinc in jejunum & in alia intestina
desertur; atque in ipso transitu à venis la-
cteis quasi exsugitur, per quas in commune
receptaculum à Pecqueto feliciter reper-
tum, tum in ductum thoracicum promo-
vetur. Quo autem modo id perficiatur, jam
explicare ingrediamur.

Ac primum illud est observandum, ve-
nas lacteas quæ puriorem chyli partem ad se
trahunt, exiles admodum esse, & tenues;
sed eorum exiguitas numero pensatur. Hinc
tantus est intestinorum ambitus, ut plures
lacteas excipiant: quin & motu vermicu-
lari, quem peristalticum vocant, quique in
dissectione animalium apertè cernitur, sese
contrahunt intestina, quò chylus deorsum
protrusus ad singulas lacteas sisti possit. Hæ
quidem quod sibi aptum est, sumunt, dum
pars crassior & inutilis secernitur.

2. Illa purioris chyli à crassiore secretio
duplici quidem ratione explicari potest, me-
chanica nimirum & chymica. Ab illa, cum
sit intellectu facilior, incipiendum: sed
prius de intestinorum structura. Ea quidem
mem-

membranis constant quæ ventriculi tunicis penè sunt confimiles; intima itidem eorum tunica rugosa est & crispata, ut paulò diutius chylum retineat. Hanc excipit nervosa venis itidem & arteriis conspersa, omni genere fibrarum instructa. Huic succedit carnosà duplici constans ordine fibrarum; interiores sunt annulares, quibus intestina comprimuntur; superior series fibras rectas complectitur. Utraque contracta intestini profunditatem & longitudinem coarctat, simul & contenta antrorsum pellit: adeo ut motu illo sensim succussà intestina chylum, & fæces paulatim promoveant. Sensus exquisitus nervæ tunicæ carnosas fibras ad hunc motum determinat. Fibras nerveas etiam irritant chyli reliquæ, quæ puriore parte chyli expressa molestæ fiunt. Hanc irritationem augent tum alimenta incongrua, tum etiam pharmaca, aut interdum perturbationes animi violentæ, quæ spiritus animales confundunt. Extima tunica ut in ventriculo, sic in ipsis intestinis tota est membranosa.

3. Intestina omnia mesenterii margini rugoso, & in plicas collecto connectuntur, & coarctantur; ac fibrarum annularium tendines in eam partem desinunt. Sic intestina in parvo spatio citra confusionem, motu lento & successivo ab uno termino ad alium paulatim moventur; tum lacteæ venæ quæ obliquo ductu inter intestinorum tunicas feruntur, ut ureteres inter vesicæ membranas, chylum excipiunt, cum per apertos in ipsius intestini tunica & interiores poros percolatione quadam illabatur. Quod

utique tum fieri , ubi contractionis motus interpe-~~nter~~, satis videtur probabile . Nam contractis intestinis arctantur meatus, nec chylus lacteus subit , nisi cum meatus fiunt apertiores . Itaque motus peristalticus chylum in lacteas non trudit : sed eum à ventriculo , & intestinis deorsum pellit , & jam lacteis receptum versus commune receptaculum urget .

4. Ut chylus in tam exilibus vasis liberius fluat , provisum à natura fuit per succum pancreaticum , qui tenuis cum sit , & diaphanus eundem habet usum quem Lympha , seu saliva ex oris glandulis expressa : hæc quippè cibum diluit , ut facilius in ore volvi , & demitti in ventriculum possit : ita cum pancreatis quod ventriculo subjacet, structura sit eadem quæ glandularum, & nihil à saliva dissideat illius succus, utriusque usus videtur consimilis . Unde si forte pancreas induruerit , nec lympham suam effundat, chylus non satis dilutus in lacteis stagnat , neque eas præterlabitur . Hinc tam multiplex in plerisque piscibus videtur ; non enim aliud videntur esset tot sacculi ex quibus in ipsum intestinum per aperta foramina patet aditus . In his chylus novam subit præparationem .

Atque hæc est mechanica & apertior chyli per lacteas traducendi ratio , quam tamen altera ex ipsius chymicæ penetrabilibus desumpta multum illustrat . Et quidem eò tendit natura in chyli fermentatione, aut præparatione , ut partes fluidiores à crassis & viscosis secernat . Quod ut consequi possit , chymicum, ut ita dicam , adhibet
artifi-

artificium . Nam aliquid admiscet , quod viscosis chyli partibus affine eas dividat ab iis quæ sunt liquidiores , quò hæ solutæ & liberæ per spongiosam , & intimam intestinorum crustam percolentur . Bilis itaque per ductum communem à vesicula fellis delapsa in duodenum intestinum , quatuor circiter digitis à pyloro effunditur . Salliviosus qui in bile plurimusest , nimiam chyli visciditatem frangit : adeo ut purior chyli portio à vinculis illius quæ viscidior est , facilius sese expediat : tumque succus tenuis qui à pancreate continenter delabitur , chylum magis diluit , & parti illius fluidiori se adjungit : dum bilis pars major cum alvinis fæcibus una excernitur . Sed ad lactearum structuram & usum veniamus .

5. Venæ lacteæ in glandulas mesenterii tendunt : sed priusquam ad eas perveniant , in plures abeunt venulas , quæ in ipsis glandulis penè obliterantur . Verùm egres- sæ jam coeunt in majores ramulos , donec in chyli receptaculum , ut fistulæ plumbeæ in castellum aquarum desinunt . Quorsum autem in glandulis ea vasa quodammo- do absumuntur ? An fortè chylus in iis alteratur , & fit liquidior ? Sed illud dijudicari non potest antequam de structura & usu glandularum tractatum à nobis fuerit .

Ac primum satis commodè glandulæ in conglomeratas , & conglobatas à recentioribus dividuntur . Illæ sunt molliores , & ex infinitis glandulis , tanquam uvæ ex acinis constant , cæque inter se per vasa capillaria , & tenues admodum membranulas

nectuntur . Hujus generis sunt pancreas in abdomine , thymus in thoracis cavitate , maxillares , & aliæ hujus generis permultæ ; eæque ut plurimum vasis excretoriis donantur , ut in pancreate ductus est amplius qui per illius longitudinem producitur , quique Vvisurgi canalis ab illius inventore vocitatur .

Conglobatæ glandulæ sunt texturæ firmitioris : unde hujus generis sunt axillares , & mesenterii glandulæ : atque ex iis omnes lymphæ ductus oriuntur , cujusmodi sunt venæ lacteæ . Nam eadem est lymphæ ductuum & lactearum structura ; innumeris donantur valvulis , & succus in iis , ut in venis à circumferentia ad centrum , seu à ramis ad truncum progreditur : cumque lacteæ , & ductus thoracicus chylo sunt vacua , lympham pellucidam in ductum thoracicum vehunt . Hinc chylus digitorum pressione facile in glandulas mesenterii impellitur , nec retro remeare potest ; ac ligatæ venæ lacteæ versus glandulas mesenterii statim detumescunt .

Omnes itaque lacteæ in commune chyli receptaculum propè lumbos positum sese exonerant . Cumque eæ venæ nonnisi aliquot, à pastu horis candidæ appareant , non dubium est quin eæ chylo turgeant . Quanquam etiam inter peritissimos recentiores dubitatur , an pars chyli per venas mesaraicas ad hepar deferatur : adeo ut pars tantum serosa per ductum thoracicum ad cor recta perveniat : ut pars sulphurea per venas mesaraicas in portæ truncum, hinc in jecur deferatur . Multis videtur probabilius,

bilis , chylum omnem aperto itinere in ductum thoracicum fert . Unde cum in cane vivo ductus thoracicus à Viro Doctissimo Louvero ungue disruptus fuisset , confuto vulnere paucis post diebus capis extinctus est . Aperto cadavere pectus chyli duabus , aut circiter libris refertum apparuit : ac sanguis post alterum ab illo vulnere diem detractus nihil habuit chyli : venæ itidem lacteæ chylo turgidæ apparuerunt . Cum tamen in avibus nulli sint , aut lymphæ ductus , aut venæ lacteæ , id etiam probabile videtur , in iis chylum per venas mesaraicas ad hepar contendere . Quod si ita sit , pars chyli eandem viam potest insistere . Ex insufflatione quoque venas mesaraicas cum intestinis communicare probat D. *du Verney* . Atque huic sententiæ accedit omnino Doctiss. *Borellus* , ea maximè ductus ratione , quod vena portæ sit ferè quadrupla venæ splenicæ ; utraque verò arteria , splenica nimirum & mesaraica sit penè æqualis , ac vena splenica revehat sanguinem ab arteria splenica advectum : necesse adeo est ut vena mesenterica , seu portæ quadruplum revehat sanguinem ejus , quam vehit vena splenica . Unde ergo impleri potest : nisi à succo bilioso & chyli portione quam venæ mesaraicæ excipiunt ut partem alteram chyli bile & succo pancreatico velut conditam venæ lacteæ in ductum thoracicum deferunt . Hinc copiosæ adeo venæ mesaraicæ quæ circa jejunum , & duodenum intestina suas habent radices . Non enim ibi sunt collocatæ , ut minimam sanguinis partem excipiant , sed succum aliquem præter sanguinem ,

nem, bilem fortasse excipiunt : neque chylus in hepar deferitur, ut ibi in sanguinem elaboretur, sed ut chyli portio à bile soluta ad cor perducatur. Neque id verò aut difficile, aut insuetum videri debet, si chylus per duplicem viam æquè facilem ad cor pervehatur. Verùm id viderint Anatomici.

Quamobrem chylus per venas lacteas in commune receptaculum deferitur : hinc in ductum thoracicum, ex quo in venam subclaviam, tum in venam cavam, ac tandem in dextrum cordis sinum contendit. Commune verò illud receptaculum eo loci est constitutum, ubi diaphragmatis tendines spinæ dorsii illigantur, ut contracto diaphragmate, & tensis iis tendinibus chylus sursum adigatur. Duplex plerumque est ductus thoracicus, nisi è regione cordis, ubi duo rami in unum confluunt. Sed illi duo canales, tanquam duo scalæ latera per intermedios ramos inter se communicant. Eò quidem facta est illa canalis thoracici divisio, ut uno obstructo alter usui esse possit. Quare in venam subclaviam duplici, aut interdum uno, sed amplo ostio is sese exonerat. Verùm ne sanguis inter descendendum per venam in eum ductum exundet, huic ostio aptata est valvula, quæ sanguinis in canalem thoracicum prohibeat ingressum.

Hinc chylus, ut diximus, ad cor perfertur, & sæpiùs cum sanguine circulatus naturam ipsius sanguinis induit. Unde si quatuor, aut quinque horis post largiorem pastum detraxeris sanguinem, is multo lacte,

lacte ; aut chylo abundabit . Quod si longius tempus expectes , chylus ferè totus in serum commeat . Hoc tamen utrique liquori commune est , ut leni admotus igni concreascit .

Et sanè eadem sunt vasa quæ chylum in mesenterio & lympham ad receptaculum pervehunt ; cumque abest chylus, lymphæ non deest , quæ hæc vasa & canalem thoracicum continenter implent , neque ea unquam succi sunt expertia . Vasa autem lymphatica in musculorum membranis , & viscerum radices habent ; eaque in glandulas globatas se exonerant . Ex quibus egressa partim in commune Pecqueti receptaculum , partim in canalem thoracicum liquorem suum effundunt . Quæ ex ventre inferiore , & cruribus prodeunt , ea in receptaculum ; quæ ex pectore , in canalem , quæ demum è capite , cervice , & brachiis oriuntur , eadem in venas axillares se exonerant , atque ita lymphæ ex arterioso sanguine profecta , & fortè spirituoso nervorum succo animata in sanguinem remeat , ut illi sit vehiculo , & idoneum partibus alimentum . Et quidem fieri potest , ut glandulæ quædam sint velut officinæ in quibus succi fermentitii elaborentur : sed non omnes . Nam pleræque eum habent usum quem glebæ in quas plantarum radices sparguntur , ait Borellus . Cumque glandulæ ceu quidam fasciculi vasa omnis generis completantur , vasa earum excretoria non possunt cum arteriis conjungi : tum enim sanguis non posset à venis excipi . Succus itaque multiplices in glandulis repositi , & per

minima committi , in suis quique vasis sibi accommodatis excipiuntur; & vasa singula succum convenientem , ut partium & meatuum apta configuratio exigit , ad se rapit . Idque fit necessitate quadam mechanica; non fermentatione .

Neque hoc loco varios glandularum affectus commemoro; quorum plerique ex prava succi qui per eas percolatur conditione , aut ex vasorum obstructione nascuntur . Scrophulosi tumores hinc & molesti , & periculosi oriri solent : qui alterantium magis , quàm purgantium vi curantur . Refert D. *Boyle* ægrum scrophuloso tumore sic laborantem , ut vix quicquam deglutire posset , sanatum esse à medico infusione cujusdam plantæ , quæ paronychia foliis rutaceis dicitur, sæpius, & largiùs hausta. Hæc planta in locis humidioribus sæpè reperitur , eaque ad morbum comitalem ab eodem Clariss. Viro , ab aliis commendatur : Et sanè si hujus generis medicamina diutius , & majori dosi sumerentur , fortassis longè major eorum esset utilitas .

C A P U T V.

De usu ventriculi & variis ejus affectibus.

CUm ventriculus sit organum nutritionis præcipuum , quod alimenta digerit & præparat, ex hoc benè aut malè affecto totius corporis sanitas , aut valetudo magna ex parte pendet . Nam si prima ciborum digestio ritè perficiatur , & chylus & san-

sanguis & spiritus animales benè elaborantur , ac tota corporis machina belle se habet . Secus ex male coctis alimentis chylus impurius , sanguis aut sæculentus, aut aquosus ; ex depravato sanguine spiritus, aut se-
gniores , aut acriores gignuntur .

Præcipui autem ventriculi usus ex ipsius fabrica innotescunt . Atque ut ab intima & villosa tunica ordiamur , quæ in œsophago candidior est , & villosa ut in ventriculo , planum id videtur eam membranam iis villis seu fibrillis mollioribus , ut lanugine quadam obduci , ut ciborum suavitate permulceatur , & ea ratione animalis conservationi caveatur . Sensus enim quidam à gustu diversus huic membranæ interiori & rugosæ insidet , quo multa etiam insipida, ut mercurium vitæ , aut flores antimonii statim ut sibi infesta vomitione ejicit: quod membranam nervosam & mediam particulæ aut pharmaci , aut veneni vellicent , spiritus irritent ; & membranam carnosam fibris validioribus structam ad ejiciendum hostem sollicitent .

Hinc enim vomitio oritur , cum irritatis nerveis fibris interioris membranæ , motrices membranæ carnosæ quæ ab uno ventriculi orificio ad aliud porriguntur , convulsæ in sinistro orificio , ubi magnus est nervorum plexus ob octavo pari profectus, sursum quod noxium est statim expellunt , ne diutius ventriculum & intestina infestet . Motus quidem fibrarum naturalis ab orificio sinistro in dextrum diffunditur sed motus convulsivus in vomitione huic contrarius, & contractis fibris in stomachi orificio ,

cio, eedem, & versuseam partem contrahuntur. Quin etiam fibrę carnosę quę in orbem ventriculum cingunt, contrahuntur; ut quod noxium est, eliminent, ne mora sua in ventriculo & intestinis majorem & insanabilem labem inducat. Irritati itaque & velut excandescences spiritus, qui ventriculi fibras incolunt, vomitionem efficiunt: quęcunque causa sit hujus irritationis, quę sane varia est & multiplex. Interdum enim alimenta sunt aut quantitate, aut qualitate noxia; interim materia in ventriculo gignitur, & coacervatur, aut aliunde advehitur, sive per arterias quę copiosę sunt in nervosę tunicę parte intima, per quas sanguis aliquando excrementa sua in stomachum exonerat, sive bilis à vasis cholodochis per pylorum subeat; sive liquor stomachi in succum astringatur, aut amarum degeneret: seu denique spiritus ipsi alibi irritati, aut perturbati per nervorum ductus transmissi eandem confusionem & velut seditionem in ventriculo excitant. Unde ex gravi capitis plaga sæpe vomitus oritur, quod stomachus cum ceteris partibus magna per nervos affinitate jungatur. Sic in nephriticis paroxysmi, aut in colicis doloribus vomitus sæpe oritur: quod ex plexu nervorum qui in medio mesenterii insignis est, ex plexu itidem renum innumerabiles rami nervorum ad ventriculum dimanent, qui irritati, & convulsi easdem in membranis ventriculi convulsiones creant. Sic ventriculus omnium pene viscerum, cum quibus per nervos aut vasa conjungitur, culpam luit.

Quin

Quin etiam cum interior oris membrana cum intima œsophagi, seu gulæ tunica, & hæc cum interiore ventriculi membrana quodammodo continuetur, si vel cibo ingrato palati tunica, vel ipsa uula motu plumæ irritetur, vomitus oritur. In phthisi quoque sæpe tussis vehementior vomitum excitat, quod eadem membrana partem asperæ arteriæ summam & œsophagum tegat: eandem ob rationem in cholera morbo aut in passione iliaca, & in aliis intestinorum torminibus ob fibrarum continuitatem vomitus oritur.

Quæcunque igitur sint causæ vomitionis, quas Medicis excutiendas relinquimus, id certum est, eam plerumque excitari ob molestum sensum tunicæ nervosæ stomachi impressum: ex quo fortè membrana crassior statim convellitur & contrahitur. Unde emetici medicamēti particulæ sunt eiusmodi, ut nec subigi à stomacho, nec ab eo diutius ferri possint.

Quamobrem ut præter cæteros dilucide explicat Villifius, fortius emeticum primum ejicit quod in cavitate ventriculi fluctuat. Deinde quidquid viscosæ est pituitæ in ventriculi rugis, aut villis; tum si vellicatio perseveret, serosum humorem arteriolæ effundunt; tandem convulsione ad duodenum manante bilis ejicitur. Hinc quando bilis exundat, sæpe à mitiori pharmaco immanes vomitus cientur.

Cum vini emetici infusio per venam jugularem canis injecta esset, post aliquot horas immanes vomitus sunt consecuti: iique forsitan à cerebro potius, quam à stomacho

cho sunt excitati: cum similis effectus à nicotianæ, v. *du tabac*, decocto, capiti adhibito prodierit. Ac fortè ea est una ratio ex multis quæ afferri possunt, cur minus mari assueti tandiu, & non sine magna anxietate & dolore vomere soleant, quod perturbati præ agitatione spiritus primum in cerebro, tum in ventriculo fibras nerveas convellant: unde qui vertigine laborant, plerumque ii vomituriunt.

Nec dubium est quin ea vomitio quæ in mari adeo frequens cernitur, ad sanitatem multum conferat: cum ventriculum humore pituitoso interdum viscoso, quem purgantia expellere non possunt, imo & obstructiones viscerum, & eas maxime quæ in biliariis ductibus altius insident, omnino expediat, serosum humorem & excrementitium sanguinis per arterias quæ in tunica nervea ventriculi & intestinorum sunt densissimæ, expurget. Unde vidimus nonnullos qui ut pertinaci quartana solverentur, se mari agitato non sine successu commiserunt. Humores enim si alicubi restagnent; si viscidum phlegma in plicis stomachi inhæreat, si humor amarus in eo fluctuet, utilis est vomitio. Imo Herculei, ut vocant, morbi, & iis maxime qui cerebrum & nervosum genus invadunt, vix alia ratione profligantur. Concussa enim vasa, glandulæ & nervi sordes quibus inficiuntur, humorem imprimis biliosum, & serum acre, aut alia sanguinis excrementa quæ in caput sese recipiunt, penitus evacuant. Sed cautio adhibenda ne constitutio corporis sit tenerior, & mollior, fibræ ven-

triculi laxiores ; ne habitus corporis gracilis ; ne sit dispositio phitifica : tum enim emeticum adhiberi non debet , ac ne tum quidem cum sanguis effervesceat , aut crasis expectatur .

Vomitio itaque & aliæ pleræque purgationes irritatione quadam perficiuntur . Irritatis quippe nervorum , & membranarum fibrillis , partes magis fluxiles ea contractione exprimuntur , membranæ pene omnes excutiuntur : nam dolor ipse ad universum corpus pertinet : nervi contracti , & velut exstimulati musculos contrahunt . Hinc sanguinis , & fluxilium humorum motus acceleratur ; major spirituum & succi nervosi copia in cordis fibras exundat : unde & celerius movetur . Sed consumpto illo spirituum vehiculo plerumque ex fermento quod cum vi illa exstimulante conjunctum est , & altius in humores penetrat , contrarii effectus prodeunt . Nam sanguis & liquor nervosus perverti possunt , seu crassiores & lentiores evadant , seu ultra quàm par sit fusi fiant acriores .

Addit Bellinus illud non esse necessarium , ut vomitoria ventriculum semper exigant , sed plerumque satis esse ut eos humores secernant , aut pariant , qui per alias quam per ventriculi glandulas excerni nequeunt . Neque enim statim atque ingesta sunt , vomitum movent sed paulo diutius ibi commorantur , dum eos humores in cavitatem ventriculi deduxerint . Qui cum sunt acriores , non sine molestia & dolore ejiciuntur . Quod utique spatium aliquod temporis postu-

postulat, ut ea humorum copia colligi possit, quæ molesta sit ventriculo, & ad ejus expulsionem eum existimet: sed illud quoque non raro potest accidere, ut emeticum fibras ventriculi vellicet, & sensum doloris in iis paulatim excitet. Inde humorum in ventriculum affluxus, & vomitus: quem sequitur fibrarum & membranarum madafactio, & doloris mitigatio. Sed illa humiditate exsiccata, rursus fibræ contractæ vomitum cient.

Verum ista quidem obiter: neque enim medendi, sed causas rerum persequimur. Unde ne emeticorum quidem genera recensere volumus: id magis ad institutum nostrum pertineret, in causas inquirere, quæ invitam vomitionem in nobis plerumque efficiunt. Sæpe sanguis impurius per arterias, aut vasa biliaria excrementitios humores, qui nervosam ventriculi membranam vellicant, aut adusta & amara excrementa exonerat: cui malo sæpe acidiliquores, ut serum lactis, aut aquæ acidulæ medentur, dum sanguinem aut temperant, aut fundunt, & ejus excrementa aliò transferunt. Sæpe materies putrida & emetica ob corruptum stomachi fermentum gignitur, cui detergentia, & digestiva, ut vocant, quæ sale alcali abundant, ut absinthium, oculi cancri, pulvis aloes, commendantur. Sed de primo affectu ventriculi tantum.

Secundus stomachi & intestinorum affectus est purgatio, quæ vomitioni ea quidem ratione est contraria, quod vomitio à finistris ventriculi fibris contractis & quodammodo

modo convulsis orta sursum per œsophagum, consuetum naturæ ordinem nitatur; in purgatione primum fibræ dextræ juxta pylorum irritatæ humorem noxium per intestina protrudant. Sæpe tamen una alteram subsequitur: cum enim quæ in stomacho aut genita est materia, aut aliunde advecta illius fibras nimium lædit, nec tolerari diutius potest, statim per œsophagum, seu per breviorē viam ejicitur; simul spiritus irritati fibras modo sinistras, modo dextras contrahunt, & noxium humorem sus deque expellunt. Cum chyli reliquiæ placido fibrarum motu per intervalla temporum ejiciuntur, purgatio est omnino naturalis: sed cum motus est concitior, & fibræ intestinorum celerius contrahuntur, tum motus ille excretorius proprie purgatio dicitur, maxime cum à medicamine intus sumpto ventriculi primum, tum intestinorum fibræ vellicantur.

Neque enim electione quadam, ut vulgo Medicorum persuasum est, certi humores, ut pituita, bilis atra seu melancholia, flava & sanguis; aut similitudine substantiæ, aut tractione, quæ in natura nulla est, eliciuntur: sed irritatione, expulsionē & forsitan fermentatione quadam; ut Auctor quem laudavimus, pene demonstrat. Cum autem hæc medicamina non sint uniusmodi, sed alia particulis mollioribus, alia durioribus consent: quædam sint volatilia, fixiora, non eodem modo viscerum fibras ad excretionem sollicitant. Sed plerumque cathartica acredine sua vellicant membranas stomachi & intestinorum, quæ dum se con-

se contrahunt, simul exprimunt succos qui in vasis sanguinis, & in excretoriis glandularum continentur, sere ut piper uberiores salivam exprimit.

In cassia & manna partes sunt tenues & subtiles, quæ plerumque ventriculo nulum facessunt negotium: sed duodeni tunicam magis sensibilem afficiunt & vellicant: hinc porus, seu ductus biliaris concussus copiosam bilem excernit. In aliis medicamentis ut in gummi ammoniaco crassior & viscosa magis materia vim suam non statim exerit, sed longius protracta & ultra porum biliarium tunicæ mucosæ intestinorum adhærescit. Hinc serum quoddam è vasis exprimit, & mucum quo intestina inducuntur, abradit, pituitam adeo expurgare dicitur.

Cum enim, ut ingeniose philosophatur Bellinus, vitiosus aliquis humor inest corpori, qui foras non expellitur, id plerumque fit, quia nulla est glandula, quæ hunc humorem aut huic similem secernat; aut est quiddam, quod vel glandulas, vel sanguinis vasa obstruit; aut deest velocitas sanguis idonea, quod sanguis, vel humor sit viscidior, & crassior, & interdum liquidior quam par sit: tum enim non raro is colligitur intra folliculum, & cum vasis non communicat: potest etiam liquidior sanguis tam copiosus esse, ut moveri vix queat; tumque nervulorum fibras adeo premet, ut spiritus aut eorum vehiculum liberè commovere non possint.

Cum igitur purgans vitiosum humorem è corpore educit, id plerumque fit vel quod glandu-

glandulam huic humori percolando aptam efficiat; vel quod partes illius humoris ita divellat, & attenuet, ut per glandulas excerni possint: vel quod vasa ipsa sanguinis ante obstructa recludat.

Nec dubium est quin partes medicamenti in ipsos humores, & vasa penetret, & una cum sanguine misceantur. Non enim spiritus modo penetrantes, sed & humores aquei & oleosi pelles animalium, & vasorum tunicas pervadunt. Unde nihil necesse est ut humor ille noxius sit ejusmodi, qualis per medicamentum educitur. Cujus rei argumentum esse potest, quod quædam medicamina semper foetida evocentcrementa; alia non item. Hinc purgans partes humorum sic agitare potest, ut ad naturalem statum reducantur; verum id non fit noxii humoris tractione, quæ vix è capite verb. gr. per tot vasorum anfractus fieri possit, sed interdum novi humoris generatione. Nam si tractione id omne fieret, purgans medicamentum id tantum modo eliceret, quod sibi simile est.

Sunt medicamenta, quorum partes aciores & quasi adustæ sanguinem commovent, & bilem excitant, quæ uberior per communem ductum in duodenum expellitur; ut aloë & rhabarbarum: quæ idcirco bilem purgare censentur; nisi forte etiam color, ut in aliis multis, nobis imponat. Quæ vehementius purgant ut jalapium, & colocynthis, partibus adeo acribus constant, ut massam sanguinis fundant & præcipitent, crasim ejus corrumpant: hinc dejectiones plerumque sunt aquosæ.

Purgan-

Purgantia quippe non modo humores eji-
ciunt qui ventriculi & intestinorum cavo
continentur, sed etiam vasa sanguinis sub-
eunt. Sive dum venas lacteas chylus pur-
gantis medicaminis particulis refertus su-
bit; sive per vasorum oscula, quæ in tuni-
ca nervosa ventriculi inesse diximus, sese
insinuant, & per illius massam diffundan-
tur: quod utique multis liquet indiciis. Nam
urina sæpe colorem & odorem medicamen-
ti refert, & lac nutricis, quæ rhabarbarum,
aut aliud medicamentum sumpsit, infan-
tem purgat. Unde Medici purgare solent
in febris declinatione, cum materia febrilis
jam cocta est, ut loquuntur, seu ad secretio-
nem parata.

Nec alio fere modo purgationes suas na-
tura quandoque sola instituit, cum alimen-
ta aut nimia sunt, aut depravata: tum enim
sæpe diarrhœa oritur, quo inutili & noxio
pondere solvatur, ut in crapula & victu
non bene ordinato evenit. Interdum tuni-
caglandulosa in ipsis intestinis & vasa lactea
in mesenterio viscida pituita obstruuntur;
hinc succi nutritii distributione impedita
dejectiones sunt majores. Sæpe aut bilis
uberius intestinorum tunicas vellicat, aut
sanguinis recrementa per arteriolarum o-
scula in cavo intestinorum deposita fibras iti-
dem irritant. Nonnunquam perspiratione
insensibili impedita humores superflui in
massa sanguinis turgescunt, & ad ipsa in-
testina transferuntur. Quin & sanguis
ipse ad coagulandum dispositus cum
per minutiora vasa intestinorum cir-
culari facile non possit, ibi congeritur,
& ru-

& ruptis obicibus dysenteriam parit .

Hæc sæpe exeunte æstate & ineunte autumno grassari solet, maxime in iis locis, ubi aer corruptus est, aut fœtor inest, ut in militum castris & in carceribus, cum sanguis æstivis caloribus pene torridus ad effervescentiam febrilem est dispositus; cum excrementa sua secernere non potest; cum perspiratio insensibilis rite non perficitur. Sæpe hic morbus contagio serpit, & sanguis ut in peste malignitate quadam sic afficitur, ut ejus partes hoc veneno tactas neque per urinas, neque per occultos cutis meatus eliminare possit; sed cum sint crassiores, & sanguini ipsi incoctæ, una cum eo jam ad coagulationem proclivi per vasorum oscula in ipsa intestina impelluntur. Hinc tormina & inflammatio persæpe. Unde quæ huic morbo adhiberi solent remedia, eò tendunt ut venenatæ sanguinis partes in corporis habitum amendantur, & ejus coagulationes dissolvantur. Illud medicamina diaphoretica, hoc alexipharmaca efficiunt. Atque in hunc usum adhibent nonnulli mercurium dulcem, qui humorum acrimoniam obtundit. A perito & exercitus præfecti chirurgus se accepisse testatur D. Boyle, eo remedio vix ullum esse præstantius. Id vero tum ut mercurium absconderet, tum ut facilius deglutiri posset, una cum saccharo, & mucilagine gummi-draconis præbere solebat: adeo ut usque ad scrupulum mercurii & paulò amplius præscriberet militibus. Diarrhœæ solent curari lacte vaccino & cocto cui paulatim tantum aquæ adjicitur, quantum est lactis, &
tandiu.

tandiu leniter ebullire finitur, dum ad lactis quantitatem totum redierit: dysenterię rarius hac ratione sanantur. Dolorem & tormina sedant opiata, & quę adstringentia dicuntur, vasa occludunt.

Cum hæc scribimus, dysenterię & diarrhœæ non minus molestæ ubique fere grassantur. Enemata ex decocto plantaginis, cui rosæ adjiciuntur, multis profuere: haustus ex tribus cochlearibus aquæ plantaginis, oleo amygdalorum dulcium, aut si desit olivarū tantumdem, aquę demū è rosis distillatæ tria itidem cochlearia plures sanarunt.

Opiata vero huic pene uni morbo tutius & certius adhibentur; non solum enim dolores sedant, dum efferatos spiritus compescunt, sed succum acidiorē temperant, & cito cum sanguine ejecta cerebrum nō invadunt.

In quo autem posita sit horum medicaminum vis narcotica, aut saporifera, hoc loco curiosius non inquiram. Illud certum videtur, spiritus animales ab opiatis aut profligari, aut debilitari, aut fugari: adeo ut cum in majori dosi & iis qui non sunt assueti, aut qui natura sua sunt debili pulsu, aut somnolenti adhibentur, interdum lethalem somnum inducant. Turcæ & Orientales minus lædi solent ab usu opiatorum quod in iis forte sanguis adustus spiritus magis volatiles procreet, vel potius quod iis paulatim assuescant, ut Europæi herbæ nicotianæ quæ vi itidem narcotica donatur. Sirupus ex papavere erratico, v. *sirup de coquelicot*, mitius operatur, nec dysenterię modo, sed etiam pleuritidi & magnis febribus utile remedium habetur. Anglicæ

glicæ mulieres spiritui vini flores papaveris erratici infundunt, & æstate in vase occluso soli opponunt; vocant *poppy VVater*, seu aquam papaveris, quæ colicos dolores lenit, & eos maximè qui ex crapula oriuntur. Ne illud quidem omittere possumus, laudanum liquidum cæteris opiatorum formulis commendari ab VVillifio. Succo cydoniorum cum flore cerevisiæ fermentato tinctura opii & croci extrahitur; hæc percolatur: quod reliquum est in vase, id est laudanum liquidum, cujus dosis 15 guttæ usque ad 20: pars illius iterum exhalatur, & in pilulas formatur, à grano uno, usque ad duo exhibetur. Clariss. Sydenham nullum fere discrimen inter opii præparata esse existimat. Hujus tamen formulam præ cæteris commendat: vini Hispanici libram unam, opii 2 uncias, croci unam, pulveris cinnamomi & caryophyllorum ex singulis unam drachmam miscet, simul coquit in balneo mariæ per duos vel tres dies, donec liquor debitam consistentiam acquirat: cum catharticum functum est munere suo. 14 aut 15 guttas laudani, ut vocant, liquidi exhibet, ut excitatum à cathartico tumultum compescat.

Illud quoque observatu dignum, tradit, dysenteriam epidemicam plerumque ut pestem & alios epidemicos morbos sub initium materiæ subtiliori & magis spiritali insidere: hinc irritationes & conatus sunt frequentiores, & minores dejectiones, majora tormina, tumque enemata è sero lactis adhibet; simul & idem serum uberius per os sumendum præcipit, ut acres illi humores

inundatione quadam temperentur. Idem remedium adhibet cholerae morbo. Sed ubi diutius hic morbus in publicum grassatus est, tum materiae crassiori insidet, & dejectiones fiunt crassiores. Sic pestis sub initium plerisque nec opinantes opprimit; sed tractu temporis cum febre conjungitur: quod sanguinem ipsum invadat. Quamobrem tum alia dysenteriae praescribit remedia venam tundit, sanguinem temperat, leniter purgat, opiata adhibet, pro potu lac cum triplo aquae coctum praebet. Haec utique attingimus, quod pauciora sint in Gallia hujus operis exemplaris.

Sunt alii ventriculi affectus non ita explicatu faciles, ut fames, & sitis. Utriusque sedem esse nervosam ventriculi membranā *Villis* existimat: adeo ut fibrae inanitae famem, exsiccatae sitim procreent. Illud tamen aequè verisimile nobis videtur, intimam tum oesophagi, tum ventriculi tunicam utriusque hujus naturalis affectus sedem esse: cum ea voluptate aut molestia affici soleat, ut cibus gratus est vel ingratus; sitque velut exploratrix eorum quae in stomachum ingeruntur. Cum denique fermentum stomachi huic membranæ insideat; ac verisimillimum videatur eo succo fibras aliter in fame, aliter in siti vellicari. Itaque fames est stomachi vellicatio quaedam, quam efficit succus acrior è glandulis profluens. Unde & famē succis acrioribus provocamus. Ubi succus ille nimium corrosivus membranam ventriculi continenter exedit, tum dicitur fames canina.

Sic vellicatio fibrarum ab aculeis saliū, aut
nimia

nimia earum distractio, aut faucium ariditas sitim procreat. Utraque affectio non expulsionem succi acrioris, qui digestioni utilis est, sed novæ accessu materiæ tollitur. Hæc enim instar spongiæ succum ibi exsugit: tumque membranæ ventriculi ea molestia liberantur, & vis corrosiva illius succi utiliter exercetur, dum cibos macerat, & chylum conficit, flexibiliores fiunt membranæ, salinæ particulae potius exsolutæ per omnes ciborum anfractus altius penetrant, & eorum digestionem, & macerationem promovent. . . Cibus fluxilis vasa lactea facilius subit. Ita ferè Clar. Borellius.

Cum alimenta in ventriculo digeruntur aut chylus in ipsis intestinis cū bile & succo pancreatis permiscetur, fit quædam fermentatio: ut cum spiritus acetæ corallio, aut margaritis affunditur; tumque effluvia erumpunt, quæ plerumque dolores in ventriculo & intestinis efficiunt, dum eorum tunicas distendunt. Quinetiam ubi aliqua ex causa membranæ intestinum distenduntur, flatus aut effluvia eò se recipiunt: uti accidit in doloribus nephriticis, cum membranæ intestinum convulsæ dilatantur: nam statim flatus aut à sanguine, aut ab aliis humoribus locum inanem replent, & dolores procreant. Sic pharmaca dum fermentescunt, effluvia & flatus plurimos emittunt, ex quibus intestinum tormina. Dolores colicos multi glandis pulvere sanare solent. Exsiccant glandem, primum corticem detrahunt; interiorem nucleum abradunt, & cum vino miscent: idque in pluri-

bus feliciter procedit. Huic morbo Hederae terrestres fortem infusionem in aqua vini ardentis factam ut perutilem commendat D. Boyle: nam in ea planta sunt partes quæ demulcent, aliæ quæ aperiunt. Unde & morbis pulmonum & thoracis plurimum prodesse expertus est.

Ac nescio an aer factitius ex alimentis in ventriculo & intestinis genitus hos flatus & dolores plerumque colicos non procreet. Quanta enim sit illius aeris vis elastica, ex iis quæ suo loco attulimus experimentis liquet. Imo eum interdum venenatum quodammodo esse & citius infecta interimere quàm vacuum ipsum in machina pneumatica identidem ostendimus.

Fig. tab. II. exhibet frustulum ilei intestini cum foliis transversim positis, ut aliquandiu chylum retineant.

DISSERTATIO SECUNDA.

De sanguinis in visceribus percolatione.

Chylum in venis & arteriis potissimum in sanguinem converti ex dictis manifestum puto. Verum id non subito, sed post multos circuitus, & varias in visceribus percolationes efficiunt. Nam in hepate, liene, & renibus preparatur, & ab inutilibus expurgatur humoribus. Primum itaque de illius per hepar transitu, tum de ejus percolatione in liene & renibus dicendum.

CAPUT PRIMUM.

De sanguinis in hepate preparatione.

Sanguinem in jecinore à bile expurgari certum est. Hepar quippe, ut nuper demonstravit Malpighius, nihil est aliud nisi major quædam glandula ex innumeris pene glandulis velut uva ex acinis conglomerata. Hoc utique intueri licet in hepate excocto, cum exterior membrana detracta est; idque in animantibus imperfectis, ut in coelea, in lacertis, imo & in piscibus clarius conspicitur. Hinc Glissonius qui Anatomiam hepatis diligenter conscripsit, hepar omnino friabile futurum docet; nisi membranæ à peritonæo ortæ, & vasa difseminata illius substantiam arctius devincerent. Eaque structura hepatis in animalibus recensnatis, ut in fele facilius advertitur. Ac lobuli fere ut in pulmonibus inter vasorum potissimum divisiones constituti cernuntur; propria membrana involuti, & cum aliis lobulis per vasorum exiles fibras devincti: adeo ut in piscibus ea interstitia facile discerni possint, fere ut in racemo uvarum grana cernuntur. Atque hi lobuli ex minimis itidem glandulis, ut uva ex acinis constant; eæque suis vasis & membranulis non carent. Totâ igitur hepatis substantia ex iis velut acinis, & vasis componitur.

Vasa hepatis sunt præter nervum, & lymphæ ductus multum in ea parte conspicuos, & arteriam hepaticam, quæ pro

visceris mole videtur exigua, sunt, Inquam,
 1. vena porta, cujus radices per abdomen
 fusæ coeunt in unum truncum sub jecinoris
 cavo. Hic truncus in varios diductus ramos
 sanguinem ab imi ventris regione acceptum
 in jecur advehit: adeo ut porta in jecore
 munus arteriæ obire videatur. Unde & du-
 plici tunica induitur, propria nimirum &
 aliena, quam à peritonæo tum mutuatur,
 cum jecur ingreditur. 2. Venæ cavæ ingens
 ramus propagines per totam jecoris substan-
 tiam diffusas mittit, quæ sanguinem à por-
 ta acceptum ad cor revehunt. 3. est vas
 quoddam jecinori proprium, quod porus bi-
 liarius vocitari solet. Hujus propagines cum
 venæ portæ, & arteriæ hepaticæ ramulis,
 eadem capsula quasi communi involucro
 ubique teguntur, & arctè cum iis cohæ-
 rentes bilem ipsam excipiunt:

Quocirca hic est præcipuus hepatis usus,
 sanguinis nimirum percolatio, & bilis ex-
 purgatio. Nam illud est verisimillimum,
 inter vasa quæ afferunt sanguinem, & ea
 quæ eum ad cor revehunt, minutissimas
 glandulas esse interjectas, per quas sanguis
 percolatur, & ab excremento bilioso ex-
 purgatur: adeo ut jecur sit instar pancreatis
 glandula quædam conglomerata, seu com-
 posita ex infinitis glandulis inter se per exi-
 les membranas, & vasa connexis: quæ
 membranæ laxiores sunt in plerisque pisci-
 bus, quò jecur faciliùs flecti possit: eæque
 glandulæ in elixato jecinore saltem micro-
 scopio deteguntur.

Dixerit aliquis, nulla rubet glandula, sed
 omnes sunt candidæ, aut cineræ; moles
 etiam

etiam hepatis major est quàm ut glandulæ nomen sibi vindicet.

Resp. Nec molem, nec colorem obstare quominus hepar sit vera glandula: cum thymus in thorace constitutus, præsertim in junioribus animantibus sit maximus, uti & pancreas, si cum iis quæ in palato & cute sunt innumeræ, conferantur. Nam pro vasorum magnitudine, & propaginum numero necesse fuit ut lobuli hepatis essent multiplices. Nec color hepatis ruber illi nativus est, sed à sanguine, aut aliis humoribus prodit. In fœtu album, in plerisque animantibus flavum cernitur: substantia ejus mollis est, & friabilis, ut thymus, aut pancreas: iisdem quoque morbis hepar obnoxium est, quibus reliquæ glandulæ. Nam ejus lobuli persæpe scatent vermibus, qui in pori biliari ramulis frequenter occurrunt, ut testatur Thomas Cornelius. Quin & hi lobuli succo tartareo interdum tument, ut in colliglandulis plerumque accidit. Hinc etiam multi se hepar ex infinitis glandulis compositum invenisse testantur: quod scilicet illius lobuli, qui ob exiguitatem videri non solent, præ concreto succo majores facti sub oculos caderent, ut in pancreatis glandulis sæpe usa venit.

Sed, *inquies*, quodnam est illius glandulæ vas excretorium? neque enim id deest aliis glandulis.

Resp. Vas illud esse vesiculam fellis cum suo collo, & porum biliarium, qui in intestina sese exonerat. Non quod bi-

lem esse excrementum inutile arbitremur : cum nulla penè glandula inutile fecernat excrementum : sed bilis quæ in sanguine est supervacua ad alios usus adhibetur ; atque illa ut vulgò creditur , alvinas fæces sua acrimonia propellit ; pancreatis succum inertem & lentum suo sale lixivioso , & spiritu volatili exacuit , ac chyli à fæcibus secretionem promovet . Huc adde bilis beneficio chylum attenuari ; defæcari , & fermentationi magis idoneum fieri priusquam venas lacteas subeat . Unde ex jecinoris tumore , aut pertinaci obstructione , primum morbus regius , seu icterus , vulgò *la jaunisse* , tum hydrops sæpè oritur : atque in iis jecinora & dura , & lapillis obsita non raro inveniuntur . Ac sæpe vitiata sanguinis compage succus tartareus glandulas occludit , aut bile ad duodenum intestinum non delabente , crudior fit chylus , & ad fermentationem non compositus : quod vitium in sanguinem & lympham permanat . Hinc feri major copia , vasorum disruptio , aut lymphæ motus impeditus .

Bilis itaque non merum est sanguinis excrementum , sed fortè illius , & chyli velut quoddam condimentum ; eaque novas in chylo , & sanguine fermentationes excitat . Hinc diversi chyli sapes observantur . Nec ferè chylus Pecqueti receptaculo conclusus à lacte diversus apparet , nisi quod est paululum falsior . Unde ex dulci pancreatis succo , sale bilis lixivioso , & aciditate chy-

chyli ingenita novus in chylo sapor, & gratus emergit. Quare bilis exundans sanguini est inutilis: sed ubi sanguis rite est dispositus, nec bile, nec seroso latice, aut lymphæ destituitur: fermentationem ejus tuetur ac promovet, eumque vegetiorem efficit. Id forsitan non abhorret à verisimili, quod opinatur Borellus, bilem uti & sanguinem motu quodam circulari agi. Quod ea ratione probare nititur. Canales biliarii instar fluminum ex parvis tubulis in ampliores abeunt; iique semper pleni sunt succo bilioso, qui eadem velocitate & eadem vi impelluntur tum à fibris circularibus, tum à compressione abdominis. Jam orificii pori biliarii, ut & canalis cystis felleæ diametri vix singulæ sunt pars tricesima orificii venæ cavæ: adeo ut utrumque orificium 245. partē orificii venæ cavæ æquet; atque in una circulatione sanguinis dum 240. unciz effluunt, unica aut circiter bilis effundatur per canales. Ille verò putat intra horam fieri 16. circuitus sanguinis. Quare intra 24. horas effluent 24. libræ succi biliosi. Sed tota bilis massa 2. libras non continet: ergo quæ intra diem unum profluit, major est 17. vicibus, quàm bilis quæ in toto corpore continetur. Eo igitur tempore quo fiunt 40. circuitus sanguinis tota bilis effunditur ex jecore. Nec verisimile est eam fermentatione gigni, ut acetum in dolio acetoso. Quorsum enim natura sanguinem, qui est vitæ thesaurus, corrumpere? Necessè est igitur ut bilis peracto suo circuitu ad jecur redeat.

Quocirca existimat partē bilis maximā per

venas mesaraicas cum chyli parte permeare. Id verò suadet venarum amplitudo præ arteriis, nam venæ ea tantum proportionem sunt majores arteriis, qua sanguis celerius movetur in arteriis, quàm in venis, ciborum fermentatio fieri non posset in ipsis intestinis, nisi bilis uberius cum cibus permixta per totum intestinorum longitudinem commearet. Nec debuit bilis tota expelli cum fæcibus: est enim succus utilis; nec permanere in intestinis diutius potest, hanc enim sibi secum asportarent. Remotam igitur oportuit ab intestinis, & in commodum transferri locum, ex quo denuò redire possit. Quo hunc circuitum efficiat, ea familiari motu sanguinis per venas mesaraicas utitur, quæ instar hirudinum exsugunt succum biliosum unà cum sanguine. Sic porta vices gerit arteriæ, & jecur cribri: unde & natura ex una operatione multa capit commoda. Bilis acrimonia fæces expellit per fibras circulares intestinorum; motu peristaltico intestinorum succos promovet; immiscet particulas actuosas bilis chylo & sanguini; fermentatio ibi commodè perficitur ob amplitudinem loci, & tardiores sanguinis motum; bilis per minimam cum sanguine permiscetur in vasis amplis, fluiditas sanguinis hac ratione conservatur in abdomine.

Et sanè sanguis arteriosus à cœliaca, & mesenterica arteria novum bilis proventum afferre nequit. Nam post 12. horas inediæ perparum bilis adveheretur: cum tamen porus & cystis semper turgeant. Nec per thoracicum ductum bilis ad cor defertur.

Nam

Nam si ea est utile sanguinis excrementum, cur ab eo separatur? si noxium, cur biliosæ fordes ex intestinis exsuguntur, ut sanguinem inficiant? Non igitur ejus circulatio fit per cor, & arterias, ac reliquum est ut per abdomen perficiatur.

Sed quorsum vesicula, aut cystis fellea à poro biliario distincta est, si utriusque idem sit munus?

Resp. Id admodum esse probabile quod observavit Malpighius, bilem in cysti fellea, ex sanguine per arteriam cysticam alato exprimi, ut ea quæ poro, seu ductu biliario continetur, per glandulas jecinoris è sanguine per venam portam delato procreatur. Nam infinitæ glandulæ cystis felleæ membranam exasperant, quibus sanguis percolatur. Hinc bilis vesica fellea contenta crassior est & magis viscosa, quàm ea quæ poro biliario continetur, quæ dilutior est & minus amara. Atque eandem penetrationem in oris glandulis natura inire nobis videtur. Nam præter ductus conspicuos, qui salivam in oris cavitatem, ut in vas quoddam amplum emittunt, sunt etiam aliæ glandulæ pene innumere in ea quæ palatum succingit membrana, ex quibus saliva crassior & mucosior exprimitur. Utraque tamen in communem salivæ naturam abit, qualis diluendis cibis est necessaria. Et sanè qui vesicam felleam, & porum biliarium attentius inspexerit, non multum inter se ea differre faciliè judicabit; adeò ut porus ipse nihil esse nisi vesica in arctum contracta, atque in varios ramos diducta videatur; idque non abhorret à verisimili,

motu quodam vermiculari bilem è vesica , & poro exprimi per fibras carneas , quibus hic ductus instruitur .

Cum hepar ex innumeris vasis & glandulis sit contextum , atque id sit velut sanguinis cribrum aut colatorium , id raro extenuatur , sed plerumque plus satis augetur , & intumescit ; sive succum nutritium ad se rapiat uberiores , sive ex vasorum obstructionibus aut tumoribus , intumescat , aut sanguis rite expurgari in eo non possit . Cum hepar nimium excrescit , tum parciore cibo & tenuiori , sed exercitiis crebrioribus utendum , & somno minus indulgendum esse præcipiunt Medici : sed facilius ejusmodi incommoda caventur , quàm sanantur .

Quæ vulgò hepatica dicuntur remedia , sive sint simplicia , sive composita , eò tendunt omnia , ut obstructiones referent : quod utique efficiunt , cum sanguinis crassum emendant , illius particulas concidunt minutiùs , & ad motum procliviores efficiunt . Ea quippe sanguinem à corruptione solvunt , illius effervescentiam augent : adeò ut sanguis excrementa sua & fæces per vias solitas , ut bilem per ductus biliarios , serum per renes , halitus per insensibilem transpirationem expellat .

Hinc quæ hepatica vulgò vocitantur , eadem omnibus visceribus prosunt : sive ex vegetabilium , sive ex mineralium genere depromantur ; sive ea sint simplicia , ut amara quæque , ut cichorea , absinthium , fumaria , centaureum , lignum aloes , & alia pene innumera ; sive sint compo-

composita, quibus pharmacopolia redundant, tum galenica, tum chymica methodo præparata: ut sales pene omnes fixi qui fluiditatem sanguini conciliant. Sic limatura chalybis, & chalybeata pene omnia hepatis obstructions recludunt. Unde adversus icterum, seu morbum regium ab omnibus cum veteribus, tum recentioribus præscribi solent.

Icterus quippe vel ex crassi sanguinis vitia, vel ex ductibus biliariis obstructis, (qui unus est omnium consensus,) proficiscitur; sæpè febres intermittentes & tertianæ maximè in icterum desinunt: tum enim parte sanguinis subtiliori ex nimia effervescentia diffolata, crassior sanguis remanet, qui angustias vasorum liberè nequit pervadere. Hinc obstructions fiunt, nec sanguis, ut par est, bile sua expurgatur. Hæc in partes solidas effusa, eas suo colore inficit. Sub initium morbus sæpè aut per vomitum, aut per secessum solvitur, cum vasa biliaria vehementiùs succussa obstructions expediunt. Sed sæpiùs medicamina, aut acria, aut falsa, aut amara & detergentia, & ea maximè quæ sale volatili abundant, quæque sanguinem fundunt, & extenuant, ut stercus ovinum, anserinum vino infusum, & chalybeata, quæ obstructions reserant, ac sanguinem expurgant, huic morbo satis pertinaci medentur. Sic diuretica quorum idem pene est effectus, ut radices chelidonis majoris, & urticæ urentis, ut alia omittam innumera, adversus hunc morbum commendari solent. Eandem ob rationem

nem quæcunque sale volatili prædita sunt, à veteribus etiam usu & observationibus edoctis præcepta invenimus : ut contusas millepedes, vel asellos vulgò *cloportes*, lumbricos, limaces bene mundatos, stercora quadrupedum & volatilium, & alia hujus generis plurima. Quorum omnium una pene est & eadem ratio, ut sanguinis vigor, motus, partium tenuitas, & fluor concilietur. Sic enim excrementa sua non in vasis ipsis quæ obstructiones pariant, sed in eas quæque partes quæ huic muneri dicantur, amandat.

Neque alia ferè est hydropis ratio, & præcipuè ascitis : cum scilicet cavitas abdominis quasi lacu stagnante impletur. Non quod, ut vulgò creditum est, ex læso hepate semper oriatur. Nam in dissectis ex hoc morbo cadaveribus non rarò jecur & lien extra culpam inveniuntur. At sæpiùs tamen hic morbus ex obstructionibus vasorum, sive in hepate, sive in abdomine, aut ex sanguinis ipsius prava constitutione profiscitur. Unde icterus interdum in hydropem degenerat : sanguis aquosior ut catharros, ita hydropem sæpè procreat, cum ex arteriarum osculis laxioribus effluit, nec eum referre possunt venæ : unde aut in poris cutis & musculorum interstitiis stagnat, ut in anasarca, seu in aqua intercute evenit : aut in cavitates abdominis effluit, tumque ascites dicitur : ac per sæpe ex anasarca ascites oritur. Interdum ex tumoribus, aut schirris in abdominis visceribus, in glandulis ipsis mesenterii sanguinis circulatio impeditur : tum enim

enim pars aquosa à reliquo sanguine secer-
nitur: similem quidem ob rationem, qua
canis vivi jugularibus venis ligatis totum
caput humore seroso completur. Interim
vasa lactea ex viscidiorre chylo occludun-
tur, eaque in parte sui media tum disrum-
puntur, uti & lymphæ ductus; tumque
ascites oritur pene insanabilis.

Sæpius vitium inest sanguini, qui lati-
cem serosum non satis retinet, sed statim
dimittit; quandoque arteriarum oscula
sunt laxiora.

Ac de præcipuis jecoris affectibus paulò
fusiùs ex Vvillisso diximus, ut quantum ex
optimo philosophandi genere, aut lucis,
aut utilitatis arti præstantissimæ accedat,
omnibus perspectum sit. Non enim morbi
corporis, aut quæ iis adhiberi oporteat
præsidia, cognosci possunt, nisi & orga-
norum fabrica, & eorum munia sint ante
cognita. Quin etiam fossilium, planta-
rum & animalium naturas, usus, diffe-
rentias, perspecta esse necesse est. Sed reli-
qua persequamur.

C A P U T I I.

Quomodo sanguis in liene percolatur.

CUM sanguis in lienem per arterias ir-
rumpat, & priusquam ipsum subeat
jecur, per venæ splenicæ ramos in ve-
nam portam commeat, dubitare non pos-
sumus, quin is elaboretur in hoc viscere,
quocunque id fiat modo. Nam lienis usus
adhuc in obscuro naturæ latet: quò major
scri-

scriptoribus augurandi licentia fuit , cum structuram lienis ante perspectam esse oportuerit , quàm de illius usu quicquam certi constitui.

Tria sunt in lienis structura diligenter inspicienda . Primò membranæ duæ cum fibris , quæ mollem hujus visceris substantiam muniunt ; exterior ab interiori facile divellitur , eamque capillares arteriæ , & venæ irrigant ; interior fibris constat non temere , ut in aliis tunicis , sed miro ordine dispositis . Hæc lienis vasa priusquam intro subeant , ut communis quædam capsula involvit : sic tamen ut qua parte nervum & arteriam complectitur , longè sit crassior , parte vero superiore , qua venam splenicam tegit , admodum tenuis existat , & in retis modum implexa , inter fibras vacua spatiola relinquat .

2. Occurrunt lienis vasa , ac primò ductus lymphatici , qui sub lienis membrana vario plexu contexti , innumeris valvulis instructi , & cum vasis sanguineis congressi retis figuram imitantur ; tum in omentum producti , tandem in commune receptaculum sese exonerant & succo subflavo impleti cernuntur . 2. Arteria splenica una cum nervo & vena splenica lienem ingreditur , & communi , ut diximus , capsula cum iis involvitur . Superior venæ tunica rarior cum sit , crebris foraminulis dehisceat , licet nullam ex ea parte comitem habeat arteriam .

3. Substantia lienis infinitis pene cellulis , tanquam apum favis distincta cernitur , cum ligata arteria splenica per syphonem imple-

impletur aere, tum leni calore exsiccatur.

Quamobrem lienis substantia pene ut suber innumeris constat cellulis, quæ membranosæ sunt, & sua laxitate carnem mollem & spongiosam mentiuntur, fere ut de pulmonibus diximus. Nam ut pulmonum vesiculæ ex dilatatis asperæ arteriæ bronchiis, sic vel ex communi capsula vasorum, vel ex ductus venosi & ampli tunica mirum in modum extenuata, eæ prodeunt cellulæ. Qua vero parte favus quisque, aut cellula venæ splenicæ ramum spectat, is per apertum foramen dehiscit: adeo ut cum vena hæ cellulæ ubique communicent. Hinc illa in venæ quavis propagine nigra stigmata, aut foraminula, quod ab iis cavitatibus in venas quiddam derivetur. Cumque illæ velut concamerationes inter venas & arterias interjaceant, palam est sanguinem ab arteriis per hos meatus deferri.

Postremo innumerabiles pene glandulas aut vesiculas racematim dispositas in cellulis conspici testatur idem Auctor D. Malpighius, qui viscerum structuram diligentissimè est persequutus, easque extremis fibris & arteriis appendi docet. Cum ex certis morborum generibus corporis glandulæ omnes turgent, tum majores utique cernuntur, ut in puellæ liene se vidisse scribit. Hic enim totus conspicuis globulis scatere visus est.

His rite perspectis, facilius erit aliquid de lienis usu rationi consonum suspicari. Primo quiddam ab arteriis, ac fortè à nervis ipsis in eas glandulas deferri, idque percolatum in venas remeare. Nam fieri potest, ut liquor nervosus,

si quis sit, nova quadam vi sanguinem venosum imbuat. Hinc non absurde conjicit Sylvius, sanguinem in liene perfici per spiritus animales, qui eum magis volatilem efficiunt. Aut certe uterque liquor nervosus, & arteriosus in lienis glandulis filtratur, in ejus cellulis miscetur cum sanguine, & per aperta foramina in venam splenicam derivatur. Motum verò sanguinis in iis venis efficit non arteriarum modò impulsus, qui lentior est, ob cavitates in quas arteriolæ sese exonerant, sed etiam diaphragmatis, intestinorum & musculorum lumbarium motus. Itaque è sanguine arterioso, nervosoque forsitan succo liquor quidam per eas glandulas secernitur, eoque modo quo lac in mammis è sanguine arterioso, nervis, & lymphæ ductibus miro naturæ artificio separatur. Siquidem in mammis, & tubuli & sinus qui apertis ostiis inter se communicant, copiosi cernuntur; simul & lymphæ ductus, & nervi circa eos tubulos plexu mirabili in retis modum sparguntur, qui infinitas pene glandulas vasis appensas complectuntur. Ex iis glandulis lac secernitur, & in tubulos exprimitur: id enim naturæ solenne est, ut per glandulas omnem secretionem perficit.

2. Sanguis cum impetu per arteriam impulsus in iis glandulis, & circumjectis cellulis diu scule commoratur. Hinc liquore nervoso & nativa lienis substantia, tanquam novo fermento animatus per venas remeat, eamque partium texturam adipiscitur, quæ mox futuræ in hepate bilis secretioni est

est accommodata. Id enim satis est verisimile lienem hepati famulari, dum aciditate sua, aut acrimonia partes sanguinis magis actuosas ad secretionem præparat. Hinc sanguis ea vi imbutus per omenti longitudinem excurrit, ut cum reliquo sanguine à vicinis partibus refluxo misceatur, & ex utroque sanguis ad hepar perductus temperetur. Hanc conjecturam ingenitus lienis sapor, sal è liene elicitus, qui serum sanguinis turbat, naturæ ipsius consilium, experimenta in canibus facta, cum ex iis lien excisus est, aut vasis splenicis colligatis pene evanuit, omnino confirmant. Hepar enim in iis plus solito auctum est, quod lienis munus obierit. Dissecto post longum tempus abdomine, nihil vitii aut in vasis, aut in circumjectis partibus apparuit.

De lienis affectibus nihil hoc loco dicendum puto: cum illius usus nondum satis sit exploratus. Quò major licentia plerosque incessit, ut complures morbos, quorum causæ sunt abditæ, in lienem referant, quasi is sit melancholici humoris sedes, & ex eo tetri vapores ad cor & cerebrum attollantur. Cum tamen nullum sit in hoc viscere excrementitii humoris receptaculum, nulla sint vasa excretoria præter lymphæ ductus; nec vapores possint diaphragma, & cranii ossa pervadere. Neque tamen id negaverim, iisdem pene obstructionibus, & tumoribus, quibus hepar ipsum, obnoxium esse lienem, atque hinc plerosque morbos proficisci.

C A P U T III.

De sanguinis per renes percolatione.

Sanguis in renibus ab inutili sero expurgatur. Quo autem id modo fiat, explicatu facilius est, postquam eorum conformatio à Bellino, & Malpighio fuit explorata. Ille renum substantiam ex infinitis prope tubulis compositam esse demonstravit, quos nihil esse præter glandularum vasa excretoria detexit Malpighius. Itaque pars sanguinis ab aorta in emulgentem arteriam protrusa renum substantiam penetrat. Atque ibi innumerabiles glandulæ arteriolis appensæ cernuntur, in quibus sanguis seroso liquore purgatur, qui per tubulos membraneos in pelvim deducitur. Hi porro tubuli substantiam habent aliis vasis excretoriis, ut salivalibus, & poro biliario non dissimilem. Atque ex iis compressis liquor urinosus elicitur.

Fibræ autem illæ, aut potius urinosi tubuli renum carnem mentiuntur; iique à gibba renum parte, tanquam radii à peripheria ad centrum diriguntur. Secto rene, & digitis divulso, hæ fibræ fiunt conspicuæ, præsertim si atramento illæ digito leniter detergantur: tum enim earum ductus oculis subjicientur, immisso per arteriam emulgentem atro liquore.

Pelvis verò dicitur ea renum pars interior & alba, in quam urinarii tubuli desinunt; eaque nihil est nisi ureteris membrana dilatata, quæ fibras urinarias excipit.

pit. Arenulæ autem in tam exiguis vasis interdum hærent, quæ aliarum accessu augmentur; tumque fibras illas urinarias, quæ substantia constant dilatabili, cum nimium distenduntur, dirumpi necesse est. Hinc renum caro seu fibrarum congeries corrupta sæpe invenitur.

Quamobrem renum fibræ non sunt musculosæ: cum nullis tendinibus donentur, neque elixatione minuantur, nec turgeant ut musculorum fibræ; cum molles sint, non firmæ: sunt denique tubuli, quibus versus pelvim compressis aqua exilit urinæ non ab- similis.

Urina porro ex aqua potissimum, sale, & tartaro, seu terra coalescit, ut demonstrat Doctiss. Bellinus in eleganti tractatu, quem de urinis conscripsit. Quod si enim leni calore exhaletur, color illius flavus, & dilutior paulatim intensior fiet, & urina crassior apparebit, donec pene nigrum colorem oculis exhibeat, crassa & salsa admodum fiat. Salsedo enim ea ratione augetur, qua minuitur. Id vero omne quod exhalat, aquosum est. Nam si aquam communem paulatim affundas, tum urina per eosdem gradus & colorem, & consistentiam, & fetorem mutabit: adeo ut iisdem tandem qualitatibus donentur, quas primum habuit, cum tantum aquæ affuderis, quantum in vapores difflatum fuerat. Quin etiam si vapores illos inter exhalandum exceperis, omnino erunt insipidi.

Ex quibus efficitur urinam aut fluidiorem esse, aut crassiorem, ut partes duræ, sal nimirum & terra, uberiores sunt, aut par-

cio-

ciores. Ac falsedo ipsa non ex coctione, sed à majori aut minori salis & tartari copia proficisci. Cum enim solum est sedimentum, & ab aqua solutum, tum salissimum est: cumque aqua loco ejus quæ exhalavit, affunditur, falsedo ipsa minuitur. Color autem dilutior est & plenior, ut crassiores salis & tartari partes cum aquosis & perspicuis magis aut minus permiscuntur. Si perparum sit tartari, ex aqua & sale utcunque perspicuo color subflavus, & micans orietur: hunc colorem obducit major tartari copia, & colorem opaciorem procreat. Duræ igitur & solidiores partes quæ cum sanguine fluunt, & permiscuntur, cum cessat illa agitatio, velut pondere suo decidunt, si mole & copia abundant, celerius; tardius cum minutæ sunt, aut paucæ; unde in urinis sanorum non semper illud sedimentum, aut hypostasis subsidit.

Sed, inquiet aliquis, vix explicari potest qua ratione per glandulas & fibras tam exiles, non serum modò, & sales tam diversi, sed etiam sanguinis recrementa, abscessuum quandoque reliquiæ, & tartareæ fæces, aut filtrari, aut secerni possint. Et quidem ut machinæ quibus utimur, cribra, spongiæ, fistulæ lucem quandam huic rei afferant, tamen fatendum est alias esse naturæ machinas nobis incognitas, quibus incredibilia prorsus efficit; atque illæ seri particulæ filtrantur in renibus quæ jam sunt liberiores, & magis expeditæ. Cum autem ex morbo sanguis æstuat, tum præter serum aliæ quoque sanguinis sordes per urinæ vasa excernuntur.

Quin

Quin etiam fieri potest, ut partes sanguinis tartareæ, & calculi rudimenta per ureterum ramulose expellantur, aut per ipsius pelvis propagines, quæ ad extimas usque renum partes porriguntur, interdum sanguis ad eam deducitur. Hæc multo adipe illita videtur, ut serum acrius, & falsum, imo, & arenulæ facilius exturbentur. Sed & multo adipe renes ipsi, & membrana adiposa obducuntur, qui à sanguine arterioso filtratur, ut sanguinem per venas reducem deliniant: consumpto renum adipe corpus universum contabescit, quod tum acrior sanguis alendis partibus minus sit idoneus.

Et quidem interdum accidit ut urinæ oleaginosæ appareant; sive quid oleosum innatet; cum scilicet pingue aliquid in corpore dissolvitur; sive tota urinæ moles & crassa & pinguis videatur, ubi plurimum olei solvitur in corpore. Cum sola terra subsidit, tum sedimentum est arenosum; si humores quidam viscidissimi salem & terram conglutinent, tum sedimenta varias plerumque exhibent figuras, aut surfuris, aut squamarum, aut foliorum, aut pilorum. Corona vero quæ circa vitri margines varios colores exhibet, ex lumine per vitrum & summam urinæ pelliculam refracto profiscitur.

Cum urina in ægris crassior est, tum contenta liberè moveri nequeunt, aut deorsum labi. Interim tenuior est; tumque contenta, seu partes duriores non separantur ab aliis, vel non admiscuntur sanguini, vel hærent alicubi. Cum nubecula in sum-

mo

mo apparet, indicium est jam aliquid solvi in corpore, atque ut loquuntur excoqui: cum hæc nubecula descendit, id argumento est non leviores modo sed & crassiores partes fluere quæ tractu temporis ad imum descendant, & sedimentum læve & candidum, ut in sanis efficient. Sed ubi nebula apparet, tum evanescit, nec succedit sedimentum, tum morbum esse contumacem & periculosum indicat: adeo ut naturæ vis modo superior sit, modo inferior: sic ubi sedimenta sub initium morbi se produnt, res minus est tuta; cum id sit sine ægri levamine, & morbi solutione. Tum enim laxiores sunt fibræ, retinere non possunt gravia illa corpuscula, neque eorum aculeos ferre. Ita quidem Bellinus, quæ non minus probabilia, & ad praxim non minus utilia videntur, quam ea quæ D. Vvillis in pharmaceutice rationali copiosè persequitur.

Existimat ille quidem serum non percolatione modò, ut diximus, sed etiam quodam fermento lixiviali imbutum in renibus à sanguine separari. Nam lotium falsedine sua renes inficit, & salinas particulas iis affigit, quæ sanguini ipsi fluorem conciliant, eumque à coagulatione vindicant: ut sales fixi lacti jam ad coagulationem tendenti fluorem tribuunt. Hunc lixivialem salem renum carnes sapiunt: isque adeo serum non præcipitat, aut sanguinem coagulat, ut eum potius à concretione tueatur, quò is per venas unà cum succo nutritio ad cor refluat. Tametsi pars aliqua succi nutritii per tubulos renum effluit, quæ

quæ fortè urinae sanæ est hypostasis. Vix tamen crediderim in ea fieri secretionem ullam esse fermentationem, quæ in locis tam angustis fieri nequit. Nam fermentatio exigit partium rarefactionem & perturbationem; utraque amplius spatium postulat. Partes fluidi cum sint divisæ & minutæ, non tenaci nexu, sed solo contactu sibi mutuo cohærent. Unde fluida plerumque fecernuntur ob cribri structuram citra fermentationem. Sic aqua aut oleum ligni meatus pervadunt, non aer; hydrargyrus aurum penetrat, non aqua. Cum firma est cohæsiō, tum ut plurimum fermentatione opus est: sed non raro meatuum, & velut tubulorum dispositio illius supplet vices, ut de plantarum radicibus alio loco dictum est. Nam ut scitè advertit Borellus, cum fluidum impellitur intra capillaria infundibula, quæ non sunt dilatabilia, tum eorum particulæ à se invicem disjunguntur, quod simul junctæ transire non possint per strictissimos tubulos. Actio verò qua serum in renibus separatur, non est fermentatio: non enim moratur in iis glandulis, nec aquæ particulæ arcte cohærent cum sanguinis albumine, sed solo contactu. Unde post largam potationem urina copiosa subito excernitur.

Sunt autem in renibus duo foraminum ordines, venosa quæ excipiunt particulas sanguinis, non aquosas; & vasa renum propria, quæ figuras habent accommodatas ferolis particulis excipiendis: uti eandem secretionem in plantis perfici diximus. Causa verò effectrix hujus secretionis est impul-

sio vehemens sanguinis per arterias emulgentes; angustæ arteriarum capillarium, & meatuum quibus glandulæ sunt perforatæ. Sanguis enim ob eas angustias in partes scinditur. Pars verò fere decima totius sanguinis unoquoque circuitu per renes transit.

Urina non solum constat ex sanguinis sero superfluo, quod in tubulis renum seceratur; sed etiam ex parte chyli crudiore quæ unà cum sanguine per venas commeat; imo & fortè ex lymphâ ipsâ fluidiore, quæ à venis resorbetur. Serum quidem cum recens est, non ægre à sanguine discedit; at nonnumquam cum cruore circulatum, cum eo ita incoquitur, ut vix separari possit, ut in cacochymia & leucophlegmatia. Interdum à sanguine ipso non in renibus, sed in aliis locis excernitur, ut in catharris & in hydrope; aut nimiscito ab ipso sanguine etiam in renibus seceratur, ut in diabete, seu in urinæ profluvio. Tumque sanguis ipse in vitio est, non renes: cum scilicet ejus textura aut est compactior, aut laxior.

3. Quæ lactis fluorem tuentur, & à coagulatione defendunt, ut sales omnes alcali, tum fixi, tum volatiles; eadem sanguini calenti affusâ eum à coagulatione vindicant, ut identidem monuimus. Cum sanguis serum arctius retinet, tum sæpe aut effervescit ut in febribus, vel tenax est & viscidus, ut in scorbuto: interdum coagulationi obnoxius circulationem suam rite non perficit, & velut acescens serum citius dimittit, tumque, ut diximus, sales alcali

cali & diuretici, qui sanguini fermentationem restituant, utiliter adhibentur. Sic pulveres testacei, sal urinæ, aut illius spiritus, millepedes, imo & sulphurea quædam, ut terebinthina, oleum juniperi præcipi solent, non acidi sales aut liquores, ut succus limonum, vinum album, pomaceum, nisi fortè cum sal sanguinis est in statu, ut aiunt, fixationis, ut in scorbuticis, & nonnunquam in hydropicis: tum enim acidi sales vim suam in sales fixos exerunt: sed plerumque sanguinis crasim pervertunt: unde in catarrhis magis obesse solent quàm prodesse. Sed sulphurea quædam, ut diximus, & pulveres testacei sale alcali dites, ut è testis ovorum, aut lapidibus cancerorum, ischuriis, cum scilicet urinæ secretio inhibetur, magno sunt remedio, quod mixtionem sanguini integram restituant, & acidorum vim infringant.

4. Cum serum à sanguine uberius discedit, tum pene sanguinem culpa est, quod illius crasis laxior sit, nec aquosæ partes à crassioribus contineri possint. Hinc sæpe post nimium urinæ profluvium sanguis residuus crassior est: hinc pulsus frequens, ut à coagulatione sanguis vindicetur. Fieri etiam potest ut vitium sit in renibus, vel quod tubuli nimis pateant, & citiùs quàm par sit, serum transmittant: quod tamen cum sit, tum urina cruenta cernitur; vel quod acidum fermentum in renibus vigeat, quod sanguinem fundit. Unde nephritici plerumque ante paroxysmum aquam copiosam & limpidam reddunt. At-

que in iis forte, ut in aliis morbis convulsivis, ut in colicis doloribus, in tympanite etiam fortassis, cum scilicet abdomen instar tympani tensum est, in asthma persæpe, nervi & spiritus animales male afficiuntur; ac si quis sit succus nerveus, is acidior factus in diabete urinas adeo copiosas præcipitat. Unde *Vvillis* se observasse in pluribus diabete obnoxiiis testatur, quod ante urinæ profluvium, vagos in toto corpore partium nervosarum dolores aliquando cum stupore, interim crebris spasmi, conjunctos senserint. Unde assiduus pomacii, aut vini *Rhenani*, & acidi usus, mœror diuturnus, affectus convulsivi hunc morbum sæpe accersunt, aut fovent. Quæ autem dicuntur incrassantia medicamina, ut oryza, gummi, & resinæ quædam in hoc morbo juvare solent, quod viscosis suis particulis sanguinis partes devinciant, & ne à se mutuo discedant, aut cum salinis misceantur, impedian. Sales alcali concretionem arcent, & fluorem sanguinis naturalem restituunt.

Adstringentia verò medicamenta, quæ scilicet acerba sunt, vel austera fibras quidem contrahunt, & vim illarum expultricem infringunt sed in sanguinem nihil iis licet, nec usque ad renes vis eorum permanat. Serum verò quod una cum sanguine circulatur, non est noxium aut inutile, dummodo non sit quàm par sit uberius, & sanguinem plus æquo fluidum aut acrem non efficiat. Sanguis enim dilutus vasorum angustias faciliùs pervadit: atque in cerebro,

bro, pectore, visceribus multa sunt vasa excretoria, quæ copiosum serum excipiunt. Id etiam sales alcali, & tartareos exsolvit. Cum autem aquosum illud serum salibus foetum acrius sit, & molestum membranis & nervis, id commodè secernitur in renibus.

Ex dictis liquet urinas ex liquidis & crassis constare partibus. Cum major est aut minor liquidi copia, tum peccant humores vasis contenti; atque ex colore ipso facile colligitur, an durum, vel liquidum pro statu naturali corporis exuberet. Color enim dilutior liquidum, plenior crassum & durum abundare indicat. Cum turbantur urinæ statim ab excretionem, indicio est magnam in sanguine & humoribus agitationem excitari. Quæ agitatio ad salutem vergit, si hæc sanguinis solutio ad partium texturam tendit quæ est naturali proxima: secus est periculosa. Cum humores qui peccant, sunt tenues admodum, tum nubeculæ etiam sub initia apparentes interdum noxium humorem expelli significant. Aut certe fibræ partium satis firmæ sunt, ut pravis his humoribus se liberent, facilius deinceps crassos & tenaces adorientur, & crassum cum liquido simul expriment. Unde ex utroque fit eneorema, aut suspensum quod in medio urinæ sui copiam facit; cumque id fit diebus criticis, quando villi aut fibræ validius se contrahunt, indicio est sedimentum brevi visum iri. Quod cum læve est & æquabile, omnia sunt ad salutem: cum asperum est, inæquale, & interruptum, id indicat humores in diversis

partibus colligi non æquabiliter solvi, aut eos diversæ esse naturæ: cum ab albo colore in nigrum degenerat, plus tartari inesse; contra accidit, ubi album colorem induit.

C A P U T IV.

De sanguinis analysi Chymica.

CUm sanguis ritè est præparatus, & a^b omni excremento inutili expurgatus, tum is ad vitam tuendam, & nutriendum corpus accommodatus. Verùm antequam explicare ingrediamur quæ pars sanguinis alendo corpori sit idonea, de illius compositione pauca dicenda sunt.

Ac primùm vulgatæ Medicorum opiniononi assentiri non possumus, qua sanguinem ex quatuor humoribus, bile, sanguine propriè dicto, pituita, & melancholico succo constare, ut indubitatum suæ artis fundamentum defendunt. Nam serum illud subflavum, quod sanguini innatat, nihil habet cum bile commune nisi, fortè colorem; neque instar bilis est amarum; nec ubique se prodit. Sic ater aut purpureus sanguis, qui in fundo lancis subsidit, melancholia dici non potest: cum sapore non sit acidus, sed dulcis, neque aliud sit præter fibrosam sanguinis partem. Quin etiam aerì expositus atrum illum colorem exuit, & rubro dilutiore tingitur. Deinde quò vase profundiore excipitur, hoc major est hujus subnigri sanguinis copia.

PARS TERTIA. 463

2. In contrarium ii peccant qui in sanguine nullam esse partium diversitatem pertinent: in qua sententia fuit Harvæus, qui nullum aliud esse calidum innatum, aut humidum primigenium existimavit præter sanguinem, qui est uniusmodi, & sui similis, ex quo animal ipsum formatur. Nam eo, inquit, alitur unumquodque, ex quo ipsum gignitur. Idque, ut patet, non missione quadam, aut miscibilium congressu, sed vera unius in alterum mutatione perficitur. Primum enim, inquit, corporis rudimentum est simile quiddam, & uniusmodi ex quo velut divino jussu per divisionem, & mutationem substantialem sanguis, venæ, arteriæ, viscera, partes omnes finguntur; atque ex re simili fit quoddam dissimilare, & ex uno plura. Ac frustra ad elementa confugimus, ex quibus non constituuntur corpora. Neque id ex omni parte est verum, ex iis componi corpora, in quæ resolvuntur: sic enim lignum constaret ex cineribus, vitro & fuligine. Contra eum tamen sit

Unica Conclusio.

Sanguis ex variis partibus heterogeneis constat, nec quiddam est simplex & homogeneum.

Probatur conclusio 1. Ex crebra sanguinis fermentatione aut effervescentia: quod enim simplex est, non fermentescit, sed quod est compositum, ut vinum, facile effervesceat: non item spiritus vini, cujus

partes intestino motu agitari non possunt : ergo sanguis est liquor compositus , non simplex 2. Sanguis in renibus serum , in jecore bilem exuit , in pulmonibus fortè noxias fuligines , in cute sudorem , in oris glandulis salivam , aut lympham : atque hi humores in vasis una cum sanguine confunduntur : ergo sanguis non est omnis expers compositionis .

Paucis adhinc annis Historiam sanguinis humani publici juris fecit D. *Boyle* , ubi sanguinis analysim chymicam accuratè describit : quæ satis aptè convenit cum analysi facta à D. *Boirdelin* in Academia Regia . Ex 12. unciis exsiccati sanguinis uncias quinque cum spiritus , cum salis volatilis extraxit : sed spiritus ille non aliud quiddam est quam phlegma sale volatili imprægnatum : adeo ut duæ unciae fuerint , & totidem drachmæ salis volatilis ; duæ itidem unciae olei scetidi ; in capite mortuo magna olei fixioris copia delitescit ; multum itidem forte inest salis volatilis . Quandiu enim inest in cineribus oleum , instar carbonis accensum manet caput mortuum ; exhausto omni oleo , cineres puri , sed rubri tamen apparent . Hi cineres quinque duntaxat scrupulos salis fixi præbuerunt : adeo ut is sit pars fere quinquagesima sanguinis : oleum scetidum impense nigrum apparet : is tamen ater color oritur ex opaca , & intensa rubedine . Nam tenuis ejus portio in vitrum planum effusa rubet , oleum illud cum aqua distillata sæpius agitatum aquam sale volatili imbuit :

imbuit: unde & syrupo violarum viridem colorem subito impertit. Qui spiritus dicitur, tum in sanguine, tum in urina non aliud quiddam est, uti diximus, quam phlegma sale volatili scetum: sed nullus est spiritus ardens, aut vinosus. Unde sal volatilis aque immistus distillatione perfecta aquam præbuit, quæ spiritum sanguinis & odore, & sapore, & effectis referebat. Spiritus verò ille nihil habet acidi, sed omnino est urinosus, & cum acidis spiritibus tumultuatur: tametsi odor illius diversus est ab eo quem spiritus urinæ, aut salis ammoniaci spirat: hunc enim non horrent mulieres hystericae, sed ab odore sanguinis omnino abhorrent: è septem unciiis siccati sanguinis 7 drachmæ salis volatilis eductæ fuerunt.

Quod si itaque anatonem sanguinis instituere velimus, eum ex rubro & seroso humore potissimum constare comperiemus. Latex serosus & bilis, si quæ sit in sanguine, aut portio chyli, aut si fortè sint alii humores excrementii, vel nondum subacti, ii quidem sunt sanguinis vehiculo, aut certe succi nutritii. Quod si post cibum, aut sub primos febrium intermittentium insultus mittas sanguinem, is multo sero abundabit, non item post longam inediam, aut magnum urinæ profluvium, aut copiosum sudorem. Hinc tot morbosæ effervescentiæ: nullus enim est liquor qui citius fermentescat aut effervescat, quam sanguis, ac meritò cum vino ipso conferri solet.

Quod autem opponit Harvæus primo,

V 5 sanguis

sanguinem esse humidum primigenium; ac deinde ex parte ovi crystallina, & ubique sui simili pullum fieri; eumque adeo esse quid simile, & uniusmodi.

Resp. In sanguine esse partem aliquam albumini ovi non dissimilem, ex qua gignitur & nutritur animal: sed alias præterea in eo esse partes meritò contenderim: ac licet primum ovi colliquamentum sui simile videatur, non dubium tamen est quin magna sit in eo partium insensibilium varietas, & spirituosa imprimis substantia multum actiosa, cui tanquam instrumento insidet vis plastica.

Contra, inquit, nullus est in sanguine spiritus, ab ipso sanguine distinctus; ac sanguis pelvi exceptus si in varias partes abeat, eæ quidem non prius inerant sanguini, sed per dissolutionem generantur.

Resp. Esse quiddam in sanguine quod impetum facit, ut ait Hippocrates, & est quasi flamma sanguinis: atque ut vinum suo spiritu destitutum jam vappa est, non vinum, ita sanguis spiritu exhalato cruor potius quàm sanguis dicendus est, tumque soluto suæ mixtionis vinculo in varias partes abit, quæ prius erant, sed accuratè permixtæ. Quare spiritus ille aut calidum innatum, aut humidum primigenium appellatur, & est omnino cœlestis, quatenus animæ & supremi numinis est instrumentum, isque est actu in sanguine.

Neque id excutiendum nobis est, an spiritus ille impetum faciens sit instar flatus cujusdam, aut venti; an potius tenuis sit liquor instar spiritus vini; isque spongiosam

giosam nervorum substantiam impleat. Id unum constat vitæ actiones non ab incorporea facultate proficisci, quæ non indigeret tubulis per quos transmitteretur, nec vehementiùs ligatis nervis vis motrix aut sentiens arceri posset: nec vis utraque per fibras nervorum tensas, ut in fidibus citharæ diffunditur; nervi enim, ut aliàs diximus, neque in directum tenduntur, neque ii sunt adeo rigidi & duri, sed molles, laxi, inflexi circa vasa, carnes, viscera, cerebrum illigati. Illud magis ad institutum pertinet observare cum Villisio, Borello, & aliis, nervos circa abdominis viscera & glandulas copiosos spargi, ubi nec sensu exquisito, nec motu opus est: adeo ut veri proximum videatur succum nerveum in eas parte chylo elaborando & nutritioni perficiendæ continenter mitti. Cum etiam inter dormiendum succus in musculos instilletur, tum sane is nutritioni, non motui servit. Materia igitur nutritionis est sanguis, ut mox dicetur, sed forma illius vivifica, & quasi plastica videtur à succo nerveo suppeditari. Neque idem fortè est succus ille spirituosus, qui sensum & motum voluntarium efficit cum nutritio. Hic enim vim suam potissimum exercit, cum dormimus; unde & fœtus in utero semper dormit, spiritus verò animales nutritionem maxime impediunt, corpus ipsum consumunt, acres sunt, actuosi, salini, sulphurei; nutritii contra placidi, soporiferi, dulces.

Qui è sanguine exstillatur spiritus, non is est qui nervos implet, quique vitæ & sensus præ-

sus præcipuum est instrumentum : tametsi multo sale volatili abundat , ac verisimillimum est , spiritus vitales , vel animales eo sale valde exaltato, ut loquuntur Chymici , & expurgato esse præditos . Hinc forte tanta est vis in spiritu sanguinis & urinæ adversus plerosque morbos : eumque non immerito commendat D. Boyle . Primum enim exterius admoveri solet naribus , ut spiritus salis Ammoniaci , eoque capitis dolores plerumque sedari etiam in seipso expertus est . Cum autem odor illius gravis sit admodum , is fœtor corrigi potest ; si cum spiritu vini multum agitetur ; ac perpaucæ guttæ alicujus olei essentialis , ut Roris marini, Lavendulæ, aut similis affundantur . Quo quidem modo etiam internis morbis magno esse remedio , & præsertim adversus phthisim , convulsiones , quædam febrium genera merito conjicit : cum plerique morbi ex acidis humoribus & obstructionibus nascantur . Hic vero spiritus cum sit diureticus & diaphoreticus coagulationem sanguinis inhibet , vim illi & acumen præbet , noxios humores & sales aut expellit, aut temperat ; ac demum nervoso generi affinis multos & graves morbos sanat . Quod nonnullis confirmat exemplis vir laudatus .

Utrum autem sanguis sit animatus & præcipua corporis pars , id non excutio . Et quidem bestiarum animam in sanguine constituunt sacri codices ; in eo vitam incipere , & desinere , atque ante omnem organorum formationem à natura formari existimat Harvæus : adeo ut cor ipsum nihil

nil sit nisi instrumentum, & velut organum hydraulicum transmittendo sanguini destinatum. Hinc multas animantes per hyemem citra pulsam, aut cordis motum vivere existimat. Huic autem ne in hac quoque parte assentiar, observatio facit non ita pridem in Academia facta: nam dissectus est herinaceus, vulgò *un berisson*, cum hyemæ altum dormiret, adeo ut dissectus nil sentiret: & tamen cor ipsum diastoles & systoles motu agebatur. Sanguini verò, inquit, calor vitalis innascitur; huic pulli anima primùm insidet. Nam in naturæ operibus instrumentum, & artifex juncta sunt, & copulata. Ista, inquam, non excutio. Nam partim sunt in naturæ abdito retrusa, partim ex iis quæ de partium conformatione dicemus, erunt dijudicanda. Nunc igitur partes sanguinis persequamur.

C A P U T V.

De sanguinis analysi mechanica.

Non abs re quidam recentiores sanguinem cum lacte comparant: cum eadem penè sit utriusque natura. Nam in ovo ex lacte quodam sanguis efficitur, ac lac ipsum nihil est præter serum sanguinis ex arteriis per glandulas mammarum percolatum. Hinc lac tabidis adeo prodest, & serum sanguinis, seu aqua huic innatans, ubi testa ovi conclusa in aqua fervida paulatim excoquitur, & colore & consistentia, & sapore ipso ovi albumen refert.

Quare id satis est verisimile lac vel serum
esse

esse omnium viventium originem , & alimentum . Hinc pleraque semina terræ gremio emollita lactescunt . In mammis animalium copiosæ sunt arteriæ , quæ sero turgent , ac venæ quæ sanguinem magna ex parte seroso latice vacuum ad cor referunt , nigriores apparent . Lac ex aqua potissimum & glutinosa substantia videtur compositum : viscosæ substantiæ meatus serum , vel aqua implet ; & si credimus Borello , inclusus aer in viscoso humore spumam quandam efficit . Cum autem succus acidus disrumpit illas vesiculas , aqueę guttulæ exeuntes innatant , tumque pelliculæ glutinosæ simul junctæ concresecunt in caseum .

Non dissimili ratione sanguis , ut idem Author existimat , duabus constat partibus , albumine & cruore , quæ sponte sua à se mutuo separantur citra fermentationem , aut ullius materiæ additionem . In albumine duæ sunt partes , viscidus nempe humor ovi albumini non dissimilis , nam & sapor penè idem est , & caloris vi itidem concresecit . Id verò serum aquosum continet , quod salibus ammoniacis & tartareis inficitur . Pars altera sanguinis rubra est ; eaque ex succo purpureo , qui in grumos concretus , & aqua ablutus abit in rubrum pulverem ; isque in fundo aquæ subsidit , ut pars glutinosa post crebras ablutiones in fibras candidas & velut in membranulas tendinosas diducitur . Præterea sanguini admiscetur partes aeræ , ut in lacte , & succi spirituosi , quos nervi suppeditant . Spumata est sanguinis substantia , albumen serosum

sum in minutissimas guttulas conceisum per omnes glutinosi humoris partes diffunditur. Atque ut in lacte disruptis vesiculis caseosis aquosæ guttulæ disfluunt, & partes viscosæ unâ conjunguntur: sic in sanguine extravasato disrumpuntur vesiculæ ob subtilitatem parietum, & sublatis feri guttulis viscosæ vesiculæ aliæ aliis adhærescunt, ut natura glutinis exigit.

Præcipuæ itaque partes sanguinis sunt serum, & cruor. Serum vel calore concrefcit, idque potissimum alendis partibus destinatur, estque oleosæ lactis parti analogum; vel nunquam concrefcit, idque in urinam, vel sudores abit: pars verò fibrosa & crassa sanguinis à caseo non plurimum differt. Hinc acida penè omnia ut lac, sanguinem coagulant: cum sales volatiles, aut fixi utriusque liquoris fluiditatem augeant.

Verùm ea est optima naturæ sanguinis explorandæ ratio mechanica, quæ ex partium figura, motu & consistentia ducitur. Nam in sanguine hæc oculis ipsis subjiciuntur, primò corpus ipsum fibrosum, quod purpureum colorem, aut subnigrum exhibet, & præcipua est sanguinis moles. 2. Serosus liquor cujus pars melior vi caloris in substantiam lapidam, & ovi albumini non absimilem cogitur: ut quod reliquum est feri in humorem aquosum, & falsum abit. 3. Sunt partes crebro motu agitæ, & comminutæ, quæ rubræ sunt, & sanguinem eo colore tingunt. Sunt fortassis aliæ adhuc tenuiores, quæ in recens emissio sanguine sæpè nares, palatum, & linguam falso,

salso, & acri halitu feriunt, quæque ut putat Thomas Cornelius, fluiditatem in sanguine & lenem fermentationem tuentur; unde hunc salem vitæ balsamum appellat. Nec dubitare tamen possumus, quin fluiditas sanguinis huic liquori qui per lymphæ ductus advehitur, magna ex parte referatur acceptus. Hinc sanguis variis in locis solet concreescere, cum glandulæ male sunt affectæ.

Præcipua pars sanguinis fibræ constat quas cernimus; cum in aqua fervida excipitur. Crusta extrema plerumque densa est, & alba, ex variis pelliculis conflata, cujus meatus, aut vesiculæ succo levi, & diaphano, interdum subflavo implentur. Hac velut pelle detracta sanguinis moles fibrosa, & purpurea succedit, in retis formam contextat. Hujus meatus rubræ atomi complent: quod eæ sunt confertiores, hoc pleniore rubro cruorem tingunt. Hinc ater in fundo sanguis plures melancholiæ speciei decipit, cum aeri expositus rubro minus saturo, & splendidiore fulgeat.

Quare illud verisimile est eandem ubique esse cruoris fibrosi naturam. Hic enim crebris lotionibus ita omni ichore, ut vocant, aut tenui liquore rubro exuitur, ut fibræ primum carneæ, tum candidæ, & instar retis implexæ microscopio videantur. Et quidem nuper in Batavia observatum fuit à viro pererudito, quique exquisito admodum utitur microscopio, parti aquosæ sanguinis globulos rubros non solum innatare, sed & continuò moveri.

Mul.

PARS TERTIA. 473

Multa quidem scitu digna circa sanguinem idem Vir Clariss. D. *Louvenbook* observavit in Batavia microscopii novi ope, quod D. *Hugens* perfecit. Quæ cum in linguam Gallicam nuper à Viro Doctiss. sint translata, ex eo perpauca excerpemus.

Ac primum quidem sanguinem ex globulis rubris qui in crySTALLINO, & limpido humore natant, & liberè huc illuc moventur, constare crebris observationibus comperit.

2. Hi globuli seroso humore sunt graviores, molles, fluidi, qui paulatim ad fundum decidunt, ac mutuo pondere sic comprimuntur, ut atro-purpureum colorem induant. Cum tamen aeri exponuntur, statim coccineum colorem & vegetiorem recuperant: quod fortè aer liberiùs circa eos globulos agitetur.

3. Cum sanguinem è pollice eductum tubo capillari excepisset, globuli sanguinis in toto tubulo ejusdem coloris visi sunt: quod in arctiori spatio globuli sese mutuo non premerent. Si verò adeo sunt minuti, ut granum arenæ 25000 eos æquet globulos. Quod adeo mirum videri non debet: nam si diameter grani arenulæ sit 25 major diametro unius globuli, solidum arenulæ erit 16125 majus globuli mole.

4. Cum bene se habet sanguis, hi globuli sunt molliores & magis flexibiles, ut per capillares arteriolas faciliùs pertransiant, & inter eas angustias arctatæ ellipticam figuram induant. Hi porro globuli è sex minoribus qui microscopio deteguntur, plerumque compositi cernuntur.

s. In

5. In sanguinis liquore alia quoque minutiora corpuscula innatant, figuræ quadrilateræ, quæ esse salis corpuscula conjicit Vir solertissimus.

6. Lac ut sanguis ex seroso & limpidò humore & globulis non rubris, sed pellucidis constat. Sanguinis globuli sunt ejusdē penè molis; non item lactis globuli, quī plurimum magnitudine inter se differunt. Sunt aliæ in seroso humore particulæ figuræ quidem irregularis, sed quæ ad rotundam accedunt, easque esse pinguiore lactis partes Vir laudatus existimat. Idem ferè in lacte cum refrigerat, quod in gummi nonnullis à spiritu vini dissolutis observavit. Solutionis gutta limpidæ aquæ admista in globulos candidos abit, qui lacteum aquæ colorem impertiunt.

7. Particulas sacchari angulis paulo obtusioribus esse asperas microscopio comperit: adeo ut crassiores sint iis globulis, in quos fibrarum linguæ extrema desinunt. Hinc unaquæque particula sacchari plures fibrillas blandè commovet. Contra salis particulæ acutiores sunt, & firmiores: unde & linguæ fibras vellicant.

8. Manna innumeris tubulis constat: hoc in aqua exsoluto hi tubuli coire, & angularia corpuscula formare, penè ut in saccharo videntur: exhalato paululum humore ii tubuli à se mutuo discedunt, & aucto calore fiunt rigidiore. Idem fortè calore viscerum accidit. Nam hi tubuli ea coctione acuuntur, & intestinorum membranas leniter exstimulant. Jam quæ reliqua sunt, prosequamur.

Sæpè evenit ut sanguis extra capillares arterias impulsus non eadem celeritate per novos meatus effluat. Hinc partes illius crassiores sisti, & ex obstantium pressione conglobari incipiunt, dum rubræ & tenuiores particulæ sanguinis viam sibi parant, fibrosæ remanent, quibus aliæ subinde adhærescunt, circuitu sanguinis impedito. Sic polypi fortè in ventriculis cordis, & aliis in locis ex fibrosa sanguinis substantia concrescunt. Atque idem in polypo quod in fibroso sanguine evenit: elixatus enim in fibras, assatus in membranulas abit, & uterque olei sulphuris affusione rubrum colorè adipiscitur. Sic tubercula, & duri plerumque tumores oriuntur. Ex fibris enim variè implexis multiplices tunicæ formari solent: in pleuriticis vasa plerumque polypis repleta conspiciuntur. Nam in hoc morbi genere sanguis solet concreescere. Negat Borellus polypum ex humore acido oriri: observatum enim ab eo fuit succum omnem acidum sanguinis albumini admistum ejus concretionem impedire.

Cruor in venis etiam mortui animalis liquidus apparet: sed acrius intuenti luto fluido non dissimilis videbitur. Exiguus enim constat globulis cum sero confusis, & color niger ex rubris particulis jam densatis emergit. Sic caseus ex variis globulis compositus duritiem non assequitur, donec pressione manuum, aut innato partium pondere serum expressum fuerit.

Ac nescio an sit alia in sanguine, aut subtilior, aut magis spirituosâ portio, quàm quæ rubras, & maximè attenuatas atomos
per

per totum cruorem dispersas efficit . In his forsitan est ille sal vitæ , de quo antè diximus ; atque hujus salis sulphurei vi sanguis viget , & fluit . Nec minus est probabile eum salem ex ipso aere per pulmones elici , quàm ex lymphâ , aut chylo per fermentationem procreari . Hæc igitur corpuscula in pulmonum cribris elaborata succos qui sanguinis massam efficiunt , aut extenuant , aut accuratiùs miscent . Unde in cruore cum crusta est copiosior , tum tenuis liquor minus abundat , atque ut dictum est , is in pleuriticis , in quibus hujus salis percolatio vitiatur:hinc polyposæ concretiones in pulmonibus .

Illud etiam quæri meritò potest an serum omne quod inest sanguini , à chylo ipso dimanet . Nam vena secta post aliquot à pastu largiore horas , serum plurimum & lactescens sanguini innata : quod lento igni admotum , ut chylus ex communi receptaculo extractus concrescit . Neque alia , ut jam innuimus , est lactis origo , nisi chylus ipse per arterias à corde in mammarum glandulas protrusus , needum longa coctione cum sanguine confusus , sed adhuc crudior in uberum velut colatorio separatus , & in vasa excretoria quæ omnibus insunt glandulis , & in tubulos lacteos impulsus . Sed ubi chylus paulo diutiùs cum sanguine permixtus multos effecit cicuitus , tum albedinem suam exuit , & tenuior factus jam serum dici potest .

Ex quibus id etiam efficitur , quod maximè rem nostram continet , partes corporis solidas saltem , quæque vulgò spermaticæ

dicuntur , cujusmodi sunt ossa , cartilagine , membranæ , nervi , fibræ omnes sanguinis sero aut albumine ritè subacto ali. Cū enim pars subtilior procreandis spiritibus accommodata in cerebro secreta fuit , quæ magis viscosa est , & facile concrefcit , hæc ab arteriis cum impetu protrusa partibus adhærescit ; sulphurea verò sanguinis portio calorem vitalem tuetur , & conservat . Hinc ubi chylus aut reficiendo corpori est parcior aut crudior in cachecticis , seu in iis qui pravo sunt habitu , nec spiritus ex eo gignuntur , uti neque ex vino nondum fermentato , aut vappido , nec partes aluntur , nec suus cordi constat vigor : unde in tabidis aut cachecticis polypi , seu albæ concretiones in corde , aut in pulmonibus vix reperiuntur , quod in iis succus nutritius non facile concrefcit . Hinc etiam aqua illa quæ cor inter & ejus involucrum , quod pericardium vocant , est interfusa , quæque ex vasis lymphaticis , & glandulis ad basim cordis positæ originem suam ducit , in tabidis , aut in iis qui ex morbo decedunt , non concrefcit , ubi lento igni admovetur , ut in fanis , & strangulatis accidit . Ex morbo enim chylus nutriendo corpori minus idoneus efficitur .

Cum autem succus nutritius interdum in cordis ventriculis ita concrefcit , ut penè abeat in carnem fibris , & vasis sanguineis instructam , hinc rectè colligimus partes succo nutritio , qui sanguini inest , non succo nervoso ali , ut plerisque Anglis Doctoribus visum est : tametsi non inficior succum illum vegetum qui nervos interfluit ,

&

& spirituum est vehiculo plurimum ad nutritionem conferre, cum succum nutritium extenuat, & animat quodammodo. Hinc partes paralyti affectæ statim tabescunt, quod succo ad nutritionem idoneo fraudetur. Nec qui magis sunt sanguinei, ii sunt obesiores; quique fame, aut inedia moriuntur, multo plerumque sanguine abundant. Addit Harvæus sanguinem esse acriorem & calidiorem, nec satis alendo corpori idoneum videri. Verum ut ista vera sint de parte sanguinis magis sulphurea, & acriore, quæ calorem & vim tribuit corpori, de parte serosa, quæque est ovi albumini similis, dici minimè possunt.

Et sanè sanguis è succis constat iis similibus, quibus pulli in ovis nutriuntur & augentur. Deinde partes omnes corporis sanguine irrigantur, eo destitutæ marcescunt. Quod autem in fame enectis eadem propè sanguinis moles remaneat, id suadet succum nervosum & spirituosum ad nutritionem requiri, qui in fame pereuntibus absumitur. Cum autem particulæ corporis jugi fluxu dissipentur, meatus relinquunt, quos sanguis è corde cum impetu emissus sic implet, ut singulæ partes sanguinis sibi aptas cavitates compleant. Suspiciatur etiam Borellus aerem inspiratum nutritionem vi sua elastica, ut de plantis diximus, adjuvare. Nam alias aeris particulas in humoribus contentas impellit, & fortè vitalem motum elaterio suo conservat & tuetur.

Triplex igitur in sanguine motus distinguipotest, qui ad nutritionem partium

conspirat. Primus est ille quo à corde in arterias impellitur. Secundus est motus oscillationis particularum, quæ vi aeris distenduntur & contrahuntur, ut exposuimus, cum de respiratione ageremus. Tertius est fermentationis, quo partes ex quibus componitur, juxta propriam quæque indolem agitantur.

Ac fors est ut succus è glandulis stomachi præ fermentatione ita exaltetur, ut durissima quæque corpora dissolvat, ut de avium ventriculo diximus. Illud quoque observat Vir doctiss. conchylia, musculos & testacea quæ sub arena maris delitescent, non alio ferè cibo, quàm arena nutriri: Id enim ferè in eorum ventriculis occurrit. An fortè particulæ arenosæ in concham abeunt? ut in vermibus qui in præduris scopulis gignuntur, quique suas sic complent cellulas, ut ipsæ cum animalculis ampliuntur: nam aliæ aliis sunt majores, & nulla est cellula quam non repleat vermiculus, qui eam incolit: adeo ut interiores ejus cellulæ parietes exedere, & ejus velut raris ali videatur. Atque ut dentes animalium, ossa, calculi succo sanguinis fluido nutriuntur, sic è diverso lapilli arenosi dissolvi possunt, & abire in succum sanguini analogum, quo & caro tendinosa, & testæ nutriuntur. Sic ostrea scopulis infixa ore aperto sola aqua vescuntur, uti & plantæ. Sic vineæ in arena marmorea propè litus Catanæ in Sicilia crescunt ex aqua pluviali; ut ficus radices plerumque habent in fissuris parietum, aut in montibus marmoreis.

Uter

Uter verò sit penetrabilior sanguis fibro-
 fus , an succus ille nutritius , dubitari
 etiam potest. Unum tamen aut alterum Do-
 ctissimi Louveri experimentum magnam
 esse hujus feri nutritii subtilitatem demon-
 strat. Canis vivi utramque venam jugularem
 ligavit, tum mirum in modum illæ intumu-
 erunt venæ , & intra duos dies quasi angina
 suffocatus interiit . Interea copiosæ ex
 oculis lacrymæ , & saliva ex ore manabat .
 Post mortem & glandulas, & musculos non
 sanguine , sed sero limpidò tumentes inve-
 nit : quod sanguis crassior intra vasa sua fla-
 gnare sit coactus, dum serum per meatus sibi
 aptatos, velut filtratum viam sibi muniit .
 Sic factò in dextro thoracis latere , paulo
 infra cordis regionem foramine , alterius
 canis venam cavam arctiùs ligavit. Confuto
 vulnere canis languescens , & sine ejulatu
 fatiscens intra paucas horas expiravit . In
 dissecti canis abdomine magna feri copia vi-
 sa est , quasi diu hydropè laborasset : adeo
 ut fortè hinc hydropis causa ex parte duci
 possit : neque enim, ut plerisque videtur ,
 ex ruptis vasis lymphaticis hydrops semper
 procreatur, cum in ovibus hoc morbo labo-
 rantibus vasa lymphatica & integra, & plena
 idem Auctor invenerit .

Interdum etiam evenit ut sanguis nimio
 sero , & eo maximè qui non concrevit ,
 diluatur, tumque nec pulsus cordis satis ve-
 getus est , nec sanguis facilè per venas re-
 meat . Unde iis qui ex morbo convale-
 scunt, aut infirmo sunt corpore, post exerci-
 tia pedes sæpè intumescunt. Stantibus enim
 sanguis unà cum sero sursum niti non po-
 test ,

test. Sed illum venæ ad cor revehent, cum in lectum æger se dimiserit. Verùm de nutritione, nec non de sanguinis natura & analysi satis pro instituto nostro: reliqua enim Medici relinquimus, qui ut nobis videtur, partem Physices præcipuam, quam idcirco Physiologiam vocant, usurparunt.

DISSERTATIO III.

De partium conformatione.

Restat illud vel maximum ut de ortu animalium, & conformatione agamus: quod utique quàm poterimus compendiose, sed accuratiùs tamen quàm vulgus Philosophorum solet, tractare conabimur, & ac primò de ortu insectorum, tum de pulli formatione agemus. His enim intellectis quæ ad reliquorum animalium procreationem pertinent, minimè obscura futura sunt.

CAPUT PRIMUM.

De insectorum ortu.

Primùm itaque ab iis quæ vulgò imperfectiora judicantur, ducamus exordium & de insectorum ortu dicamus. Jamque in ipso limine magna oritur quæstio, quæ sint insectorum primordia, utrum magna ex parte velut sponte nascantur, ut stirpes plurimæ, quæ ex terra alte effossa nullo manifesto semine fruticantur. Sit itaque

Unica Conclusio.

Illud verisimillimum videtur, animantes omnes ex certis feminibus oriri: adeo ut ne musca quidem aut vermis ex tumultuario elementorum congressu prodire possit: sed ex femine, in quo vis formatrix inest.

Hanc conclusionem multis argumentis probat Vir inter recentiores magni nominis Franciscus Redi. Primò enim exteriores causæ tam opportune convenire non possunt, ut animalium fabricent organa, quorum structura nullo potest intellectu humano comprehendì: nisi saltem vis quædam feminaria, & plastica in elementis, aut in aliis corporibus delitescat. Quod cum vis credibile sit, multo probabilius videtur omnem pene generationem esse univocam, & animantes ab aliis ejusdem omnino generis procreari.

Hoc etiam multis experimentis idem Auctor conficere videtur. Cum vasis vitreis ritè oclusis carnem corrumpendam conclusisset, ne vermis quidem ex ea putrefacta visus est emergere: cumque velo Neapolitano vas in quo posita erat caro, sic obduxisset, ut aer quidem subire, muscæ vero aut vermiculi ingredi non possent, ex carne corrupta nullus vermis prodire visus est: tametsi muscæ vermes, aut ova in velo ipso reliquerint.

Itaque illud minus verum putat, quod vulgò creditum est, & exempli loco afferri solet, apes ex putrefactis tauri carnibus nasci. Ne illa quidem vera esse comperitis quæ

quæ de crinibus mulierum in vermiculos conversis, aut de serpentibus ex cadavere serpentis prodeuntibus refert Doctiss. Kirkerus. Quin etiam negat ex cadavere vermes nasci, nisi fortè eorum semina aliunde accesserint.

Sic fructus & herbæ vermes procreant, ubi aeri exponuntur; atque in eadem quandoque planta plura insectorum genera cernuntur. At si in vasis plantæ ita fuerint conclusæ, ut nullus aeri pateat aditus, nullos itidem vermes etiam cum putruerint, dabunt. Ne caseus quidem in vase vitreo ritè occluso vermes profert.

Itaque illud probabilius videtur, muscas in caseo ova sua interdum deponere. Cum autem interior casei medulla verminat, muscarum vermes per hiscentes subeunt rimulas, & altiùs quandoque penetrant, quod pabulum suum sequantur. Idque ita fieri longè verisimilius videtur, quàm vermes qui foliis herbarum inerant, in caseo apparere, eosque per tot venarum lactearum, & aliorum vasorum capillares ductus illæfos in lacte manere, uti visum est Gasfendo.

Illud etiam minùs videtur probabile, ranas quandoque pluere: sed sæpe accidit ut ranulæ in fossis, aut aliis in locis jam natæ adeo sint minutæ, ut sub oculos non cadant: cum eæ careant pedibus, & longiore cauda sint instructæ, idque per multos dies: neque ullo modo ranas referant: paulatim verò pedes exerunt, ac tandem exuunt caudam. Sic æstate inter dumeta & herbas

delitescunt , nec facile à pulvere discerni queunt : sed cùm æstate pluit , plerumque videntur emergere . Cum in earum ventriculo cibum , atque in ipsis intestinis excrementa sæpe invenerit Auctor in experiendo solertissimus , optime concludit ranas tum temporis non formari : sed cum jam diu ante natæ essent , repente prodire .

Opp. In fructibus & animalibus vermes oriri qui ex aliis nasci non potuerunt . Quid enim , inquiunt , an quæ in casei superficie tam numerosa microscopio cernuntur animalcula , omnibus suis partibus apte instructa , ab aliis ejusdem generis originem suam duxerunt ? cum fortè non alibi quàm in caseo vetustiore cernantur ?

Resp. Dubitari non posse quin ea animalcula subinde alia generent : cum magnam alvum interdum generant , quam probabile est multis sæpe ovis esse prægnantem .

Sed quid dicemus de iis animalculis quæ in aqua cui piper triduo infusum fuit , pereruditus Vir in Batavia microscopii ope detexit ? Aqua illa in tubulum vitreum vix capillo majorem sponte , ut alibi diximus , ascendit , tum vitrum microscopii apte huic tubulo applicat , atque in aquæ guttula , quanta fere ex aciculæ apice suspenditur , 30 saltem ejusmodi animalcula admodum vegeta distinctè conspicit . An fortè hi vermiculi ex aliis prodire ? an potius ex putredine ipsa nati videntur ?

Resp. Quantumvis hæc animalcula minuta sint cum sensibus nostris collata , magna tamen & prope infinita organorum varietate esse instructa : adeo ut ex aliis sint progn-

gnata . ac fortè eorum ova in pipere deli-
tuerunt ; aut certè eadem est adhibenda re-
sponſio, quam infra ſubjiciemus, cum de
iis vermiculis qui in gallis reperiuntur, ver-
ba faciemus.

Instant. Vermes illi qui in animalibus tam
frequenter reperiuntur, unde emergunt ?
in vaſis hepaticis plerumque innumerabiles
videntur, præſertim in pori biliarii ramu-
lis . In arteriis ſolis non reperiuntur . Sic
in capite cervi ſub lingua & in ea vertebra
qua caput cervici neſtitur ; in vervecis iti-
dem capite, & ea potiffimùm parte unde
erumpunt cornua, ſæpiſſime vermes naſci
teſtatur Vir Clariff. D. *Redi*, qui & multa
alia profert exempla, ex quibus confici vi-
detur, vermes plerumque, & infecta ſine
parentibus, aut ullo certo ſemine formari.
Nec formicæ, aut minutæ animantes libe-
ræ ſunt à pediculis, aut pulicibus: mirum
itaque ſi pulices omnes qui in unaquaque
pennatorum ſpecie ſui quique generis vi-
dentur, ex aliis prodierint, non ſponte
quadam emerſerint.

Reſp. Nihil abſurdi eſſe ſi quantumvis mi-
nuta animalcula ex aliis procreentur : cum
id facilius ſit intellectu, quàm tam aptam
organorum ſtructuram in ipsis elementis,
aut naturæ abyſſis reperiri.

Et quidem in pediculo ſcœmina ovarium
microſcopio conſpicitur, quod vir acerri-
mo, cum viveret, ingenio, D. *Svamer-*
dam, ut alia pene innumera circa infecta pul-
chre delineavit. Hujus typum Vir Clariff &
de literis optime meritis D. *Thevenot* nobis-

cum communicavit. Vide tabellam ult. A est orificium uteri.

F D E C G tubæ, in quibus sunt ova, five lendes.

H ovum aliis majus, quia orificio propius: B capsula plena glutine ovis agglutinandis.

Opp. 2. Vermes qui in gallis, & stellatis pillulis quercuum, aut in aliis fructibus. & tuberculis reperiuntur, ex nullo animali oriri posse. Nam in centro gallæ, aut pillulæ stellatæ ovum nascitur, quod una cum galla ad maturitatem perducitur: adeo ut vermis primum ex ovo, tum musca exurgat, &que rodendo sibi exitum parat.

Nec verisimile est gallam, seu tumorem hinc esse ortum, quod musca teneriorem ramulum pupugerit, nam ovum illud galla conclusum fibras omnes, & quasi venulas à galla mutuatur, quæ ovum & vermiculum formant, & nutriunt. Sæpe etiam in gallis plures vermiculi cernuntur, suis quique cellulis distincti. Quod si gallam detraxeris, dum ovum recens est formatum, id nunquam in vermem promovetur. Nec eadem anni tempestate hæc animalcula è gallis prodeunt. Imo quædam in alterum annum expectant.

Quod de gallis & pomis, ut vocant, quercuum diximus, id in plerisque arboribus usu venit, ut earum folia vesiculas habeant aut sacculos qui vermibus replentur. Sic fagi velut racemos florum gerunt, qui baccas subrubras aut purpureas vermiculis refertas proferunt: neque hi ex ovibus muscarum prodire. Suos quoque vermiculos.

culos habent gallazulæ , quæ in nervosa parte folii fagi affurgunt , atque iis per fibrillas adhærescunt : ut germen quoddam , aut semen tuberculi primo aditu videantur .

Quo autem modo muscæ , & culices ova sua in gallis deponant , tractatu tertio secundæ partis ex D. Malpighio fusè diximus ac satis verisimile est muscas aculeis suis uti ut furculos teneriores perforent. Cujusdam culicis qui in gallis formari solet, typum & spiculum describit Malpighius. Vespæ aculeum ante aliquot annos Vir Clariss. D. *Effienne* Canonicus Carnutensis nobis exhibuit delineatum , cujus figuram in tabella ult. intueri licet . A , sunt partes carnosæ tanquam musculi ; B , est aculei corpus : C. orificium tubuli E B : spiculi quasi mucro corneus est D. ut G est vesicula succo plena , quæque communicat cum tubo E , & inter duos nervos F , continetur. Hi nervi vesiculam premunt , cum vespa aculeum extendit , ut infigat , & liquor in canalem E exprimitur , tum per punctum C. sese exonerant. Ac dolor fortè ex eo liquore proficiscitur . Is enim adeo est corrosivus , ut cultri lamellam exedat . Quod se expertum esse Vir. Doctissimus testatur , In puncto H duo nervi coeunt . L , plures eo loci venas dispersas exhibet . I sunt duo corpora hirsuta , tanquam pulvilli , in quibus aculeum recondit , cum eo non utitur , & intus retrahit : sed eò redeamus unde sumus egressi .

Sic fungi putrefacti , ut lupi crepitus , vermes proferunt . Qui terræ adhuc ,

aut arboribus hærent fungi, quoddam vermis genus pilosum recondunt. Hicquidem non degenerat in ovum, sed ferè ut bombyx, suo se fasciculo tenui involvit, tum exactis aliquot diebus in muscam mutatur.

Responderi potest ex his & aliis plurimis quæ observavit circa insectorum originem Franciscus *Redi*, id colligi, insecta pene omnia ex ovis, aut quibusdam primordiis, quæ ova referunt, nasci. Quamvis fortè non necesse sit ut ab aliis animantibus ejusdem speciei hæc ova prodierint. Quod de vermibus, qui in gallis & aliis fructibus formantur, videtur probabile: id enim fortè concedi possit, in quibusdam plantis eam naturæ legem esse constitutam, ut fructus, flores, folia, aut tubercula vermium generationi inserviant: adeo ut non casu. non tumultuario elementorum congressu, sed perpetua naturæ lege vermes in plantis formantur, & quisque plerumque in animalculum suæ speciei volitans abeat.

Id tamen nullis, ut puto, experimentis probari potest, insecta in plantis ipsis generari: sed illud est verisimilius, in plantis insecta alimoniam duntaxat invenire, semina autem ex aliis animalculis ejusdem generis proficisci. Unde, ut observavit Vir acutissimo, cum viveret, ingenio *J. Swammerdam*, insecta quædam extremis salicum furculis ova inserunt, ex quibus post aliquot menses quoddam muscæ aut culicum genus excluditur. Sic ex iis vermibus qui in lignis passim occurrunt, papilliones majores qui noctu volitant,
cum

sum formati fuerint, ova in salicibus deponunt, ex quibus vermes nascuntur dentibus adeò firmis instructi, ut sibi aditum in corticem muniant. In nasis quædam interdum extant velut verrucæ in quibus & ova, & vermes dentibus armati nidulantur. Ac vermes illi qui in fructuum, aut arborum tuberculis occurrunt, pedibus destituti ore sumunt alimentum, extra hos nidulos positi statim moriuntur, quod in iis alantur locis.

Ex ligno quidem veteri & corrupto vermes plerumque scatent, quorum ova fortè diu ibi sunt asservata antequam excluderentur. Quæ in visceribus animalium interdum apparent, ex iisdem oriuntur principiis. Ac sæpè insecta ipsa ore ducimus, aut cum fructibus & alimentis horum ova deglutimus. Et sanè natura constantes & æquabiles in suis operibus sequitur leges, nihil casui aut fortunæ licet; cumque insectorum ortus ex feminibus pendeat, id minimè existimandum, ea per accidens aut temerè vel ex putredine, vel ex plantis procreari.

Id tamen decernere non auserim, an partes quædam animalium non sint interdum velut semina, aut ova, ex quibus alia prodeant animalia, ferè ut viscum, aut mucum in arboribus esse diximus. Illud inter cætera Vir pereruditus in *Physicis & Mathematicis D. Sedileau* nobis in Academia nuper referat id à se observatum, papiliones albos qui de die in hortis volitant, ex erucis viridi colore tinctis magna ex parte formati, quæ imminente transformationis tempore, muris

aut arboribus adhærescunt, filo circa medium corpus illigato pensiles, sicque in aurelias vel nymphas abeunt; locum verò devexum & ab aeris injuriis tutam seligunt, atque eo situ totam hiemem sæpe exigunt, & vere ineunte mutantur in papiliones; alio citius & intra 15. aut 20. dies transformantur. Quasdam ex iis aureliis innumeris vermiculis refertas interdum reperit, qui minutiores muscas sunt conversi; in aliis duos duntaxat aut tres vermes offendit, ex quibus muscæ coloris cinerei prodierunt. Vix illud credibile est, eos vermiculos ex muscarum ovis prodiisse, quanquam id quoque fieri potuisse non negaverim. Unde, ut optime observat Vir mox laudatus, muscæ omnes non ex aliis gignuntur muscis, sed sæpe etiam prodeunt ex erucis. Sed quæ à vulgaris differunt, ex vermiculis qui in fructibus delitescunt, non raro oriuntur. Neque omnes tamen, qui fructibus insunt vermiculi, in muscas convertuntur, plerique enim in papiliones formantur.

Quo autem modo fiat insectorum generatio, id uno verbo explicari non potest. In universum tamen observare licet, in carne corrupta, estate præsertim aut vermes apparere, aut recrementa muscarum, quæ microscopio, seu ova terfa & suo putamine obducta cernuntur: hos vermes exactis quatuor aut quinque diebus, Auctor quæ hoc loco potissimum sequimur, in ova partim nigra, partim subrubra facessere expertus est. Ex rubris citius muscæ virides, ex nigris tardius culices, vulgò *des. cousins* emerferunt. Ex ovo musca prodit rupto putamine: segnis & torpida nascitur.

tur, sed illius alæ brevi explicantur, & ita est magna, ut mirum sit tam angusto putamine eam potuisse comprehendere. Intra octo dies ex nigris ovis culices prodire visi sunt.

Ovarium in museis in duas velut cellulas dividitur; idque magnum est usque ad miraculum. Ova araneæ pellucunt, rotunda admodum; ex iis araneoli qui statim ac nati sunt, telæ quoddam rudimentum texuere: ex aranea quinquaginta araneoli prodire visi, quorum nonnulli in vase occluso ab initio Septembris usque ad octavum Februarii vitam sine cibo produxerunt. Visus est araneus in vase clauso exuvias ponere: eas tamen non ab ore, sed ab imo ventre deducit. Nec verum est, quod Aristoteles ait, araneam non esse oviparam, sed vivos foetus edere.

Papiliones coeunt, & ingentem ovorum multitudinem pariunt, ex quibus erucæ, vulgò *chenilles* oriuntur. Hæ foliis arborum, aut herbarum passæ, plerumque sopore correptæ exuvias ponunt; quædam velut ex serico nidulum parant: aliæ sine nido aut serico involucro corrugantur in chrysalides: quæ aliquot fila serica emittunt, quibus arbori, aut saxo adhaerescunt; aliæ nulla texunt fila, sed à vento huc illuc aguntur. Ex chrysalide papilio, interim musca nascitur. Sed ista quæ summatim decurrimus, paulo uberius sunt explicanda.

C A P U T I I.

*De partium conformatione in insectis,
ac primùm de iis quæ perfecta
dicuntur.*

ARs omnipotentis Artificis in minutissimis animalculis non minus elucescit; quàm in siderum conversionibus: sed minus ad hæc naturæ, aut potius divinæ providentiæ miracula animum intendimus: & tamen si paulo acriùs partium incredibilem varietatem, pulchritudinem, usus denique contemplemur, nescio an quicquam aliud magis demonstret cuncta incredibili Dei sapientia & arte summa fieri & gubernari: qui providentia sua, ut ait Augustinus Epist. 3. *meliozem sensum apiculis & formiculis dedit, quam asinis & camelis: qui ex grano minutissimo seminis, tantam ficulneæ arboris magnitudinem creat. His atque hujusmodi rebus insinuans magna de minimis, qui non est parvus in parvis.*

Jam ut ad rem ipsam veniamus, & argumento tam late fuso modum aliquem adhibeamus, insectorum ortus, partium conformationem, & varias velut metamorphoses ad summa quædam capita, aut genera referamus. Et quidem Vir magno ingenio, & si quis alius in earum rerum indagatione diligens, Jo. Suammerdam quatuor velut classes insectorum aptissimè distinguit.

In prima quidem ea reponit quæ perfecta ex ovo materno excluduntur. In eo genere sunt aranei, qui in varias species diducuntur.

Habes

Habes in Micrographia. D. *Hooker* effigiem aranei, qui longipes vulgò dicitur. Cervici velut columnæ cuidam duo cærulei insunt oculi, iis non dissimiles, qui in perfectis animalibus conspiciuntur. Cornea tunica est prominula, pupilla nigrescit, & ex ipsa structura conjici potest, oculos huc illuc torqueri; crura etiam prælonga quadam velut theca conicæ figuræ concluduntur, ac musculus validus unaquaque theca continetur.

Dentes iis tribui solent, sed non aliud quiddam videntur esse quàm crurum forcipes ut in scorpionibus, atque iis muscas corripunt & vulnerant; in his suos habent aculeos, ut scorpius in cauda.

Est aliud araneorum genus in locis calidioribus frequentius, quod uno saltu in prædam involat, ac mirum ejus in venando artificium fuscè describit D. *Evelin* in epistola quam ad eximium Autorem D. *Hooker* misit ex Italia. Sic muscis infidiatur ut eodem motu cum musca incedat. Cum ea sese convertit, quasi eadem anima utrique inesset, donec musca intra aranei sphæram & saltus conclusa prædæ sit huic venatori: tum enim uno impetu in eam insilic. Sed prius multiplici flexu se torquet & identidem se abscondit. Hic araneus octo oculis, iisque acutissimis donatur.

Aranei pulices qui uno saltu in prædam ruunt, plerumque prælongo filo suspenduntur, quo ab illisu se tuentur.

Qui telas pertexunt, totidem oculis præditi videntur: sed tamen cum digiti oculis eorū admoventur, fugam vix capeffunt; ac fortè si non involant in muscas, nisi cum muscæ in
eorum

eorum retia se induerunt: ii nihilominus oculos habent ferè eodem modo dispositos: atque aranei pulices. Sunt quidam aranei qui ova in membranula quadam involuta secum vehunt: cùm ea divulsa est, hanc anxie quærunt; & corpori suo agglutinant, atque ita ovis suis incubant. Alii velut in reticulis è trabibus suspendunt ova. Illud ipsum à D. *Sedileau* fuit observatum in asellis, v. *clepor-tes*. Nam scœminæ membranulas sub abdomine, aut ventre gerunt; quæ multis ovis mense Martio, aut Aprili plenæ sunt: exeunte Majo vel ineunte Junio excluduntur fœtus tam multi, ut aliquando 72. huc illuc vagantes numeraverit. Mitto araneos plerumque è filo multiplici pendentes ex arbore delabi; ubi alteri arbori, aut obvio cuique corpori adhæsit filum, hoc tanquam ponte interdum araneus aquam trajicit, aut in aliam conscendit arborem.

2. In eo quoque censu haberi possunt ea animalcula quæ in caseo plurima occurrunt, vulgò *mites* dicta. Hæc cum ita sint minuta ut oculorum aciem fugiant, tamen microscopii ope tam magna apparent, ut partes penè omnes distinctæ conspiciantur: imò & eorum ova sub aspectum veniunt, ex quibus fœtus suis partibus instructi excluduntur. Et tamen vix ovum est quadringentesima pars hujus reptilis, quòd cum vix centesimam partem digiti sui profunditate exæquet, digiti cubici cavitatem millies mille hujus generis animalcula vix implebūt, ut colligit D. *Hooke*. Et tamen microscopio vel exiles macule, & crurum articuli, ac pili ipsi conspiciuntur. Crura octo non dissimilia Cancris

cru-

oruribus, crustacea sunt, loricata, & perspicua pelle vestita; extremi crurum unguiculi admodum subtiles & acuti; quatuor ex cruribus ita sunt aptata, ut antrorsum corpus promoveant; quatuor reliqua retrorsum videntur id inflectere.

Corpus ut in majoribus animantibus in tres partes tribuitur, in caput, thoracem, & ventrem. Sed venter aliis partibus longè est major; thorax admodum angustus; caput oblongum. Colore, & figura multum inter se differunt hæc animalcula; idque penes naturam materiæ ex qua aluntur, aut gignuntur. Alia enim oblonga, alia pene rotunda. Alia pilis hirsuta, alia candida, quædam subnigra videntur. Atque in iis potissimum scatent corporibus quæ mollia sunt, mucosa, putredini proxima.

Id verò non temerè suspicatur *D. Hooker*, ejusdem pene naturæ esse reptilia quæ huc illuc errantia in muris identidem deprehendit; octo enim sunt pedibus instructa, ventre amplo, pectore angusto, capite oblongo; crusta quoque aut testacea velut lorica muniuntur: unguiculi pedum adeò sunt acuti & firmi, ut nihil magis: hos enim murorum poris infigunt. Caput est oblongum, ex utroque ejus latere duo oculi subnigri prominent.

Illud itaque non abhorret à verisimili, ejusmodi animalcula quæ huc illuc vagantur, in caseo, farina, feminibus, doliis, & in quorundam animalium pellibus ova sua deponere, ac mutatione soli, aut regionis fetus exclusos colore & aliis nonnullis affectionibus dispares parentibus excludi. Neque id mirum videri debet: solum enim illud non

tantummodo fovet ova, aut excludit, sed etiam iis præbet alimentum, antequam excludantur. Nam plerumque ova insectorum, & eorum maximè quæ in caseo gignuntur, mole sensim augentur: adeò ut velut in utero materno inclusus fœtus formam interdum & figuram parentis non omnino referat. Qua quidem ratione obscura multorum insectorum origo explicari potest: adeò ut nihil necesse sit ad temerariam ex putri materia, & nescio quam totius materiæ transmutationem velut à sigillo quodam impressam confugere.

3. Huc pertinent lumbrici, qui ex ovibus nascuntur, ut nullam subeant mutationem. In his sanguis ruber est, non albus, aut aquosus ut in cæteris insectis.

4. Limaces ex ovibus itidem excluduntur suis partibus instructi. In ea est sententia Clariss. *Suamerdam*, utrumque sexum in limacibus, ostreis, & testaceis plurimis, ferè ut in plantis confundi. Excrementa per collum, aut cervicem egerunt; in eo loco generationis organa reconduntur, imò & ex ea parte aerem ducunt. Genus quoddam limacis asservabat, in quo lapillus cernitur, qui fortè est instar thoracis, & sub eo lapide cor latet suis auriculis membranosis instructum. Dentes limacis superiori maxillæ infixos, non separatos, sed continuos expressit in *Micrographia* D. *Hooke*. Li verò instar cornu sunt flexiles.

5. Huc referri debent pediculi, pulices, acari, & alia hujus generis animalcula. Pediculi structuram eleganter expressit D. *Hooke*; illius ortum ac progressum accuratè de-

descripsit D. *Swammerdam*. Ovum ex quo prodit, lens dicitur, in ea formatur pediculus. In hujus medio punctum diaphanum microscopio conspexit, quod motu diaстоles & systoles instar cordis agitatur. Existimat verò ovum illud jam esse animal ipsum formatum, quod exclusum statim est generationi idoneum. In loca frigidiorē lēdes mox emoriuntur.

Verūm ut partium conformationem, quā D. *Hooker* exquisito microscopio usus depinxit, summam persequamur. Primum occurrit caput in conicam pene formam tornatum, nisi quod aliquantulum ex utraque parte comprimitur, pene instar follium. Os ipsum non patet, sed ex eo corpus aculeatum paululum egreditur, quo sanguinem exsugit. In summa capitis parte duo ampli oculi cum ciliis eminent. Duo quoque praelonga cornua antrorsum proferuntur variis articulationibus distincta, fortē ut obices removeant, qui oculis obesse possent.

Cum verò rostrum acutum in cutem infigit, tum à restro in ventrem demissus sanguis microscopii ope conspicitur, motu undulationis fluctuans, quasi per folles, vel antliā exprimitur. Corpus enim hujus animalis totum pellucet, atq; impulsus ipse sanguinis in ventrem imo & intestinorum motus sub aspectum venit; venæ omnes candicant.

Sex pedibus instruitur, crusta pellucida munitis, & loricatis fere ut in cancris; crura quæque in sex partes variis articulationibus devinctas dividuntur; extrema desinunt in ungue admodum acutos. Atque his velut digitis, quorum unus est altero longior,

ca-

capillos arcte complectuntur, ac sursum aut deorsum ut libitum est, commeant. Insectis plerisque ejusmodi insunt ungues, sed non ita dispositi: in hunc enim alter velut pollicis munus obit.

In pectore infinita prope vasa lactea cernuntur. Id utique velut corneo involucro tegitur, cum ventris tegumentum sit similis cuti. In eo conspicua sunt vasa candida & numerosa, cum satur est, sed in jejuno vasa sui copiam non faciunt: nec motus peristalticus intestinorum animadverti potest. Sed ubi sanguinem hausit, tum manifeste se prodit, & digestio fit citissime: nam & nigra recrementa cito ejicit, & vasa lactea humore referta sub obtutum veniunt.

Eadem pene est origo pulicis, sed structura dissimilis; est enim velut squamis lorica-tus prælongis cruribus præditus, quæ complicata subito distendit: hinc saltus adeo magnus; duobus quoque oculis non inventis donatur. Infra oculos est cavitas quædam in qua tenuis quædam laminula identidem agitari videtur; atque ibi auditus organum collocatum suspicatur Autor laudatus. In anteriore capitis parte prominent duo velut cornua quatuor articulationibus devincta quæ forsitan sunt olfactus organum. Inter utrumque extat proboscis, quæ tubulo constat & lingua, quæ sanguinem exsugit: nam foras sese exerit. Os quoque duabus velut maxillis fere ut in formicis instructum est. Neque abhorret à verisimili, ore ipso velut forficula in orbem tornata cuti vulnus infligi. Atque hæ partes cum inter.

ter anteriora crura deliteſcant, vix poſſunt oculis ſubjici.

Omitto pediculos qui aliis inſunt animalibus, ne infectis quidem omiſſis, quales olim in muſca deprehendimus. Atque veriſimillimum videtur horum omnium eandem plane eſſe originem. Cujus generis ſunt ricini, v. *riques*, qui vaccas & canes infeſtant.

Godartius in hunc numerum refert pediculum aquaticum qui in aquis ſtagnantibus frequens occurrit. Hunc accuratius ut cætera deſcribit D. *Svamerdam*. Pediculo quidem non abſimilis apparet cum citra microſcopium conſpicitur. Sed revera longe ab eo diſtat, & pulici ſimilior eſt; roſtro, & oculis donatur. E pectore brachia prominent in formam arboris diviſa in ramos; hæc in omnes partes movet; interdum motu inæquali fere ut paſſeres in aere, ſic in aqua velut ſubſultat; caudam ſemper depriimit, caput erigit. Interdum tanta eſt in aqua ſtagnante horum infeſtorum copia, ut in ſanguinem pene converſa videatur: ſubrubrum enim præ ſe ferunt colorem. Unde cum ſanguinem pluere interdum credimus, fortè id fit, cum hi pediculi, aut potius pulices aquatici ſanguinis colorem mentiuntur. Quin etiam infeſta pene omnia cum ex ovibus excluduntur, guttulas ſubrubras effundunt, ut idem Autor & doctus & expertus teſtatur. Qui ſubinde docet qua ratione hæc animalcula faciliùs perſpici poſſint, vel in parvo urinali cui aqua affuſa eſt, vel in vaſculo vitreo & inſtar hemiſphærii excavato, cui paululum aquæ

aquæ affunditur: tum enim ope microscopii partes vel minutissimæ deteguntur. Id quoque fit cum aquæ gutta aut chartæ, aut alicui corpori imposita cum animalculo, microscopio subjicitur: sed ope novi microscopii longe accuratius hæc minuta corpora cernuntur. Nescio an in eum censum adscribi non debeant quædam animalcula, quæ in cancellis charta obductis, passim occurrunt, & caudæ motu eum stridorem edunt, qui bilibris motum in horologio portatili imitatur. Hæc pisces terreni à nonnullis vocitantur. Atque in iis D. *Sedileau* oculum nigriorem animadvertit, ex utroque capitis latere micantem; qui in 12 hemisphæria terfa & nigra dividitur. Ac de primo quidem genere insectorum satis multa.

C A P U T III.

De secundo genere insectorum.

IN secundo genere ea reponuntur insecta, quæ ex ovis imperfecta quidem, & ceu vermiculi nascuntur, sed in progressu magis ac magis expoliuntur, donec in nymphas abeant, & depositis exuviis alas nanciscantur: nec tamen omni privantur motu, etiam cum pellem deponunt. Itaque hæc animalcula ex vermiculo per epigenesim, ut loquuntur, seu per additionem partium paulatim crescunt. Vermes illi dum excluduntur, sex ut plurimum pedibus sunt instructi; tum gemmæ quædam ut in arboribus paulatim intumescunt, donec pelle




Fig. 4



Fig. 2




Fig. 1



Fig. 3



© 2000 Blackwell Science Ltd *Journal of Internal Medicine* 247: 105–112

1. The first part of the document is a list of names and titles, including "The Hon. Mr. Justice" and "The Hon. Mr. Justice".

© 2000 Blackwell Science Ltd *Journal of Internal Medicine* 247: 399–406

le diducta se foris exerant, & in alas explicent. In aliis, de quibus postea, mutationibus sic vermes induunt nymphæ formam, ut motu omni priventur: sed in hoc genere nusquam cessant, nisi eo momento quo pellem exuunt.

Exemplo sit libella, aut perla, v. *demoiselle*, cujus 17. species exhibebat D. *Suvarm*. *dam*: ova eodem pene modo, atque in piscibus ex utraque parte infimi ventris sunt disposita, & ova ipsa ovis piscium non absimilia, quæ in aquam itidem effundit, ex quibus vermiculi scaturiunt. Exclusus vermis paulatim adoloscit, duplici oculo, eoque pro mole corporis amplo donatur, quod in aqua genitus in aere pabulum sit quæsiturus. Sextuplici crure, quorum singula in sex itidem partes dividuntur, est instructus: extrema pedum in acutos unguiculos desinunt, qui instar forcipum arte constringunt. Venter in decem est annulos distinctus. Cum aliquantulum adolevit, qua parte pectus cum ventre committitur, quatuor erumpunt globuli, in quibus alarum primordia, ut in gemmis arborum flores continentur. His apertis humor limpidus, uti è gemmis effluit. Sed ubi vermis ad justā pervenit magnitudinem, tum in dorso hi globuli sunt ampliores, & alæ jam iis convolutæ fere ut foliola florum in gemmis: tū is nymphæ formam induit: quædam enim membra gerit adhuc involuta: ex aqua tum egreditur, in terra repit, pellem exuit, alas explicat, in extremis tamen partibus adhuc complicatas, & contortas; atque ex vermiculo natante fit volatilis. Magna prope oculos,

los, caudam, & in alis ipsis fit mutatio; crura eadem fere manent. Quatuor alis donatur, quibus magna celeritate in aere, pene ut hirundines huc illuc volitat; in aere ex præda vivit; duplici dente os munitur, & acriori morfu vulnerat.

2. Huc revocari possunt cimices tum terrestres, tum aquatiles, utrique volantes; illi variis coloribus nitent, sed tetrum afflant odorem; hi vero ut pleraque insecta aquatica aculeos ore gerunt, quos alte in cutem infigunt. Aranea aquatica seu tipula & volans, scorpium aquaticum, muscæ aquatiles, & apes amphibiarum his muniuntur aculeis. Atque æstivis diebus aquæ & stagnantes maxime his insectis plenæ sunt, quorum alia de die, alia de nocte volitant.

Quædam ex iis pulchrè delineata in Micrographia D. Hooke reperies. Illud præcæteris mirabile, quod amplo est admodum capite instructum, testacea pelle, variis tamen pilis & firmis ornata, cornibus munitum instar bovis, nisi quod ea sint inversa, quæ fortè sunt nares; ore patulo alimentum in aqua sumit; venter oblongus octo partibus constat inter se commissis. In thorace cor ipsum album & palpitans, uti & prælongum velut intestinum à summo ventre usque ad extremum caudæ motu peristaltico continenter agitatam conspicitur.

Cum autem ejusmodi insecta per tres fere hebdomadas in vase vitreo cui aqua pluvialis affusa fuerat, conservasset, in culices, v. *cousins*, abierunt, exuviis in aqua relictis. Caput, & corpus culicis ipsum densiora, sed minus lata, quæ extra aquæ
fu-

Superficiem paululum proferens tum anteriora crura, deinde posteriora, totum demum corpus extulit: pelle deposita pedibus aquæ insistent, tum paulatim huc illuc se movens tandem in perfectum abiit culicem.

Non multum differt ea descriptio ab ea quam D. *Swammerdam* pulcre delineavit. Verum ad tertium genus de quo postea, hæc animalcula revocat. Vermis capite deorsum inclinato aquæ innatat; altera ex caudis sursum eminet; in cujus extremo apparent plures vesiculæ aere plenæ; oculi non sunt in granula distincti, sed nigri & tersti: cauda interdum aquæ immergitur, sed non madescit, ut corpus ab ea in aqua maneat suspensum, fore ut acus frustulo suberis inserta aquæ innatat. Quod si ea cauda fortè aqua perfusa maduerit, hanc ori admoveat, tumque vim suam recuperat; fere ut aves fluviatiles liquorem oleosum è glandula anus rostro exprimunt, quo pennas perfundunt, ubi aqua maduerint. Hæc vero cauda ad vermiculi naturam non adeo pertinet, quin eam amittat, cum exuta pelle nymphæ formam induit: tum enim altera tantummodo cauda superest, & capite sursum erecto aquæ immergitur.

Et quidem mirari subit hoc amphibiorum genus, quæ primum aquam instar piscium, tum aerem ceu muscæ incolunt; omni generi animantium eam velut legem natura inseruit, aut instinctum, aut quocunque alio nomine signetur facultas illa ingenta idoneum eligendi locum, in quo ova aut foetus sic reponant, ut foveri, ali, & tu-

to asservari possint. Sic in foliis arborum interdum ova ita recondunt, ut nullus ad ea pateat aditus. Unde in gallis aut pomis quercuum, cum jam maturuerunt, exilis vermiculus occurrit: cum exsiccata est galla, foramen se prodit, per quod vermis sibi parat exitum. Id utique non ratiocinio, sed ipsa partium conformatione & necessitate quadam perficitur; odore carnis muscæ, papilones foliorum halitu invitantur ut ova ibi recondant: nulla hic electio, aut ratiocinatio, quæ animalculo tribuatur. Sed quidquid illud est, ad infinitam Conditoris sapientiam id omne pertinet. Unde in terra, plantis, aqua, aere infinita prope insectorum ova delitescunt: adeo ut omnia animalium plena videantur. Nec mirum si inunte æstate tot prodeant insecta; si pars terræ non minima in aerem diffletur, ut aqua in vapores. Hinc largior imber tot insecta procreat, & interdum locustarum nubes calidas regiones infestant, ubi & parentes, & matricæ idoneas, & gradum caloris sibi accommodatum offendunt.

Hæc vir doctiss. D. Hooke fuse persequitur, atque in ea est opinione, ut eadem insectorum species non uno tantum modo gignatur, ac vicissim ex eadem specie animalia interdum diversæ prodeant naturæ: ut horologia ex multiplici materia fieri possint, & ex eadem quoque materia varia fiunt automata. Unde & insecta quæ in aqua gignuntur, interdum procul ab aquis repêtia & aliis multo minora in foliis arborum, ac sæpe in aere ipso velut nubes culicum minutissimorum licet intueri. Ex his
quod-

quoddam genus describit cujus caput est exile, sed ex eo antennæ seu cornua penè ut cancrorum assurgunt: ex utroque latere tenuissima fila emergunt, & satis apte referunt herbam, quæ vulgo cauda equina dici solet; proboscide prælonga muniuntur. Sex crura ex lato thorace exeunt, quæ crura muscarum satis apte referunt. Sed culicis aquatici, cujus mox memigimus antennæ ut à D. Svamerdam delineantur, miro naturæ artificio exprimuntur; ex duobus globuliserumpentes, tres itidem sunt aculei cum suis thecis.

3. In eodem ordine censerì potest musca quædam aquatilis, quæ ephemera vel diaria vel diaria vocitatur. Hujus ortum, structuram, transmutationem eleganti tractatu descripsit D. Svamerdam, quem paucis abhinc annis Vir omni genere doctrinæ excellens D. Thevenot publici juris fecit. Ephemera circa solstitium æstivum in his regionibus videri solet; & vix per 5. horas vitam protrahit: tametsi sub vermiculi forma in fluminum ripis, ubi quoddam sibi accommodatum in limo aptavit foramen, per triennium ante delituit; atque altiùs fodit sibi domicilium, quo aqua est depressior. Cum in plano polito jacet, tum vermis manet immotus, non item in foramine ubi asperitate partium sustinetur. His piscatores hamos suos inescare solent. Cum dissectur hic vermiculus, & membranæ detrahuntur, partes penè omnes quæ in perfectis animantibus conspiciuntur, distingui possunt. uti & muscoli cum fibris, aut rectis, aut trans-

versis . Adipem quoque utriculis contentum , & instar olei fluidum intueri licet , uti & œsophagum qui instar tenuis filii ab ore in ventrem definit ; intestina , tracheam arteriam , eamque duplicem , cujus ramuli in ventrem , crura , & in omnes penè corporis partes sparguntur , cor inter utramque circa dorsum porrectum ; trachearum aditus , aut exteriora foraminula per quæ aer subit non in ore aut gutture , sed ut in ipsis locustis & in bombyce ex utroque pectoris latere aperiuntur . Atque ii velut pulmones maximè sunt conspicui paucis ab eorum morte diebus ; cum enim sint duri & firmi , & coloris argentei , & diutiùs perseverant , & faciliùs oculis subijciuntur , idque maximè si animal exsiccatum fuerit . Spinalis medulla ut in aliis insectis variis velut nodis , & quasi vertebriis distinguitur ; in eam tracheæ ramuli propè innumeri diffunduntur . In tab. II. tracheas V V , cum corde intercepto T T , & vasa huc illuc sparsa , ut à Viro Clarissimo sunt delineata , intueri licet ; O O sunt ramuli tracheæ ad cordelatæ . Ista quidem non in ephemera modo , sed etiam in eruca & in plerisque insectis occurrunt , & cor modò angustius est , modò latius , ut in X. Ibi & medullari spina , uti in magna parte insectorum cernitur cum nodis , ex quibus prodeunt nervi , mirabili artificio disposita . Cerebrum bipartitum pars summa exhibet .

Cum primum mutari incipit in aqua ,
tum

tum & branchias , & dentes deponit; partes cæteræ fiunt longiores , antennæ vero breviores ; cum ante cauda esset tripartita , quæ medio erat loco , evanescit , reliquæ producuntur .

Hanc altera excipit mutatio , quæ non in aqua , ut prior , sed in aere efficitur . Ungulis quanta vi potest maxima innititur : horrore quodam aut rigore concutitur ; pelle in medio dorsi disrupta crura producit , alæ è theca eo ferè modo prodeunt , quo manus è chirothecis inversis educimus . Unguiculi interim adhærent pelli quam deposuit: crura longius adhuc quàm in priori mutatione proferunt , uti & caudam . Cum pellem ita invertit , aliquantisper immotum manet animal : sed ubi omnino ea posita est , statim in omnes partes volitat ; utramque mutationem in masculo observavit , in foemina unicam tantummodo : hæc majore est corpore : quod plerisque omnibus insectis commune est , nec alitur , ubi postremam mutationem subiit , uti nec papiliones .

Atque hujus generis insecta non prius generant , quàm ad extremum vitæ statum pervenerint : sic femella ova sua in aquam effundit , ut pisces , & mas suo lacte iis fecunditatem impertit . Triduo ferè aut quadriduo ephemerarum genus sui copiam facit ; tumque pisces his saginantur . Unde & piscatores nostrates manna id vocitant . Nec ephemera amplius quàm quinque aut sex ad summum horas vitam protrahit suam , ac statim ea moritur , ubi ova

sua profudit . Non enim coeunt, quandiu vermium formam habent ; neque in aqua liberè moventur , sed in suis foraminulis tantummodo huc illuc se se agitant .

Nec dubium est , quin variæ sint horum insectorum species . Sunt enim quædam ephemeræ quæ non in limo , sed in arena , aut etiam in lapidibus propè flumina nidulantur . Harum pellis est dura & firma .

3. Ad hoc quoque insectorum genus pertinent locustæ , quæ cum adoleverint , alas habent extensas, quibus sonum efficiunt stridulum . In quatuor velut gemmis ante delitescabant alæ : cum ad medium sui incrementi pervenere, tum alias in uno extremo complicatas , in altero habent expansas . Ubi exuvias ponunt , corpore sunt adeo molli & tenero , ut crura instar ceræ flecti , & quamlibet formam indure faciliè possint . Ac mirari subit qui tam faciliè pellem adeo tenuem ! unà cum antennis tam proceris , & præduris dentibus, atque unguiculis exuant .

Triplex in locustis est ventriculus, ut in ruminantibus animalibus: pulmones earum, aut tracheas delineavit Malpighius in eximio tractatu de bombyce . Ab exteriori orificio trachea quoque , ut in aliis ferè insectis , exilis tubulus & firmus oritur, qui in longum & amplum velut sacculum dilatatus per minores ramos cum vicinis communicat, ac tandem spargitur in tubulos , Ova tenui membranula ex filis tenuissimis

simis contexta , quæ fortè non aliud sunt quàm venæ , involvuntur . Mas cauda destituitur , non item foemina , quæ cauda terram perfodit , ut ova sua recondat .

Est alia quædam locusta , quæ cum pulicem utcunque referat , locusta pulex vocitatur . Hæc utique in spuma quæ arboribus & herbis insidet , plerumque delitescit . Cum autem locustæ à nymphis , ex quibus prodeunt , in hoc tantum dissideant , quod in illis alæ sub gemmis recondantur , hinc varia apud Authores fortiuntur nomina . Illæ à nonnullis impennes locustæ , interdum aselli , quod fortè asellos , v. *elopes* referant , atque aliis signantur nominibus . In eum censum adscribi possunt grylli tum sylvestres , tum domestici ; gryllo talpæ ; cicadæ ; scarabæi ; cimices volantes , tum aquatiles , quæ aculeum ore gerunt , quo pungunt , tum terrestres & variis coloribus micantes , sed gravi odore molestæ . Aquatiles itidem araneæ & volantes aculeo quoque , ut cimices , armatæ , quas tipulas aquaticas vocant ; Scorpius aquaticus suo item stimulo instructus , muscæ aquatiles , & apes amphibie .

C A P U T IV.

*De tertio insectorum
genere.*

Tertium insectorum genus ea complectitur, quorum vermiculi ovis excluduntur admodum imperfecti, adeo ut pedes interdum aut crura non appareant. Membra inchoantur quidem sub pellicula, nec vermis adolescere videtur nisi cum membranam disrumpit.

Primi generis animalcula ubi ovis exclusæ sunt, vix ullam subeunt mutationem, omnibus suis partibus sunt absoluta. Quæ in secundo sunt ordine, nymphæ quidem formam induunt, sub qua crescunt; nec motus unquam sunt expertia. At quæ tertio censentur ordine, cum jam adoleverunt, atque è gemmis uti teneri flores emergere, disrumpunt pellem, omni penè motu, nisi in cauda, quæ eadem ferè & sicca permanet, sunt destituta. Crura, alæ, antennæ & aliæ partes sub nymphæ membrana augentur per epigenesim, vel partium additionem: tum partes intumescences pellem attollunt, atque omnes miro quodam modo dispositæ, ferè ut flores in gemmis distinguuntur, & disrupta pelle manifestè se produnt; nec moveri incipiunt nisi cum omnis humor superfluous exhalavit. Ad hoc genus pertinent omnia apum genera tum domesticarum, tum silvestrium. In domesticis, quæ regina, aut rex dici solet, fœ-

foemina est, in qua ova & partes procreationis destinatae apertissime conspiciuntur. 2. Sunt fuci, v. *bourdons*, postremo sunt apes operariae quae mel conficiunt, & in quibus partes illae quae sexus distinguunt, nulla ratione percipiuntur, ut D. *Svva-mordam* diligentissime observavit. Femella sex aut circiter ovorum millia unoquoque anno profundit. Apes foetuum educationi penitus sunt intentae; fuci cum propagationi sui generis servierunt, ut inutiles, aut naturae fato sponte obeunt, aut ab ipsis apibus discerpti.

In iis pulmones ex duplici vesicula, ferè ut in locustis & in omnibus penè animantibus constant. Reliqua quae ad apes pertinent, peculiari libro exposuit Vir laudatus, sed in manus nostras nondum is pervenit: nec latinitate donatum puto. Mitto varia vesparum genera, tum solitaria quae in terra aut ruderibus nidos ex arena, argilla, & glarea construunt; tum ea quae instar apum in terra sua condunt alvearia: muscas quoque triplici cauda instructas, unde & trisetæ à *Moufeto* vocitantur. Sunt quae araneas suis occidunt aculeis, aliae dentibus discerpunt, unde vespa lupi dicuntur. Crabrones, v. *frelons*, adeo sunt voraces, ut in duas partes secti adhuc comedant.

Eo quoque referuntur apes illae marinae, quarum meminit Piso l. 4. quae in alveariis spongiosis & vadis petrosis occurrunt. Cum enim piscatores unco spongas, coralla, & alias arbusculas marinas loco pi-

scium caperent : Inter hæc, inquit, inusitatae formæ prodiit spongiosa arbuscula, quam fusè describit ; corpus videlicet spongiosum, molle, oblongum, rotundum, turbinatum, intus miris cancellis, & alveis fabricatum ; extus autem tenaci glutine instar apum propolis, (ita vocant gluten illud quo apes alvearium oblinunt, & occludunt) undique vestitum, ostio satis patulo & profundo in summitate relicto : ita ut apiarium marinum verè dixeris. Primo enim intuitu è mari ad terram delatum vermiculis scatebat cæruleis, parvis, qui mox à calore solis in muscas vel apes potius, easque exiguas & nigras transformabantur, circumvolantesque evanescebant : ita ut de eorum mellificatione nihil certi conspici datum fuerit : cum tamen cerosa materia, propolis, apumque cellulæ manifestè apparerent.

Prætereo innumeras muscarum species, ut carnivoram, quæ carni solet insidere, florilegam nigram quæ fortè ex aqua egressa turmatim in hortos irrumpit & flores depascitur ; papilionis æmulam ; muscam scorpioni similem, seu muscam lupum.

Re ferri huc possunt scarabæi, qui in varias quoque species dividuntur. Id omnibus commune est, ut caro velut ossibus muniatur. Idque penè omnibus insectis convenit, ut substantia quadam tegantur firma & cornu non dissimili. Musculorum structura penè eadem est quæ in majoribus animantibus. Inter antennas, aut cornua

ma.

magna est varietas , atque hinc specierum
 distinctio in scarabæis penè ducitur . Est
 scarabæus monoceros , seu unicornis : cor-
 nu naso imminet . Ex iis scarabæis unus
 est , cujus cornu ad dorsum usque infle-
 ctitur , quique suis pediculis non caret .
 Id genus scarabæi ex eo formatur verme
 crassiori , qui in ligno nascitur , hunc
 cozzum vocitant . In putrescente ligno nu-
 cis arboris , hujus generis vermes albos
 sex pedibus rubris instructos cum reperis-
 set D. *Sedileau* , primùm id advertit , pe-
 des non ad gressum , sed ad fodiendum apta-
 to esse . Deinde cum terræ vase fictili
 conclusæ imposuisset , interjecto aliquo
 tempore invenit eos duro cortice obductos ,
 quo disrupto apparuerunt scarabæi viridi
 & splendido colore nitentes , quales mense
 Maio in hortis cernimus conjicit scar-
 bæo stridulos , v. *banetons* ex consimili origi-
 ne proficisci .

Verùm scarabæi in tot abeunt species ,
 ut longum esset eas enumerare . Sunt enim
 & cervi volantes , lucani dicti , quorum
 alæ in squamosa pelle velut in vagina con-
 duntur : quæ quidem squamæ explicantur
 & quodammodo aperiuntur , cum animal
 volitat , & in eo statu fixæ permanent .
 Ac-miro quodam artificio sub squamosa va-
 gina alæ complicantur : extremum earum
 parvis musculis munitur ; unde ex iis vul-
 neratis liquor quidam profluit . Quod uti-
 que non evenit in alis insectorum , quæ
 totæ sunt membranosæ . Proboscide , seu
 lingua mirabili artificio fabrefecta alimen-

tum fumunt . Ac liquor quidem mel-
leus qui è quercubus manat , iis est ali-
mento . Horum pulmones ex Malpighio
supra sunt delineati . Vesiculæ à tracheæ
tubulis pendent , uti ferè in perfectis ani-
malibus . Nam tracheæ membrana ubi
annulorum angustia coercetur , tubos ef-
ficat ; ubi autem est liberior , laxatur
in vesiculas . Hanc in tabella 10. ex-
pressimus .

Sunt itidem capræ volantes , sunt por-
celli volatiles , ita dicti ob cornuum , aut
narium aliquam similitudinem . Est scar-
abæus musca , qui magna celeritate alas ver-
berat , cujus dentes in ramos diducuntur .
Alii sunt virides & aurati , sed fœtidi ut
cantharides . Horum ova margaritas refe-
runt , Ex iis nonnulli corpus habent infinitis
foraminulis pertusum . Sunt qui locustarum
instar exiliunt : capite & pectore in unum
adductis , & solo infixis , in aerem produ-
cto corpore repente prosiliunt . Alii priori-
bus cruribus insistentes , & capite intra ea
crura adducto molestum quendam efficiunt
sonum : in ruderum foraminibus hi nidulan-
tur . Alii stridorem emittunt dum caput
pectori , aut caudam squamosis alis affricant .
Est scarabæus qui aculeum in cauda gerit .
Isque ex iis vermiculis nascitur , qui pedi-
bus destituti tenui pellicula involvuntur ,
qua salicum folia vestiuntur . Ibi idoneum
offendunt alimentum , dum membra auctio-
ra nympharum formam exhibeant . Innu-
mera hujus generis animalcula exhibebat D.
Stovamerdam , & nunc quoque in ejus musæo-

P A R S T E R T I A. 315

lo servata videri possunt . Horum incredibilis varietas, partium conformatio, mirabilis transformatio infinitam Conditoris sapientiam, & artem omnipotentis Artificis commendant .

Non alia ferè est ratio structuræ, & mutationum quæ in formicis observantur, quæque idem Autor graphice delineavit . In verme cum ad justam magnitudinem excrevit, jam partes omnes sub pelle formatas intueri licet: cum pellem exuit, partes omnes in conspectum veniunt, sed fluidæ instar aquæ, & candidæ: tandem in perfectam abit formam, & pellis adeo mollis intra paucos dies fit solida, & cornea, adeo ut vix lancæolæ mucrone pertundantur. Rostrum munitur duobus dentibus extra prominulis, qui variis incisuris dividuntur. Antennæ sub oculis proferuntur, & singulæ 12 constant partibus inter se connexis. In hac formica quæ laboriosa dici potest, nullum apparet sexus discrimen. Mas alis instruitur, foemina ut in apibus innumeris ovis foeta, & turgido ventre: nec semper mas cum aliis conspicitur: adeo ut satis sit verisimile eum à formicis necari, cum generationis æstus deferbuit.

Ad tertium genus ea quoque insecta referri possunt, quorum membra plus satis aucta pellem qua involvuntur, tandem dirumpunt, & nymphæ aureæ, seu chrysalidis, vel aureliæ formam præseferunt. In qua quidem partes omnes non adeo distinctæ cernuntur, atque in nympha simplici, cujus hætenus mentionem fecimus:

sed tamen in ea omnino continentur . Nam singula papilionis membra in ipsa eruca apparere testatur Autor laudatus , qui hæc ad vivum refecuit .

Jam erucarum & papilionum species omnes quis enumeret ? satis id fuerit si ad summa quædam capita referantur . Quidam de nocte , alii de die volitant , alii celeri & concitato , quidam lento admodum motu feruntur . Omnes ubi ad eam pervenerunt ætatem in qua genus propagare possint , tum uni generationi incumbunt . Quæ enim infecta foetus non alunt , statim moriuntur , cum generis sui propagationi dederunt operam . Id ipsum in apibus observari potest , ubi nullus est principatus , nulla administratio , aut regimen politicum , sed eo tantum impetu à natura feruntur , quo foetus alant , & speciem conservent .

Quidam ex iis qui noctu volitant , ex iis vermiculis qui pannum , chartam & folia exedunt & tineæ dici solent , suam ducunt originem . Nonnulli ex iis vermiculis domunculas suas instar testudinum secum vehunt . Atque hi papiliones ab aliis diffident , quod non uno impetu prosiliant in aerem , sed prius alas tremulo motu vibrent , quàm sursum efferantur .

Papilionem ex tineæ formatum pulchrè descripsit D. *Hooker* in *Micrographia* . Albo colore nitet , unde & tineæ argentea vocatur . Quatuor alis instruitur , quarum priores sunt latiores . In alis velut in anserum plumis calamus in medio positus velut pilos sursum ac deorsum emittit non dissimili

PARS TERTIA. 517

mili modo aut proportionē aptatos . Calami ipsi, imo totum corpus & cornuam plumulis quibusdam vestiuntur, quæ tangentis inficiunt . Sunt autem hæ plumulæ tanquam parva quædam vimina variè implexa, & in plures ramulo divisa .

Papilionum varias metamorphoses D. *Sovamerdam* explicat . Exemplum sumit ex papilione nocturno; mares noctu volitant, fæminæ alis distituuntur . Ovum in varios annulos distinctum, & in medio incurvatum videtur . Atque ibi velut per apertum foramen vermiculus inclusus vivere deprehenditur . Ovum in matris ovario molle est, flexibile & membranofum; sed cum vermīs organa sunt formata, ut gallinæ ovum, sic durum est, & fragile .

Cum eruca adolevit, 16 pedibus instructa incedit; ex utroque latere velut duo remi utrinque eminent; in capite duæ sunt quasi plumulæ versicolore; in dorso extant quatuor velut scopæ, quibus vestes extergi solent. Tum ea se involvit filia quæ ex ventre emittit, ut solent bombyces . Dum in folliculo, ut in nidulo sese hunc illuc versat, tum pilos omnes, & plumulas exuit quæ illi sunt instar mollis culcitæ . Priusquā pellem deponat, omni motu destituitur. Circa secundam aut tertiam incisionem vel annulum membra quæ erumpunt instar gemmarum, eas partes nonnihil attollunt . Varia autem sunt erucarum serica involucria. Nam singulæ suum nidulum parant, ut cuiusque naturæ magis est accommodatus. Sunt quæ nullos conficiant nidulos. Quædā
in

in terra, ut in tutissimo loco se condunt ;
 aliæ corpus filorum contextu tam arcte in-
 volvunt, ut in aere pensiles pellem exuant,
 & ea deposita quædam fila corpus adhuc
 stringant, ne in terram delabantur cum pellis
 deponitur.

Eruca pelle deposita formam nymphæ
 induit, tumque partes omnes papilionis
 utcunque distinguuntur, atque in chrysa-
 lide, seu in aurelia oculi, proboscis, crura,
 & alæ visui subjiciuntur. In aurelia cum
 pellem renovat, partes omnes sunt molles
 & humidæ, sibi mutuo conjunctæ. Atque
 hæc pellis erat in eruca, uti aurelia jam est
 papilio ipse membranis seu involucris, qui-
 bus tegebatur, detractis. In ramis arboris
 sycomori vermes albos nigri maculis distin-
 ctos observavit D. *Sedileau*, qui foetidi sunt,
 corticem pertundunt, & ita exedunt, ut
 singulis diebus plus alimenti sumant, quàm
 sit vermis moles: in aureliam abit vermis,
 ex qua papilio nascitur albus, sed nigris ma-
 culis conspersus. Ex majoribus erucis, quæ
 filo circa caudam involuto se suspendunt,
 chrysalides primum, tum papiliones, sæpe
 muscas oriri comperit. Verùm ista in bom-
 bycis historia multo fient illustriora.

C A P U T V.

*De Bombyce, necnon de quarto
 insectorum genere.*

Longum esset & molestum omnes inse-
 ctorum species, quæ in nymphas vel
 chrysa-

chrysalides abeunt , percurrere . Cumque in omnibus pene sit eadem partium interiorum conformatio , multo erit facilius unius velut anatomen instituere , quò de ceteris nobis liceat judicare . Itaque unius bombycis exemplo contenti erimus , de quo Malpighius egregium edidit tractatum .

Ac primum quidem exteriores bombycis partes quæ magis sunt obviæ , morari nos non debent : nam magna ex parte crucæ similis est : mori albi foliis ali-folet : sunt enim teneriora quàm nigri folia , atque ex iis serici stamen mollius gignitur . Intra paucos dies somno corripitur : vix enim æstate decem dies insomnes agit . Quies ultra diem raro producit . Excusso somno primam deponit senectam , quæ inter mori folia conspicitur ; tum novum cranium & priori longe majus exerit . Quatuor deinde dies & amplius insomnis exigit . Somno iterum per 36. horas aut circiter correptus , oblongiore fit corpore , ac post triduum tertio in somnum labitur : caput longe majus è primi annuli corio enascitur , & antiquum jam vacuum disrupto corio cernitur . Quietem futuram indicat à cibo abstinentia ; corporis moles fit brevior : recessum quærit vermis ubi quiescat , quo reperto immobilis jacet : post unum diem huc illuc se jactat , totus convellitur , ac tandem diu luctatus longa pedum jactatione sejunctum à recenti corium excutere incipit , facta circa cranium scissura . Ac nescio an tam laboriosa transformatio renovato capite , dentibus , corio somnus dici possit .

possit . Exactis demum quatuor aut quinque diebus abunde pastus per duos cum semisse dies torquetur , & postremam exuit senectam . Totus deinde nutritioni incumbit , & brevi aucta corporis mole ad consistentem provehitur ætatem .

Annulis undecim distinguitur ; ex eo qui cervicis locum tenet velut brachia emergunt , eaque breviora ; qui proximè sequuntur duo annuli , sunt omnium maximi . Membranosa eorum & firma est substantia , non cartilaginea tamen ; pars superior cujusque annuli est solidior & rugis minus aspera ; pars proxima rugosa , atque ut animalculo libuerit , in elicis adducitur .

Cranium è primò annulo videtur emergere . Corpus est pene rotundum , nonnihil tamen depressum , in varias partes distinctum , quas longum esset sigillatim describere . In lateribus tres utrinque globuli fortè sunt oculi . Cranii ossa variis sunt futuris distincta , atque inter eas solidior quædam est , & nigra quæ unguium naturam & substantiam refert . Hæc cranii basim , ubi primò annulo annectitur , firmat , tum sursum producta duo cranii velut hemisphæria separat , & in anteriore parte multas delineat futuras . Majore cranii partem duo musculi qui dentes movent , pene occupant . Musculus quisque magnus & fibrosus non sursum & deorsum , ut in sanguineis os aperit , sed cum duo dentes in eodem sint plano collocati , mutuo eorum accessu & recessu cibus ab iis teritur . Dentes porro intus cavi sunt , basis lævis & sine radicibus . In hanc
carneæ



Fig. 5



fig.





Fig. 4.



Fig. 3.



carneæ fibræ musculorum desinunt , quæ cranii partes oppolent .

E corporis medio proferuntur quatuor crurum paria , quæ rotunda sunt , internodiis & articulis distincta . In extremo cujusque est semicirculus pene osseus , unde & pes carneus emergit , qui hemisphærii figuram imitatur . Pars ejus prominula bino ungium ordine instar coronæ cingitur . In singulis pedibus ut plurimum sunt 40 ungues solidæ & osseæ substantiæ , sibi paralleli , magnitudine dispares , quique in curvatos apices desinunt .

Ex tribus prioribus annulis tria velut brachia oriuntur , quorum figura est conica , tribus internodiis distincta . In cujusque extremo prælongus velut uncus prominet .

Atque hæc fere in exterioribus bombycis partibus sunt notatu digniora . Interiores verò partes sigillatim persequi prolixum esset , nec tamem molestum : summa quæque capita ex diligenti & perspicaci Autore decurremus . Discisso corio liquor quidam subflavus effluit , qui ex alimentis per vasa in cutem usque permanat : atque huic consimilis , quique ignis calore concrevit , ventrem implere solet . Huic cuti alia subest membrana , quæ scilicet emerget , cum bombyx formam aliam induet . Cuti verò adhærent fibræ musculosæ in longum porrectæ ; aliæ his subjectis sunt obliquiores quæ in majori eruca magis sunt conspicuæ . Musculorum autem ope sic graditur bombyx . Bini pedes omnium postremi qui ab appen-

appendicibus anni, solidiores & pene cartilagineæ substantiæ, in majoribus saltem erucis, originem ducunt. Hi primum gradiuntur, tumque extremi duo annuli his proximi corrugantur; deinde tenduntur & detumescunt; atque ita deinceps, dum minora crura, seu brachia capiti proxima pene quadrupedum more promota caput ipsum ulterius promoveant.

In uniuscujusque annuli utroque latere, si secundum & tertium exceperis, duo sunt velut stigmata; ex iis vasa, de quibus identidem diximus, quæque sunt instar pulmonum, suam ducunt originem: adeo ut 18. sint ejusmodi orificia. Ea quidem vasa, seu tracheæ nullum habent truncum cõmunem sed in singulis orificiis decem ut plurimum rami colliguntur, unde in omnes cujusque annuli partes, & recessus, in cor, ventrem & viscera arteriarum more diffunduntur, & varios subinde plexus reticulares, fere ut in arborum foliis, & maxime inter cutem & musculos pertexunt.

Unumquodque orificium in majore eruca melius conspicitur, idque est ellipticæ figuræ: medium scissura quædam in longum ducta dividit, reliquum spatium fibrillæ ab ambitu orificii ad fissuram ductæ sic complent, ut processus oculi qui ciliares vocantur, satis apte exprimant, nec dispar in utroque est usus: nam contractam fibræ scissuram diducunt, ut aer subire possit. Res adeo digna est, quæ figura designetur ut microscopio cernitur. A A, cutis est extremum, nigrum, & nonnihil reflexum; fissura

fura media B, fibrillas ab ambitu cicatricis ductas ad scissuram littera C, exprimit. *Vide Tabell. II. fœg. 2.*

Ea scissura mortuo duntaxat animali, ubi exsiccatio præcefferit, oculis subjicitur. Immerso intra aquam bombyce plures aeris bullulæ erumpunt, non item cum extinctus est. Ubi singuli hiatus penicillo qui oleo est inunctus, leviter asperguntur, statim bombyx aut eruca convellitur, si pars tantummodo corporis oleo fuerit illita, bombyx diu jacet paralyticus, sed interjecto tempore sæpe reviviscit. Cordis motus in partibus oblitis rarus admodum & debilis est. Cum illæsis orificiis aliæ partes oleo fuerunt aspersæ, nulla sunt secuta dira symptomata. Adiposa quæque, butyrum & mel maxime orificiis illita æquè lethalia fuerunt. Idem evenit in locustis, gryllis, & aliis hujus generis insectis. Quæ diu sub aqua fuerunt depressa & cordis motum, & alia vitæ munia obierunt.

Cor per dorſi longitudinem inter fibras musculorum, & tracheas collocatum à capite ad extremum usque corporis porrigitur. Tubus est unicus, interdum latior, interim angustior, membranæus, & perspicuus. In hoc accedere non possum Viro Clariss. qui suspicatur non unum, sed multiplex id esse. Quæ enim assert, nullatenus mihi videntur efficere tot esse corpuscula, quot sunt annuli; cum motus cordis ab extrema velut cauda incipiens ad caput usque continetur.

Venter quoque instar cordis ab ore extremum usque corporis producitur; substantia illius

illius est membranosa ; interior membrana innumeris tracheæ famulis irrigatur ; exterior fibris carneis est conspersa , quarum aliæ sunt rectæ , aliæ transversæ . Intestinorum aut ductuum multiplices gyri partem mediam implent & infimam . Ac tam prolixus venter multo eget alimento : adeo ut jejunum corpus non vincet pondere cibum quem uno die consumit . Ex utroque ventris latere duo vasa formando serico destinata circumducta conspiciuntur , quæ in figura delineata fient apertiora . Utrumque vas A ab oris confinio exortum paulatim deflectens in B , versus interiora corporis delabitur usque ad medium corporis , tum reflectitur in C & sursum ascendit ; tandem in varios gyros & anfractus D circa primi ventris finem desinit . Hujus extremum intestino animalium , quod cæcum vocitant , non dissimile in E constituitur . Initium F gracile est , tum augetur in G , gracilescit in L , & succus cõtentus his tubulis plerumque varius est . Aqua communi elixatus non solvitur , nec flammam concipit , sed gummi similis est . De spinali medulla superius dictum est , cum ephemeræ partes quæ in iis insectis non multum sunt dissimiles , ex Viro doctissimo exposuimus , nunc postrema bombycis transmutatio adeunda .

Bombyx bene pastus contabescere incipit , & moles corporis sensim imminuitur , per diem & amplius à cibo abstinet , alvum exonerat cum succo mellei coloris , corporis color mutatur , situm quærit texendo

serico

serico idoneum inter ramulos arborum, aut scopas; tum succum instar succini ex ore emittit, & ligni frustulo, aut corpori alteri scabro sic se applicat, ut inde recedens filum ducat & reducat sæpius: quod utique aeri expositum concrevit. Sic latum quodam rete pertexit, & medium spatium relinquit ovalis pene figuræ, quod expleto folliculo impleat. Id verò staminis pertexens caput identidem adducit & retrahit, & alvo immobili tensa jam stamina pedibus corripit, tum vario capitis motu stamen ipsum diducit in spigæ modum: biduo aut tri-duo ad summum hoc operis perficitur. Interdum bini bombyces in eodem folliculo elaborando consociantur.

Folliculo serico absoluto, contractis partibus bombyx in nidulo decumbit & quiescit: tum color mutatur, crura fiunt graciliora, ungues pedum retrahuntur; venter exinanitus subsidit; cranii cavum aquoso repletur succo, & densum sub corio bombycis latet involucrum. Intera cor tarde movetur, & intra quatrimum cyte deposita in aureliam ablt. Quod fit unius minuti & 10. secundorum spatio. Primum cor citissime concitatur, corporis habitus convellitur, & ex transversa laterum constrictione externum corium ab interiore divellitur. Quin & testatur D. *Swamerdam* in senecta trachearum externam pelliculam exui. Scissura ex eo motu fit in dorso prope caput, per quâ reliquum corpus exit, senecta interim deorsum detracta: nec parum confer liquor, qui è cranii cavitatibus egreditur. Tum anten-

antennæ crassiores, alæ & crura emergunt. Sed eæ partes cum sint uidae & mucosæ, sibi mutuo adhærescunt, & simul complicatæ unius indumenti speciem præbent. Unde jam natura papilionis formata est. Quin & in bombyce ante solliculi contextum sub secundo & tertio annulo jam prima alarum exordia, & prima antennarum rudimenta in cranio apparebant: adeo ut aureliæ species sit velut larva papilionis. Aureliæ ex parte posteriore visæ extima figura pene ovalis est. In superiore dorsi parte eminent corpus A umbonis specie. Hoc rectis fibris in transversum dispositis distinctum apparet, cui caput B superponitur, sed reconditum: ex umbellæ utroque latere emergunt alæ C C, quæ deorsum productæ circa imum ventrem complicatæ desinunt. In summo corporis, antennæ oriuntur. Crurum quoque progressus subjiciuntur oculis; stigmata vel orificia trachearum adhuc supersunt, sed non dehiscunt. *Vide tab. 11. fig. 6.*

Decem dierum spatio aurelia formatur in papilionem. Annuli fiunt solidiores & pene cartilaginei. Alæ, antennæ, crura suis involucris munita ex mucoso succo concrecente sensim extra prominent. Tracheæ rami molliores fiunt, & in seipsos collabuntur; ventriculus fit contractior; nullum tot cavitatum manet vestigium. In ventriculo succus mellei coloris, & consistentiæ, nullius pene saporis continetur. Ab illius extremo pendent velut intestinula in varios gyros contorta, quæ in ductum prælongum abeunt, hic in vesicam amplam dilatatur, quæ

quæ infimam alvi partem occupat. Hic ductus peristaltico motu lacteum humorem partium successiva contractione in vesicam exprimit, interim sursum repellit; adeo ut succus ille huc illuc impulsus jugi motu fluctuare videatur.

Hæc vesica ampla & pyro non dissimilis duplex excrementum continet, unum cinereum, quod in fundo subsidit, & excrementum concrefcit; alterum mellei coloris, quod supernatat: ex vesica ductus in anum patet, qui excrementis præbet exitum. Ut primum formatur aurelia, prima ovorum exordia sui copiam faciunt, & pleraque ante absolutam papilionis conformationem jam perfecta conspiciuntur.

Post 10 dies aut amplius pro varia anni tempestate, ex aurelia prodit papilio, facta in dorso, ubi umbonem esse diximus, & circa alarum exordium scissura, pedum & alarum crebra agitatione, detractis, quibus involvebatur, facculis, humore quoque adjuvante. Ex iis velut carceribus in lucem prorumpit, ac duplicem velut senectam in folliculo relinquit; aureliæ nimirum & bombycis: ore primum uberiores liquorem emittit, quo folliculi apicem perfundit, tum capite sursum producto texturam folliculi laxat, & stamina ad latera disjicit; deinde unguiculis innixus reliquum corpus folliculo inclusum extrahit: mas minor quidem est, sed vegetior; foeminæ corpus oblongo & turgido corpore donatur.

Neque necesse est singulas papilionis partes pertexamus. Corpus ad ovalem figuram

ram accedere notum est; majores sunt annuli in medio, caput angustum, ex quo antennæ duæ, seu cornua flexilia & instar filicis conformata emergunt. Ex utroque latere duo prominent oculi. Crurum anteriorum substantia est cartilaginea intus excavata, ut in crustaceis; quatuor constant partibus sibi mutuo articulatis, pedes subjiciuntur binis unguiculis muniti, & multiplici articulatione devincti. Alæ in unoquoque latere binæ sunt, priores quidem latiores, variis foli diusculis fibris muniuntur, quæ osseam pene habent firmitatem. Spatia inter eas solidiores fibra intercepta tenui quadam & diaphana implentur substantia, quæ lapidem specularem refert. Tota alarum substantia plumulis tegitur, quæ levi manuum contactu decidunt. Hunc velut pulverem in tertio tractatu secundæ partis tab. I. expressimus. Colores adeo vividos, qui in alis conspiciuntur, non aliunde quàm ab iis plumulis prodire testatur D. *Svamerdam*, qui alibi docet nullos in alis papilionum aut tendines, aut musculos conspici: sed plumulæ aliæ aliis incumbunt, quæ miro quodam modo se expediunt cum alæ explicantur. Corpus ipsum pilis & pennis tegitur. Pennæ non alio pene modo quàm in avibus conformantur; calamo quippe firmatæ hinc inde emittunt plumulas.

In fœminis ventris cavitas ovario & aliis impletur visceribus; ovarium membranosum est & firmum, in varios ductus divisum, qui ad medium usque ventris refle-

reflexi magna ovorum multitudine & humore referti intestinorum speciem præbent. Vasis copiosis instar retis implexis irrigantur, ac motu quoque peristaltico donantur. Ova ut plurimum 400 aut 500 etiam fœmina emittit. Nec diu postea vita papilionis durat. Cum æstas est fervidior, vix interdum quintum attingit diem. Ineunte hieme ad mensem aliquando vita eorum producitur. In subventaneis ovis nitrinus color manet: sed is mutatur in purpureum aut violaceum cum fœcunda sunt. Ita linteo, aut terræ subjectæ adhærent, ut vix unguibus divelli possint. Ovum luteo humore impletur, qui levi elixatione concrevit.

In cadavere ventriculo sursum retracto, uterus & major & solidior, aeris vesica quædam admodum turget.

Ac de bombycis structura paulò uberius egimus, quòd ad naturalis historiæ illustrationem, si quid aliud, ea maxime pertineat. Atque eadem pene est erucarum & papilionum conformatio. Et quidem in Academiæ commentariis reperio ab eruditissimo Mathematico D. *Sedileau* id observatum; tres insigni magnitudine erucas menses Julio anni 1682 In sycomoro repperas, quæ quinto post die cum liquorem viscosum ejecissent, sese intra testas firmas involverunt. Unam ex iis post duos menses aperuit, unde aurelia prodiit, & 18 Maii in magnum papilionem est conversa. In medio alæ oculus iis non absimilis, qui in cauda pavonis conspiciuntur variis nitebat coloribus; atque alarum extrema

velut fascia quædam candida cingebat duabus lineis lata. Oculi ad candelæ flammam visi sunt lumen reflectere.

Quarto post die ova emisit, idque per quatrimum: & die 27 Maii extinctus est. Alter quoque papilio è chrysalide sua emerfit, & idem subiit fatum. Sed ex tertia chrysalide 20 & amplius vermes papilionis loco prodierunt, qui exactis aliquot diebus in aurelias primùm, tum deinde in muscas nigras & crassas abierunt.

Atque hoc muscarum genus ad quartum insectorum ordinem revocari potest, quorum generatio paulo est obscurior, eamque fusè explicat D. *Svamerdam* In eo genere quod gignitur animal, vermis figuram retinet. Cum nymphæ formam subit, duas simul pelles exuit, quarum exterior cum plerumque dura sit & firma speciem ovi præbet: cum tamen vermiculus sit, non ovum, motu quidem omni privatur, cum in nympham convertitur, sed humore superfluo per transpirationem exhalato intra paucos dies motum suum recuperat; cumque duplicem pellem deposuit, jam omnibus suis partibus & ornamentis decoratus apparet.

In eum quidem censum adscribi possunt vermes qui vulgò ex carniū putredine gigni creduntur, ex quibus varia muscarum prodouit genera. Horum vermiumcrementa fœtore suo carnes corrumpunt. Nec muscæ omnes ova, sed plurimæ vermiculos pariunt. Vidit D. *Sedileau* muscam cinerei coloris, quæ digitis pres-

PARS TERTIA. 531.

sa 40 aut 50 vermes, eosque vivos parturiit. Plerumque etiam ex erucis gignuntur, & ex iis sæpe vermiculis qui in fructibus sunt reconditi. Illud ab eodem pererudito Viro observatum in medio tuberculi, quod in Rhamno frequens est, exteriori quidem facie spongiosum, intus durum, vermiculos esse reconditos, qui in minutiores muscas miris coloribus nitentes convertuntur.

Ex iis quoque vermiculis contractis qui ex erucarum corpore & aureliarum pelle emergunt, nymphae primam, tum muscae prodeunt. Ac sæpe vermes pellem erucæ ex qua alimentum suum deprompserunt, sic deserunt, ut sese folliculis induant sub nympharum larva, ac tandem in muscas transformentur. Ex iis quæ brassicam exedunt erucis, vermiculi sibi nidum sericeum pertexunt, in quo reconditi ovorum speciem præbent: cum sint nymphae, uti & illæ quæ in foliis salicum tenui folliculo involutæ in muscas abeunt teneras & delicatas. Sic nymphae muscarum, quæ equis & bobus adeo sunt molestæ, quæque tabani, vulgò *taons* vocitantur, ex vesculis qui in fluviis passim repunt, teste Aristotele & experientia procreantur. Hæ muscæ proboscide simul & aculeo instructæ, proboscide rorem & mel è floribus & herbis colligunt, aculeis exsugunt, sanguinem, adeo ut uno ex iis alimentis deficiente, alterum non desit, Idem sortè in culicibus usu venit. Sed

in plerisque his insectis id observatum fuit, eodem tempore & humorem, & aerem proboscidis ope attrahi, quod se in papilionibus expertum testatur idem Author. Vermiculum describit, ex quo tabanus oritur; in eo 12 annulos distinctos, caudam pilis vallatam, quorum ope aquæ indefinenter moventur, ut serpentum lingua, & alia quædam delineat. In rostro vis ejus aut robur consistit: eo quippe utitur ut repat, & quod sibi opus est ad vitam tuendam quærat.

Postremo hoc insectorum genere continentur latrinarum muscæ, quæque ex vermibus longiore cauda munitis gignuntur. Hic vermis paulatim ut cæteri indurescit, & crescendo nymphæ speciem induit. Cum brevioribus sit crucibus, rostro utitur ad incessum, ut de tabani vermiculo diximus. Ex ovo prodit non rotundo, sed oblongo, & angulari. Id duplici pelle tegitur, exteriore dura & fragili, interiore tenui & delicata. Cum in nympham transmutatur, pellem non deponit, ut alii vermiculi, qui in nymphas mutantur. Nympha omni motu caret, pectus & crura nullam subeunt mutationem. Oculi, ut vulgò creditur, ut in aliis muscis & plerisque insectis, in retis formam disponuntur. Quod si ii sint oculi, non tres illæ velut gemmæ in summo capite muscarum prominulæ, de quibus alio loco diximus, fatendum est innumerabiles pene esse oculos, nec visionem in iis insectis


eo fieri modo quo in majoribus animalibus, sed fortè extrema fibrarum nervi optici certa ratione ab objectis lucidis afficiuntur, quæ explicari vix potest. In nymphea antennæ mutuo sibi implexæ, proboscis, crura sibi propius admota, & secundum corporis longitudinem producta, alæ convolutæ cernuntur. Cum duplicem exuit pellem, jam ad generationem est idonea: alæ sunt membranosæ, crura variis articulata partibus, pedes duplici forcipe muniti.


Atque hæc insectorum generatio non multum est dissimilis ranarum procreationi. Hæ quippe ex ovo, quod instar puncti est subnigri, tenui admodum membrana, quæ & viscosum continet alimentum, involutæ prodeunt. Ac ranarum foetus hanc membranulam non aliter exuunt, atque insecta quarti ordinis. Nam est instar vermiculi nigri in medio alimento collocati, (quod solet pro capite accipi) & integrum est corpus, ut Harvey animadvertit. Nec ranulæ totum consumunt alimentum: sed ubi aquæ subeuntis vi partes illius humoris nutritii separatæ fuerunt, instar nebulæ fluitantis is apparet; tum huic innititur, & natando defatigatus gyrimus aut ranula in hanc nebulam se recipit, ut quiescat. Ore etiam nutritur: neq; per venas umbilicales, uti nec insecta quæ in carne putrida, fructibus, caseo gignuntur; neque ante vescitur, quàm membranam qua erat involutus, deposuerit. Tum crura proferri incipiunt,

ut gemmæ è plantarum ramulis , aut insectorum quæ ad secundum genus pertinent , alæ è suis globulis emergant . Anteriores pedes lente admodum sub membranula crescunt , ut in erucis . Tum rana pene ad debitam pervenit magnitudinem : quædam partes jam extrapellem prorumpunt , aliæ intus , sed absolutæ reconduntur . Sed posteriorum pedum digiti adhuc membrana tenui vestiti apparent . Nymphæ adeo speciem præbent , cum pellem nondum penitus exuerunt . Vesiculæ capiti proximæ maris sunt propriæ ; pars quoque illa quæ in anterioribus pedibus musculum pollicis nostri refert , quater fere major est in mare quàm in foemina .

Itaque insecta inter sanguinea animalia , & plantas medio sunt loco constituta , & cum utriusque magnam habent affinitatem : extremis inter sanguinea , supremis inter vegetabilia sunt finitima . Unde vir ille doctissimus , cujus sæpe mentionem facimus , ea comparat cum Caryophyllis . In medio seminis extat album tuberculum , tanquam umbilicus : ubi semen intumescit , hanc membranam disrumpit ; apex seminis deorsum inflexus radices procreat , tum ovo , aut semine in duas partes dehiscente foliola sursum emittit , & primam pelliculam ut insecta exuit . Cum adolevit caulis florem gemma conclusum & convolutum instar nymphæ vel aureliæ profert , ac tandem flos ipse sese explicat

in.





inſtar papilionis . Verùm iſta identidem expoſuimus .

C A P U T VI.

De pulli procreatione .

OMnium quidem animantium ovum eſt velut commune primordium : quædam tamen vivos fœtus , alia ova duntaxat procreant . Hinc ſolennis diviſio animalium in vivi para & ovipara . De oviparis hoc loco dicendum , quam natura viam inſiſtat in pulli procreatione , paulo diligentius intuentum . Neque enim diverſa fere eſt aliorum animalium ratio . Hoc argumentum poſt Ariſtotelem , & Fabricium ab Aquapendente præter cæteros accurate pertractavit Guillelmus Harvæus , & omnium diligentiffime Marcellus Malpighius . Hinc præcipua deſumam , quæ hoc capite complectar experimenta .

Primum itaque partes ex quibus ovum componitur , tum illius in gallinæ utero procreationem , poſtremo qua ratione pul-
lus ex ovo formetur , quàm potero dilucide expediàm . Auctor tamen iis fue-
rim , quĩ hæc naturæ miracula perſpecta habere volunt , ut ipſi experiri , & obſervare non graventur , quæ longe melius ex oculis ipſis , quàm ex aliorum relatione diſcuntur . Sed ad rem ipſam veniendum .

In ovo hæc ſunt , teſta , membrana communis quæ teſtæ adhæret , alia huic ſub-

jecta quæ albumen involvit. Albuminis partes duæ exterior, & liquidior, quæ quidem perforata membrana effluit, interior altera, & crassior quæ tenui quoque membranula ab externo albumine separatur: id quippe sublato cortice & priore tunica pertusa non diffluit. Albumen quoque alia membranula à vitello dividit, in cujus medio alba quædam velut cicatrix inest: quæ quidem, ut postea dicetur, est primum pulli exordium. In utroque ovi apice sunt duæ chalazæ, quas falsò putant esse ovi germina: hæ vitellum cum albumine connectunt. Sunt enim albuminis & vitelli membranæ in nodos, instar funiculi contortæ. Hinc vitellus ægre ab albumine divellitur, nisi disruptis chalazis. Hæ quippe sunt velut ovi duo cardines quorum ope vitellus in medio continetur. Unaquæque tribus velut globulis, aut grandinibus constat.

Ovum sic formatur. In ovario, quod eo fere loco in avibus est collocatum, ubi in viviparis est septum transversum, seu diaphragma, ovorum rudimenta, tanquam ut in racemo, disposita cernuntur. Majora in ovarii circuitu sunt; ac præter tunicam cuique propriam, ab ovario aliam quoque mutuuntur, cujus ope ipsi adhærent fundamento: sic enim vocant corpus quoddam spongiosum ad spinam dorsi constitutum. Vitelli majores facti, abrupto pedunculo per infundibulum, seu membranam quæ ex arcta fit amplior, decidunt in uterum. Hic in gallina quæ nondum

dum ova peperit, adeò parvus est, ut vix fabam capere possit: sed in prægnante jam ovo excipiendopar est. Multis cellulis instar illius intestini, quod colon vocitant, distinguitur. Hujus principium est infundibulum; pars media albumen suppeditat, extrema ovum jam formatum complectitur. Plicæ complures, aut spiræ, quæ & carnosæ, & albæ sunt, interiorem uteri partem exasperant. Lentus quoque & candidus humor ex eo exsudat: hinc vitellus, aut potius ovum sensim augetur. Pars media uteri instar contorti tubuli, aut cochleæ conformata, vix ovis vacua invenitur. In pullis, aut gallinis jam effœtis in tenuissimas abit membranas. Sed in fœta, aut ovis gravida uterus totus carnosus est, amplius, ductilis, anfractuosus.

Itaque vitellus ex racemo per infundibulum in superiorem uterum delabitur; tum circumdatur albumine, neque usquam utero adhærescit. Nam ut frumenti granum humore intumescit, sic albumen ex uteriplicis incrementum capit. In extrema uteri parte membranas, & testam acquirit durior. In utero non alia quidem ratione augetur, quàm vitellus in ovario, nisi quod in racemo, vel ovario alimentum per vasa defertur; in utero jam parato imbuitur albumine: utrobique per juxta positionem partium, applicati alimenti concoctionem, & distributionem. Non enim minus fabæ nutriuntur humore qui per spongiosas membranas subit, quàm si eum per venarum oscula admitterent.

Z 5 Illud

Illud verò non prætereundum à Malpighio tractatu de Bombyce observatum, extimam ovi gallinacei membranam variis furculis inter se mutuò contextis & diaphanis distinctam videri. Testam verò frequentes velut cicatrices, & quasi quædam stigmata exasperant, ex quibus fortè humor spermaticus in ductus membranæ spargitur. Quod autem illa foraminula sint pervia, ex guttulis concreti cujusdam succi, qui in ovis recentibus ex iis velut maculis erumpit, dum ova igni admoventur, meritò conjicit. Quod ex eo quoque confirmatur, quod ova in spiritu vini, aut oleo sulphuris atramento infecti cocta membranæ subjæctæ ductus nigris maculis infectos exhiberent. Et quidem papilionum ova quæ fecunda sunt, plexus illos reticulares, & variè intextos in ipsis testis, oculis microscopio adjutis ostendunt, & spatia ovalis pene figuræ intercipiunt. Hi ductus succo implentur diaphano. Hi quidem plexus in ovi gallinacei testa non apparent, sed in membrana huic subjæcta; atque eorum ramuli à communi trunco non prodeunt. Quæ autem infœcunda sunt papilionum aut bombycum ova, succo illo violaceo destituuntur.

Jam naturæ progressum in pulli formatione fusè prosequitur Harvæus. Sed hoc ipsum longè accuratius præstitit Malpighius, exquisito admodum microscopio adjutus, & sæpiùs iteratis observationibus. Quæ igitur sunt observatu digniora, in pauca conferam.

Ac primum in ovo fecundo ante incubationem cicatrix, cuius jam meminimus, lentis æquat magnitudinem, eamque per microscopium visam sic exhibet idem author, ut in medio sui circum candidum contineat, in quo est colliquamentum c, plures in parte summa apparent vesiculæ. Sed in medio huius colliquamenti, jam prima pulli rudimenta conspiciuntur, illius nempe velut carina est D, cum rotundo capite, sacculo, seu vesica fatis ampla, E quæ partem carinæ inferiorem tegit: succedit lata velut area F, hanc postea vasa umbilicalia irrigabunt. In ovis subventaneis primum illud pulli rudimentum non cernitur. Vide ult. tab.

Post sex incubationis horas mense Julio jam cicatrix multum increverat, & pisi magnitudinem æquabat; reliqua ferè paululum distinctiora apparebant: & circa pulli carinam D. spatium fatis amplum F variis foraminulis pertusum, sublutei coloris, quæ umbilicalis area ab eo Auctore vocitatur; ex ea enim omne pulli alimentum prodibit.

Post horas duodecim carina variæ vesiculæ, vertebrarum nempe rudimenta videbantur. Exactis 18. horis, cicatrix jam multo auctior versus obtusum ovi angulum ascendebat. Post viginti quatuor horas jam carinæ cavitas quædam, & spinalis medullæ locus parabatur.

Exacto die integro cicatrix multum aucta, jam area umbilicalis F velut ri-

vulis interrupta apparebat, & inferior sacculus E succo diaphano turgebat. Sed & prima cerebri initia, seu distinctæ vesiculæ formabantur, imò & cordis rudimentum extabat, quod post triginta horas multò distinctius cernebatur, cicatricula in varios delineata circulos, & umbilicalis area variis vasis distincta: imò & oculi jam emergebant, & medullæ spinalis spatium excavatum. Post triginta sex horas umbilicalem aream vasa distinguebant, & velut rete quoddam efficiebant. Jam suprema capitis vesicula plumbeo liquore turgebat, cum reliquæ quatuor minores humore diaphano plenæ essent.

Post quadraginta horas venarum ramuli ab extremo cicatriculæ limbo H in cor productæ erant apertiores; tunica, quæ amnion dicitur, emergebat, ut quidam sacculus carinam involvens: jam cor pulsabat. Ad duos usque dies completos vasa umbilicalia primùm sublutei coloris, tum rubiginem referebant, tandem sanguinea visa sunt; jamque oculorum rudimenta F, (vide secundam figuram,) vesiculæ cerebri distinctiores apparebant; cor ipsum utcunque delineatum G pulsabat. Vertebrarum nodi erant illustriores.

Completo altero incubationis die, cerebri vesiculæ A cum spinali medulla B erant continuatæ, ut in tertia figura videre est; post aliquot horas duo oculi cum crystallini humoris rudimento; cor ipsum auricula instructum, & pulsans apparebant. Nam exceptum à venis sanguinem in dextrum

PARS TERTIA. 347

trum ventriculum, inde in arterias auricula pellebat.

Post triduum elapsum, cerebri suprema vesicula cæteris eminens succo diaphano referta videbatur. Jam oculi in varios circulos distincti, alæ extensæ, & cor majus videbatur. Sanguinem ab auricula in dextrum, tum in sinistrum, tandem in arterias propellebat; ab eo umbilicales rami prodibant, qui varios plexus formabant.

Quarto die elapso vasa sanguinea valde ampla; albumen fusum, pullus amnio inclusus curvato corpore; oculi nigro circulo, & distinctis humoribus conspicui; cerebri, & cerebelli substantia, carina molli carne tecta: alæ, & crura producta; cor ipsum multo distinctius apparebat: ex abdomine vasa umbilicalia prodibant: his proxima erat vesicula humore plena.

Post quintum diem in capite admodum amplo vesicula cerebri substantia fibrosa impleta cernebatur: patente thorace cor extabat suis ventriculis, & sinistra auricula instructum. Jam viscera oculis subjecta, pulmones imprimis subrubri, & vasa umbilicalia vitellum pervadebant.

Sexto die completo magnam vitelli partem vasa umbilicalia occupabant, toto albumine colliquato.

Septimo die exacto, cuncta erant auctiora; cor in thorace levi pellicula tectum pulsabat, sinister illius ventriculus longe amplior, & rubicundior erat, dextra auricula major. Jam costulæ candidæ

ap-

apparebant, & molles, jecur itidem ex oblongis glandulis compositum.

Cuncta in dies augebantur: chorion, seu alterum fœtus involucrum circa decimum diem usque ad crassam albuminis partem extensum; jecur subrubrum & ex glandulis conflatum turgente bilis folliculo: atque ita partes usque ad pulli exclusionem paulatim formatæ apparuerunt, donec post vigesimum diem cortice friabili pullus jam pipiens ictu rostri corticem percutiens exitum quæreretur. Pars vitelli abdomine conclusa illi pro lacte est.

Atque hic locus de pulli conformatione simul & de totius naturæ contemplatione concludi potest. Quem non paucis quidem, id enim fieri non potuit, cum materia sit latissimè fusa, sed quàm paucissimis fieri licuit, ita complexi sumus, ut rerum cognitionem cum utilitate aliqua conjunctam traderemus. Nam ut optimè Tullius nos admonet, cognitio, contemplatioque naturæ manca est, & inchoata, si nulla actio rerum consequatur. Verum in eo maximè posita est hujus scientiæ utilitas, ut ex opere opificem agnoscamus, & toto pectore eum veneremur. *Vani autem sunt omnes homines, in quibus non subest scientia Dei, & de iis quæ videntur bona, non potuerunt intelligere eum qui est, neque operibus attendentes agnoverunt quis esset artifex. Sap. 13. Illa quoque Sapientis conclusio altiùs est animo infigenda: Faciendi plures libros nullus est finis; frequensque meditatio carnis afflictio est. Finem loquendi pariter omnes audia-*

PARS TERTIA. 543

audiamus : Deum time & mandata ejus ob-
serva : hoc est enim homo . Ecclef. 12. Hæc
enim summa est omnium quæ sapientes
memoriæ posteritatis tradiderunt . Quæ
autem divina Providentia occultare voluit,
ne curiosè scrutemur .

F I N I S.

IN-



INDEX RERUM ET CAPITUM.

Physicæ pars tertiâ. De corpore animato, seu de rebus vita & sensu præditis. Pag. 5.

tractatus I. De facultate animali & illius organo. 5

Dissert. I. De sensu interiore & illius organo. ibid:

Cap. I. De natura animæ sentientis. 7.

Cap. II. De sensu universim. 14

Cap. III. De sensuum interiorum functionibus. 25

Cap. IV. De structura cerebri. 28

Cap. V. Quæ sint præcipui cujusque partis cerebri usus. 34

Cap. VI.

I N D E X

Cap. VI. *Quæ sint præcipuæ animæ
sentientis facultates.* 40

Cap. VII. *De somno & vigiliâ, ac
de præcipuis animalium functioni-
bus.* 53

Dissert. II. *De motu animalium.* 66

Cap. I. *De nervorum structura.* 66

Cap. II. *Nervorum origines perstrin-
guntur.* 70

Cap. III. *De motu animalium sponta-
neo in universum.* 74

Cap. IV. *De structura & actione mu-
sculorum ex Alphonso Borello.* 88

Cap. V. *De incessu hominis.* 107

Cap. VI. *De incessu animalium.* 117

Cap. VII. *De volatu.* 128

Cap. VIII. *De natatu.* 136

Cap. ultimum. *De motu animalium
naturali.* 143

Dissert. III. *De sensibus externis, &
eorum organis.* 147

Cap. I. *De tactu & illius organo.*
ibid.

Cap. II. *De gustatu & illius organo.*
156

Cap. III. *De olfactu & illius organo.*
161.

Cap. IV. *De auditu & illius organo.*
166.

Cap. V.

I N D E X

Cap. V. De visu & illius organo.
180.

Cap. VI. De visione. 191

Cap. VII. Quadam visus phanome-
na, aut problemata explicantur.
198.

Cap. VIII. Quadam circa perspicui-
liorum & microscopii usum expli-
cantur. 204.

*Differt. IV. De objectis sensum exte-
riorum. 113*

Cap. I. De saporibus. 114

Cap. II. De odoribus. 221

Cap. III. De sona. 225

Cap. ultimum. De coloribus qui fixi
& reales dici solent. 243

*Tractatus. II. De vitalis facultatis fun-
ctionibus & organis. 255*

*Differt. I. De respirationis organis &
usu. ibid.*

Cap. I. De asperæ arteriæ fabrica &
usu, necnon de vocis organis. 276

Cap. II. De pulmonum fabrica &
usu. 284

Cap. III. De diaphragmate. 289

Cap. IV. Quomodo fiat respiratio.
298.

Cap. V. Principi respirationis usus.
308.

Dis-

I N D E X

| | |
|--|--------------|
| <i>Dissert. II. De motu cordis & sanguinis.</i> | 318 |
| <i>Cap. I. De structura cordis . . .</i> | <i>ibid.</i> |
| <i>Cap. II. Quæ sit cordis motus effectrix causa.</i> | 330 |
| <i>Cap. III. De motu sanguinis, & illius circulatione.</i> | 338 |
| <i>Cap. IV. De arteriarum structura & pulsû.</i> | 351 |
| <i>Cap. V. De perturbato cordis & sanguinis motu, ubi pauca de febribus.</i> | 358. |
| <i>Cap. VI. De natura febrium intermittentium.</i> | 369 |
| <i>Tractatus III. De naturali facultate, illius functionibus & organis.</i> | 385 |
| <i>Dissert. I. De vi altrice.</i> | 386 |
| <i>Cap. I. De prima alimentorum præparatione.</i> | <i>ibid.</i> |
| <i>Cap. II. De secunda alimentorum præparatione.</i> | 392 |
| <i>Cap. III. Quæ sit causa effectrix digestionis.</i> | 401 |
| <i>Cap. IV. De chyli in vasis lacteis motu.</i> | 412. |
| <i>Cap. V. De usu ventriculi, & variis ejus affectibus.</i> | 420 |
| <i>Dissert. II. De sanguinis in visceribus percolatione.</i> | 436 |
| <i>Cap. I.</i> | |

I N D E X

- Cap. I. De sanguinis in hepate præparatione. 437
- Cap. II. Quomodo sanguis in liene percoletur. 447
- Cap. III. De sanguinis per renes percolatione. 452
- Cap. IV. De sanguinis analysi Chymicâ. 462.
- Cap. IV. De sanguinis analysi mechanicâ. 469
- Dissert. III. De partium conformatione. 481
- Cap. I. De insectorum ortu. ibid.
- Cap. II. De partium conformatione in insectis, ac primum de iis quæ perfecta dicuntur. 429
- Cap. III. De secundo genere insectorum. 500
- Cap. IV. De tertio insectorum genere. 510.
- Cap. V. De Bombyce nec non de quarto insectorum genere. 518
- Cap. VI. De pulli procreatione. 535

F I N I S.





၁၁၀၆၆

